


გურამ  
დოჩანაშვილი



**განსვდგომი  
უუაკასი**

„ნაკადული“  
თბილისი, 1983

გურამ დოჩანაშვილის ეს კრებული თემატურად მრავალფეროვანია.

მოთხრობების მოქმედი გმირები თითქოს ყველაფრით განსხვავდებიან ერთმანეთისაგან — ასაკით, ხასიათით, ეროვნებით... თანამედროვე ქართული სოფლისა და ქალაქების მკვიდრებთან ერთად (მოთხრობა „განსმდგომი შუაკაცი“) გვხვდებიან პერსონაჟები, რომლებიც შუა საუკუნეების სპარსეთსა („მზიარული ბორცვი“) და გასული საუკუნის ესპანეთში („ვატერ (პო) ლოო, ანუ აღდგენითი სამუშაოები“) სახლობენ.

და მაინც, მოთხრობებს ორი ძირითადი თემა აქვს. ესაა ხელოვნებისადმი სიყვარული და სიკეთე, ხან უკიდურესობამდე გამჟღავნებული, ხან — ძნელად ამოსაცნობი, დაფარული...

© „ნაკადული“ 1988 წ.

## მხიარული ბორცვი

და ისე მოხდა, რომ ჩემმა მბრძანებელმა, მიუწვდომელმა და ყოვლისმცოდნემ, უხმომ, დაფარულმა, სწორედ ამ ქვეყანაში გამომავზავნა. მე, მტვერი ფერხთა მისთა, მარად უძლური მის იღუმალ სიბრძნეთა წინაშე, მორჩილად ვისმენდი ძუნწ, მკაცრ დავალებას და ზურგი რომ შემაქცია, მე, ამჩატებული, მბრძანებელივით უხილავი და მოთვალთვალე, ნიადად ავედევნე კობწია ხომალდს და ჩემი წყალობით იალქანი ამაყად გამოიბერა. ანძის სიმალიდან დავეკქეროდი უცნობ, ფერადჩალმიან ადამიანებს, და მოოქვილ სარტყელზე მოქანავე გახნეკილი ქარქაშის მიხედვით ხმლის გამოცნობა რა იყო ჩემთვის, — არაფერი. ეს კი არა, მე ისიც ვიცოდი, ამპარტავანმა კაცმა თუნგი რომ მიიყუდა, რამდენი წვეთი შარბათი შესვა, მე სახელიც მაშინვე გავიგე მისი — სიდ ბენ იჯნპალი. არა მგონია იმასაც სცოდნოდა ჩემი იქ ყოფნა, თუმცა პირველივე სიტყვა, მისი თხელი ტუჩებიდან მომწყდარი, ჩემი სახელი იყო: „სი-მართლე რომ ითქვას...“ ასე წარმოთქვა მან, მე — სიმართლე ვარ, ხანდახან სინამდვილესაც შეძახიან, მაგრამ ეს სახელი, სიმართლე უფრო მომწონს, მე — სიმართლე ვარ, ყველგან მოარული, მოხეტიალე, უჩინარი მოწმე, ყოველივეს დამნახავი მაწანწალა, ვერაფერი გამაოცებს, არც იმას გავუეკვირვებივარ, თანამოსაუბრე ბენ ინჯპალს ჩემი მბრძანებლის სახელით რომ დაეთანხმა: „ქეშმარიტებაა, ქეშმარიტება“, ასე დაეთანხმა თანამოსაუბრე სიდ ბენ ინჯპალს.

და მაინც, ხომალდზე მოწყენით ვიყავ, აბრეშუმის ნახ იალქანს მსუბუქად მიყრდნობილი. აქ, როგორც ყოველი მგზავრობისას, ადამიანები ნაკლებად წააგავდნენ თავიანთ თავს — თუმცა მშვენიერი დარი იდგა, გულის კენჭი და მშვენიერი დაღუპვის შიში აიძუ-

ლებდა მგზავრებს. უფრო უკეთ მოქცეულიყვნენ, ვიდრე საერთოდ სჩვეოდათ და თავაზიანად მასლაათობდნენ. ამჟამა ბენ იჯნალმაც კი, მთელს ისპაჰანში სიმდიდრით განთქმულმა კაცმა, ჩვეულებრივი მოკვდავივით აღნიშნა — „სიმართლე რომ ითქვას, ხომალდზე არა ცხელა“, ასე აღნიშნა მან. და იქვე მდგარმა ასინ-თავმა, მდიდარი კაცის უშუალობით აღტაცებულმა, მაშინვე კვერც დაუკრა: „ქეშმარიტებაა, ქეშმარიტება...“ უგუნურო! მეც კი, თავად სიმართლემ, არ ვიცი მბრძანებელი.

მერე მე მხარი შოვინაცვლე და ცას დაეუწყე თვალეირება. თვალმოპუტული შევცქეროდი მზეს, ღრუბლებს, ვინ იცის, მერამდენედ ვათვალეირებდი გავარვარებულ დისკოს, მე ვიცოდი ზომა, მოცულობა, სიძლიერე, გზა მისი—მრავალკერ ამომწვარი და მაინც უხილავი, ვიცოდი მისი სიჩქარე, ლაქები და დანიშნულება და ყოველივე ამის მიუხედავად, შემზარავი იყო იმის გაფიქრება, რომ მე მაინც არ ვიცოდი, რა იყო მზე — ან როგორ შეიქმნა, ან რამ გაათბო... დაძაბული და აფორიაქებული, იქამდე შევცქეროდი, სანამ ზღვის მიღმა დიდებულად არ ჩაეშვა და გაუჩინარდა თუ არა, წითლად შეფერილ დასალიერს თვალი ავარიდე და ცა მოვათვალიერე. მე შევცქეროდი ღრუბლებს, თანდათან რომ მუქდებოდნენ და მოწოლილ სიბნელეში თითქოს გამკვრივდნენ, მაგრამ მალე სრულიად გაუჩინარდნენ, ვპოულობდი მბუტბავ ვარსკვლავებს, უწყესრიგოდ რომ ჩნდებოდნენ ღამეულ ცაზე და სუსტი ციაგი თვალს მიმშვიდებდა; მე რომ სიმართლე არ ვყოფილიყავ, შეიძლება ისეც კი მომჩვენებოდა, თითქოს ცაზე დამსხვრეული მზე მიმობნეულიყო, მაგრამ მე არა მქონდა ამის უფლება და მხოლოდ ის მიკვირდა, ამ შორეულ და ამოუცნობ, მაგრამ მიწიდან მაინც ერთნაირ კაშკაშს როგორ დაარქვეს ადამიანებმა ისეთი განსხვავებული სახელები, როგორიცაა მეეტლე, ქალწული, ღრიანკალი... და რადგან ბნელოდა, და ღამე იყო, მსუბუქად ჩამოვცურდი ანძაზე მე, უხილავი, და ხომალდის პაწია ოთახები დავიარე — ძალიან მიყვარს ადამიანების თვალეირება, როცა პირველი ძილით მიყუჩდებიან ხოლმე. მე დავცქეროდი მოქანცულ მეზღვაურს, მართალი დადლილობით გარუჯულ სახეზე და ამ კუთვნილი ძილით მოხიბლული, მის საწოლთან კარგა ხანს ვტივტივებდი და მძიმე ჰაერი ჩემითაც გააჟღინთა, მერე მივადექ თვით სიდ ბენ იჯნალს, ვისი ერთადერთი ვაჟიშვილის გამოც ამ, ხომალდს დამადევნა

აბრძანებელმა, მერე ზიზლით ავითვალისწიერე პირდაფრენილი ასის-  
თავი და მისმა უსიამოვნო გამომეტყველებამ ისევ მღვიძარი ადა-  
მიანი მომანატრა და აჭრიალებულ საქესთან გახევებულ, ყვრიმა-  
ლებდაბერილ მეზღვაურს, ჯიუტად რომ იცქირებოდა სიბნელეში,  
ნაზად შევეხებე მხარზე. მერე კი, ხომალდზე მყოფთა ფშვინვითა და  
დაბუყებული სახეებით გაღიზიანებული, მიყუჩებულ ზღვაში გადა-  
ვეშვი და მთელი ღამე მხიარულად დავდევდი უზარმაზარ, გაცელ-  
ქებულ თევზს, მოქნილი კუდით ღონივრად რომ აპობდა ზვირთებს  
და ამოხტომისას გლუვი ზურგი უპრიალებდა.

\* \* \*

დიდი ქალაქი, ისპაჰანი, გმირთაგმირს ხვდებოდა.

მე დავნავარდობდი მეჩეთებიან ქალაქში, ხან დავძვრებოდი  
ხალხში, დიდიან-პატარაიანად რომ გამოფენილიყვნენ ქუჩებში და  
მათი ერთსულოვანი ქებათა-ქება მესმოდა — ყველას პირზე ეკერა  
გმირთაგმირის სახელი; ხან ავიჭრებოდი ზემოთ, დავცქეროდი ისევ  
მათ — ამსიმაღლიდან დაპატარავებულებსა და ერთნაირებს, მერე  
მე დავინახე, როგორ გაიფინეს ფერადი ნოხები და ლოცვას შეუდ-  
გნენ და სიოდ შევეხებე მეჩეთის კენწეროდან გადმომდგარ მოლას.  
ვისი ტკბილ-გამყივანი მოთქმაც შუადღის ხვატში სქლად გაიჟღინ-  
თა. ყველა გაიტრუნა, თითქოს ყოველივე გადაავიწყდათ, მე კი  
ერთი სული მქონდა, სანამ გმირთაგმირს დავინახავდი — მე ხომ  
ვიცოდი, რა როგორ იყო... არად მიღირდა, შესახვედრად რომ  
გავქანებულოყავ, მაგრამ მისი დანახვა სწორედ აქედან, ამ ხალხ-  
თან ერთად მინდოდა და აფორიაქებული, მოუთმენელი, მიწის  
პაწია ნასვრეტებიდან ღრუბლებამდე დავქროდი და დრო ასე გამ-  
ყავდა. და როცა შორს, გზაზე, მტვერი აიზიდა, მე დავინახე თვით  
გმირთაგმირი, რომლის სახელსაც ამ ორი დღის უკან სანუკვარი  
სიტყვა „ხანი“ დაემატა — მტვრიან გზაზე, დიდებული ეტლით  
თვით არებ ხანი მოდიოდა! იგი იდგა ინდოეთიდან ჩამოყვანილი  
თეთრი ხარებით შეკაზმულ ეტლში, რომლებმაც აჯილლა ცხენებივით  
მსუბუქად სირბილი იცოდნენ, თავდახრილებს, წითლად შეღები-  
ლი რქები წინ გაეშვირათ და ვაი იმას, ვინც ეტლს გზაზე გადა-  
უდგებოდა,

სატახტო ქალაქი; ისპაჰანი. გმირთაგმირს ხვდებოდა, ეტლის

გამოჩენისთახავე ძალიან გრძელი საკრავები — კერენაი ცისაკენ აიშვირეს ღონიერმა მუსიკოსებმა, ჩაპბერეს და მეც კი, თავად სიმართლეს, სხვა დროს ასეთი შემზარავი ბლავილი არც გამიგია. მაშინვე დაირები, ბუკები და დაფდაფები აპყვენენ კერენაის და ამ წარმოუდგენელ ღრიანცელში მე მაინც გავარჩიე რალაც უცხო, ველური პარმონია. ეტყობა, არებ ხანსაც მისწვდა ეს ხმები, რადგან წელში უფრო გაიმართა. იგი ქალაქში შემოდინოდა დემავენდის მთის მხრიდან, მდიდრულად გამოწყობილი ხუთი ათასი მხედარი ჩამწკრივებულიყო გზის პირას, ქარი კი ქროდა და მტვერი სახეში ეხლებოდათ, მაგრამ ვინ შეატოკებდა თავს — მეჩეთებიან ქალაქში გმირთაგმირი შემოდინოდა!

მთელი ქალაქი გამოფენილიყო მთავარ გზაზე, არებ ხანს აღტაცებულნი შეპყურებდნენ მღებავები და ვაჭრები, პატივისცემით აღვსილი მეომრები, ასეთი დიადი ზეიმით განცვიფრებული ფეიქრები, თვალები უელავდათ პირაკრულ ქალებს, მაიდანელი უსაქმურები ჩალმებს პაერში ისროდნენ და თვით აულელვებელ სიდ ბენ იჯნალს თვალზე სიხარულის ცრემლი უკიაფებდა „მეგობრობა, — ამბობდა ხანდახან ბენ იჯნალი, — ნამდვილი მეგობრობა — აი, ერთადერთი, რაც კი ცხოვრებაში არის“. ასე ამბობდა ბენ იჯნალი, არებ ხანი კი მეგობარი იყო მისი. ახლა სად მეცალა, თორემ მის ერთადერთ ვაჟიშვილს, პირდაფჩენილი ისე რომ ვახევებულიყო, თითქოს რაიმეს ფიქრობდა, უკეთესად შევათვალერებდი, მაგრამ ამ წუთას მაინც არებ ხანი მაინტერესებდა, თუმცა ამ ქვეყანაში მბრძანებელმა სწორედ ბენ იჯნალის ვაჟიშვილისათვის გამომგზავნა. ერთი მაინც ავხედ-დავხედე და გამიკვირდა — ღირდა კი ამ ლოქოსათვის ამსიშორეს წამოსვლა? მაგრამ მბრძანებელს უკეთ მოეხსენება ყველაფერი და იმ იმედით, თეთრ ფარჩაში გამოწყობილ ყმაწვილს სხვა დროსაც რომ ვნახავდი, ისევ არებ ხანისაკენ გავქანდი — იგი კი, მზისა და მტვრისაგან თვალმოკუტული, ოფლით გაცვარული, გაჯგიმულიყო და მაინც ზანტად ათვალერებდა აღტაცებულ ხალხს და დაბინდულ მზერაში უცებ კმაყოფილება გაიკლაკნა: მართლაც რომ მეფუერი იყო შაპის საჩუქარი — არებ ხანისკენ ოცდაათი საუცხოო ცხენი მოქროდა, ზურგზე ფოცხვერის ტყავი ეფინათ; დაოთხილი ცხენები, ოქროს ლაგამითა და ბრილიანტებით მოოჭვილი უნაგირებით, ყოველ ცხენს კი, რაც მთავარია, ლამაზი ქალი მოაგელვებდა. ბულში მოჩ-

ვენებასავით ატივტივებულ მხედრებს ყვრიმალეზდაბერილი ათვალიერებდა არებ ხანი, პირბადე კი არ ჰქონდათ ჩამოფარებული — ხავერდის მკიდროდ შემოტმასნილ შარვლებსა და გამჟვირვალე აბრეშუმში გამოწყობილნი, თავად საჩუქარნი, მხიარული ყიფინით მოაგელვებდნენ ნაჩუქარ ცხენებს და ახტუნავეებული ოქროს ყელსაშკაულები ალაგ-ალაგ მოულოდნელად ფეთქდებოდნენ მზეზე. და შომაველ ნეტარებათა თვალნათლივმა წარმოდგენამ უფრო მოუქუფრა სახე გმირთაგმირს და ქვედა ტუჩი ძალიან ნელა, სიამოვნებით აილოკა. მოახლოებულმა მხედრებმა მარჯვედ შეაჩერეს ცხენები და ავარდნილი ბული რომ გაიკრიფა, თავყანი სცეს ახალ პატრონს და ეტლს აედევნენ, ქალაქის კარიბჭესთან კი საუცხოოდ მორთულ, დამჯერ აქლემს ტანმომცრო მსახურმა მუხლზე მსუბუქად დააკრა ჯოხი და მორჩილმა პირუტყვემაც მაშინვე ჩაიჩოქა. არებ ხანი ეტლიდან გადმოვიდა და გოროზად მოკალათდა ორ კუბ შორის კოხტად ჩაგებულ, გედის ბუმბულით დატენილ ბალიშზე. აქლემი წამოდგა და თანაბარი, ძლიერი რწყევით ქალაქში შეიყვანა არებ ხანი, ჯანმრთელმა მუსიკოსებმა უფრო ააბლავლეს კერენაი, დაირასაც მომეტებულად აჩხაკუნებდნენ — დიდ ქალაქში ევენებითა და ზანზალაკებით აუღრიალებულ აქლემზე ამყად მჯდარი შემოდდიოდა... თუმცალა, კმარა, მე აღარ შემიძლია ვახსენო ეს გაპრანჭული სიტყვა „გმირთაგმირი“ — მეჩეთებიან ქალაქში პროვინციიდან აფრენილი ავაზაკი, არებ ხანი შემოდდიოდა.

ყურად აღარ ვიღებ აღფრთოვანებულ შეძახილებსა და ტაშისცემას, თვალს აღარ ვადევნებ ჰაერში აფრენილ ბრჭყვიალა ჩალმებს, მე ვათვალიერებ სოფელს, სადაც იზრდებოდი. ჰე, არებ ხან, არებ, ავაზაკო... შენ დაიბადე ჰაობიან, დამყაყებულ სოფელში, რომელსაც მორღოვი ერქვა. მიწა იქ არ ვარგოდა და წყალი, საქონელიც შიმშილით გეხოცებოდათ და, მშიერ-მწყურვალეებს, ჩამოძონძილებს, ნესტიან მიწურებში თვალეზჩადამებულეებს, წვალეზამ და გაჭირვებამ გასწავლათ, რომ არაფერზე გეფიქრათ და შენი სოფლელები, ცივ ღამეებში ცეცხლის პირას გახევებულნი, ვერაფერზე ფიქრობდნენ. შენს გულუბრყვილო თანასოფლელებს ხანდახან ცხელი კერძი თუ ეღირსებოდათ, საქმელს სულს არ უბერავდნენ, რატომ, რისთვის, არ ვიცი, ასეთი იყო მათი ერთადერთი გულუბრყვილო წესი, თავისით უნდა გაციებულყო ნანატრი კერძი და მოლოდინისას ისევ და ისევ ცდილობდნენ, არაფერ-

ზე ეფიქრათ. ასეთი იყო შენი ხალხი — შიოდათ, სციოდათ, წვა-  
ლობდნენ, თვლემდნენ. შენში კი, ავაზაკში, მთელი სოფლის დას-  
ვენებულმა სისხლმა იფეთქა და დიდ ქალაქს ისპაჰანს მოაშურე,  
რომელიც ახლა აღტაცებული ღრიალით გხვდებოდა და ოთხკუ-  
თხა სახლების ერობებიდან ვარდებსა და ყაყაჩოებს გესროდნენ,  
შენ გესროდნენ, ჩაქობებული სოფლიდან აფრენილო ავაზაკო.  
დიდ ქალაქში რომ მოხვდი, ერთხანს ყველაფერს დიდის გულის-  
ყურით აკვირდებოდი და სწრაფად აულე ყოველივეს ალლო —  
მშვილდ-ისრის ხმარება მშვენიერად შეისწავლე, იცოდი, სად უნდა  
ჩაგეცა დანა მტრისათვის, მლიქვნელური ლაპარაკიც დიდებულად  
აითვისე, გულუბრყვილო კაცად მოჩვენების ძნელ საქმესაც ზედ-  
მიწევნით ფლობდი და გამძვინვარებულ ვაჟკაცსაც ხშირად თამა-  
შობდი სხვების დასაშინებლად. ისე, ძნელი გზა კი გამოიარე, უც-  
ნაური იყო შენი გზა, ხიფათით მოფენილი — კაციც მოგიკლავს  
და პანდურიც მოგხვედრია. მაგ თავზე, ახლა რომ აღმასისთვლიანი  
ჩაღმა გადევს, ირიბი ნაკლვევი გეტყობა, რაც შენ მაშინ სისხლი  
დაღვარე... არ შეშინდი კი, რაც მართალია, მართალია, მერე უცებ  
ისე მოხდა, რომ ყველაფერში გაგიმართლდა და თვით შაჰის კარ-  
ზე მოხვდი, რა ღრიალია, ეს შენ გხვდებიან აღფრთოვანებულნი,  
არებ ხან, გმირთაგმირო...

პირველ ხანებში წვრილ-წვრილ საქმეებს გავალებდნენ, რო-  
გორიც იყო საექვო პირთა თვალყურის დევნება, ვისიმე მოკვლა,  
საიდუმლო ბრძანების წაღებ-წამოღება, მერე კი, გულმოდგინეო-  
ბით თავი რომ გამოიჩინე, შაჰის ამაღლაში შეგიყვანეს. დათაფლუ-  
ლი ენა გქონდა, არებ ხან, მაგრამ შენი უსიამოვნო, ქროლა თვა-  
ლები ერთხელ ამკარად არ მოეწონა ახალგაზრდა შაჰს და მისი  
გულის მოსანადირებლად უჩვეულო, გასაოცარი საქმე გადაწყვი-  
ტე — შეთქმულება. მშვენივრად იცნობდი რუსტამ ბეგს, გულიანი  
სიცილი იცოდა, გულუბრყვილო და მიმნდობი იყო, მაგრამ საოც-  
რად ამაყი და გაბედული. და როცა შაჰმა ერთხელ სიმთვრალეში  
ხელუკუღმა სთხლიშა, მას შემდეგ დამცინავად შეაცქერდებოდი  
ხოლმე და როცა იგრძენი, საბოლოოდ რომ აემღერა გონება,  
მიიხედ-მოიხედე, მერე თანაგრძნობა აღიბეჭდე სახეზე და მომავალ  
მეჭლისზე შაჰის მოკვლა შესთავაზე. აღუთქვი ისიც, რომ მაშინვე  
გვერდში ამოუდგებოდი და გამოაცხადებდი, რომ შაჰს ყველა იქ  
მყოფი ხანის სიკვდილით დასჯა სურდა, ეს კი ნამდვილად იყო-



დი — საიდუმლო ბრძანება შაჰის ხალათის ჯიბეში იდო; ამიტომ აღშფოთებული ხანები აუცილებლად მოგემხრობოდნენ, როგორც სიცოცხლის გადამრჩენელს, ახალგაზრდა შაჰის ნაცვლად კი სხვას ამოირჩევდნენ, რომელიც, ალბათ, ამ ამბის შემდეგ — აქ ისევ დამცინავად შეაქცერდი — ხელუკუღმა გარტყმას ველარ გაბედავდა. წამოჭარხლებულ რუსტამ ბეგსაც დიდხანს აღარ უფიქრია, გაქვავებული სახე შენკენ მოატრიალა და უხმოდ დაგიქნია თავი. და როცა მეჯლისზე, მთელი ისპაჰანელი დიდებულების თანდასწრებით შენ და შენი თანამზრახველი შაჰის ზურგს უკან იდექით, და როცა შეატყვე, პატარაზე რომ შეთვრნენ, მოლოდინით აღსავსე რუსტამ ბეგისაკენ გაიხედე და ოდნავ დაუქნიე თავი. იმანაც მაშინვე ისკუბა და ალაპლაპებული ხანჯალი რომ შემართა, ის იყო, უნდა დაექნია, მაგრამ შენც ისკუბე, მარცხენა ხელი მაჯაში სტაცე, მარჯვენათი კი ყელში ჩაეცი შენი წვრილი, გრძელი დანა და სამჯერ დაატრიალე. თან წელზე შემოხვიე ხელი, ფეხის წვერებზე შედექი და, თავგადავარდნილს, თვალებში ჩახედე. მსხვერპლი სუსტი გაკვირვებით ამოგაცქერდა და სანამ განცვიფრებასა და აღშფოთებას გამოხატავდა, სული დალია. რისხვისაგან გაფითრებულმა შაჰმა შემოგხედა, გიყურა, გიყურა, შენ კი მიამიტი, ერთგული გამომეტყველება დაიბრუნე და, სისხლში ამოთხვრილი ტანსაცმლითა და ხელებით, უწყინარი მღებავივით იდექი შეცბუნებული დარბაზის წინაშე.

ახლა კი, შაჰის სიცოცხლის გადამრჩენელს, ზეიმი მოგიწყო დიდმა ქალაქმა და ისპაჰანის აბლავლებულ ქუჩებში ამაყად შემოდინოდი, არებ ხან! გზადაგზა გართობდნენ, აქლემის წინ ყირამალა გადადიოდნენ მასხარები, ოინბაზები სხვადასხვა ხრიკებს გთავაზობდნენ, ინდოელი ქალები ცეკვისას დაუზოგავად აცახცახებდნენ სხეულს, ვარდები გაწვიმდა დაქანებულ მხრებზე, გმირთაგმირო. შაჰის სასახლეს რომ მიუახლოვდი, არაბული ცხენი მოგიყვანეს, ადგილზე ცმუკავდა, ორი მსახური ძლივს იჭერდა, სანამ შეჯდებოდი. მთელს სპარსეთში განთქმული ცხენი იყო, შაჰის მეჯინიბეები ოქროს უზარმაზარი თასიდან ასმევდნენ წყალს. ცხენს თავაწყვეტა უნდოდა, მაგრამ მაგარი ხელი გქონდა, ნაბიჯით წაიყვანე. შაჰის სასახლესთან ჩამოქვეითდი და დინჯად გაიარე საუცხოო ბაღები, ნუშისა და ბროწეულის ხეებით, შადრევნები სასიამოვნოდ აგრილებდნენ იქაურობას, პირთამდე სავსე მარმარილოს აუზებ-

ში უხვად ტიტივებდა ლიმონი, ატამი და ნესვი, კედლებზე წითელი ჩიტები და ყვავილები ეხატა და შაჰის დარბაზში რომ შეხვედი, კრიალა იატაკზე განერთხე. შაჰმა წამოდგომა გიბრძანა და პატივი დაგლო, მუხლზე გეკოცნა მისთვის.

...თარსა და ჭიანურზე უკრავდნენ, ლამაზი ქალები ჩანგს კენკავდნენ, შაჰი ალერსით შესტკეპროდა გმირთაგმირს, ზერე ლიმილით ჰკითხა:

— გიყვარვარ, არებ ხან?

გმირთაგმირსაც ბევრი აღარ უფიქრია, ისე უპასუხა:

— მარადძლიერი სიყვარული, ყოვლადძლიერო, — წარმოთქვა არებ ხანმა, — დაფარული უნდა იყოს, როგორც ზღვათა ფსკერზე ნიჟარაში ჩაკირული მარგალიტი.

მერე მზერა გველივით მოუცურა სახეზე და, კმაყოფილება რომ შეატყო, თავდახრილმა დაუმატა:

— მაპატიე, კარგად თუ ვერ გამოვთქვი ჩემი ჭეშმარიტი სიყვარული, ყოვლადძლიერო.

შაჰმა კი ტაში შემოჰკრა და ყურადღებით აფეთქებულ მსახურს ასე უთხრა:

— ის საფირონი მომიტანე.

ქალაქგარეთ, მინდვრებისაკენ გაჰქანდი, აღარ მინდოდა სასახლეში გაჩერება. ველარ გაუჟღელ ამდენ პირფერობასა და სიცრუეს, ისედაც ვიცოდი, რითი დამთავრდებოდა ყოველივე ეს — ჯერ ტბილეულს მიაერთმევდნენ სტუმრებს, მერე ოქროს თეფშებს დაალაგებდნენ მაგიდაზე და ათასნაირ საჭმელს ჩამოატარებდნენ. უხვად შეისმებოდა წითელი ღვინო, რომ გამოთვრებოდნენ, მაგიდებს წაიღებდნენ მსახურნი და, გამომტყვვრალეები, იატაკზე წამოგორებულნი გააგრძელებდნენ ქეიფს. რალა მინდოდა იქ, მთვრალეების გნიასი არაფრად მიიღის, ისევე ამ ბალახოვან ველზე ტალღად გადასვლა მერჩია და თუ გზადაგზა ბორცვს გადავაწყდებოდი, მსუბუქად ავიჭრებოდი ხოლმე. მალლა. იმ ბორცვებს კი, რომლებზედაც სადა, ფერადი ყვავილები იზრდება, მხიარულს ვეძახი. მრავლად მინახავს მოტიტვლებული, მკვდარი ბორცვებიც, აქ კი, ისპაჰანის ახლოს, ბევრი იყო მხიარული ბორცვი და მათი ყურება თვალს მიხალისებდა. თანაც, ვისაც დავეძებდი, აქ რომ გადავაწყდებოდი, მთელი ჩემი უხილავი სხეულით ვგრძნობდი და მოლოდინში სუნთქვა მეკვროდა.

ეს იყო სწორედ ის, ვისი შემჩნევაც მბრძანებელს ჩემთვის არ დაუვალვია და მაინც ვისაც აქამდე იმედგაცრუებული დავეძებდი მეჩეთებიან ქალაქში — მხიარულ ბორცვზე ამაყად შემდგარს შენ შეგცქეროდი, მაჰმუდ აალი!

მე მახსოვს შენი ფერმკრთალი სახე, შენი ხელები, დაძარღვული და გრძელთითა; შენი სახე და ყოველი ნაკვთი, შენი მომწვანო-მონაცრისფრო, შუქიანი თვალები, ახლა. მზეში მდგარს, ოდნავ რომ მოგეჭუტა და შუბლიც თითქოს შეკრული გქონდა; მე მახსოვს შენი თხელი, ფიქრისას დაბერილი ნესტოები, შენი ამაყად გამოძერწილი ყვრიმალეები და ნიკაპი, შენი წარბების შეტოკება მცირედ ხმაურზე და ოდნავ გაკვირვებული, შეეჭვებულნი სახე, სუსტი ღიმილით აბუუტებული; უბრალო ნაცრისფერი ჩალმითა და ფართო ხალათში გამოწყობილი, ამ ხალვათ სამოსში შენი შემხედვარე კაცი ვერ იფიქრებდა, ისეთი წვრილი წელი თუ გქონდა, ხანდახან კი, ათასში ერთხელ, დოინჯს თუ შემოიყრიდი, მარაოდ აღიოდა შენი სხეული წელიდან ბეჭებამდე, ჩემო რჩეულო მაჰმუდ აალი!

ყველაფერს მერჩია ახლა, შენთვის მეცქირა, საცა წახვიდოდი, კვალდაკვალ დაგდევნებოდი, შენს ირგვლივ მეტრიალა; შენ ვერ მხედავდი, მე კი ვიცოდი, როგორ გიყვარდი და მეც, თვით სიმართლეს, ამ ჭრელა-ჭრულა ხალხით გულგრილად მოღლილს, შენს დანახვაზე სიხარულმა დამიარა და ჩემით ათრთოლებული მუხლამდე ყვავილები ზვირთად მოგწვდა. შენი ყურება ყველაფერს მერჩია, მაგრამ ვიცოდი, მბრძანებელი საიდანლაც კუშტად რომ დამცქეროდა.

• • •

სიდ ბენ იჯნაალი სიმდიდრითა და გონიერებით მთელს სამეფოში იყო განთქმული. კაცი იყო, რა კაცი — ფული, გაგიხარია, ჰქონდა; დემავენდის მთიდან ჯიკიჯიკის ბორცვამდე იმისი რეჰა ბალახობდა, ბენ იჯნაალის ფეიქართა ნახელავი აქლემებით მიჰქონდათ შორეულ ქვეყნებში და ოქრო და თვალმარგალიტი ხომ, იცოცხლე, თავზე გადასდიოდა, ეს კიდევ არაფერი, სიბრძნითა და შორსმჭვრეტელობითაც იყო განთქმული — მის ადგილას სხვა ვინ დაიხსლოვებდა არებ ხანს, როცა იგი ჯერ კიდევ უბრალო ავაზაკი იყო. როგორც კი ამაზრზენ თვალებში მიაჩერდა, იმავე დღეს ცხენი

და იარაღი უბოძა და დახმარებაც აღუთქვა. არები ხშირად დაიარებოდა მასთან და ბენ იჯნაალი ყოველთვის გულუხვად ასაჩუქრებდა. ხელგაშლილობით კი არ მოსდიოდა, შიში იყო, შიში. მანამდე არავისთვის მიუერთმევეია საჩუქარი, შაჰისა და ხანების გარდა, იმათ კი, ო, იმათ მართლაც დიდებულ ძღვენს უგზავნიდა. „ალაჰსა ვთხოვ, — დააყოლებდა ხოლმე საჩუქარს სიდ ბენ იჯნაალი, — დიდი ხნის სიცოცხლე მისცეს მზისსადარ შაჰს და მისი ყოველი დღე კი ათას წელიწადს უდრიდეს“. ასე ამბობდა ბენ იჯნაალი, გულში კი ფიქრობდა: „თავის დაზღვევა და სიმშვიდე — აი, ერთადერთი, რაც კი ცხოვრებაში არის“.

დილაადრიან თავის სასახლეში გავლა-გამოვლა უყვარდა ბენ იჯნალს — მოკლე ნაბიჯით დაიარებოდა კრიალა დარბაზებში და აუარება ავლადიდებას ათვალეირებდა. ყურადღებით შესცქეროდა ოქროულს, ძვირფას თელებს, უცხოურ ბროლსა და ფუნთულა ბეწვეულს. „ქონება“, ფიქრობდა მაშინ ბენ იჯნაალი, „აი ერთადერთი, რაც კი ცხოვრებაში არის“. მაგრამ თვალი მაინც უცნაური რაჰაა და გულნაკლული ბენ იჯნაალი ხან აქეთ მიიხედავდა, ხან იქით, ბოლოს კი უძრავი ქონების თვალეირება მაინც ბეზრდებოდა და მოძრავი ქონებისაკენ, ესე იგი, თავისი ერთადერთი ცოლის, სორეია ხანუმის აბრეშუმით გაწყობილ დარბაზისაკენ მიეშურებოდა. ოჰ, იმას კი გულის ძილით ეძინა. ახლა, როცა მცირედ ფშვინავდა, ოდნავ მოძრავი ქონება იყო, საერთოდ კი, როცა მიდიმოდიოდა... მე თუმცა სიმართლე ვარ და ამიტომ თითქოს უფლება არ მაქვს, სხვადასხვანაირი შედარებები მოვიყვანო, მაგრამ იგივე სიმართლე მაიძულებს ვთქვა, რომ სორეია ხანუმი.. ნესვივით ქალი იყო, — გრილი, ტკბილი, დასაწაფებელი. და დილაადრიან, როცა საერთოდ წინდახედული, ძუნწი, თავშეკავებული ბენ იჯნაალი მძინარე ცოლს დაინახავდა, უცნაურად აუჩუყდებოდა გული, მოშორებით მიუწვებოდა, კისერს გაჭიმავდა, გაჭიმავდა და ლოყას ნაზად მიაღებდა შიშველ მკლავზე. იწვა ასე, სულგანაბული, „ნამდვილი ქალი“, ფიქრობდა გასუსული ბენ იჯნაალი, „აი, ერთადერთი, რაც კი ცხოვრებაში არის“. მისი შეძლების კაცს წესითა და რიგით უამრავი ცოლი უნდა ჰყოლოდა, მაგრამ სორეია ხანუმი მკაცრად აფრთხილებდა: „მოიყვან და... ცოცხალს ველარც მნახავ“. „არა, არა“, ამშვიდებდა ბენ იჯნაალი, „შენს მეტი არავინ მინდა“. სორეია მკლავებს წინ გაიშვერდა, ბენ იჯნალიც საჩქა-

როდ გაშლიდა მოკლე ხელებს და მაშინვე ერთმანეთს ჩაეხუტებოდნენ. მშვენიერი კარგი წუთები იყო — ძვირფას ხალიჩაზე იდგნენ, ერთმანეთს ჩახუტებულნი. „ულამაზესი ქალის თავდავიწყებული სიყვარული ვაუკაცისადმი“, ფიქრობდა გატრუნული ბენ იჯნალი, „აი ერთადერთი, რაც...“ სორეია ხანუმი კი მდიდრულად მორთულ დარბაზებს გასცქეროდა. და გულში იქაღნიდა: „როგორ, ამ სასახლეში სხვა ქალმაც იპარპაშოს? როგორ არა, დია-ახ!“

მაგრამ სიდ ბენ იჯნალი ყოველთვის როდი იყო ასეთი მორჩილი და ნაზი. მსახურებსა და ხელოსნებს მის დანახვაზე ფერი ეცვლებოდათ და უღრმესი პატივისცემით შეჰყურებდნენ — ბენ იჯნალმა იცოდა, სად როგორ დაეჭირა თავი. ამაყი და ნაძალადევად უკმაყოფილო სახით ჩამოუვლიდა ფეიქართა ნახელავს, შუბლს შეჰკმუხნიდა და მიდიოდა. შეწუხებული ხელოსნები ერთმანეთს გადახედავდნენ, უფრო გულიანად ამუშავდებოდნენ და გაიფიქრებდნენ: „არა, რაც მართალია, მართალია, უფრო კარგადაც შეგვიძლია მუშაობა“.

დღე ისე არ გავიდოდა, ნავაჭრი რომ არ მიეტანათ ბენ იჯნალისათვის. ოქროს ოქრო ემატებოდა, ალმასს — ალმასი. ფულიან კაცს მეგობრებს რა გამოუღლევდა, მაგრამ ბენ იჯნალმა ოთხი ღირსეული მოქალაქე შეარჩია მათგან და მხოლოდ იმათთან საუბრობდა. დაჯდებოდნენ ხალიჩაზე, ფეხმორთხმულნი, უძვირფასეს კრიალოსნებს ღინჯად მარცვლავდნენ და ზრდილობიანად საუბარსაც კრიალოსანს ააყოლებდნენ ხოლმე: „ალაპი, იყოს“, იტყოდა ბენ იჯნალი, ორ მარცვალს გადათვლიდა და მერე ისევ ორს მიაყოლებდა — „შაპის მფარველი“. „ალაპმა გისმინოს“, ტყუპად გაწკარუნდებოდა მეგობრების კრიალოსნები. მერე კარგა ხანს ჩუმად ისხდნენ და, როცა მრავლად გადათვლიდნენ მარცვლებს, მასპინძელი სიჩუმეს არღვევდა — „სიტყვა“, ამბობდა ბენ იჯნალი, „იშვიათი უნდა იყოს, მაგრამ უღრუბლო დღესავით ნათელი და ნირისის ფოლადივით შეუპოვარი“. სტუმრები მოწონების ნიშნად თავს აკანტურებდნენ და თვალმოჭუტულნი წრუპავდნენ შარბათს. „რად აღარ მოდიხარ ჩემთან სტუმრად“, ეუბნებოდა ბენ იჯნალს სახენაიარევი კაცი, „ოღონდ მობრძანდი და ორთავ თვალის სინათლეს ბილიკად მოგიძღვნი“. „მშვენიერი გამონათქვამია“, ცერით ორი მარცვალი მიითვალა სქელმა სტუმარმა, რომელსაც ირიბად ეხურა ჩალმა, — ცალი ყური ახალგაზრდობისას მოაჭრეს, — „ალაპსა

ფიცავ, მშვენივრად იყო ნათქვამი და ასეთი დიდებული სიტყვე-  
ბისათვის ძალა კი მხოლოდ ჭეშმარიტ მეგობრობას შეუძლია მის-  
ტეს“. „ოო, წეშმარიტი მეგობრობა“, ტუჩების უცნაური მოძრაო-  
ბით დაეთანხმა მესამე, ყბამონგრეული კაცი, „ო, წეშმარიტი მეგო-  
ბრობა მქეშავით გვინათებშ ჩხოვრებში გუაჟე და გვათბობშ“. „რა  
თქმა უნდა“, თქვა მეოთხემ, ლამაზმა კაცმა, „ჭეშმარიტი მეგობ-  
რობის ღალატი ყველაზე მეტად მომაკვდინებელი ცოდვაა“. „ჭეშ-  
მარიტი მეგობრობის ღალატი“, წარმოთქვა სიდ ბენ იჯნპალმა და  
მომდევნო წინადადება ყველაზე შთამბეჭდავი და შემზარავი სი-  
ტყვებით აავო, „ეს იგივეა, მუჰამედის საფლავზე დედა რომ გააუ-  
პატიურო“ „ოჰ“, შეცბუნდნენ სტუმრები და ჭერისაკენ აღაპყრეს  
თვალები — „ალაჰმა დაგვიფაროს“ „ყოვლადძლიერი იყოს ჩვენი  
მფარველი“ თქვა სიდ ბენ იჯნპალმა და მოკლე ხელებით ტაში-  
ძლივს შემოჰკრა: „ჯანჯარის ხორცი მოიტანე“.

ამასობაში პირაკრული სორეია ხანუმიც თამამად შემოდოდა  
დარბაზში და უეცრად აფორიაქებული სიდ ბენ იჯნპალი, რომე-  
ლიც ლამაზი კაცის გვერდით იჯდა, გრძნობდა, რომ მისთვის წამ-  
გებიანი იყო ასეთი ეშხიანი მამაკაცის გვერდით ჯდომა და თითქოს-  
და მუხლის გასაშლელად, გაივლიდა, გამოივლიდა, მერე ყბამონ-  
გრეულ კაცს მიუჯდებოდა და თავაზიანად, გამოთქმით ეკითხებო-  
და: „მოგწონს ხორცი, ბებუთ ხან?“ „ოო“, თავს აქანავებდა სტუ-  
მარი, „მეტიშმეტად შაშიამოვნოა“.

და სიდ ბენ იჯნპალი წელში იმართებოდა.

მაგრამ ყველაზე მეტად მაშინ გაამაყდა, ვაჟიშვილი რომ შეე-  
ძინა. ერთი სული ჰქონდა, სანამ დახედავდა, მაგრამ მეჩეთებიან  
ქალაქში მდიდარ მამაკაცებს უფლება არა ჰქონდათ, ხუთ წლამდე  
ენახათ შვილი, ასეთი იყო მათი უცნაური წესი. ბენ იჯნპალმაც  
რამდენიმე თვე ითმინა, ითმინა და ბოლოს მაინც შეიპარა ოთახში.  
მომვლელი ქალი თვლემდა, ფარჩაში გახვეული ბავშვი კი ჭერს  
შესცქეროდა და მისკენ დახრილი უცნობი სახე რომ დაინახა,  
მაშინვე ჩაეძინა. და გახარებული სიდ ბენ იჯნპალი ფეხაკრეფითვე  
გამოიპარა ოთახიდან, საბოლოოდ დარწმუნდა, ნამდვილად მისი  
შვილი რომ იყო — იგივე დაცქვეტილი ყურები, მოკლე, ხელები,  
იგივე მდიდრული ნიღაბივით ლაპლაპა სახე. დიდხანს აღარ მონატ-  
რებია, ახლა თუგინდ ათ წელიწადს აღარ ენახა, დამშვიდებული  
იყო. ხანდახან, ათასში ერთხელ კი მაინც აეკვიტებოდა უცნაური-  
ეჭვი: „იომ არ მომეჩვენა?“ მაგრამ არა, არა, ძალიან წააგავდა.

„მადლობა შენ, ლამაზო სორეია ხანუმ, ერთგულო ქალო, ბარაქალა შენ“, — იმეორებდა გულში ბენ იჯნპალი.

ბალლი კი ჰამდა, სვამდა, იზრდებოდა. უშფოთველად გადიოდა დრო; ხანდახან ბუზი თუ დააჯდებოდა, სახეს ჰკმუხნიდა. ფეხი რომ აიღვა, ოქროთი მოსირმული კოპწია ხალათი ჩააცევს, ბრჭყვიალა ჩალმა დაადგეს თავზე. და როცა პირველად წარუდგა მამას საუცხოოდ გამოწყობილი, სათამაშო ხანჯლით წელზე, სიდ ბენ იჯნპალმა ახლოს მოიხმო, მაგრამ ბავშვი ადგილზე დარჩა. მაშინ ბენ იჯნპალი თვითონ მივიდა შვილთან, ერთხანს უყურა და არ იცოდა, რა ექნა, მერე კი ორი თითი გულსპირზე გაუსვ-გამოუსვა და უთხრა: „ხიცი-ხიცი...“ ბავშვი შესცქეროდა და ბენ იჯნპალს გაუხარდა: „მიყურებს, მიყურებს...“ გადიამ რამდენჯერმე წაჰკრა პატარას ხელი, რაღაცას აძალებდა. იმან ერთხანს მოუყურა, მაგრამ მერე თქვა: „ყოვლად ძლიერი შაჰი იყოს ალაჰის მფარველი“. აქ კი ბენ იჯნპალს სახე მოედრიცა და მეორე დღესვე ბავშვს მჭევრმეტყველების მასწავლებელი — დიდი მადერისი აუყვანა. ამას რა უნდოდა, არაფერი, სახელის დარქმევა კი ძალიან გაუჭირდა. მთელი დღე იმეორებდა — მაჰებ, მაჰებ, არა, არ ვარგა, ჰასან, ჰასან... ა? ჰასან... არა, არ ვარგა, კენჯა? კენჯა, კენჯა... მაინც ვერაფერი შეარჩია და უცებ, ხასხასა მოლის შემყურემ, იგრძნო, რომ ახლა კი ნამდვილად შეარქმევდა სახელს, სასწრაფოდ შევიდა ოთახში, შეიღს შეაქჰერდა ნაცნობ, დაპატარავებულ, შედარებით ნაზ ნაკვთებზე და უწოდა... ნორჩი, სორეია ხანუმს ჯერ თითქოს ეხამუშა სახელი, მაგრამ მერე იმასაც მოეწონა, ტუჩებს მოამრგვალებდა და გამოთქმით ეძახდა: „ნოორჩი, ნორ-ჩი!

მთელ ისპაჰანს მოედო ეს ამბავი, და ბენ იჯნპალის მიბაძვით ბევრმა დაარქვა შვილს „ნორჩი“, მაგრამ სამართლიანობა მოითხოვს აღინიშნოს, არავინ გამდიდრებულა.

დიდი მადერისი კი თავის უშრეტ ხელოვნებას ანაბანათი იწყებდა: „აბა გაიხედე, ნორჩი, მზეა?“ „ჰა?“ „მზიანი დღეა, ნორჩი, და თქვი, დაე, მზესავით ანათებდეს შაჰის დიდება“. ნორჩი კი ვერცხლის ფიალას წაატანდა ხელს და ეკითხებოდა: „ეს რა არის?“ „ნორჩი, ნორჩი“, თავს აქანავებდა დიდი მადერისი, „ჯერ მითხარი, როგორ უნდა გამოთქვა მზიან დღეზე და მერე გეტყვი“. ნორჩი კი ფიქრობდა, ფიქრობდა და ბოლოს ეუბნებოდა: „არა, ჯერ შენ მითხარი“... „ააჰ, ნორჩი, ნორჩი...“

„ბავშვო,“ წარმოთქვა იმავე საღამოს სიდ ბენ იჯნაალმა, „ჩვენს ქვეყანაში ასეთი წესია — ვაჟკაცს სამი რამ მოეთხოვება: ცხენზე კარგად უნდა იჯდეს, მშვენიერად ხმარობდეს მშვილდ-ისარს და ილაპარაკოს სიმართლე. მე კი, შენი მამა, ასე გეუბნები — ვაჟკაცი ცხენზე კარგად უნდა იჯდეს, მშვენიერად ხმარობდეს მშვილდ-ისარს, ილაპარაკოს სიმართლე და იყოს განსწავლული. გაიგე? თუ არა და...“ — აქ კი ბენ იჯნაალს თავშეკავებამ უმტყუნა, რადგან ნორჩიმ მაგიდიდან მსხალი აიღო და უგულოდ ჩაკბიჩა. „თუ არა და გადმოგიღებ და იმდენს გირტყამ, სარკემ ვერ გიცნოს, გადააგდე მსხალი!“

„ჰე, ვინ გაზომოს ზღვათა სიღრმე, ანდა ცათა. ტატნობზე წერტილად მოძრავი ფრინველი ვინ ამოიცნოს? — განაგრძობდა სწავლებას დიდი მადერისი, — რამ და ჩემმა შენდამი განუზომებლა სიყვარულმა, მზის სადარო შაჰო, ისპაჰანის მარადუქნობო მშვე-ნებაე“.

„თამამად, თამამად, ფეხები მაგრად შემოაქდე, მხედარი რომ იგრძნოს, თამამად, ნუ გეშინია, — ამხნევებდა ცხენოსნობის მა-დერისი, — ახლა ცოტათი მიუშვი, ტანი ააყოლე, არა, არა, ეგრე არა, დაიჭირე, მოზიდე ლაგამი, ვაიმე! დავიღუბე!.. ხომ არაფერი გეტყინა, ნორჩი?“

„მოხარე, მოხარე და თან გაასწორე, კიდევე, კიდევე, ოო, აი, ასე, ახლა კარგად გახედე, ურჯულოს ფიტულია, ვითომ ცოცხა-ლია, გულში დაუმიზნე. კიდევე მოზიდე, ახლა ხელი შეუშვი ისარს და გაფრინდება, ხელი შეუშვი! რაა, თითებს ველარ შლი? იქით გასწიე, იქით, თორემ გაგივარდება, საითკენ მიაშვირე, არ მომიკ-ლა, გასწიე-მეთქი, რამ დაგაბნია, აჰ!.. ოჰ, კიდევე კარგი, უნაგირში მოხვდა“.

„ვის განადიდებს ყოვლადძლიერი? ვის განადიდებ, ყოვლად-ძლიერი, ან ბნელ სამარეს რომელს გაუთხრი? შაჰის მოყვარულთ შენ ააღზევებ, ხოლო იმას, ვისაც შაჰი არ უყვარს, სიკვდილი და არგადარჩენა. აბა, მე თავიდან ვიტყვი და შენ გაიმეორე — ვის განადიდებს ყოვლადძლიერი?“

„დაჭიმე, დაჭიმე, აბა ახლა ხელი შეუშვი, ხელი შეუშვი, თო-რემ ისე ვერ გაისვრი, თითები გაშალე, მოაცილე, ვითომ ცხე-ლია... ოო, ყოჩაღ“.



„როგორ გაიზარდა, — ამბობდა სორეია ხანუმი, — რომ დაიბადა, რა პატარა იყო“.

მეჩეთში კი ნახევარწრედ მოკალათებული ბავშვების პირდაპირ მოლა იჯდა, დაკიმულ მშვილდსა ჰგავდა ბავშვების გაღუნული მწკრივი, მოლა კი ისრის ფრთასავით მოშორებოდა მათ და უხილავი, ალესილი ისრისწვერით ბავშვების მიღმა უცნაურ აზრებს სტყორცნიდა: „ალაჰისაა აღმოსავლეთი და დასავლეთი, რა კუთხითაც პირი იბრუნოთ, მის სახეს შეხედეთ, ალაჰი განუზომელია და ყველაფერიც უწყის. „ურჯულოებზე გამარჯვება მოგვეც“.

„და თუ ვინმემ შეგავიწროოთ“, მრისხანებისაგან წელში იმართებოდა მოლა და უფრო იძაბებოდა მშვილდი, „თქვენც შეავიწროეთ ისე, როგორც შეგავიწროათ“.

„ნამდვილი მეგობრობა“, ხშირად უმეორებდა ვაჟიშვილს სიდ ბენ იჯნალი, როცა არებ ხანი შაჰის უახლოესი მსახური გახდა, „აი ერთადერთი, რაც კი ცხოვრებაში არის“.

ნორჩიშვილს თითქოს ბევრი რამ შეითვისა, ოღონდ სანამ რაიმეს შოიფიქრებდა, მზერა გაუშტერდებოდა ხოლმე. მრგვალ, გამობერილ თვალებს ჰერისაკენ ალაპყრობდა და როცა მე, უჩინარი, მიუუახლოვდებოდი და შიგ თვალებში ჩაეაქვრდებოდი, ისე მეგონა, თითქოს დიდი სიმაღლიდან დავყურებდი მრგვალ აუზს, სადაც დამდგარი წყალი პირთამდე იყო და შუაში კი გახუნებული კასრი ტივტივებდა. ო, როგორ მძულდა! მის დანახვაზე აღარ ვიცოდი, საით გადავკარგულიყავ, მაგრამ მბრძანებლის დავალება მახსოვდა და სხვა რა გზა მქონდა — ჩაჩანაკივით დავყვებოდი მადერისებთან, მეჩეთში, უხალისოდ მივძქნძულებდი არებ ხანის სასახლისაკენ, ნორჩის კი ხელთ უძვირფასესი საჩუქრები ეპყრა. დიდი ავაზაკიც კი ასე არა მძულდა, როგორც ეს საუცხოო სამოსში გამოწყობილი ყმაწვილი. არადა, სიბრძნით განთქმულ ბენ იჯნალსაც კი არა ჰქონდა იმდენი მიხვედრა — ნორჩისთანა გარეგნობის შვილს რომელი ჰქუთამყოფელი მამა ჩააცმევდა ისეთ ძვირფას, თვალშისაცემ სამოსს, ის კი არა, ქალივით პირაქრულს რომ ევლო, უკეთესი იქნებოდა. და რადგან სიმაართლე ვარ, მაინც ვხედავდი, სწორი ნაკვთები რომ ჰქონდა — წარბები, ცხვირი, შუბლი, ტუჩები, მაგრამ ეს თვალები, თვალები და უაზრო გამოხედვა, ფიქრისას კი ოფლი მოსდიოდა და უფრო ულაპლაპებდა ნიღაბივით სახე.

მერე ვისი შვილი იყო მხალაჰ ქანწისა ვისაც მოჩვენებითი

სიამაყე მუდამ სახეზე აღბეჭდოდა, თუკი ლოყა ნესვივით ცოლის მკლავზე არ ჰქონდა მიხუტებული. და ყოველივე ამას კიდევ მოვითმენდი, მაგრამ როცა ვუყურებდი, როგორ ჰამდა, როგორ ეძინა, როგორ იხედებოდა მოვარაყებულ სარკეებში, რა დიდის წუწინაობით ირჩევდა ნაირ-ნაირ ჩალმებს; და რაც მთავარია, სუყველაფერი — განცდა, მოძრაობაცა და ტვინიც მადერისებისა და მამისაგან ჰქონდა გაწვრთნილი. და თუმცა იცოდა, სად რა ეთქვა, ცხენის გაჭენებაც შეეძლო და მშვილდ-ისრის ხმარებაც ისწავლა, მაინც ზომასზე გაცილებით დიდი თოჯინა იყო, რომელსაც ორად ორი მისწრაფება ჰქონდა — სიმდიდრე და უსაფრთხოება. თუმცა, სიმდიდრე ათასი მარცვლისაგან შედგებოდა — სასიამოვნო იყო გემრიელი კერძების მირთმევა, საკუთარი შადრევნებისა და მზინავი ტანსაცმლის თვალიერება, ოქროს გლუვი ელვარება, იშვიათი მარგალიტი, საჩუქრების მიღება; უსიამოვნო კი იყო ეჭვი, გაძარცვის შიში, საჩუქრების გაცემა. და მაშინაც კი, არაბულ ცხენს რომ გააჭენებდა, როცა ყოველ ადამიანს ძარღვებში სისხლი უნდა აყივლებოდა, იმ ნიავევით ბედაურზე მუყაოს გაბრუებული იდიოტი იჭდა. თოჯინა იყო, რაგინდ მდიდრულ სამოსში გამოწყობილიყო, სახე მაინც ულაპლაპებდა. მერედა, სახელი, ჰმ — ნორჩი... მაჰმუდ აალი! შენ დაგეძებდი, მისგან თავგაბეზრებული და ბრაზით აცახცახებული, დაგინახავდი და ყველგან მოგსდევდი, როგორ მიყვარდა შენი თვალიერება, შენი ხან სევდიანი, ხანაც მკრთალი ღიმილით აბეუტებული სახე. შენ დაგყვებოდი მტვრიან ქუჩებსა და მეჩეთში, შენ დაფიქრებული შესტკეროდი მაიდანელ უსაქმურებს, ბავშვებს, როგორ მიდიოდი — ხელები ჩამოყრილი გქონდა, ნაბიჯი — უნებურად ამპარტავანი, თავიც უნებური სიამაყით ზეაწეული, ბაზარში კი, აყივლებულ, მოგების წყურვილით აფორიაქებულ ხალხში ისე გამოიჩინებოდა შენი სხეული და მშვიდი, ნალვლიანი სახე. შენს მეჩეთებიან ქალაქში კი ყველგან ბაზარი იყო — ვინ არ ვაჭრობდა, ვინ არ ცდილობდა სხვის მოტყუებას; და თუ ღრიალა საკრავების ხმაზე თავს მიატრიალებდი, ზურგიდან მიყვარდა შენი ცქერა: საფეთქელთან მკრთალი, ცისფერი ძარღვი, ლოყაზე რომ იკარგებოდა და მერე ყელთან ისევ ოდნავ ჩანდა; შენი შეეჭვებული მზერა, შენი მკაფიოდ გამოძერწილი ნაზი ყვრიმალის, მაღალი ყელი, ძლიერი და ქათქათა... მაჰმუდ აალი! — შენი ფიქრები, შენი ეჭვები... ვერავისთან ამბობდი, მაგრამ მე ხომ

მინც ვიცოდი ყველაფერი. და მხოლოდ შენი მზერა — მრავლის-მეტყველი, მართალი, პირდაპირი... მე გიყურებდი, როგორ უმზერდა იმ კაცს, დანასისხლად რომ აფასებდა ფარჩას, იმ მექარავენს, აქლემს ზედმეტი ბარგი რომ აპკიდა და მერე წაქცეულს ყელში ორგან გამოუსვა დანა, იმას, ვინც მოწყენილი იძახდა დათაფლულ სიტყვებს და კიდევ იმას, ვინც ყოველივეს გულგრილად შესცქეროდა... მაჰმუდ აალი! არაფერი იყო შენთვის უმნიშვნელო, კარგად იცოდი ხმარებით გაცვეთილ საუნჯეთა ფასიც — წყალი, რომელსაც სვამდი, ჰაერი, რომლითაც სუნთქავდი, მზე, რომელიც გათბობდა... და როცა ერთხელ ნორჩიმ ატამი აიღო და ჩაებინა, შენკენ გამოვქანდი და შეეცბი — შენც მალა აშვერილ თითებში იგივე ხილი გეჭირა და დიდხანს უყურებდი. ნორჩიმ — არაფერი, აიღო და შეჭამა, შენ კი გაოცებული შესცქეროდი ნაზი ბუსუსებით დაფარულ ნაყოფს და მოლას სქელი წიგნიდან, სადაც ზოგიერთი რამ არ მოგეწონა, ეს წინადადება გაგახსენდა და ნელა, აღტაცებით იმეორებდი: „ზეციტ წყალს გადმოავლენს, მით აღვალორძინებთ ყოვლისავე მცენარის თესლსა; მით ამოვიყვანთ მწვანეს, რომელიც გამოიღებს რიგრიგობით დალაგებულ მარცვლებს, და ინდისხურმის ხეებს, რომელთა რტონიც დიდრონ ფუნჯებს მოისხამენ, და ვაზით მოფენილ წალკოტებს, და ზეთისხილებსა და ბროწეულებს, რომელნიც ერთმანეთს ემსგავსებიან და ერთმანეთში განირჩევიან; თვალი გადაავლეთ მათ ნაყოფს, მათი მსხმოიარობა და სიმწიფე იხილეთ — ყოველივე ეს სასწაულია მათთვის, რომელნიც გულისხმას ჰყოფენ“.

მაჰმუდ აალი ისიც მინახავს, ცხენს მოახტებოდი თუ არა, ყალყზე შედგებოდა, წამით გახევდებოდა და ნამდვილ მხედარს რომ იგრძნობდა, გრძელი ნახტომით გაჭენდებოდა მხიარულ ველზე. შენ გამართული იჯექი დათხილ ცხენზე, ყურებთან ქარი იწელებოდა, ხან დასცქეროდი გაქცეულ მიწას, ხან დემავენდის მთას გაჰყურებდი, მრისხანე როკვით რომ მოიწევდა შენკენ.

და, რა თქმა უნდა, ისიც ვიცოდი, რად არ უყვარდი ისპაჰანელებს; შენი მზერა, მოურიდებელი და დაექვებულის, რაში უნდოდათ — თვალს, გარიდებდნენ, ბრაზობდნენ, სძულდი — შენ, ახოვანი, მომღიმარე, შეექვებულის, სინდისივით დაიარებოდი მტკრიან ქალაქში, გამორჩეულო, მაჰმუდ აალი!

მაგრამ იძულებული ვიყავ, ისევ ბენ იჩნპალის კრიალა დარბა-

ზეშში მებარა, აშიშინებულ შადრევენებთან მეწრიალა, იმ მაგიდის ქვეშ შევმძვრალიყავ, რომელზედაც ნორჩი საქმელს მიირთმევდა და ჩემ წინ კი უღარდელად ატყაპუნებდა ფეხებს. იქ რა მინდოდა...

მაგრამ მბრძანებელს, მიუწვდომელსა და ყოვლისმცოდნეს, უკეთ მოეხსენება.

\* \* \*

მთავარი მზარეული ერთხანს ირგვლივ აცეცებდა თვალებს, მერე კი, შორიახლოს ვერავენ რომ ვერ შენიშნა, ერთხელ კიდევ თაყვანი სცა ბენ იჯნაალს და ის საზარელი ამბავი დაბალის ხმით მოახსენა.

— ვინა, სორეიამ?! — წამოჯდა გაფითრებული ბენ იჯნაალი.

— დიახ.

— ნამდვილად იცი?

— დიახ, — შეწუხდა მზარეული.

— შენი თვალით დაინახე?

— ჩემი თვალით.

— სუყველაფერი?

— სულ, ყველაფერი.

— მერე, ვერ აჩეხე?!

— ხმალი არა მქონდა, — ხელები გაშალა მზარეულმა და შეფიქრინებული დაეკითხა: — ორივე უნდა ამეჩეხა?

ბენ იჯნაალმა მოუყარუა და კრიალოსანი ხალიჩაზე მიაგდო. სულის მოსათქმელად სარკმელთან მივიდა, მაგრამ დიდებულმა ბაღჩამ უფრო გააღიზიანა — „ფუჰ!“ აღელვება არასოდეს რომ არ უნდა დასტყობოდა, ეს კი იცოდა — „თავშეკავება, თავშეკავება“, — ამოიჩემა და აკანკალებული თითები ერთმანეთში გადახლართა. მერე ამაყად შემართა თავი და უთხრა:

— წადი და კარგად გამიგე ეგ ამბავი.

— ნამდვილად ვიცი, ყოვლადძლიერო, — გულზე ხელი მიიღო მზარეულმა, — რაღა გავიგო, ნამდვილად ვიცი, ჩემი თვალით დავინახე.

— წადი-მეთქი, — მოკლე ხელი კარისაკენ გაიშვირა, — წადი და კარგად გამიგე.

„ოო, სორეია, ყოფას გიტირებ!“—გაიფიქრა და ხალათის შამოფხრეწა მოუნდა, მაგრამ ვერ შეძლო — მშვენივრად იყო ნაქსოვი. „შენ კიდევე, შე მათხოვარო, როგორ გამიბედა, უუხ, გლახაკი!“

გლახაკი კი არა, ფრიად ჯანმრთელი მეპურე იყო, დიდი, თეთრი ხელები ჰქონდა.

აქამდე კუთხეში ვიდექ, მოწყენილი და თავგაბეზრებული. ახლა კი, გონებაარეული ბენ იჯნაალის დანახვაზე, მისი ფიქრების გაგება მომიინდა და ჩალმად შემოვვებზე გაპარსულ თავზე. „სიმშვიდე, სიმშვიდე“, გავიგონე ჩუმი, დაძაბული ხმა, — „მთავარია სიმშვიდე“. ხალათის შიგნიდან კი, თავის ადგილას, გული აფრიალდა: „აჩეხე, ნაკუწ-ნაკუწ აჩეხე, ყველაფრის ღირსია“. „დამშვიდდი, დამშვიდდი, მთავარია გონიერება“, ჯიუტად იმეორებდა გაპარსული თავი, „გონიერება — აი, ერთადერთი, რაც კი...“ „აჩეხე“, წრიალებდა გული და მუშტად შეკრული თითებიც მიიხზრო, „აჩეხე, ანდა სხვას ააჩეხინე“. „ავაჩეხინოთ“, უეცრად დაეთანხმა თავიც და როცა თითქმის ყველაფერი გადაწყვეტილი იყო... „არა, არა,“ შეიხვეწა ლოყა, „რომ ააჩეხინო, ხომ მოკვდება“.

„რას აყრანტალებდა ენას, — გაიფიქრა მერე ბენ იჯნაალმა, — არადა, ცოცხალი რომ დავტოვო, მთელ ისპაჰანს მოსდებს, ეპ, არებ ხანი მაინც იყოს ქალაქში...“

არებ ხანი კი მოქუფრული იდგა სულთანის წინაშე და ღუმდა. იცოდა, დაძაბული სიჩუმე წონასწორობიდან რომ გამოიყვანდა სულთანს და, როცა საჭიროდ სცნო, თვალი თვალში გაუყარა და ნელა წარმოთქვა:

— ყოვლადღლიერმა შაჰმა, დიდი ისპაჰანის მშვენივრად დამავალა, სუჰაკს ხუნდები დაადო და მე გადმომცე.

— ჩემთან არ არის, დღეგრძელი იყოს ისპაჰანის გონება და მახვილი.

— შენთან არისო, ასე ამბობენ.

— ალაჰსა ვფიცავ, ჩემს მიწაზე თუ იყოს, — თქვა სულთანმა და ყურანს ხელისგული დაადო, — ბაირამობა დღეს ღორის ხორცი მეჭამოს, თუ სუჰაკი ჩემს მიწაზე იყოს!

საზარელი ფიცი იყო, ერთმანეთს დიდხანს შესცქეროდნენ, თავთავიანთ სიმართლეში დარწმუნებულნი. დიდმა ავაზაკმა ნაღდად იცოდა, სულთანმა რომ შეიფარა ღტოლვილი, სულთანმა კი უზარმაზარ კალათში ჩასვა სუჰაკი, საჭმელ-სასმელი ჩაულაგა,

გაამხნევა, ორიოდ დღით სრული დამუნჯება უბრძანა და კალათი ორ უერთგულეს მსახურს უღრან ტყეში, ხეზე ჩამოაკიდებინა, ახლა კი თამამად ეფიცებოდა არებ ხანს:

— თუ ჩემს მიწაზე იყოს...

— შენ მიწაზე რომ ყოფილიყო, — დინჯად დაუმარცვლა არებ ხანმა და სახე დაუთვალიერა, — მომაკვლევიანებდი?

— მოგაკვლევიანებდი.

— ძმა როა შენი?

— ძმაზე და მამაზე ახლობელია ჭეშმარიტი მსახურებისათვის ისპაჰანის მშვენება.

— ძალიან კარგი.

დიდი პატივის მიუხედავად, არებ ხანი სასახლეში არ დარჩა და ლამის გასათევად მინდორში გააშლევინა კარავი. დაბალ კარავში შესასვლელად თავის დახრა დასჭირდა, შორს კი, ისპაჰანში, მზარეულმაც თავი დახარა და ისე შევიდა ბენ იჯნაღთან, თუმცა კარი მაღალი იყო.

— რა ქენი, გაიგე? — ცბიერად დაეკითხა ბენ იჯნაღი.

— ბევრი ვიფიქრე, ყოვლადძლიერო, ხომ არაფერი შემცდამეთქი, მაგრამ ნამდვილად ისე იყო, პირველად რომ მოგახსენე: სორეია ხანუმი თავის ოთახში ფანჯარასთან იდგა და, თქვენ რომ წაბრძანდით, სახელოებაკაპიწებული მეპურე ეზოში რომ გამოვიდა, სორეია ხანუმმა თითი დაუქნია და თავისთან...

— წადი, გამეცალე! — ხმას აუწია ბენ იჯნაღმა, — რეებს როშავ, კარგად გამიგე, რა როგორ იყო და მერე მოდი!..

— ხომ მოგახსენე, ყოვლადძლიერო...

— წადი, დამეკარგე! — გაუწყრა ბენ იჯნაღი, — კარგად გამიგე-მეთქი ყველაფერი, მიხვდი?! — და ავად შეხედა.

— გავიგე, ყოვლადძლიერო.

მთელი ღამე თვალი არ მოუხუტავს, გათენებისას კი, სქლად შედღეღებული ბინდი რომ დაიჭიმა და გაიცრიცა, არებ ხანმა ტანსაცმელი ჩამოიბერტყა, ხელპირი გულდასმით დაიბანა და დილაუთენია სულთანს მიადგა.

— აბა, წავედი, — თქვა და აჭიხვინებულ ცხენს მაგრად მოზიდა ლაგამი, — შენის ნებართვით, შაჰს გადავცემ, სულთანთან არ იყო-მეთქი.

— ჩემი ფიცი გაუშეორე და ყოველივეს დამიჯერებს ისპაჰანის მარაღუტკნობი მშვენება.

— იმასაც ვეტყვი, რომ ყოფილიყო, აუცილებლად მომაკვლე-  
ვინებდა-მეთქი.

— აგრე გადაეცი. ალაპი იყოს შაპის მფარველი!

არებ ხანმა დინჯად შემოატრიალა ცხენი და ნაბიჯით წაიყვანა. აღელვებულმა სულთანმა მსახური მოიხმო და უბრძანა, შეუმჩნე-  
ვლად ასდევნებოდა და თვალი არ მოეცილებინა, სანამ ჭიკიჭიკის  
ბორცვს არ მიაღწევდა. შებინდებამდე მსახურს უცდიდა, ექვი კი  
ღრღნიდა — ვაითუ მობრუნდეს... და როცა მსახურმა გაოფლილი  
ცხენი შემოაგდო ეზოში და არებ ხანის ბორცვს გადასვლა ამცნო,  
გახარებული სულთანი ყველასათვის შეუმჩნეველად, უჩირალდნოდ  
და უმსახურებოდ წავიდა ტყეში. თეთრ ცხენზე იჯდა, შავი კი  
მარქათად მიჰყავდა. უმთვარო ღამე იყო, ძალიან ბნელოდა, ჩაშა-  
ვებული კალათი ძლივს გაარჩია. ხესთან მივიდა, თოკის კიბე  
წელზე შემოიხვია, უნაგირზე დადგა და ტოტს ჩაებლაუჭა. ფრთხი-  
ლად, უხმაუროდ მიძვრებოდა, ღონიერ ხელებს სიბნელეში აფა-  
თურებდა, ახალ-ახალ ტოტებს ეძებდა. მერე თოკის კიბე შემოიხ-  
სნა, მაგრად მიაბა მსხვილ ტოტზე და ფრთხილად, ფრთხილად  
ჩაიარა კიბე. ერთხანს გაჭიმული ფეხით ეძება მორიგი საფეხური,  
მაგრამ რომ ვერ მიაგნო, ფრთხილად ჩახტა ძმასთან. კალათი  
დაირწა, დაღლილმა თავი ვეღარ შეიმაგრა და ზედ გადაემხო. სუ-  
პაკ, გაიღვიძე, ჩასჩურჩულებდა სულთანი, ცხენი მოგიყვანე, მოა-  
ჯექი და წადი... მხარში ჩასკიდა ხელები, შეაჯანჯლარა, უცებ  
მკერდზე მოუფათურა თითები და რაღაც ცივისა და ამაზრზენს  
რომ შეეხო, უკან გადაქანდა, თან ფართოდ დაღებულ პირით  
შეისუნთქა ჰაერი და მერე თვალებგაფართოებული, სუნთქვაშეკ-  
რული გახვედა: დანა იყო, შიგ გულში ჩაცემული.

ჰეე, არებ ხან, არებ, ავაზაკო... ჭიკიჭიკის ბორცვი რომ გადაიარე,  
დაუზოგავად გააქენე ცხენი და სალამოხანს მშობლიურ სოფელს,  
მორდოვს რომ მიუახლოვდი, შექუჩებული ხალხის დანახვაზე შე-  
ჩერდი და, თვალ-მარგალიტით აელვარებული, დამცინავად მია-  
ჩერდი ჩამოძონძილებს. ისინიც გაკვირვებით შემოგცქეროდნენ და,  
რა თქმა უნდა, ვერ გიცნეს; და როცა წასვლა დააპირე, ერთმა  
თმაგაჩეჩილმა კაცმა ხელისგული გიჩვენა და ასე გთხოვა, დაგე-  
ცადა. შენც გაკვირვებულმა შეიცადე, თან ისევ დამცინავად შეს-  
ცქეროდი, როგორ მიფართხუნებდა ჭაობებს შორის, როგორ მიი-  
მალა მიწურში და იქიდან კი ძალიან ნელა გამოვიდა, ფრთხილად

მოდირდა შენკენ და რომ მოგიახლოვდა, ხელები მალა ასწია და ცხენზე მჯდარ სტუმარს პირთამდე სავსე ჯამი მოგაწოდა — რძე იყო. ღიმილი პირზე შეგაშრა და აღარ იცოდი, რა გექნა. ერთი სული გქონდა, აგეკუწა, რადგან თვალბეჭეში სწორედ ის ამოიკითხე, რაც ყველაზე მეტად გძულდა — უმიზნო სიკეთე; მაგრამ იმ კაცის მოკვლა მაინც არ შეიძლებოდა, იმიტომ კი არა, რომ ვერ გაბედავდი, არა, მშვენივრად იცოდი, ხახვივით რომ შეგრჩებოდა, მაგრამ მაინც არ შეიძლებოდა... არადა, მოწოდებულ ჯამსაც ვერ მიიღებდი — ყელზე შხამად დაგადგებოდა და დაბნეულმა შეატრიალე ცხენი, ერთხელ კიდევ მიხედე იმ თმაგაჩიხილ კაცს და, განრისხებულმა, ერთგულ ბედაურს მაგრად გადაუჭირე მათრახი. და მერე, სიბნელეში, დაუზოგავად მიაჭენებდი ცხენს და გზადაგზა ჩავლილ სოფლებში მძინარე გლეხებმა გვერდი იცვალეს, ისე მკაფიოდ ჩაესმათ ფლოქვების თქარათქური. არსად ჩანდა სინათლე, ყველას ეძინა, მოქანცული, გულაღმა გაშოტილი გლეხები უცხო მხარეში დაბორიალობდნენ, რომელიც მე, მარადფხიზელ სიმართლეს, არასოდეს მინახავს, მდიდარ ბენ იჯნაღს კი მთელი ღამე თვალი არ მოუხუჭავს და ირიყრაყა თუ არა, განხარებულმა მსახურმა ტანტზე მჯდარს მოჰკრა თვალი და ოთახში შემოვარდა:

— ყოველივე გავიგე, მარადძლიერო.

— რა? — კრილოსანს დასწვდა ბენ იჯნაღი და თვალი აარიდა, — რა გაიგე?..

— რა და მთელი ღამე ვალაპარაკე! ახლოს მივუჩოჩიდი, ვუთხარი, მე და შენ ხომ ძმები ვართ, მეპურე და მზარეული რამ გაყო, მოდი, მიაშზე ყველაფერი, მე ხომ დაგინახეთ-მეთქი. იმანაც მიაშბო, ო, სორეია ხანუმიდთანა ქალი ცხოვრებაში არ შემხვედრია, ბედნიერი იმისი ქმარიო...

— გაეთრიე აქედან! — წვრილი ხმით დაიყვირა ბენ იჯნაღმა, — გაეთრიე და დღეს საღამომდე ყველაფერს დანამდვილებით თუ არ გამოგებ, თავს წაგაცილი, იცოდე!

საღამოს კი თვალეზამოღამებულები მზარეული გაუბედავად მიუახლოვდა, ფეხზე აკოცა და უთხრა:

— მაპატიე, ყოველადძლიერო, ტყუილი ყოფილა.

ბენ იჯნაღი ამაყად გაიმართა წელში და აპატია, მეორე დილით კი უგუნებოდ მობრუნებული არეგ ხანი მოინახულა, ხოლო ნაშუაღდღევს მთავარ მზარეულსა და მეპურეს მოედანზე თავი მოჰ-



კვეთეს, როგორც შაჰის მოღალატეებს. კმაყოფილი ბენ იჯნალი შინ დაბრუნდა და უეცრად ოთახში აღელვებული სორეია ხანუმი შემოვარდა და უცნაური რამ უთხრა: „რატომ მოაკვლევინე, სიდ ბენ, რატომ, მე ხომ ძალათი ვათქმევინე მთავარ მზარეულს...“ „როგორ ძალათი... დაიბნა იჯნალი. „როგორ და მინტერესებდა, დაიჯერებდი თუ არა... დაიჯერე, ხომ? ხომ დაიჯერე, სიდ ბენ...“ და სორეია ხანუმი ისე მდულარედ სტიროდა და თანაც ისეთი ლამაზი იყო, სიდ ბენ იჯნალი საბოლოოდ მაინც ვერ მიხვდა, იყვნენ თუ არა მთავარი მზარეული და თეთრხელება მეპურე შაჰის მოღალატენი.

მაგრამ იმავ საღამოს, როცა სორეია ხანუმი სიმღერითა და ცეკვით ძალიან გაცელქდა, სიდ ბენ იჯნალმა თითქოსდა მოფერებით ძალიან მაგრად უჩქმბიტა მკლავზე, სწორედ იმ ადგილას, დილდითობით ლოყას ნაზად რომ მიაღებდა ხოლმე.

\* \* \*

ისევ მომწყინდა ამ მდიდრულ სახლში, ლამაზ ბაღებსც თვალი შეეჩვია, ყველაფერი მომბეზრდა.

ნორჩისთან კვლავინდებურად დაიარებოდნენ მადერისები და განსაკუთრებით მჭევრმეტყველების მასწავლებელი მალიზიანებდა. მერე მათ არაბი ასტრონომი, ხალილ მინაჯიმი შემოემატათ. ისლა მაკლდა სწორედ — მთვარიანი ღამით ბაღში გავიდოდნენ, მსახურს ბროლის თასით ხილი მოჰქონდა, დიდი მინაჯიმი თითს ცისაკენ აიშვერდა და სწავლებას იწყებდა: აიი, ამ ვარსკვლავს... ესა და ეს ჰქვია... იმას... ისა... მხარ-თეძოზე წამოწოლილი ნორჩი კი აუზში ჩაცეიბულ ყურძენს მიირთმევდა და ხელს თხელი პურით იმშრალებდა. შესანიშნავად მიდიოდა ბენ იჯნალის საქმეები — რემა და ოქრო მრავლდებოდა, ნაცნობები უწინდებურად აფასებდნენ, არებ ხანის მეგობარს ვინ რას გაუბედავდა და ნორჩიაც მჭევრმეტყველება შეისწავლა, ოღონდ გულგრილად იძახდა ძვირფას სიტყვებს. ალტაცების მადერისი კი მთელს ისპაჰანში ვერ მოიძებნებოდა და ამიტომ ბენ იჯნალმა დიდი სარკის წინ გვერდით მოისვა ვაჟიშვილი, და დაარიგა — აბა, ყურებთან თუ მიიტან ლოყებს... ნორჩიც დაიძაბა, მაგრამ არა, ღიმილი მაინც სულ სხვა რამ იყო. აბა, ტუჩები გაჭიმე, ასე, ახლა თვალები მოჭუტე; ბოლომ-

დე, ბოლომდე გაჭიმე ტუჩები... ნორჩი ყოველივეს გულმოდგინედ ასრულებდა, მაგრამ გულიანად გაღიმება მაინც ვერ ისწავლა და ამიტომ ბენ იჯნაალმა გაღიმების ნაცვლად უმდაბლესი თაყვანისცემის ნიმუში წარმოუდგინა — მოკლე ხელები მკერდზე გადაიჭდო და იატაკამდე დახარა თავი. და თუმცა ნორჩიმ ესეც კი ვერ გაიმეორა, სიდ ბენ იჯნაალმა მაინც სიამოვნებით გაიფიქრა: „ქედს ბოლომდე ვერ მოახრევენიებ ნამდვილი ვაჟაკია“.

რჩეული მეგობრები ძველებურად დაიარებოდნენ, და ერთხელ თვით არებ ხანი რომ ეწვია, ალტაცებულმა მასპინძელმა დიდებულის სუფრის გაშლა ბრძანა, მაგრამ სტუმარი უგუნებოდ იყო და ქუჩაში გავლა შესთავაზა. ბენ იჯნაალმაც ბედნიერი შემთხვევით ისარგებლა და ნორჩიც გაიყოლია. ქუჩა-ქუჩა მიდიოდნენ, ხალხი ალტაცებით შესცქეროდა უძვირფასეს სამოსში გამოწყობილ მოსეირნეებს; დიდი ავაზაკი უმძრახად მიიბიჯებდა და გზადაგზა ყვავილს თუ ესროდნენ, ვერც კი ამჩნევდა. ბენ იჯნაალსაც ყოველი მხრიდან მდაბლად უძღვნიდნენ სალამს — თითებს მკერდზე, ტუჩებსა და შუბლზე იღებდნენ, ნორჩისაც ალერსიანად უღიმოდნენ, სასიამოვნო იყო მოსეირნეთათვის ესოდენ აშკარა პატივისცემა, ბოლოს და ბოლოს არებ ხანმაც ასწია თავი და გუნებაზე რომ მოვიდა, უეცრად, გზაზე, უცნაური სპარსელი შემოხვდათ და გახევედნენ. სამივე იმას შესცქეროდა, ის კი რიგრიგობით ათვალეირებდა სამ განსხვავებულ სახეს: ერთი — მუყაოს თოჯინისა იყო, მეორე — ფრთხილი ძუნწისა, მესამე სახე კი, ხარბად მომზირალი, ამაზრზენი, დიდი ავაზაკისა იყო, მაგრამ უცნაური სპარსელი სამივეს ერთნაირი სიმშვიდით შესცქეროდა. იმათ კი სულ სხვადასხვა რამ აწუხებდათ: ნორჩის — უცნაური სპარსელის აშკარა, თვალშისაცემი უპირატესობა, სახესა და სხეულზეც რომ აღბეჭდოდა, ბენ იჯნაალის ისეთ დაკვირვებულ მზერას წააწყდა, რომ თავი დახარა და სორეიას ღირსებაში მაშინვე ეჭვი შეიტანა; მხოლოდ არებ ხანს არ მოუცილებია მისთვის თვალი და ახლა შემხვედრიც მხოლოდ მას შეჰყურებდა. ვილაცას ჰგავდა! იმასაც გრძნობდა არებ ხანი, სახით კი არა ჰგავდა, თვალეში ჰქონდა რაღაც ისეთი, რომ არ სიამოვნებდა, ვილაცაც ასე შესცქეროდა, სადღაც, ახლახან... და გაახსენდა — ჰო, იმ კაცს ჰგავდა, სოფელ მორდოვში რძე რომ მიაწოდა, კი არა ჰგავდა, იმასავით გულლიად შესცქეროდა ჩემი რჩეული, მაჰმუდ აალი და განრისხებულმა არებ ხანმა ხანჯალზე დაიდო

ხელი, მაგრამ ასე, შუა ქალაქში დღისით, მზისით, უდანაშაულო კაცის მოკვლა არ შეიძლებოდა და დიდმა ავაზაკმა უმოკლესი გზა აირჩია:

— შაპი თუ გიყვარს?!

და მე, თვით სიმართლე, აფორიაქებული და დაშინებული, ყურთან მივევარდი და სიცრუეს ჩავჭურჩულე:

— თქვი, რომ გიყვარს, თქვი, რომ ძალიან გიყვარს, რა გენდვლება...

მაგრამ მაკმულ აალის თვალიც არ დაუხამხამებია, ისე უპასუხა:

— ვერაფერს გეტყვი, არსად მინახავს.

— როგორ, როგორ? — ტუჩი აილოკა არებ ხანმა და მივხვდი, ჩემი იქ ყოფნა უარესი იყო მაკმულ აალისათვის — მე ხომ სიმართლე ვარ და სასწრაფოდ გავეცალე იქაურობას — სახლებს მსუბუქად გადავევლე და მხიარულ ველზე აღმოჩნდი, მაგრამ ახლა ყვავილებისათვის სად მეცალა — ეჭვებაშლილი, შეწუხებული, ერთხანს ბალახებში დაეძვრებოდი, მერე კი მალლა ავიჭერი და დემავენდის მთისაკენ მიძიმედი გავცურდი, დრო რომ გამეყვანა; მერე ისევ დინჯად გამოვბრუნდი, შუაგზაზე მოთმინება აღარ შეყო და მეზივით დავატყდი იმ ადგილს, მაგრამ ქუჩაში აღარავინ ჩანდა. მაშინ პირდაპირ შაპის სასახლისაკენ გავიჭერი და შევეცბი: ყველანი იქ იყვნენ, იატაკზე გართხმული ნორჩი კი გრძელ წინადადებას ამთავრებდა: „...ისპაჰანის მარადუჭკნობო მზეე!“

და, საოცრებავ, ისე გულლიად შესცინა!

— აი, როგორ უყვარხარ, სათაყვანებელო, — თქვა არებ ხანმა და შეიცადა, სანამ ნორჩი შაპს მუხლზე ემთხვეოდა, მერე კი თავი მაკმულ აალისაკენ ოდნავ გაიქნია და უთხრა:

— ერთი ამასაც ჰკითხე, ისპაჰანის გონებავ და მახვილო!

თარსა და ჭიანჭურზე უკრავდნენ, შაპმა ჩემი რჩეული თავითფეხამდე აათვალიერა და კმაყოფილმა ჰკითხა:

— რა გქვია?

— მაკმულ აალი.

„ყოვლადძლიერო!“ „ყოვლადძლიერო“ მაინც დაემატებინა, კედელს მივენარცხე.

შაპს სახე მოეკმუნა, მერე მაინც ალერსიანად ჰკითხა:

— გიყვარვარ, მაკმულ აალი?

იმან კი შაპი შეკავებული ღიმილით აათვალიერა და უთხრა:

— არ მძულხარ.

— თუ გიყვარვარ?

— არ მძულხარ-მეთქი.

და მაშინ შაჰმა პირი მაგრად მოკუმა და კვერთხი მოიქნია. მაჰმუდ აალიმ, რჩეულმა, ხელი იტაცა გაჩეხილ წარბზე, მერე კი დინჯად მოიწმინდა თვალის უპეში ჩამდგარი სისხლი, ხელისგულს დახედა, ახალგაზრდა შაჰს თვალეებში შეაქვერდა, ისე გაიღიმა, მე რომ მიყვარდა და უთხრა:

— მაინც არ მძულხარ.

რა, რა ხდებოდა! მოედნისაკენ დიდი ჭოკი, მიჰქონდათ მსახურებს და ხელი რომ შემეშალა, რა არ ვიღონე, წინ გადავუდექი, ფეხებში ვედებოდი, მაგრამ ვერაფერი გავაწყვე და გადათელილმა, დამცირებულმა, სეირის საყურებლად გამოდენილ ხალხს ჩამოვუარე — ყველას თვალეებში ჩავცქეროდი, ნიავად ველამუნებოდი, ვეხვეწებოდი ხმლის გაშიშვლებას, ამბოხს ვუბრძანებდი; ვინ დამიჯერა — არც კი გაუგიათ ჩემი, სეირის მოლოდინში ზოგი ხელეხსაც კი იფშენეტდა და კმაყოფილები იყვნენ. მე კი, უხილავი და უხმო, უსუსური, ტანსაცმლის კალთას თუ ავუფრიალებდი მსუბუქად ჩაცმულთ, სხვა რა შემეძლო, გაცოფებული ვენარცხებოდი ქვასა და მუხლებს, მაინც ჩემსას ვჩურჩულებდი და შესმენის იმედი მთლად რომ გადამიწყდა, დაკუნთულმა მუსიკოსებმა საზარელი კერენაი აბლაგლეს — შაჰი გამოჩნდა. იგი მოდიოდა მოედნისაკენ, მშვილდ-ისრით ხელში, მთელ მის ამაღასაც მშვილდ-ისრები ეკავა და მოედნის შუაგულში კი, ჭოკის თავზე სამიზნედ მიკრული, ჩემი რჩეული მაჰმუდ აალი ტივტივებდა! შაჰი ამაყად მოდიოდა და ამაღა ახლდა, უკეთესი რომ არ შეიძლებოდა — მხრებდაქანებულ დიდი ავაზაკი, მოკლებელება სიდ ბენ იჯნაალი, ყურმოჭრილი ხანი, ირიბად რომ ეხურა ჩალმა, ძაღლებივით გაწერთილი ასისთავები, ის ყბამონგრეული კაციც შევნიშნე, რომელსაც ახლა შაჰის ერთგულების დასამტკიცებლად მშვილდი გაედო მხარზე, და თვით მუყაოს იდიოტიც ისრებს ალესილ წვერს უთვალთვლებდა. ხმა რომ მქონოდა, ხილული რომ ვყოფილიყავ! ის კი, განწირული, ჭოკის კენწეროზე მიკრული, ალბათ, ისიც ამაღას შესცქეროდა, ველარ შევხედე, არა, არ შემეძლო! და როცა ახალგაზრდა შაჰმა ცხენი

შეაჩერა და მრისხანედ მოვეუთვალე რე სახე, კერენაები მომეტე-  
ბულად ააბდავლეს და მთლად მოვიჩვარე — ამ საზარელ, აბდაუბ-  
და ღრიაანცელში რალაც ველური ჰარმონია მაინც იყო. და როცა  
შაჰმა მშვილდი გადმოიღო, უკანასკნელად შევებრძოლე და, დაუძ-  
ლურებული, სახეში ვეკვეთე, მაგრამ იმას ნიავეი ესიამოვნა და  
კმაყოფილმა მომიშვირა სახე, თან ისარიც გადმოიღო და მშვილდი  
რომ დაჭიმა, გამწარებული ავეარდი ზემოთ, შემოვებხეი და  
მაშინვე ვიგრძენი, ისარმა ზუზუნით რომ გამაპო და ჩემს რჩეულს,  
უცნაურ სპარსელს, ყელში ჩავსო — იმ ცისფერ ძარღვში, ოდნავ  
რომ მოუჩანდა. არ ვუყურებდი, მაგრამ ვიცოდი, სუსტად რომ  
აფართხალდა და აღარაფრის დანახვა და გაგონება არ მსურდა,  
მაგრამ საკრავები წამით დადუმდნენ, შაჰმა კი თვალი მოავლო ამა-  
ლას, ხალხს და ღიმილით განაცხადა: „ვისაც ვუყვარვარ, ყველამ  
ესროლოს“. და მაშინვე აუარება ისარმა გამიარა და, რჩეულს  
შემოხვეული, ბრაზით აცახცახებული, ადგილს მოვწყდი და ისევ  
ზიზლით ჩავაცქერდი თვალეებში ყველას, ყველას, ვინც კი ისროდა.  
მერე შორიდან ავხედე ჭოკს და გავშირი — უთვალავი ისრისაგან  
დამრგვალეებულიყო კენწერო და აღარავინ ზანდა, მისი დანახვა  
მომინდა და იმ აუარება ისარში, ზოგს სისხლი რომ სდიოდა, ათრ-  
თოლებულმა, დამცირებულმა გავიარე და უხმო ღრიალით შემო-  
ვებხეი; და მე, უსუსურს, გამწარებულს, ერთი ნუგეში მაინც,  
მაინც მქონდა — ჰაერში მოკვდა!

სანამ მაგრად შელამდებოდა, ჩაშავებულ ფულუროში შევიყუ-  
ძე და ჩემთვის ვგლოვობდი, მერე კი, შურისძიებითა და ბრაზით  
გაწელილმა, გოროზად გადავუარე მიძინებულ ქვეყანას, მთვარით  
აბეუტებულ ზღვას და ახლა, თავად მბრძანებლის ფერხთით გაშო-  
ტილი, სისხლის აღების წყურვილით ანთებული, ჭიუტად ვევედ-  
რებოდი: „ან ხმალი აძგერებინე ვინმეს, თუგინდ — ისარი, ან სა-  
ზარელი რამ სნეულება შეჰყარე, ბლავილსა და კბილთა ღრქენა-  
ში რომ ამოხდეთ სული, რომელიც გინდა, ის დასაჭე, გინდ ავა-  
ზაკი, გინდა — ძუნწი ან იმისი შვილი, ანდა სულაც სამთავეს ერ-  
თად დაატეხე თავს შენი რისხვა, ერთ მათგანსაც დაგჭერდები, ერთ-  
ერთს გევედრები, მტვერი შენთა ფერხთა, შენი ერთგული, დამცი-  
რებული და უმოწყალოდ გადათელილი... იმათ ჩემი რჩეული

მოჰკლეს, ვისაც მადერისად თავად დედაბუნება ჰყავდა, შენ რომ გენახა, როგორ დადიოდა, როგორ...

ავხედე და სიტყვა გამიწყდა — ყოველივე იცოდა.

სევდიანი და დაფიქრებული, ნაღვლიანად დამცქეროდა. რაღაცა ისეთიც იცოდა, მე რომ არც მომლანდებია, დიდხანს მიყურა და რომ შევეკრთი, მკაფიოდ მითხრა:

— საბრალო ნორჩი!

ნაღდად ასე თქვა, არ მომჩვენებია. გონება ამემღვრა და მბრძანებელს, ყოვლისმცოდნესა და იღუმალს, მე, აღშფოთებული მსახური, უდიერად შევეპასუხე: „ვინაა საბრალო, ვინ — მუყაოს იდიოტი?! ის, ვინც ყოველგვარი გარჯის გარეშე მიირთმევს გემრიელ კერძებს, უძვირფასეს. სამოსს აცმევენ, შადრევნებში დაიარება...“

მაგრამ მბრძანებელმა სუსტად გაიღიმა და მითხრა:

— ეგ არაფერი. სხვა?

სხვა რაღა უნდოდა, დავიბენი. მერე მაინც ყველაფერი გამახსენდა და სხაპასუხებით მივაყარე:

— უგუნურსა და ყეყეჩს, დიდად აფასებენ, წუწკი მამის დაგროვილი ქონების წყალობით!

მაგრამ მბრძანებელს წარბიც არ შეუხრია:

— ეგეც არაფერი, სხვა?

რომელი ერთი ჩამომმეთალა! და ყველაფერზე მეტად თვალში-საცემი რამ გამახსენდა:

— ბავშვობიდანვე მლიქვნელად ზრდიდნენ მშიშარა შამა და განსწავლული მადერისები! ჩემი რჩეული, ვისთვისაც უცხო იყო ამდაგვარი რამ, ახლა ჭოკის თავზე მრგვლად დაისრული, ბაბუა-წვერასავით ამოსულა მთავარ მოედანზე, მაგრამ რომელი სულის-შებერვა გააცლის უმოწყალოდ ჩასობილ ისრებს, ის კი, მადერისებისაგან მოწამლული, ისეთ დათაფლულ სიტყვებს იძახდა!

მბრძანებელმა კი ჩუმად, ნაღვლიანად გაიმეორა:

— საბრალო ნორჩი!

თავისას ამბობდა, ალბათ კარგად ვერ გავაგებინე:

— რითია საბრალო, რა აქვს შესაცოდი?! ვის არ შეშურდება იმისი ქონება, ოქროული და თვალ-მარგალიტი, ბედაურები, ბროლი და საფირონი და ერთი ისეთი ალმასი აქვს...

მაგრამ მბრძანებელმა მკაცრად გამაწყვეტინა:

— ყველანი წავლენ, — მითხრა და ისე შემატკერდა, წამსვე მოვინუსხე და დავპატარავდი, — ერთი იცოდე, ეგენი ყველანი წავლენ და თუნდაც მთელი სიმდიდრე და ავლადიდება უზარმაზარ საფლავში ჩაატანონ, მაინც ვერავინ ვერაფერს წაიღებს იმქვეყნად, ეგ ერთი იცოდე, — და დამიყვავა, — მარჯვენა ხელო.

გაოგნებული შევცქეროდი, ის კი, განრისხებული, სადღაც შორს იყურებოდა:

— ის ბენ იჯნპალიც ნუ გგონია ბედნიერი და პროვინციელ ავაზაკსაც ერჩია, მთელი სიცოცხლე სოფელ მორდოვში მჭდარიყო. იმ უბედურ ნორჩისაც ნუ შეიძულებ ასე და ისიც იცოდე, ვინაა ბედნიერი...

ეგონა, რომ ყველაფერს მივხვდი და შეჩერდა, მაგრამ მე, მოკუნტული, მუჭისოდენა, ხარბად დავეკითხე:

— ვინ?

— ვინც რჩება.

რალაცამ გამიელვა, შევექვდი:

— ვინ დარჩა?

იმან კი, მბრძანებელმა, ღიმილით შემომხედა და მითხრა:

— ვინც უყვარდათ.

თითქმის ყველაფერს მივხვდი და მაინც ხარბად, მოუთმენლად დავეკითხე:

— ვინ უყვარდათ?

იმან კი, მბრძანებელმა, მიუწვდომელმა და ყოვლისმცოდნემ, დაფარულმა, ალერსიანად შემომხედა, თავი მძიმედ დამიქნია და დინჯად, დამარცვლით მითხრა:

— მაჰმუდ აალი, მხიარულ ბორცვზე.

სინარულმა რომ გადამიარა, არეული და დაფიქრებული, ნისლად გავიწელე ღამეულ ზღვაზე... მე ვიხსენებდი მბრძანებლის სიტყვებს და მაინც, მარად უძლური მის იღუმალ სიბრძნეთა წინაშე, საბოლოოდ ვერაფერში დავრწმუნდი და კიდევ კარგი, მთელი ჩემი უხილავი სხეულით ბრმად რომ ვგრძნობდი მისი სიტყვების კეშმარიტებას. სიფრიფანა ნისლად ვტივტივებდი ღამეულ ზღვაზე, დავცქეროდი მთვარის შუქზე ნაზად ამოზნექილ ტალღებს და თვალი დამიმშვიდდა. მერე გავხედე ზღვას და მივხვდი, რატომ

ეძახდნენ უკიდევანოს, თუმცა მშვენივრად ვიცოდი, სად ჰქონდა ნაპირი და გულადმა ამოვტრიალდი. იქ კი, ცაზე, უამრავი ვარსკვლავი ჩანდა, და მე, ვისაც ღრუბლებს მიღმა ასვლა არ შეემძლო, მაინც მშვიდად შევცქეროდი ჩემთვის გამოუცნობ, შორეულ კაშკაშს და მხოლოდღა ის მიკვირდა, მიწიდან ასეთ ერთნაირ ციავს როგორ დაარქვეს ადამიანებმა ისეთი განსხვავებული სახელები, როგორცაა მეეტლე, ქალწული, ღრიანკალი...



ჰარალეთში ერთხელ ამბავი მოხდა, მტრისას.

ვინ იფიქრებდა და, იმ ამბის შემდეგ პარჰენა დვალ-  
მა, მთელს გუბერნიაში სახელგავარდნილმა თამადამ,  
სმას თავი მიანება და, შეფიქრიანებული, ღამღამობით  
ვარსკვლავებს უპვიტივებდა — ყანწის ნაცვლად ჰოგ-  
რიტი ეკავა და თვალის მაგივრად პირზე კი იყუდებდა  
უცაბედად პირველ ხანებში, მაგრამ მერე შეეჩვია და  
ჰოგრიტს სწორად ხმარობდა. არადა, ამბავი მოხდა, ავ  
თვალსაც კი დაენახებოდა — ჰარალეთის ორი ტიტანი,  
ორი მოქალაქე, რომელთა უძლეველობაში ექვი არავის  
ეპარებოდა, ერთმანეთს შეერკინა და ხომ უნდა დამარ-  
ცხებულყო რომელიღაც, რაც ჩვენთვის, ჰარალეთელ-  
თათვის, წარმოუდგენელი გახლდათ და ისე, უბრალოდ  
კი არ წაქილიყდნენ, არა, ბატონო — ერთმა პერანგი  
გადაიძრო თავზე, უშნოდ გამობზეკილ ტოტზე ჩამო-  
კიდა და ნამდვილად სწორად მოიქცა — მეტოქის დასა-  
შინებლად ისე დაბურცა რიყის ქვასავით კუნთები, რომ  
პერანგს მაშინვე დაფლეთდა, მეორემ კი სახელოები  
დაიკაპიწა, ქამარზე ძეწვეით მიბმული საათი მოიხსნა  
და პირველივეს, ვინც თვალში მოხვდა, პატარა ხნით  
შენახვა სთხოვა და ცნობილი თამადის, პარჰენა დვა-  
ლის ნიშანზე ისე დაეძგერნენ ერთმანეთს და მერე და  
ძერე მუშტების ყრუ ბრავაბრუგი რომ გაისმა, და ისე  
დაბზრილდნენ, რომ შემკრთალ პარჰენა დვალთან ერ-  
თად ხალხი მახლობელ ხეებზე აძვრა და ამ შერკინებას  
ასე უმზერდა.

ჰარალეთში რა არ მომხდარა, მაგრამ ამდაგვარი?  
აჰ, არა არა... ბევრმა შეიძლება არც კი იცოდეს, მაგრამ

სწორედ ჰარალეთში, დიდი ქორწილისას, შემწვარ გოქს კბილებშუა მსოფლიოში პირველად გაუჩარეს ბოლოკი და ასე მიაჩრთვეს თამადას. ბუნებრივია, სუფრის გამოცოცხლების ეს ახალი ხერხი, საერთო აღტაცებისა და ჟრიაშის გამოწვევი, მეზობელ ქალაქებსა და სოფლებს სწორედ ჰარალეთიდან მოედო, მერე გადასწვდა შორეულ დაბებსა და ვრცელ დასახლებებს და ბოლოს, ბუნებრივია, ისე გავრცელდა, რომ აღარცვის ახსოვდა, სწორედ ჰარალეთში დიდი ქორწილისას პირველად რომ გაუჩარეს შემწვარ გოქს დრუნჩში ბოლოკი. მაგრამ ორი ჰარალეთელის შერკინების ამბავი, დიდად სამახსოვრო, არ მინდა უკვალოდ გაქრეს და შერკინების შემდეგ გუბერნიის ტენორმა, პალტოს საყელოზე კრაველშემოვლებულმა ოსიკო არჯევანიძემ კი აღნიშნა, რომ „ასეთ დიდებულ სანახაობას არასოდეს გადაეფარება დავიწყების მტვრიანი, მონაცრისფრო ფარდა“, მაგრამ მაინც, მე, თქვენი მონა-მორჩილი, დიდად ვშიშობ, „დროთა უწყალო დაღმა-დინება“ (ესეც ოსიკო არჯევანიძის სიტყვებია) არ წაშალოს ეს უშავალითო შერკინება და ისე კი, რომ ითქვას, სულ შაშია კუტუბიძის ბრალი გახლდათ ყველაფერი, და რომ არა თქვათ, რის შაშია, რა კუტუბიძეო, აქვე მოგახსენებთ, რომ შაშია კუტუბიძე ჰარალეთის თეატრის დირექტორ-ადმინისტრატორი იყო.

ჩემი ჰარალეთი... ჩემი ქალაქი, მიხვეული, მოხვეული, მთებშუა ზევაად ჩავარდნილი, თავისთვის იღგა, ვის უშავებდა რამეს. ჯერ იყო და, უბრალო, მომცრო სახლებით იწყებოდა, ეზოებში ვარდი, გეორგინი იღგა, შენ ხარ ჩემი ბატონი, კარგი ხასხასა მოლიც გვიბიბინებდა ეზოებში, ხეები იღგა მწვანედ გატიკინებული და ჩრდილი ზაფხულში კი იყო და ზამთრობით არ იყო, მაგრამ არც გვინდოდა, სახლს უკან ვენახები გვქონდა, ვუვლიდით, ვრწყავდით, ქურები გვეგულებოდა მარანში, ღვინო ორშიშოთი სულ ლიკლიკით ამოგვქონდა, შექმანდს ხის კოვზებით შევექცეოდით, თალიანი ბუხრები გვედგა სახლებში, ზამთარ-ზაფხულ კვამლი ასდიოდა ჰარალეთს, ნაკვერჩხლებზე ჭყინტ სიმიდს ვწვავდით, კვამლი თვალეში გვხვდებოდა და ცრემლი გვდიოდა, ხოლო დრო, მოგეხსენებათ — გადიოდა. ამ უბრალო სახლების შემდეგ, სადაც ქეშმარიტი ჰარალეთელები ვცხოვრობდით, ქვემოთ და ქვემოთ, უფრო დიდი, შთამბეჭდავი სახლები იღგა, სახურავებზე ოქროსფერი რკინის მტრედებიანი, აივნებიანი, შუშაბანდებიანი და სამართ-

ლიანობა მოითხოვს აღინიშნოს, რომ იქაც ჭეშმარიტი ჰარალეთე-ლები ცხოვრობდნენ, ქალაქის ცენტრში კი, მთავარი მდინარის პირას, რომელზეც გაზაფხულობით ხილად მორი იყო გადებული, ჰარალეთის სიამაყე, სამსართულიანი შენობა იდგა, სვეტებიანი, მარმარილოთი მოპირკეთებული. ჰარალეთის მშვენიება მისი ადამიანები გახლდათ — ზოგი ცუდი, ზოგი უფრო ცუდი. ზოგიც კარგი და საშუალო, ჰარალეთის მთავარი სიამაყე კი სწორედ ეს სანსართულიანი შენობა იყო, ყავისფერი დრამატული თეატრი. დირექტორის დანიშვნაზე ბევრი აღარ უფიქრიათ, შაშია კუტუბიძემ განაცხადა, ახალგაზრდობაში მომღერალი ვიყავიო, იმხანად კი ჩურჩულით ძლივს ლაპარაკობდა, ხოლო ავი ენები იძახდნენ, სანთლის არაყმა გადაუწვა ხმაო და იგივე ავი ენები იმასაც აშობდნენ, შაშია კუტუბიძეს მისდღემში არ უმღერიაო და თუ ლოთის დანიშვნა ყოფილა აუცილებელი კულტურულ ადგილას, ბარელამ პაპიკოლოთი დაგენიშნათო, თუმცა პაპიკოს აზრადაც არ მოსვლია ეს, რადგან ჩუმი ლოთი გახლდათ და კულტურულ თანამდებობას ჩრდილში ყოფნა ერჩია. შაშია კუტუბიძე მანამდე საბილიარდოს გამგე იყო და ამანაც შეუწყო ხელი — საბილიარდოც კულტურული დასვენების ალაგია და ჩვენც გვაქვს, ბატონო, რაღაც გამოცდილებათ... მერე, ისიც კი იცოდნენ დამნიშნავენბმა, ქალაქის თავის მოადგილემ კაკოია გაგნიძემ და იმისმა თანაშემწემ ბუხუტი ქვაკვარავამ, რომ თვით სანკტ-პეტერბურღში დაწინაურებული ჩინოვნიკ-სოვეტნიკი გულბაატ კანსტანტინოვიჩ კუტუბიღზე შაშიას ნათესავი თუ არა, მოგვარე ღაინც ნაღდად იყო და, რა გახდა, ბოლოს და ბოლოს, ამდენს რომ გიყვებით, ეგეთები მომხდარა? — დანიშნეს, მოკლედ, შაშია დირექტორად. ერთი ურიადნიკიც, გვარად კაველაძე მიუჩინეს წესრიგის დამცველად და ზორბა მაუზერით ქამარზე, წარმოდგენებს პირდაფჩენილი, გატაცებით უყურებდა, მაგრამ როცა გაიგეს, კაველაძე ყრუ ყოფილაო, აბა რაღას უყურებდო და ალბათ ვერიკო თირღშვილი თუ მოაწონს, თორემ სხვა რომელი არტისტი მოეწონებღდაო, დაასკვნეს. კაველაძე დღეღღამ თეატრში იყო, გრძელ ქარქაშს ხელისგულით მაგრად მიიჭერღა ბარძაყზე, სკამის ფეხს ხმაურით რომ არ წამოსდებღდა, და რეპეტიციღზე ასე შეღიღღა. ერთი მოწვეული რუჟისორი დიღი უცნაური, ესე იგი, თავისებური კაცი აღმოჩნღდა და ფეხისწვერებზე მომავალი ზონზროხა კაველაძის დანახვღზე გაბ-

რაზებულმა შესძახა: „გაბრძანდით გარეთ, მოქალაქევე, მე არ მსურს, უცხო ხალხმა რომ გაიგოს ჩემი მუშაობის მეთოდები“. იმან არ იცოდა. კაველაძე ყრუ რომ იყო და ეს რომ აუხსენეს, მაინც სიტყვის კაცი აღმოჩნდა და მიუხედავად იმისა, რომ რალაცა ცუდს მიწვდარი კაველაძე დამანამუსებლად უმზერდა — „ასე ჩვენში, ხომო?“ — მაინც თქვა: „მერე რა, მაინც არ მინდა, ყრუმ და ათაბანიირმა... ეე... ათასნაირებმა ჩემს მეთოდს რომ უყურონო“, და გარეთ მიაბრძანა დიდად ენერგიული, ჭეშმარიტად თეატრალური ქესტით. ასე რომ, ნირწამხდარი კაველაძე იმისი რეპეტიციების დროს თეატრის შესახველთან, მტვრიან კიბეზე მოწყენილი იჯდა და მაუზერით კაკალს ტეხავდა, ძალიან უყვარდა ნედლი კაკალი. სხვა დროს სულ თეატრში იყო, ხან პარტერში ბოლთას სცემდა, ქანდარაზე ადიოდა, ღამითაც თეატრში რჩებოდა, ჩაკეტავდა ურდულით კარებს, მიმოიხედავდა, ხომ არსაიდან ბოლავდა და შუა სცენაზე დადგმულ დიდ სკივრს მიაშურებდა. ეს სკივრი წარმოდგენისას ბევრნაირ მოვალეობას ასრულებდა — ხან საწოლი იყო, ხან მაგიდა, ხან კიდეე საფლავის ლოდი და კიდეე ვინ ჩამოთვლის, რა... ხოდა, მიაშურებდა კაველაძე სცენის შუაგულს და ჩვენ, ფანჯარაზე გარედან აკრული გოგო-ბიჭები, გაფაციცებულნი შეეყუარებდით, როგორ გაიშლიდა ლოგინს დიდ სკივრზე, რომელშიც ატლასის ფარდა, პუდრი, პომადა, პარიკები და ამგვარი რამერუმეები ინახებოდა; მერე კაველაძე მოიხსნიდა მაუზერიან ქამარს, ღვედზე ჩამოკიდებულ ხმალს თავს ზემოთ გადაიძრობდა, გაიხდიდა მძიმე ჩექმებს და, სკივრზე ჩამომჯდარი, დაბუყებულ ფეხის თითებს ნეტარებისგან თვალდახუჭული აათამაშებდა, მერე გაიხდიდა ურიალნიკის ხალათს, შარვალს, გემოვნებისდამიხედვით ააფუებდა ბალიშს, ტყუპად ასწევდა კანჭებს და ლოგინზე მოკალათდებოდა, მერე საბანს დაქორფლილ ბეჭებზე წაიხურავდა და ახლა რომ ვუკვირდები, რამდენი წელი გავიდა და მე, ვისაც ბედმა როპელი თეატრი არ გინდა და რანაირილა მსახიობის ყურება არ მარგუნა, მაინც თავისუფლად, მაინც უქოჭმანოდ შემიძლია ვთქვა, რომ ურიალნიკ კაველაძესავე ბუნებრივად არავინ მოქცეულა მსოფლიო თეატრების სცენებზე.

ჰოდა, თეატრში, საღამოობით, ხალხი იკრიბებოდა. გამოვეწყობოდით პარალელურად შედარებით კარგად, ვისაც რა გვქონდა, ქალები მორჩინულ ოდეკოლონ „ფანტაზიას“ ბავშვებსაც გვაპყუ-

რებდნენ თავზე, ჩაგვკიდებდნენ ხელს, მეორეში ქოლგები ეკავათ, კაკალა მამიდას რკინის ყუთში, რომლის გასაღებიც შაშია კუტუბიძეს ებარა, შაურიანს ჩავაჩხარუნებდით, შევიდოდით პარტერში, ფარნები ბღღვიალებდნენ სცენაზე, ჩაბნელებულ დარბაზში „ფანტაზიის“ სუნი იდგა, კაკალა მამიდა რკინის ყუთით ილიაში განზე გასწევდა მავთულზე ჩამოკიდებულ ყვითელ ატლასის ფარდას, აგერ გამოვიდოდა ჩვენი ტიტოკო ლლონტი, ინგლისელი გრაფი იყო ვითამ, აიღებდა ხის ხმალს და გაურჭობდა შიგ გულში თავის ბიძაშვილ ეფრემა ლლონტს, ტიროდა ცხარედ ესპანელთა პრინცესა ვერიკო თიროშვილი, შაშია კუტუბიძე სადმე მიფარებულში შაურიანებს ითვლიდა და, მოგეხსენებათ, დრო გადიოდა.

თეატრი ბევრს გვიყვარდა ძალიან, რამდენიმე ჰარალეთელს კი, წარმოიდგინეთ, დიდად არ ეპიტნავენბოდა. ზოგს, მაგალითად, ფული ენანებოდა და ამბობდა, ტიტოკიას ლლიცინში რა ყრიაო, სხვასაც ფული ენანებოდა, მაგრამ ამბობდა, ამდენი ხალხის ნასუნთქ ჰაერში ბაცილებია, ბატონოო, და მესამეთაც ფული ენანებოდათ და ჩიოდნენ, წელი მაქვს გაკავებულიო, მკვალავსო და რა ვიცი, ასე... კი გვიყვარდა მაინც ჩვენი თეატრი უმრავლესობას, კარგი იყო თუ ცუდი იყო, ჩვენი იყო და ჩვენ რომ არ გვევლო, აბა, სხვა ქალაქებიდან ივლიდნენ?! დავდიოდით ასე, დროგამოშვებით, ნება-ნება, და როგორც იქნა, ოსიკო არაქვეანიძის მამა, ღრჯუ და პირქუში სამსონა არაქვეანიძე, ერთადერთი კაცი, ვინც არასოდეს ყოფილა თეატრში, ძლივს დაითანხმა შეიღმა — იმას, ოსიკოს შემხედვარეს, თეატრი და საერთოდ, ხელოვნება ჭირის დღესავით სძულდა — შვილი წამართვა ხელოვნებამ, ყანაში აღარ მეხმარებაო — ჰოდა, დღენიადაგ ჩამოფლეთილ ტანსაცმელში გამოწყობილმა, ოსიკოს დაუინებელი ხვეწნა-მულარის შემდეგ — „არ შეიძლება აგრერიგ, მამავო,“ მოირგო ახალი ჩოხა და ეზოში გამოვიდა. ერთი გამოპენტერებული ძაღლი ჰყავდა, რაღაცა ქრონიკული სურდო სჭირდა, აცხიკვებდა წარამარა და სულ რომ დაკარგო ყნოსვა, ადამიანებს ჩაცმულობისდა მიხედვით არჩევდა ჩინივნიკივით, და რომ დაინახა სამსონა არაქვეანიძე, ეზოში სულ სხვა ეშხით მოშავალი, არ ეტაკა და არ უკბინა? გადაირია სამსონა — თქვენ და თქვენი თეატრიცო, ისევ გამოეწყო ძველმანებში და „არ შეიძლება აგრერიგ, მამავო“, მწუხარედ აღნიშნა ოსიკომ და კიც მოხვდა პალო კოქებში. ჰოდა, იმის შემდეგ, ქუდი შეგვედოთ კი

არა, შარვალ-ხალათიც ზედ რომ მიგვეყოლებინათ, სამსონა მაინც არ შევიდოდა თეატრში, სადაც ღისი უფროსი შვილი, ოსიკო არჩევანიძე, ანტრაქტებში ცნობილ სიმღერას — „მშვენიერთა ხელმწიფას“ ქანდარისაყენ ხელაპყრობილი მღეროდა.

ქალაქის თავის მოადგილე კაკოია გაგნიძე და იმისი თანაშემწე ბუხუტი ქვაპარავა მხოლოდ პრემიერებზე დაიარებოდნენ და შაშია კუტუბიძე პირველ რიგში კაკოიასათვის ბალიშს დებდა სკამზე, საზურგეზე კი მუთაქას მიაყუდებდა. ბუხუტი ქვაპარავასათვის მხოლოდ ბალიში იყო განკუთვნილი — ხომ უნდა ყოფილიყო რაღაც განსხვავება უფროს-უმცროსში თანამდებობით, თორემ ისე ქვაპარავა ასაკით უფროსი გახლდათ — და ვერაფერი პატივისცემა იყო, ჩემის აზრით, პირველ რიგში ჯდომა — მთელი მტკვერი იმათ ეყრებოდათ თავზე. ურიადნიკი კაველაძე, ფეხზე მდგარი და აიღელს მიყრდნობილი, ხმალჩამოკონწიალებული, ისევე პირდაფჩენილი მისჩერებოდა ვერიკო თიროშვილს, მოგეხსენებათ, დრო — გადიოდა და დრო რას არ სცვლის და მერე სხვა ქალი ამოიჩემა, შერე — კიდევ სხვა და, თავის სკივრზე თავმიდებულს, თამამ სიზმრებში ხან ვერიკო თიროშვილი ესიზმრებოდა, ხან მარგალიტა თალაკვაძე, ხან კიდევ მაკრინე ჯაში და ლუიზა თუშაბრაძიშვილი. ისე, სიტყვიერად, ვის გაუმხელდა თავის ოცნებებს, ფეხისწვევებზე დაბოდილობდა თეატრში, მალულად უქვერიტინებდა სხვადასხვა ქალებს და მხოლოდ ასე, ოცნებებში იცვლიდა გულის რჩეულებს, მაგრამ ისე ხშირ-ხშირად, თუკი შეიძლება ასე გაჰოითქვას, ურიადნიკი კაველაძე პლატონური დონე ეუანი იყო.

და ყოველ ტაშის გაგონებისთანავე, ტკბილ ბურანში ჩაძირულ ოსიკო არჩევანიძეს ელანდებოდა საკუთარი თავი, მუხლამდე ვარდებში ჩაფლულს, მილანის ცნობილ „ლა სკალაში“ „ბის“-ზე წარდგენილს, ლოქა-ქანდარებისაყენ ჰაეროვანი კოცნის ტყორცნითა და თავის ღრმა დაკვრით ვართულს, წარმოედგინა ასეთი აფიშაც — „საოცრება მთა-გორიანი კავკასიიდან — ტენორი ოსინიო ჰარალეთინი — ყოველი ქალის ოცნება“, და ეს აფიშა ისეთი ცხადი და თანაც ისეთი საექვო იყო, განსაკუთრებით „ჰარალეთინში“ ბგერა „ჰ“ ისე აინტერესებდა, რომ შაშია კუტუბიძეს დაეკითხა, ნეტაი იტალიურში „ჰ“ თუ არსებობს, და ყელგადანიწვარმა შაშიამ აღმფოთებისაგან სულ ხრიალ-ხრიალით უთხრა, აბა რა, ბიჭო, „ჰ“ რომ არ იცოდნენ იტალიელებმა, „ჰ“ — ამლეტს ისე ხომ ვერ დადგამდნენ

და რავა გგონია, იტალიანაში „ჰამლეტი“ არ იქნება დადგმულ-განსახიერებულყო? ოსიკოსაც დაუჯდა კქუაში ეს აზრი, და აფიშამ მეტი დამაჯერებლობა მიიღო — თარიღიც კი გაჩნდა ზედ.

ხოლო დრო, მოგეხსენებათ — გადიოდა.

## 1

ტერეზას ეზოში ქათმები სულ ყვინთვა-ყვინთვით დაიარებოდნენ, რადგან ღამით ტერეზას ხვრინვა არ აძინებდათ.

ისე, რა უცნაურია, მაგალითად, სახელის დარქმევის ამბავი.

იმ დღეს, ტერეზა რომ დაიბადა, თურმე პარალეთში ვიღაც ევროპელმა მოგზაურებმა ჩაიარეს დახურული ეტლით. რაღა მაინც-დამაინც პარალეთში მოუნდათ ჩხუბი და დაეიდარაბა, თუმცა, რა იცი, ზოგი ცოლ-ქმარი ყოველ ნაბიჯზე კინკლაობს, მაგრამ მაინც არა მგონია, ცოლი ყოველდღე რაიმე ნივთს რომ ესროდეს ქმარს, მერე სად — შიგ თავში. კივილ-ყვირილზე მეეტლემ ცხენები შეაჩერა, მსუბუქი ფარდა ნიავმა ააფრიალა და ვარდისფერლოყები-ანმა, ნაზმა, ლამაზმა კაპარჩხანა ქალმა თლილი, მოქნილი თითებით ჩანთიდან კოლოფი ამოიღო და თავში ესროლა აღელვებულ მამაკაცს, კოლოფი შუბლმა აისხლიტა და ღია ფანჯრიდან პარალეთის ტერიტორიაზე დაეარდა, განრისხებულმა კაცმა ხელი მოიქნია, მაგრამ დროზე შეაჩერა, ქალმა უყურა, უყურა, კაცმაც უყურა და მერე, უეცრად ერთმანეთს დაეძგერნენ, ხელები შემოჰხვიეს და გაბმული კოცნით ერთმანეთს კინალამ არ ამოხადეს სული და ფარდაც დაიხურა და ეტლი წავიდა. დარჩა მხოლოდ სურნელოვანი კოლოფი, რომელშიც ერთ დროს რაიმე ძვირფასი ოდეკოლონი, ანდა პუდრი ინახებოდა და რომელზეც მცოდნე კაცმა არდალიონ ჭედიამ ამოიკითხა უცხო რამ სახელი — „ტერეზა“ და სამსონა არჯევანიძეს ბევრი აღარ უფიქრია, მეორე ვაჟინვილს სწორედ ეს სახელი შეარქვა.

ტერეზა სამი წლისა რომ გახდა, თავისი უფროსი ძმა, რვა წლის ოსიკო პირველად მაშინ გალახა, ძლივს გააგდებინეს ხელიდან. მერე იყო და, შვიდი წლისამ, სამსონა არჯევანიძე შაშინასთან ერთად სანთლის არაყით დედამამიშვილების სადღეგრძელოს რომ სვამდა, სამფეხა სკანს ქვემოდან თავი ამოსდო, ერთი კი დაიძაბა და შაშინა კუტუბიძე სკამიან-ჭიქიანად ააყირავა და ჩამქრალ ბუხარ-

ში ლოყით გაადენინა ბრაზვანი, გაბრაზებულ, ხელმოქნეულ სამსონას კი მკერდში ატაკა თავი და ისიც შაშინას გადააახხო, დაბნეულ შაშინას ეგონა, სამსონამ მიყო ეს ოინიო და ლოყაში სტკიცა, სამსონამ კი ნაცარი შეაყარა თვალებში და ამ დროს ის სურდოიანი ძაღლიც შემოვარდა და თვალდავსებული შაშინა თავით-ფეხამდე დაკბინა, შაშინა კი ხრიალებდა: ნუ მზწყენ, სამსონა, თორემ განანებო, ხოლო ტერეზამ კაი შოთიპური ამოიღო იღლიაში, ჭყინტი ყველი და წავიდა ტყეში. თორმეტი წლისას მთელი ჰარალეთი ერიდებოდა, საწყალი ოსიკო კი, რომელსაც ღამ-ღამობით ყვირილი დასჩემდა, დიდ ქალაქში გაგზავნა მამამისმა, აქ შიშით მომიკვდება, ბატონო, თავისი ძმის ხელში და იქ ეგება ხელობა ისწავლოს რამეო, და ოსიკო რამდენიმე წლის შემდეგ პალტოს საყელოზე კრაველშემოვლებული რომ დაბრუნდა და ტენორობა ვისწავლეო, თქვა და „მშვენიერთა ხელმწიფა“ თვალებშილულულმა შემოსძახა, ვაი მე, უბედურსო, თავზე ხელი შემოირტყა სამსონამ, ამისი იმედი მაინც მქონდა და ზოგს ყველა შვილი კარგი რომ გამოუვა, მე რატომ არ გამომადგა არც ერთიო, და შაშინამ ჩაიხრიალა, კიდევ კარგი, შვიდი რომ არ გყავს ზოგიერთივითო. ერთადერთი, რაც სამსონას თავისი უმცროსი ვაჟიშვილისა მოსწონდა, სახელი გახლდათ, მაგრამ ნასწავლმა კაცმა, არდალიონ ჭედიამ თქვა, ქალის სახელია ეგ სახელიო და სამსონამ, ღრჯუმ, აქ კი თავი ვეღარ შეიკავა — როგორაა ქალის სახელი, როცა ამას ჰქვიაო და რანაირადაა ეს ქალიო... მართლაც, ტერეზა ქალის გარდა ყველაფერი იყო, სხეულის აგებულებას სულაც თავი რომ დავანებოთ, ყველა ჰარალეთელს ერთად გალახავდა, და ყველამ მასხრად აიგდო არდალიონ ჭედიამ და იმანაც, ცოდნა წყალში რომ არ გადაჰყოფდა, თქვა, არა, ბატონო, კაცის სახელიცაა, ამასთანავე საბერძნეთში ერთი ბრმა მკითხავი იყო, იმას ერქვა ტერეზაო, ხოდა, ტერეზა და ტერეზა რამ გაყო და ისე, ქალსაც კი ჰქვია ხანდახანო, მაგრამ სამსონა მაინც ნაწყენი დარჩა — რაღა ჩემი შვილი მოიყვანე მაგალითად, აგერ ერთი და იგივე სახელია შურა და ქალსაც ჰქვია და კაცსაცო. საშაც ეგრე არ არისო, პარმენამ, დვალმა. მოკლედ, ტერეზა ისეთი ყმაწვილი იყო, ათ კაცს უღრიდა სხეულითა და ღონით, ხოლო რაც შეეხებდა ჭკუას, უკაცრავად პასუხია, მაგრამ.. მოკლედ, ჭკუით ვერ დაიკვებნიდა. დიდად საკვირველი კი იყო, საიდან ჰქონდა იმოდენა ღონე. მე, მაგალითად, გამიგია ისეთი ხალხი, რომელნიც დღენია-



დავ ვარჯიშობენ, სხეულს იკაჟებენ, კუნთებს იდიდებენ გამუდმებული ვარჯიშითა და სხეულის წრთობით და შემდეგ ფოტოსურათებს გაჭვიმულნი იღებენ, მაგრამ ტერეზას თავის დღეში არც უვარჯიშია, არც ტანი დაუშულია სველი ტილოთი, არც ურბენია აღმართდალმართ ზოგიერთივით, თოხს დააქერინებდი კი არა, ღვინოს არ ამოიღებდა ჭურვიდან, ჭიდან წყლის ზიდვას სულაც თავი რომ გავანებოთ, და საიდან ჰქონდა იმოდენა ღონე, კაცმა არ იცოდა, ვერავინ ვხვდებოდით. ერთადერთი იმისი ვარჯიში ის იყო, ვინმეს მიეპარებოდა, იღლიაში ხელებს სტაცებდა და ჰაერში ისროდა ჭინჭის ბურთივით. ამას კიდევ არა უშავდა, მიწასთან მიახლოებულ მსხვერპლს ნაზად იჭერდა, მაგრამ ერთხელ ვიღაცამ დაუძახა და მიტრიალდა — სულ გადაავიწყდა ჰაერში აგდებული კაცი და მოგვხსენებათ, ალბათ, დედამიწის მიზიდულობის კანონი და ამიტომ ჰარალეთელები ერთთავად კედელ-კედელს აკრულნი დავიარებოდით, ტერეზა რომ არ მოგვპარვოდა; ყველას ამოგანგლული გვექონდა ზურგზე ხალათი. ვინმე რამეს გაუბედავდა თუ რა — თვით ბოქაული ტიტვინიძეც კი, ჰარალეთის რისხვა, ვითომ ვერ ამჩნევდა იმის გამოხდომებს (ცარიელი კასრის დაგორება უყვარდა ქვაფენილზე და ეტლების გადაყირავება), ისე კი, ტერეზაზე, ალბათ, ძალიან ბრაზდებოდა, რადგან მისი ყოველი უმსგავსი საქციელის შემდეგ მოედანს თვალს მოაველებდა, პაპიკო-ლოთს დაინახავდა და, ტერეზაზე გაბრაზებული, იმას შეუძახებდა:

— მოდი აქ შენ!

ჩვენი პაპიკო-ლოთიც წყნარად წამოდგებოდა ჩრდილიანიდან და შორიახლოს აეტუზებოდა.

— რა გქვია, ბიჭო, შენ?!

— პაპიკო.

— ლაპარიკი! — დაიქუხებდა ტიტვინიძე.

იდგა ჩვენი პაპიკო თავისთვის, ვის უშავებდა რამეს.

— რა დღეა, ბიჭო, დღეს?!

— ოთხშაბათი.

— ლაპარიკი! — როგორ გავიდნენ თავს, ხედავ? — გაჭვიმულ მკერდზე დაიხედავდა და მოხრილ პაპიკოს ისევ ეკითხებოდა:

— ხვალ რა დღე იქნება?

— ხუთშაბათი.

— ზეგ?

— პარასკევი.

— ლაპარიკი!!

მერე ტერეზას ცალი თვალით გახედავდა, „სმიტის, ვენსონისა და K“-ს ტიპის ცეცხლმსროლელზე მოისვამდა ხელს და იტყოდა:

— ბუხუტი ქვაპარავას ფაეტონს ხომ არ ჩაუვლია აქ?

მაგრამ პაპიკო, ჩემო ბატონო, ამჯერად ხმას არ იღებდა...

— ხომ არ ჩაუვლია-მეთქი!

იღდა პაპიკო ჩუმად.

— არ ამბობ, ხომ? — იფეთქებდა ტიტვინიძე, — მოლაპარაკება, ხონ? ბუნტია ხომ, ბუნტი?! კაველაძე, მოდი აქ!!

ჩვენი ურიადნიკი ქარქაშს ბარძაყზე ზიიპერდა და სმენა-ქცეული მიუახლოვდებოდა, თუმცა, სმენა სად ჰქონდა, ყრუ იყო.

— ბუნტია, ხომ? კაველაძე!

— ცხრამეტია, მგონი... — ამბობდა კაველაძე.

— რა ცხრამეტია, ბიჭო... — იბნეოდა ბოქაული.

— ივლისის, უფროსო.

— პატ! — ჰქუხდა ტიტვინიძე, — მე თქვენ გაჩვენებთ! აგიყოლიეს ხომ, მასხარაობაში, ხომ? მოგჭრით ყველას თავს!!!

პაპიკოს, ჩუმ ლოთს, ლურჯი თვალები ჰქონდა.

პარალელში რა ქორწილი უნდა ჩატარებულყო ისე, სუფრის თავში პარმენა დვალი რომ არ მჯდარიყო, ლექსიც კი მიუძღვნა ერთმა: „გული შენ უნდა გვიხარო, სუფრისა თავსა ზიხარო“ — პარმენა დვალი დიდ, სასახლო ყანწს რომ მიიყუდებდა პირზე და ყანყრატო დგუშვით თანაბრად რომ აეწ-დაეწეოდა, პარმენა დვალი მაცდურ ჰინჭილიდან ბოლო წვეთს რომ გამოწუწნიდა, პარმენა დვალი გულლია ჯაშს რომ დაეწაფებოდა, პარმენა დვალი მთელ სუფრას რომ აჩვენებდა გადმოპირქვეავებულ სასმისს, ამის დანახვა ერთ რამედ ღირდა, ხოლო ათ რამედ ღირდა იმისი ლაპარაკი — დასურათხატებულ სადღეგრძელოებს ამბობდა. რას არ იტყოდა იმისი ენა: „გუგულებივით ზიხართო“, „იკუქკუქ-იქუქკუქეთო“, „უმთვარო ღამის ციურ-მანათობელო ვარსკვლავო და მზიან დღის შუქისა დამჩრდილვარეო“, „დღით ღამის ტურფად მომყვანო და ღამისა გამნათებელო“, „სამშობლო ერთიაო“ და ასე, ხუმრო-

ბაც კარგი იყოდა, სიტყვა-პასუხიც. ხმაც მშვენიერი ჰქონდა და, სახეაწითლებული, ყელს მოიღერებდა და მეორე ხმას თვალდახუჭული, ეშხით ამბობდა, მერე ახალ სადღეგრძელოს იტყოდა, მოწყენილს გამოაცოცხლებდა, აღვზნებულს — დაამოშმინებდა და ერთი ნაკლი ის ჰქონდა, რომ თამაღობაში ფულს იღებდა — ვის არ გვაქვს თითო ნაკლი. მაგრამ სხვა საქმე იმას არ ჰქონდა, ეს იყო მისი ხელობა და რა ექნა — ვერ ვამტყუნებდით. ისე კი, გამოთრობა ხშირად უწყევდა და ბოლო დროს სახე წითლად დაელაქა, ცხვირიც წითლად აუხანახანდა და, ვაიმე, ლოთი არ ვეგონო ამ ხალხს და ფასი არ დამეკარგოსო, გაიფიქრა და ერთ მშვენიერ დღეს, ხალხის თანდასწრებით, ჩვენს პაპიკოს მიუტრიალდა და უთხრა: „რაა, კაცო, ამდენს რომ სევამ“.. პაპიკომ ერთი კი ახედა და მერე ისევ წავიდა თავის ამღვრეულ ფიქრებში. „ნუ სევამ, ბიჭო, ნუ, — მიმართა პარმენა დვალმა, — ლოთობაზე ცუდი რაა ამ ცხოვრებაში... მე, მაგალითად, — და ხალხს მოავლო თვალი, — სამ იმდენს ვსევამ ყოველდღე, ვიდრე შენ ერთ კვირაში, მაგრამ ლოთი კი არ ვარ, ბიბია — მე რომ ვსევამ, ემხიარულობ, ხალხიც მხიარულობს, ამბებს ვყვებით, შენ ხარ ჩემი ბატონი, შენ კი, პაპიკო, რატომ ხარ სულ ასე ჩუმად, სადღეგრძელოსაც არ იტყვი ისე დაღვე ერთ-ორ ჰიქას და მიჭდები, კიდევ ხის ჩრდილში. არ ვარგა ეგრე, პაპიკო, ან სულ ნუ დაღვე, ანდა ბევრი დაღიე და მხიარულად, არ ვარ სწორი?“

მაგრამ პაპიკო წყნარად იჯდა და ნაღვლიანად დასცქეროდა მიწას.

„რას გაჩუმებულხარ ქვაზე დახატულივით?! — გააცინა პარმენამ ხალხი და სიცილი რომ მიწყდა, განაგრძო: — მე რომ გიკვირდები, რალაცა დარდი უნდა გქონდეს შენ. ახლავე გეტყვი, რატომ — მუშაობა შენ არ გეზარება, ვინმე დახმარებდას რომ გთხოვს, ყველას ეხმარები და ფული სულაც რომ არ მოგცენ, არ დაგცდებან სიტყვა... ქვაზე დახატულივით, — იხუმრა ისევ, — ბოროტი კაცი შენ არ ხარ, შენი ცუდი საქმე კაცს არ გაუგია, შეყვარებულოც არ უნდა იყო — ეგ ისეთი ამბავია, ისეთი რამაა, მაინც გაუმხელდი ვინმეს, ანდა სულაც ჩვენით შეგამჩნევდით და სხვა რალა რჩება, დარდი გაქვს რალაცა გულში...“

მაგრამ პაპიკო ისევ წყნარად იჯდა და ძველებურადვე ნაღვლიანად დასცქეროდა მიწას.

ახლა, შენ რომ დაგჩერებივარ, — განაგრძო პარმენმა დვალ-

მა, — შვილებს გეფიცები, გული მტკივა — კი ხარ ლოთი და სამარცხვინო, მაგრამ მაინც ჩვენი ხარ, ბიჭო, ჩვენში გაიზარდე, ერთი წყალი გვისვამს, ერთი ჰაერით გვისუნთქია და ამიტომ მტკივა გული შენს შემხედვარეს, აბა!..“

პაპიკომ თავი ასწია და სადღაც შორს, გადაკარგულში გაიხედა.

„ახლა რაღაცა უნდა გკითხო და უნდა მითხრა აქ, აქავე, ამ ხალხში, — განაგრძობ პარმენამ და ურიადნიკ კაველადისათვის არც შეუხედავს, ისე იხუმრა, — როგორ მოგვეჩერებია ეს ბედოვლათი, ვითომ ესმოდეს რამე... — დიდი სიცილი ატყდა და კაველადეც ხალხს უგულოდ აპყვა, მაგრამ მერე შენიშნა, ყველა მხოლოდ მას რომ შესცქეროდა, პაპიკოსა და პარმენას გარდა და რაღაცა ცუდი უგრძნო გულმა, მაგრამ ამ დროს პარმენამ რჩევა-დარიგება განაგრძო და თვალი მოაცილეს, — ჰოდა, პაპიკო-ჩემო, რაღაცა მინდა გკითხო და შემომხედე ერთი, თუ კაცი ხარ...“

პაპიკომ თავი მოაბრუნა და პარმენა დვალს ლურჯად ამღვრეული თვალებით ახედა.

„აგერ სულ შენიანები ვართ, შენი მეზობლები, შენი... შენი კეთილები!.. ჰოდა, ვატყობთ ჩვენც, რაღაცა დარდი რომ გაქვს, თორემ აბა ჩემებრ მხიარული კაცი რატომ გალოთლებდა და გვიტხარი, პაპიკო, თუ კაცი ხარ, რა დარდი გაქვს... თქვი და გულს მოგეშვება“.

პაპიკომ კი თქვა:

— ვთქვა?

— თქვი!

და პაპიკომაც თქვა:

— კაცია საჭირო.

— რაო? — ყურებს არ დაუჯერა პარმენამ, — ვინაო?

პაპიკომ კი ისევ გაიხედა შორს, გადაკარგულში და გაიმეორა:

— კაცია საჭირო.

— რა კაცი, ბიჭო? — კინალამ გადაიროია პარმენა, — რაღა ქალივით ლაპარაკობ შენ...

მაგრამ პაპიკო ჩუმად იჯდა, მოწყენილი დაჩერებოდა მიწას.

— კაცები ვართ, აბა რა ვართ ჩვენ! — იწყინა პარმენა დვალმა, — აგერ, კაცი არაა პატივცემული აკაკი გაგნიძე და ბუხუტი ქვაპარავა? კაცი არაა, აგერ... სამსონა არაჩვენაძე და პატივცემული ბოჭაული ტიტვინიძე? აგერ, კაცი არაა ეს ჩვენი ტერეზა და ჩვენი

თეატრის თორმეტ მსახიობს სულაც თავი რომ გავანებოთ, კაცია აბა რაა შაშია კუტუბიძე, ა?

აქ კი პაპიკომ შენიშნა:

— კი გამოგრაჩა ბევრი, მაგრამ... კაცია მაინც საჭირო.

— აუჰ! — თავში ხელი შემოირტყა პარმენამ, — გესმით, ხალხნო? გესმით, რას ამბობს? კაცები რომ არ ვიყოთ, როგორღა გამრავლდებოდა მაშინ პარალეთი და აგერ, ეს ჩვენი ურიადნიკიც კაცი რომ არ იყოს, იმნაირად მიაჩერდებოდა მარგალიტა თალაკვაძეს?

— იმას აღარ უყურებს, — თქვა კაკალა მამიდამ, — კარგა ხანია, იმისავე აღარ გაუხედავს.

— აბა ვის უყურებს ეს ჩემი ცოდვით... ვის უყურებს, კაკალა, მაკრინე ჯაშს?

— არა, არა.

— აბა ვის, ქალო, დაკარგა აბა კაცობა?

— ლუიზა თუ შაბრაძიშვილს მისჩერებია სულ.

— მერე, შე ქალო, რამ გაყო მარგალიტა თალაკვაძე, ლუიზა და მაკრინე ჯაშში? ქალი ქალია, ჩემო კაკალა და ტყვილა რატომ გამაწყვეტინე სიტყვა... რაღაცას ვამბობდი და... რა იყო, კაცო, რამ დამავიწყა... რაღაცა უცნაური თქვეს და როგორ ვერ ვიხსენებ, რა იყო მაინც...

— კაცია საჭირო, კაცი, — თქვა პაპიკომ, წამოდგა, თითი მალა აიშვირა და გაიმეორა, — კაცი.

— რანაირი გნებავს მაინც, გვიბრძანო ეგება, ამ გლახაკს ვერ ხედავთ? რანაირი გინდა მაინც, პაპიკო ბატონო, სქელი, ხმელი, მაღალი თუ მომსუქანო?

— ეგ სულ ერთია, — თქვა პაპიკომ, ისევ შორს, აღმოსავლეთისაკენ იყურებოდა, — მთავარი ისაა, რომ კაცია საჭირო, მაგრამ ის კაცი მარტო მე კი არ მინდა, ყველას გინდათ, სუყველას, კაცია საჭირო.

ეს პირველი რთული წინადადება იყო, პაპიკოს პირიდან ამოსული. მანამდე მხოლოდ „არასა და ჰოს“ ამბობდა, „არ ვიცისაც“ კი ვერ ათქმევინებდით — მხრებს აიჩეჩავდა ხოლმე.

— სად მიხვალ, ბიჭო, უყურე ამას, სად მიდიხარ-მეთქი! უყურეთ, უყურეთ, როგორ მიაქვს ფეხები, პრინცს არ ჰგავს სულ? ამის შემხედვარეს...

აქ კი პარმენას სიტყვა გაუწყდა, რადგან ხუმრობის იშტაზე მოსულმა ტერეზამ ილიაში ხელუბი სტაცა...

2

ხოლო დრო, მოგეხსენებათ, გადიოდა.

ამ წინადადებას ისე ხშირად ვიმეორებ, ცოტათი უხერხულიცაა მგონი, მაგრამ რა ვქნა, სწორი კია და — დრო ყოველთვის, ყველგან გადის და ჩვენი ჰარალეთი გამონაკლისი რად უნდა ყოფილიყო — ჩვენშიაც სწორედ ისე გადიოდა დრო, როგორც სხვაგან, მაგრამ ჩვენ; სხვა ქალაქელთაგან განსხვავებით, დროსტარება უფრო ვიცოდით, ოპოპოპოპო! — ღომი და სულგენი, ჭყინტი ყველი და პრასუმომხვეული მქადი, ღვინო ზედ... ქოთნის ლობიო, კარგად შეკმაზული, მწვადი, გენაცვალე, თევზი შემწვარი, თავისი მაშარაფით, უჰჰ უჰჰჰ! ნაქეიფევს კაი დილის არაყი, მქავე კიტრი და ჰამიდორი, გამხმარი ტარანა, ხაში ვიცოდით ქონიანი ისეთი, მსოფლიოს რუკას ჰგავდა — პაპ-პაპ, პაპ-პა:, პაპ! — გავიდოდა დრო, რას იზამდა აბა...

და თუნდაც მნიშვნელოვანი არაფერი მომხდარიყო, ჰარალეთში რალაცა ყოველთვის იცვლებოდა — ერთ დროს, მაგალითად, ხალიანი ბიჭები იყვნენ მოდაში, „ხალიანო ბიჭო“, სიმღერაც კი გაჩნდა მოფერებითი ასეთი, და ოსიკო არჩევანიძე გასათხოვარ ქალიშვილებთან საუბრისას ვითომ ყურს მიუშვევრდა მოლაპარაკეს და სინამდვილეში იმ ხალიან ლოყას აჩვენებდა, მერე კი, ხალი მოდიდან რომ გადავარდა, და ასეთი სალანძღავი გამოთქმაც რომ გაჩნდა — „შე ხალიანო, შე დახალულო“, ოსიკო მერე ყურს მიუშვევრდა პრონწყია-პრონწყია, სსსეირნოდ ქოლგით გამოსულ ჰარალეთელ ქალიშვილებს. მერე იყო და, დიდი კამათი ატყდა — შაშია კუტუბიძე აფიშაზე პიესის ავტორის გვარს არ აწერინებდა მცოდნე კაცს, არდალიონ ჭედიას და ძალიან რომ მომრავლდა უავტორო პიესები, ვილაცამ თქვა, ეს ხალხურს არა ჰგავს და უთუოდ შაშიას დაწერილი იქნებაო, ბარაქალა შაშიასო, ეს ბოლო პიესა მაინც რა კარგი გამოუვიდა, „ვერაგობა და სიყვარული“, სახელები არტისტებისთვის განგებ აქვს შეცვლილი და ერთი მაინც დატოვა ნამდვილი — ლუიზა თუშაბრამიშვილისთვისო... ამ აზრის მომხრენი ძირითადად შაშიას ნათესავეები და ის ახლობლები იყ-

ნენ, რომლებსაც უშაურჩიანოდ უშვებდა თეატრში, სხვები კი, შაშიას მტრები, იძახდნენ, თუ მაინცდამაინც ლოთმა უნდა დაწეროს პიესა, პაპიკო ყოფილა, გენაცვალე, მაგეების ერთპიროვნული ავტორიო, და ერთმა ისიც კი თქვა, შაშია რანაირად დაწერდა პიესას, ყელი გადამწვარი აქვს და ხმა კიდევ ჩახლეჩილი და პიესაში ხომ სულ ხმამაღალი ლაპარაკიაო. მოკლედ, ვიკამათეთ ბევრი... აზრთა გაცვლა-გამოცვლები იყო.

მერე ერთი თეთრწვერა, წელში ძალიან გამართული ბერიკაცი გადმოსახლდა პარალეთში — მალხაზ კაკაბაძე. ახალგაზრდობაში ვმსახიობობდი, მერე მომბეზრდა მაღალ საზოგადოებაში ტრიალი, მიყრუებულ სოფელში დაესახლდი და ყანაში ვიშუშავე მთელი სიცოცხლეო, ახლა კი ისევ მომინდა თეატრი, კარმიდამო გავყიდე, აქ, პარალეთში პატარა ხუხულა ვიყიდე, მორჩენილი ფული სულ შაურიანებად გადამიხურდავო შაშია კუტუბიძემ და ერთი წარმოდგენა თუ გავაცდინო, აგერ ჩემი წვერი და აგერ ჩემი ულვაშიო და როლში შევიდა და კინაღამ სულ ჩამოიბღღვნა სახე. ისე კი, რაც მართალია, მართალია, არ აცდენდა წარმოდგენას — ქანდარაზე უყვარდა ასულა, გაიჭვიმებოდა იქ და თვალმოჭუტული დასცქეროდა მსახიობებს და ტიტყვო ღლონტს სიტყვა თუ შეეშლებოდა, ხელად გადმოსძახებდა ზემოდან — იველი პარალეთელი რომ ყოფილიყო, ნამდვილად იმისი გვეგონებოდა ყველა უავტორო პიესა.

პაპიკო-ლოთი კი დაღონებული იჯდა ხის ძირას, ხანდახან შორს, გადაკარგულში გაიხედავდა და მერე ისევ დააჩერდებოდა მიწას. „როგორაა, პაპიკო, საქმე, — შეუძახებდნენ პარალეთლები, — აბა, საქიროა კაცი? „კი“, ხმადაბლა ამბობდა პაპიკო. „სადაა მერე?..“ „მოვა, — ამბობდა პაპიკო, — აუცილებლად მოვა“. „არ გაუვა წყალი, ხომ?“ „მოვა“. „ვინ დაგალევინა დღეს?“ „კაკალა მამიდამ“. „რა გაუკეთე მაგიორში?“ „ვენახი გაუთოხნე შეიდი რიგი“. „ყოჩაღ! ახლა დაელოდე იმ შენ კაცს მანდ, ოღონდ არ ჩაგეძინოს, ბიჭო...“ „არა, არა, რა დამაძინებს...“ „ისე, როგორ უმატა ლაპარაკს, ა? რა გადის ნეტავ დღეს თეატრში?..“

ტერეზა ბოლო დროს გადაგვერია სულ. მიაღგებოდა ვინმეს ლობეს, აუდენდა ლაწალუწს, დაეძგერებოდა მერე ხეებს, შუაზე გადატეხავდა, მთავარ მდინარეზე ხიდად გადებულ მორს არ აჩერებდა — ასწევდა, დაირტყამდა მუხლზე და სადღა იყო ჩვენი ხი-

დი, მერე თეატრის მარმარილოს ბოძს დაეჯაჭურა და, კიდევ კარგი, მამამისმა სამსონამ მოულიტინა ილიაში და ტერეზა ძირს გაგორდა და კინალამ გაიგუდა სიცილით. ეს ერთი კარგი თვისება ჰქონდა — ელიტინებოდა ხოლმე, თორემ უთეატროდ დარჩებოდა პარალეთი. ბოქაული ტიტვინიძე მშენივრად ხედავდა, რაც ხდებოდა და, გაგულისებულს, პაპიკო-ლოთი. ქალაქის განაპირას, მალალ გვიმრიანში ემალებოდა და იქ იჯდა მოწყენილი. ხელობით ღონიერმა კაცმა ჩამოიარა ერთხელ პარალეთში, ხარი თოკით მოჰყავდა და ილიაში მამლის ბოლო ჰქონდა გამოჩრილი, შეაგროვა კაპიკ-კაპიკი, მერე მამალი ხარის რქაზე დასვა, ხარს კი ხელები მოჰხვია და ქშინვა-ქშენით რომ ააცილა ცოტათი მიწას, მიეპარა ამ დროს ტერეზა, წაავლო იმ კაცს ხელი და თავის ხარიან-მამლიანა ისროლა ცაში. მამალს რა უჭირდა, გაგულისებულნი კრიახით დაეშვა მიწაზე, ის კაციც ტერეზამ დაიჭირა პაერში, ხარმა კი... ვიქეიფეთ, მოკლედ, იმ დღეს, რა გვენალელებოდა რა — დანახარჯი საწაონა არგევიანიძემ გადაიხადა. ტერეზას არ დაუღევია, თუმცა, ჩვენთვის სულ ერთი იყო, გინდ ფხიზელი და გინდ მთვრალი — ერთნაირი იყო სულ. და ტერეზას განსაკუთრებული აღტყინების მიზეზი თურმე, როგორც მალე შევიტყვეთ, ქალი ყოფილა. არა, ქალი ვის არ გვიყვარს, რომელს არ გაგვიყოლებია ჩუმად თვალი, მაგრამ ნამდვილად უხერხული იყო, ტერეზა ქალებს ისე გულდაგულ მისჩერებოდა... მოკლედ, ცოტაც და სულ ნაფოტებად იქცეოდა ჩვენი პარალეთი, ბეწვზე ეკიდა ყველას სიცოცხლე, ყველას ყანა და მარანი, ყველას ბალი და თუთა და, ღმერთო, შენ ააშენე მარგალიტა თალაკვაძის ოჯახი... ტერეზა დამშვიდებული დაიარებოდა ქუჩებში და, კაი გუნებაზე დამდგარი, თავისი ჰკუთით წაუღლინებდა ხოლმე. ასე ყვიროდა:

ქალო ჩამოდი კიბე-ზევეე!  
ქი-იშშიში მაქ კიბე-ზევეე!!!

ხოლო დრო, კარგად მოგეხსენებათ, გადიოდა.

### 3

წელიწადი არ მახსოვს კარგად, ისე კი, 24 სექტემბერი იყო — მაკრინე ჯაში თხოვდებოდა. მაკრინეს დიდად შეძლებული მშობლები ჰყავდა და მთელი პარალეთი დიდიან-პატარიანა ქორწილზე იყო



დაპატივებული. სიძველე ყელბაფთიანი ოსიკო გახლდათ, და სხვა რა გზა იყო — მამამისმა სამსონამ გამოამზეურა ტახტში შენახული ჩოხა-ახალუხი და იმ სურდოიან ძაღლს კიდევ რომ არ ეკბინა, ეზოს გარეთ, ღობესთან წვალეზ-წვალეზით შეიკრა ღილები. ტერე-ზამაც ძმის ხათრით წითელი ატლასის პერანგი ჩაიცვა და კუნთები მოადუნა, რომ არ გახეოდა. პარალეთში სადილი არ გაკეთებულა იმ დღეს, ყველა ქორწილისათვის ინახავდა თავს. ნაშუადღევს წავიხემსეთ და ერთი სული გვქონდა საღამოს რვა საათამდე — ამ დროს იყო დანიშნული ქორწილი, ასე ეწერა მოკურკურე მტრედებიან ბარათზე. მსახიობები, რა თქმა უნდა, პირველ რიგში დაპატივეს — მსახიობი კარგია სუფრაზე. იმ დღეს თუმცა „ვერაგობა და სიყვარული“ გადიოდა, მაგრამ ვინ მივიდოდა თეატრში. შაშია კუტუბიძემ მაინც ხრიალით გამოაცხადა, არაფერი არ ვიცი მე, გინდაც არავინ მოვიდეს, რვა საათისთვის ყველანი პარიკებში იყავით და მესამე ზარს რომ დარეკავს კაკალა, და თუ არავინ არ იქნება მოსული მაყურებელთაგან თეატრში, ე მაშინ გადაიცვით და წამოდით ქორწილზე... კაი, ბატონოო, ტიტოკომ, ღლონტმა, და თავის ბიძაშვილ ეფრემა ღლონტთან კამათი გააგრძელა — „ჰოდა, იმას გეუბნებოდით, კი ჯობია დამბაჩა ხმალს, დამბაჩიანი კაცი ყოველთვის მოერევა ხმლიანს, მაგრამ ამასაც დაუყვირდით, დამბაჩით ფანქრის გათლა რომ მოგინდეს, დამბაჩით გათლი ფანქარს უნ? ყველაფერს თავისი ადგილი აქვს, ეფრემა, ყველაფერს...“ ტიტოკო ღლონტი საჭეიფოდ იყო აღგზნებული და ამიტომ ლაპარაკობდა ასე გატაცებით — დრო რომ გაეყვანა. დრო კი ისედაც გადიოდა და რომ შესრულდა რვის ნახევარი, შაშია კუტუბიძის ნიშანზე კაკალა მამილამ პირველი ზარი მისცა, გაგიგონია? — ვინ მოვიდოდა... რვას რომ დააკლდა ათი წუთი, შაშია კუტუბიძემ ისევ დაიქნია თავი და კაკალა მამილამ მეორედ დარეკა ზარი და ვერიკო თიროშვილმა ღილებზე წაივლო ხელი — არც ერთი მაყურებელი არ ჩანდა, ჰოდა, კაკალა მამილას ის-ის იყო მესამედაც უნდა აეყდარუნებინა ზარი და ყველანი გავარდნილიყვნენ ეზოში ტანსაცმლის გამოსაცვლელად და მერე სოფრომ ჯაშის შეძლებულ ოჯახში, ქორწილზე, რომ ამ დროს, სად იყო და სად არა, გამოჩნდა ჩვენი წვეროსანი მალხაზ კაკაბაძე, ჩაადრო კაკალა მამილას რკინის ყუთში შაურიანი, ავიდა ქანდარაზე, გახედა სცენაზე შექუჩულ, დაბნეულ არტისტებს, ჩაახველა მუჭში და დაიძახა:

— რაა, კაცო, აღარ იწყებთ სპექტაკლს?

ეფრემამ კი, რომელიც მილერს ანსახიერებდა, შესძახა:

— არ ხართ დაპატიებული ქორწილში, მალხაზ?

— კი.

— რამ მოგიყვანა მერე ამ დასაწვავში!

— სპექტაკლი მირჩევნია მე.

— ახლა ერთი კაცის გულისათვის ქორწილს უნდა დავაკლდეთ ამდენი ხალხი? — შეიცხადა ტიტოკო ლლონტმა, — ერთი ყველასთვისო, არ გაგიგია შენ?

— ყველა ერთისთვისო გამიგია მე!

— გვლუპავ, მალხაზ?! — იყვირა მილერმა.

— რატომ გვლუპავ მე, ბიძია, მე კი არ ამომირჩევია შენთვის არტისტობა, რასაც იკისრებ, გაანადღო უნდა ის. რალაც არ მახსოვს, ჩემთან რომ მოსულიყავი და გეკითხა, რა ხელობას მირჩევ, მალხაზ ბიძიაო...

— კი მაგრამ, ასე უგულო თამაშის ყურებას, არ ჯობია კაი ქორწილი? — მხრები აიწურა პრეზიდენტმა ფონ ვალტერმა.

— არაფერი არ ვიცი მე! — გაცხარდა მალხაზი. — ბიჭო!.. ხომ ჩავაგდე ყუთში შაურიანი? შენ გეკითხები, კაკალა!

— კი.

— ხომ დავჯექი ჩემს ადგილზე თავის დროზე!

— კი, მარა...

— ძარა და ბარა არ ვიცი მე!! ბაბუაშენისაა ეს თეატრი, ტიტოკო, თუ იმპერიის?

— იმპერიისაა, მაგრამ...

— ჰოდა, დაიწყეთ ახლავე. ამდენი ლაპარაკის თავი სად მაქვს მე...

— კი, მარა...

— რა გააკირეთ ამ „მართი“ საქმე! „მართი“ არ იწყება ეს პიესა, წესიერად დაიწყეთ, გირჩევთ მე!

— არ დავიწყებთ! — დაიძახა გაკაპასებულმა ჰოფმარშალმა ფონ კალბმა.

— რაო? — მუქარით იკითხა მალხაზმა, — არ დავიწყებთო? სადაა დირექტორი!

შაშია კუტუბიძე სცენის შუაგულში გამოვიდა. ასე, როგორც იყო, უპარიკოდ და უპუდროდ, როგორ დამშვენდებოდა ბანდიტის როლი?

— რა ხდება აქ! რისთვის გიხდის ფულს იმპერია! ახლავე დააწყებინე მაგ ხალხს თამაში, თორემ... რკინის ქალამანს ჩაეცივამ, რკინისავე ჯოხს დავიჭერ ხელში და გუბერნატორამდე თუ არ მივიღე, აგერ, ჩემი წვერი და ჩემივე ულვაში!.. თქვე ვინ გგონივართ მე! ვის გავაბითურებიებ თავს! იწყებთ თუ არა წარმოდგენას, კუტუბიძე ხარ თუ ვილაცა ხარ შენ!

— ვიწყებთ, აბა არ ვიწყებთ? — ჩაიხრიალა შაშიამ, — დაიწყეთ ახლავე! ამ წუთში!

— კმარა, ეს უკვე სახიფათო საქმეა, — თქვა ეფრემა ღლონტმა, — ჩემ ქალს ბარონთან ურთიერთობა სახელს გაუფუჭებს. ოჯახი შემირცხვება.

— ე მასე! — შეუძახა მალხაზმა.

— პრეზიდენტი შეიტყობს, — განაგრძო დაღვრემილმა ეფრემა ღლონტმა, — ერთი სიტყვით, მე იმ ვაჟბატონს აქ ფეხს აღარ დავადგმევენებ.

— შენ რომ ის სახლში არ შემოგიტყუებია, შენი ქალი მისთვის თავზე არ მოგისვევია? — უგულოდ იკითხა ვერიკო თიროშვილმა.

— უნდა მეტი თვალყური მედევნებინა, — აღნიშნა ეფრემა ღლონტმა, — მაიორი კარგად შემეხურებინა, ან მაშინვე მისი აღმატებული მამისათვის მეცნობებინა.

— წავედი აბა მე და, — თქვა შაშიამ, — მე აღარ გჭირდებით ახლა. მერე წამოღით ერთად და რა გიჭირთ, პატარას თუ დაავიანებთ, გათენებამდეა ქორწილი.

— ნუ გვიშლი თუ შეიძლებოდეს, ვილაცა ხარ შენ!

— მივდივარ, ბატონო, მივდივარ...

— შორს ბატონ ბარონებისაგან... — ჩაილაპარაკა ეფრემა ღლონტმა, — ვინ იცის, იმ ვაჟბატონს რა გადახდენია თავს — ეშმაკმა იცის, რასაკვირველია, მაგისთანა მსუქანს გემრიელი ლუქმის დანახვაზე პირში წყალი მოადგება...

— ყვითელი დედლები იქნება, ნიორწყალში ჩადებულნი! — ასძახა უცებ მალხაზს ჰოფმარშალმა ფონ კალბმა.

— თუთ! ეგ წერია ტექსტში?

— არა, მაგრამ... საცივია ინდაურის თურმე, თითებს მიატან ზედ! — შეჰყვირა ფერდინანდმა.

— გოჭია შემწვარი, აჯიკაწისმული! — დაიქუხა პრეზიდენტმა ფონ ვალტერმა.

— რა გინდა შენ სცენაზე, სულ არ ხარ ამ მოქმედებაში!! — არანაკლებ იქუხა მალხაზმა, — დატოვეთ ახლავე ზედმეტებმა სცენა და განაგრძეთ სპექტაკლი, ყველანი გამოხვალთ თქვენ თქვენს დროზე!..

— მაშ, რა განზრახვა უნდა ჰქონდეს იმ თავქარიანს? — განაგრძო დანადვლიანებულმა ეფრემა ლლონტმა, — გოგო ლამაზია, მოხდენილი... ზედა სართულში რა უყრია, ამას ყურადღებას ვინ აქცევს, თქვენ, ქალებს ამისთვის არავინ დაგიწუნებთ, თუკი მიმზიდველი ქვედა სართული გექნებათ. მე ბარონს არ ვამტყუნებ. ადამიანი ხომ მუდამ ადამიანია, ეს ნუ დაგავიწყდება.

— ნეტავი გაჩენა, რა მშვენიერ წერილებს წერს ბარონი ლუიზას, — თქვა ვერიკო თიროშვილმა.

— ეს ხომ ყოველთვის ასეა, — მიუგო მილერმა, — მულო, შენ გეუბნებიან, რძალო, შენ გაიგონეო. ვინც სხეულს შესტრფის, ის ჭერ... კალმახია შემწვარი, თხილის ტოტზე აგებული!

— სად იშოვნეს კალმახი?.. — დაინტერესდა მალხაზი ქანდაკრიდან.

— ურიადნიკ კაველაძეს დააჭერინეს წყალში!.. რაა კიდევ თუ იცი!

— არა?

— ღორის ხორცია, ცივად მოხარშული!

— კუჭმაჭია, გენაცვალე, წითელ ხახვში მოხრაკული!

— ვარიებია, მალხაზ, კოხტა-კოხტად დაბრაწული!

— ცხვრის მწვადია, ტკბილო, ჩუმად აშიშხინებულ!

— არაფერი არ ვიცი მე!! გააგრძელეთ წარმოდგენა, თუ არა...

ურიადნიკი კაველაძე კარებშივე შეჩერდა და დაბნეული მიაჩერდა სცენას — რალაცა სხვა ხდებოდა.

— ცეცხლში ეგ საზიზღარი ნაჯღაბნი!.. — თქვა ნირწამხდარმა ეფრემა ლლონტმა, — ღმერთმა უწყის, რა ჰაეროვან ფანტაზიებს გაუღვიძებს გოგოს. ისინი სისხლში ესპანელი ბუზებისავით აირევიან და მაშინ მშვიდობით... ცეცხლში, გელაპარაკები!

— კუპატია ჰარალეთური, პილპილით შეკაზმული!

— ა ბიჭო, მალხაზ, ცივდება ხაჭაპური!

— ტოლმაა, მალხაზი ჩემო, ვაზის ფოთოლში გახვეული.

— მეავე კომბოსტოა, ცხარე, ისეთი, სულ ცეცხლმოდებულ!

— შუშა კიტრებია, გაუთლელად იქმევა სულ!

— გაგთლით მე თქვენ! კიდევ შემოხვედი სცენაზე, ხომ? ვე-  
ლარ ითმენ, ტიტკო, ხომ? დატოვე ახლავე სცენა!

— კი მაგრამ, ჩემს მეტი ვერავენ ნახე ზედმეტი? — იკითხა  
ჰოფმარშალმა ფონ კალბმა, — აგერ, ეგრე თუა, ლედი მილფორდს  
რა უნდა შუაგულ სცენაზე?..

— გაბრძანდით თქვენც, გაბრძანდით, ქალბატონო... ესაა თქვე-  
ნი სცენური კულტურა? მიბრძანდით კულისებში... ა ბიჭო, ეფ-  
რემა!

— ეჰ... სწორედ მანდ არის გოჭის თავი... ეე, ძაღლის თავი  
დამარხული, — განაგრძო მილერმა, — პრეზიდენტმა მადლობა უნ-  
და მითხრას. გამიწმინდე ჩემი ხავერდის ჯუბა, წავალ და მის აღ-  
მატებულებას ვინახულებ. თავი დაანებე წყეული ყავის სმას და  
ბურნუთის ყნოსვას, მაშინ აღარ დაგჭირდება შენი შვილის სილა-  
მაზე ბაზარზე გამოაფინო, მე კი მაძლარი ვიყავ და...

— ხაშლამაა, მალხაზ, აორთქლებული ისეთი, არ დაიჭერებ!

— ლორია შებოლილი, ექვს თვეს ეკიდა ბუხარში!

— ლაპარაკი!

— დილა მშვიდობისა, მამილო!

— ყოჩაღ, ლუიზა!

— ოჰ, მამაჩემო, ცოდვილი ვარ!.. — თქვა ლუიზა თუშაბრა-  
მიშვილმა.

— რაღაცა აკლებთ სიტყვებს თქვენ!

— როგორ გეკადრებათ, მალხაზ-ბატონო... თევზია ცოცხალი,  
მარილ-წყალში მოხარშული!

— კი მაგრამ, სად იზოვნეს თევზი?..

— კაველაძეს დააჭერინეს წყალში!

— კარგი იქნება მაგისი დაჭერილი!

— თევზი თევზია, მალხაზ! რაა კიდევ, თუ იცი!

— არა?

— კაი ბაჟა-წვენი თავისი ღომით და ღომია ცხელ-ცხელი თა-  
ვისი ჩამდნარი სულგუნით, აბა!

— ეგება არ მიყვარს ეს ღომი...

— შოთი 'პურებიცაა, მალხაზა, თონიდან ცხლად ამოყრილი!

— პამიდორებია წითელ-წითელი, ქვასავითაა მაგარი!

— ცუდი ღვინო ექნებათ მაგათ.

— რაიო? — შეიცხადა ჰოფმარშალმა ფონ კალბმა, -- ხუთი წლს ღვინოა, მალხაზა, ჰურიდან ამორიკრიკებული!

— მწვანილეულს აღარ იკითხავთ, მალხაზ-ბატონო?

— ეგ რა სახსენებელია, ბიჭო...

— შემწვარ გოჭებზეა მიმოყრილი!

— ტყემალი თუა?..

— როგორ არაა, მალხაზა, აბა ვარდი — უეკლოდ?

— ეკალაც იქნება, აბა... — ფიქრებში წავიდა მალხაზი.

— ეკალაა, სულო, ძმარ-ნიგვზით გაყლენთილი, თითებს მიატან ზედ!

— ჩანგალი არ აქვთ მაგ უპატრონოებს?, განაგრძეთ ახლავე სპექტაკლი!

— ჩანგლის მეტი რა აქვთ, მალხაზ, ვერცხლის ჩანგლით მიირთვი, თუ მოგეხასიათოს!

— რომ არ დავუპატიუებივართ? — მორცხვად მოისმა ქანდარიდან.

— აუჰ! — თავში ხელი შემოირტყა პრეზიდენტმა ფონ ვალტერმა, — აგერ არ დამაბარეს მე?

— როდის, კაცო?..

— გუშინ, კაცო...

— ვერ თქვი მერე? ვინ დაგაბარა?

— თვითონ სოფრომმა დამაბარა გუშინ...

— რომელმა, ჯაშმა?

— აბა!

— მე რომ არ ვიცნობ...

— ის გიცნობთ სამაგიეროდ, ბატონო!

— არა, მაინც უხერხული რომაა სპექტაკლის ჩაშლა... — შეფიქრიანდა მალხაზი, — პურ-მარილი როგორ ვანაცვალოთ ხელოვნებას...

— ნაღულია, მალხაზ, ჯერ რომ არ მიგირთმევიათ, ისეთი...

— პიტნითაა?

— უჰ! სულ პიტნა-პუტნითაა აზელილი.

— აბა, რას მომჩერებინართ მე, თუ ეგრე გინდათ წასვლა, ერთი ყველასთვისო, ჯანდაბას — წავიღეთ მაშინ ქორწილზე!

— სად მიდიხართ ა, თქვენ, ა? — იკითხა განცვიფრებულმა ურიადნიკმა კაველაძემ.

— თუთ! — შეუტია ეფრემა ღლონტმა და ხავერდის ჭუბა სკივრში ისროლა, — რაში გეკითხება შენ?!

— ა?

— ყველა ყრუ და ბრუტიანი რატომ უნდა გამოერიოს ჩვენში! — გული დასწყდა ტიტოკოს და პარიკი იმანაც სკივრში ისროლა — ისე, თუ გინდა, წამოღი შენც...

ამ დღეს იმიტომ აღვწერ ასე დაწვრილებით, რომ კაცი პარალელში სწორედ იმ ღამით მოვიდა.

#### 4

— ოჰ, გაუმარჯოს არტისტებს! — დასკეკა თამადამ, პარჰენა დვალმა, — სად ხართ, ბიჭო, თქვენ? აბა, აგრაფინა ბიცოლა, გენაცვალე შენ, მომწოდე ერთი ჩვენ რომ ვიცით ის ყანწი და შესვით აბა, ბიჭებო, ამ კაი ნეფე-დედოფლის სადღეგრძელო, რომ იმრავლონ სულ და კურკურობა-კურკურობაში დაასიონ სოფრომ ბატონს ტკბილი შვილიშვილები!

— ცალ-ცალკე შეიძლება კი მენახოს ასეთი კარგი ქალი ან კარგი კაცი, — წამოიწყო სადღეგრძელო ტიტოკომ, — მაგრამ ორთავ ნეფე-დედოფალი ასეთი კარგი? — აჰ, არა, არა...

— კაი ხარ, ტიტოკო, კარგი! — შეუძახა პარჰენამ, — მაგრამ „არა-არა“-თი სადღეგრძელოს დამთავრება არ გამიგია მე. ათქმევი-ნე. სხვასაც.

— გაუმარჯოს ეს...

ქალაქის თავის მოადგილე კაკოია გაგნიძე და იმისი თანაშემწე ბუხუტი ქვაპარავა ფარნებით განათებულ, გამოსაჩენ ადგილას ისხდნენ და, ჩემის აზრით, ვერაფერი პატივისცემა იყო ეს — მთელი სუფრა იმათ მისჩერებოდა და სანამ შეთვრებოდნენ, ძალიან ნაზად იციცქნებოდნენ — ეხამუშებოდათ ასე სახალხოდ, განათებულ ადგილას მადიანად ჭამა. მერე კი, რომ შეთვრნენ, იცოცხლე, ისინი მიეძალნენ კუპატს და კალმახს, მაგრამ სინათლე ძველებურად ურტყამდათ თვალებში, იკმუხნებოდნენ და სოფრომა ჯაში შეეკვდა, ხომ არ ვაწყენინეთ უნებურად რამეო, მაგრამ მერე სოფრომაც რომ შეთვრა, სულ გადაავიწყდა პატივისცემა სტუმრები და აგრაფინა ბიცოლასთან ლეკური იცეკვა მკლავებგაშლილმა. სწორედ ამ ქორწილზე, მსოფლიოში პირველად, შემწვარ გოქს

დრუნჩიში გაუჩარეს ბოლოკი და ასე მიაჩრთვეს თამადას, და აღტაცებულმა პარმენა დვალმა ადამიანის მოხერხებულობის სადღეგრძელო რომ შესვა, პარალეტიც აქო, ამ გონებამახვილ, მარიფათიან, ადამიანთა ბუდე და ერთმა ჩვენებურმა, ვინც წერა-კითხვაც არ იცოდა, უცებ, სუფრაზე, სახელდახელოდ, ასეთი ლექსი დასჭექა:

ვარი და ვარალე,  
პარი და პარალე!  
პარალეთი დაილოცოს!!  
პარალეთელების მხარე!!!

და ატყდა ტაში, მაგრამ რა ატყდა. ჩვენ, პარალეთელები, ყველანი პოეტები ვართ ბუნებით და გვესიამოვნა ეს გამოთქმა — „პარალეთელების მხარე“. აგერ, შორს რომ არ წავიდეთ, მეც პოეტი ვარ ბუნებით და ზოგი რომ მალავს და ისე წერს ლექსებს, ჩუმ-ჩუმად, მე პირადად სულაც არ მრცხვენია განვაცხადო, რომ ერთი სული მაქვს, მთელი ეს ამბავი ლექსად გამოვთქვა, მაგრამ სადაა ამდენი რითმა, ქუჩაში კი არ ყრია და იძულებული ვარ ასე, სიტყვა-სიტყვით აღწერო ყველაფერი, მაგრამ ესეც არ ყოფილა ადვილი საქმე, დაიჯერებთ? ხომ არაფერია ვითომ, ასე მოყოლა, მაგრამ თავიდან რომ მცოდნოდა, ესეც რომ ძნელი ყოფილა, ვინ ოხერი... — არც მოვკიდებდი ფანქარს ხელს, ახლა კი რაღაა — კაცის მოსვლამდე მომიყვანია ამბავი და ახლა რომ გავწყვიტო, ასე, შუაგზაზე, არ ივარგებს ნამდვილად.

— ახლა კიდევ მინდა, ამათი სადღეგრძელო თავიდან რომ შევსვა, — წამოდგა პარმენა დვალი, — მაგრამ ჯერ ერთხელ ხომ არ იცეკვებდი, სამსონა, ა?

— გააჩერე ენა!

— რა ცხვირ-პირი ჩამოგტირის, სამსონ, გახსენი ერთხელ სახე, რა იქნება, — დაუყვავა პარმენა დვალმა, — აგერ, ბატონმა სოფრომმა ხომ იცეკვა და შენ რა დაგემართა, გოგოს მამა უფრო არ უნდა იყოს მოწყენილი?

— გააჩერე ენა!

— გააჩერე ენა. მამაა ჩემი ეგ, — თქვა ტერეზამაც.

— კი ბატონო. ახლა კიდევ მინდა, ამათი სადღეგრძელო თავიდან რომ შევსვა, — შესძახა პარმენამ, — რომ ვუყურებ ახლა მე მაგათ, როგორ კობტად სხედან, სულ იმას არ ჰგვანან, რა ქვია, კაცო... რომელია მონადირე თქვენში... რა ქვია... არა, მწყერი არა...



ჰო, გვრიტებს! ჰოდა, იყავით სულ კარგად და ბედნიერად! ტიტკო!!

— იახშიოლ!

— შესვი აბა შენც! ასე! — და საჩვენებელი თითი თვალბმობუტულმა ასწია, — მაშ ერთი პატარა პაწაწინა პაწაწინტელა მრავალ...

— მრავალ, — აუწია ყელმოღერებულმა ოსიკომ, — ჟამი-ეერ...

— უუო, — აჰყვა ეფრემა ღლონტი, ბანი, და ნიკაპი მკერდზე დაიბჯინა.

— ჟამი — მაღალიაბიჰოეერ, და მრავალ...

— უუოო.

ყველაზე ადრე ბოქაული ტიტვინიძე დათვრა. დიდი ულვაში ჰქონდა, ლულასავით სწორი და ღვინის სმისას უსველდებოდა, ერთთავად ცხვირში ურტყამდა სველი ულვაშიდან ღვინის სუნი და დათვრებოდა სხვაზე ადრე, აბა რა. მერე იყო და, ბოლოკვაჩრილ გოქს ტერეზა ჩააფრინდა კბილებით, ახტა და მაგიდაზე შემწვარი გოქით პირში სულ ლიწინ-ლიწინით იცეკვა და საცივი ზედ მწვანე მუნდირზე გადაასხა ტიტვინიძეს, ძალიან გაცხარდა ჩვენი ბოქაული, ხმალი იშიშვლა, ხალხს მოავლო თვალი და რადგან პაპიკო იქ არ გახლდათ, მოხარული დედალი ამოიღო მიზანში და გაჰკვეთა კიდეც შუაზე, მაგრამ პარმენა დვალი არ დაბნეულა, ნახევარი დედალი მაკრინე ჯაშს მიართვა, მეორე კი ოსიკოს ესროლა და, რაღაცნაირად, დედლის გაკვეთა სიმბოლური გამოვიდა. ყველამ ტაში დაუკრა ისევ და სწორედ ამ დროს, საიდანღაც, პარალეთიდან, ნიამეა ფლოქვების თქარათქური მოიტანა.

— ჩუ! — თქვა ნასწავლმა კაცმა, არდალიონ ჰედიამ, — ცხენია, მგონი, ბიჭო...

— ცხენს რა უნდა პარალეთში... ამ დროს, — შეუტია პარმენა დვალმა და მაშინვე სმენად გადაიქცა, — დაიცა, დაიცა...

— ამ შუა ღამით? — დაინტერესდა ეფრემა ღლონტი, — ვინაა ნეტავ...

— ამას ვკითხოთ ერთი, — თვალეზი გაუბრწყინდა პარმენას, — გესმის შენ რამე, კაველაძე? კაველაძე!

— იახშიოლ, — თქვა იმან.

— სანდა სალოლ, დაგაყარე მეხი... — ჩაიციხა პარმენა დვალმა, — ორი შენისთანა მოგვცა კიდევ...

— ყველა ყრუ და ბრუტიათი რატომ უნდა გამოერიოს ჩვენ-  
ში, — მჭილი დაირტყა ტიტვიკო ლლონტმა.

— ჰარალეთი დაილოცოს, ჰარალეთელების მხარე! — ისე დაიყ-  
ვირა ტერეზამ, ტიტვინიძეს პირთან მიტანილი ყანწი გაუფარდა.

— ღამეულ მგზავრს გაუმარჯოს ყველას! ვთქვათ მაინც სად-  
ღეგრძელო, არ აჯობებს? — მიმოიხედა პარმენამ და ბოქაულმაც  
იმაზე იყარა ჯაერი — ყაჩალი და ბანდიტია ღამეული მგზავრი! —  
დაიქუხა ტიტვინიძემ, — ყაჩაღებისკენ ხარ შენ?!

— როგორ გეკადრებათ, ბატონო...

— ჰოდა, თუ ეგრეა, სხვანაირად თქვი...

— დღის მგზავრს გაუმარჯოს!

— ეგრე! ვის?

— დღის მგზავრს...

— ლაპარაკი! თქვენ ვინ გგონივართ მე! ბუნტია, ხომ? ბუნტია,  
კაველაძე, ხომ?

— ოცდაოთხია, ბატონო.

— რომელი ოცდაოთხია, კაველაძე?! მოგჭრი ახლავე თავს! რა  
ოცდაოთხია, ბიჭო?!

— სექტემბრისაა, უფროსო!

— ჰატ! — გაცეცხლდა ტიტვინიძე, — ვინაა შენი უფროსი!  
შენი უფროსის... ვინაა შენი უფროსი!

— თქვენ, პატივცემულო.

— ახლა გაეხსნა სმენა? — ჩაიხრიალა შაშია კუტუბიძემ და  
მუავე კიტრი ჩაკბიჩა, — საკვირველია სწორედ...

## 5

ხის ძირას, ჩრდილში, პატარა კაცი იწვა. თავით პაპიკო-ლოთი  
ეჯდა და გვირის ტოტით ბუზებს უგერიებდა. ლურჯი თვალეზით  
დასცქეროდა, ფრთხილად, მოწიწებით იქნევდა ხელს. ირგვლივ კი  
ჰარალეთის სიაშაყე — ჰარალეთელები ვიდევით, ახლადგამოდვი-  
ძებულნი, გაბუყებულნი, გაბიყვინებულნი და ასეთ დროს, მოგეხ-  
სენებათ, თითქოს არაფერი გვენაღვლება ხელზე, არც არაფერი  
გვანტერესებს, ახლა კი მაინც გაკვირვებულნი დაცქეროდით  
ხელისგულზე ლოყამიდებულ კაცს, „ვინაა ეს უპატრონო...“ —  
იკითხა პარმენა დვალმა და ბარძაყზე დაირტყა ხელი.

— ჩუ... — თქვა პაპიკომ და თითი მიიღო პირზე, — ჩუმად-  
დაღლილია.

— არ გამიგია ასე სახალხოდ ძილი მე!

— შენ ბევრი რამ არ გაგიგია, — ჩურჩულით უთხრა პაპი-  
კომ, — მოიცადე ცოტაც...

— ჩვენი შეურაცხყოფაა ეგ, — იწყინა არდალიონ ჰედიაძე, —  
ეგრე მოიქცა სწორედ მიკლუხო-მაკლავი, თუ გაგიგიათ თქვენ...

— არა... არა...

— იყო ერთი ასეთი კაცი და რომ ჩავიდა პაპუასებში, წამოწ-  
ვა და დაიძინა კოხტად, მაგრამ ამას რად უნდა ასე მოქცევა, პა-  
პუასები ვართ ჩვენ, აღზრდილ-განათლებული ხალხი?

— ვინაა ეს პაპუასები...

— პაპუასებია ბევრი პაპუასი ერთად.

— ვინ არიან, ამოღერდე, რას გვაყვედრი ცოდნას? — დასქე-  
ქა ტიტვინიძემ.

— ველურებია, ბატონო.

— ველურებია?

— კი.

— ლაპარაკი!

— თვითონ ეგ ყოფილა პაპუასი, ბოქაულ-ბატონო, — შესცინა  
ტიტიკო ლლონტმა, — მიწაზე ძილი არ გამიგია მე.

— პაპუასი კი არა, პაპიკოსია ეგ, — იხუმრა პარმენა დვალ-  
მა, — როგორ დაჩერებია, ხედავთ? არ გაგიცივდეს, ბიჭო...

— ასეა, ალბათ, საჭირო, — თქვა პაპიკომ.

— კი მაგრამ, წვიმა რომ მოსულიყო, — ჩაიხრიალა შაშიამ, —  
მაშინაც ეგრე წამოწვებოდა?

— წვიმა არ მოვიდოდა, — ჩურჩულით უთხრა პაპიკომ, — წვი-  
მა ხვალ მოვა.

— აუჰ! რა იცი შენ?.. — ძალაუნებურად ჩურჩულით იკითხა  
შაშიამ — გადამწვარი ჰქონდა ყელი.

— ვიცი...

— ხომ ვერ გვეტყვით უფრო ზუსტად! — აგდებულად შეუ-  
ძახა პარმენა დვალმა.

— ორს რომ დააკლდება ოცი წუთი, მაშინ მოვა წვიმა...

— აუჰ! დაენიძლავდეთ თუ გინდა.

— არა აქვს აზრი.

- რატომ? — დაინტერესდა კაკალა მამიდა.
- ნამდვილად ვიცი.
- აბა, თუ მოვა, დაგალევეინებ არაყს.
- არ მინდა... — თქვა პაპიკომ.
- რატომ, ბიჭო? — შეიცხადა პარმენამ. — შეიშალე შენ?! — ჩემი ნება არაა? არ მინდა.
- არც ღვინო გინდა იქნებ!
- არა.
- რატომ, ბიჭო...
- კაცი მოვიდა, — თქვა პაპიკომ.
- მერე, რას გიშლის კაცი?..
- ღვინოს და არაყს იმიტომ ვსევამდი, — ჩუმად თქვა პაპიკომ, მწოლიარეს მოწიწებით დასცქეროდა, — კაცი არ იყო...
- სად არ იყო, ბიჭო, კაცი?!
- აქ.
- სად აქ! ამ ხის ძირას?
- არა, ჰარალეთში...
- ვი შენს პატრონს, უბედურს, — თავი გაიქნია პარმენამ, — ვინაა აბა ტერეზა!
- ჰარალეთელია.
- არაა კაცი?!
- როგორ გითხრა... რა ვიცი.
- ერთი მარგალიტა თალაკვაძესაც ჰკითხე, თუ არაა კაცი...
- უხერხულია.
- რომ არ ჰკითხო, ისე არ იცი?
- მოწმედ არ დავყავართ მაგისტანა საქმეებში მე.
- კარგი. ტიტუკო ვინაა აბა?
- ჰარალეთელია.
- ეფრემა, ღლონტი?
- ჰარალეთელია ისიც.
- მე?
- შენც ჰარალეთელი.
- რას ამბობ თუ იცი შენი ზუსტად ერთნაირები ვყოფილვართ აბა ჩვენ ყველა?
- დაახლოებით.
- რატომ, შე კაცო, — მოულოდნელად დაუყვავა პარმენამ, —

არავითარი მნიშვნელობა არა აქვს ან სიტყვა-პასუხს, ან უფროს-  
უმცროსს, ან... არაფერს არ აქვს მნიშვნელობა? რატომ?..

პაპიკო ჩუმად იჯდა.

— რატომ!

— იმიტომ.

— რა პასუხია ეგ! უზრდელი უენ!.. ტერეზა და არდალიონ  
კედიაც ერთია აბა?

— დაახლოებით.

— ტყვილა იკითხა აბა მაგან იმდენი წიგნები, კოდალა რომ  
გინახავს ხეზე, ისეა ეგ წიგნებზე, ტყუილ-უბრალოდ იკითხა?

— ეგ აღარ ვიცი.

— აბა რა იცი!

— ჩუ... — ტუჩზე თითი მიიღო პაპიკომ, — ჩქარა წამოდგება...

— არც ბატონი კაკოიაა... ეე, არც ბატონი აკაკია... ეე, არც  
ბატონი აკაკი არ არის კაცი?

— რომელი, გაგნიძე?

— ჰო. არაა?

— ნუ მაძლევ, პარმენ, უხერხულ კითხვებს.

— რატომა ვითომ უხერხული!

— ამომიჩემონ, გინდა?

— შენ ამოგიჩემა ჰირმა და... — ველარ დაამთავრა აღშფოთები-  
საგან პარმენა დვალმა, — იჯექი აბა მაგ უპატრონოსთან და წავი-  
დეთ ჩვენ ყველა!

— ჯერ შეიცადეთ.

უცხო ხმა იყო.

— ჯერ შეიცადეთ. უპატრონო არავინ არაა. პატრონი ყველასა  
გვყავს. ოღონდ ხანდახან გვავიწყდება. მეც არ ვარ უპატრონო. და  
პატრონი თქვენც გყავთ.

ასე თქვა პატარა კაცმა და წამოდგა.

## 6

სადღაც; შორს, მარგალიტა თალაკვაძის ეზოსთან, ტერეზა  
ღრიალებდა: „ქალო, ჩამოდი კიბეზეეე!! ქიშმიში მაქ ჯიბეზეეეე!!“

— მიკლუხო-მაკლაის არ ეძინა. იგი დაინტერესებული იყო.  
ხოლო დაინტერესებულებს არ სძინავთ. არც მე მეძინა. მეც დაინ-  
ტერესებული ვარ.

პაპიკოც წამომდგარიყო და შორიასლოს იდგა. ალტაცებული შეჰყურებდა პატარა კაცს. იმას პრიალა პიჯაკი ეცვა და თმა გვერდზე ჰქონდა გადაფარცხნილი. თავი მალა აეწია, შემოგვცქეროდა, გვათვალიერებდა და თან ისე მკაფიოდ ლაპარაკობდა, თითქოს ტყვიას ტყვიაში აჯენდა.

— მაკლას აინტერესებს ველურთა საქციელი მძინარე კაცის დანახვისას. მე არ მეძინა. მე ვისვენებდი. და რაც მთავარია — მე მაინტერესებდა თქვენი საქციელი. და მაინცდამაინც აღფრთოვანებული არ ვარ. ეს ხერხია. ასევე მოიქცა მიკლუხო-მაკლავი. იგი კარგი აღამიანი იყო.

— ერთი საბუთი მაჩვენეთ თქვენი... მაჩვენე-მეთქი, ვილაცა ხარ, ვის ვეუბნები მე! — დაიღრიალა გავეშებულმა ბოქაულმა ტიტვინიძემ და ცეცხლმსროლზე წაივლო ხელი. „წაავლოს“ ნაცვლად „წაივლოს“ იმიტომ ვამბობ, სხეულის ნაწილივით ჰქონდა მაუხერი — რამდენი დაკვირვება გინდა კაცს წერისას?! — საბუთი ახლავე!!

— შეიკარით ღილი!! — ისე მხნედ შეუტია უცებ პატარა კაცმა, ყველანი გაეშრით და სროლის მოლოდინში ყურებზე ავიფარეთ ხელი, — ქუჩაში იმყოფებით და არა ბოსელში! დადგენილებას პატივს არ სცემთ! ხალხს მაინც ეციოთ პატივი! ერთადერთი ღილისათვის წყალში ჩაგეყრებათ ეგ წვალუბით მოპოვებული ეპოლეტები! შეიკარით-მეთქი ღილი!

— კი ბატონო, — თქვა უცებ ტიტვინიძემ და საყელოზე ხელისგული მიიფარა, — შემთხვევით გამეხსნა, თორემ ვინ ოხერი... დადგენილებას პატივს როგორ არ ვცემ, მაგრამ... დამკარგვია, ბატონო, და რა ვქნა...

— თანა მაქვს ნემსი და ძაფი, — თქვა კაკალა მამილამ და გულისპირზე მიიღო ხელი, — აგერ, ამ წუთში...

— ღილი რომ არ გვაქვს აქ... — დაფიქრდა ტიტვინიძე. — კავე-ლაძე, მოდი აქ! ხომ იცი ჩემი სახლი... რას მომჩერებინარ!!!

— ოცდახუთია, მგონი...

— ახლავე წაბრძანდით შინ. ურიადნიკი თქვენი თანაშემწეა და არა შინამოსამსახურე ქალი. ღილი დაიკერეთ. მანამდე არ გაჰაჰანდეთ ქუჩაში.

— კი ბატონო, — პირველად ვიხილეთ ჰარალეთელებმა ტიტვი-

ნიძის თავაზიანი ღიმილი — რაღაც საოცრება ხდებოდა, — დავიკერებ კიდევაც და ცარცითაც გავიპრიალე.

პატარა კაცმა თვალი გააყოლა, მერე ჩვენ, ხალხს მოგვავლო მზერა, დალილიმა გაგვიღიმა. თავი დაგვიკრა და თქვა:

— გამარჯობათ.

ასე მოვიდა კაცი პარალელში. ისეთი სიჩუმე იდგა, ძალაუნებურად ნიავზე აჩურჩულებულ ხეს ყურს ეუფლებდით. პაპიკო დაიხარა და მუხლისთავე საგულდაგულოდ გაიწმინდა — ფქვილი თუ ამდაგვარი რაღაცა ეცხო. პატარა კაცი ჩვენს მიღმა იყურებოდა — ფერდობზე შეფენილ სახლებს ათვალეირებდა. სახეზე ნაცრისფერი ელო.

— კი გამარჯობა! — უცებ ისე შესძახა პარშენა დვალმა, ზოგიერთები შევხტით. — სხვა, როგორ ბრძანდებით?..

— გამარჯობათ... გამარჯობათ... — გაისმოდა აქეთ-იქიდან.

მერე ისევ მივჩუმდით. პატარა კაცი დიდხანს ათვალეირებდა პარალელს, ისეთი ჩაფიქრებული იყურებოდა, ჩვენც პირი ვიბრუნეთ და სხვამ არ ვიცო, რა დანახა, პაპიკომ კი თავი ცისკენ ასწია — ეტყობა, კვამლს გააყოლა თვალი.

და მერე ყველამ მორცხვად შევხედეთ პატარა კაცს, რადგან შორიდან ისევ მოისმა: „ქალო, ჩამოდი კიბით! ქიშმიში მიააქვს ჯიბით!“ — ისე რომ ვთქვათ, მაინც რაა ეს ჩვენი პარალელი, ტერეზამაც კი ააწყო ლექსი, მაგრამ უნიჰოდ ბლაოდა, პატარა კაცს სახე მოეკმუხნა. არავინ ვიცოდით, რა გვეთქვა, უხერხულად ვწრიალებდით ადგილზე, ფეხს ხშირ-ხშირად ვინაცვლებდით და ნასწავლ კაცს რა სჯობს? — ისევ არღალიონ ჰედიამ გვიხსნა:

— პირადად იცნობდით, ბატონო?

— ვის?

— მიკლუხო-მაკლაის, ბატონო.

— ისე, შორიდან, — თქვა პატარა კაცმა, — რა მნიშვნელობა აქვს... აი თქვენ, ხმლიანო, თქვენ რა გვარისა ხართ?

— კაველაძე ვარ.

— სად მსახურობთ?

— თეატრზე ვარ მიმაგრებული, პატივეცემული.

— ის ბოქაული ხშირად გიყვირით?

— ისე, საშუალოდ...

— რაღა საშუალოდ, — გაიკვირვა ტიტკომ, — ყოველდღე არ გიყვირის?

— ჰა? — იკითხა კაველაძემ.

— არა უშავს, გადაეჩვევა, — თქვა პატარა კაცმა.

ეტყობა, მარგალიტა თალაკვაძე ჩამოვიდა კიბეზე, რადგან ღრიალი აღარ გაისმოდა.

— სახელად რა გქვიათ, თუ შეიძლება ერთი... — მორიდებულად იკითხა პარმენა დვალმა.

— ის ქალი ვინაა, სურზე რომ მიდის, წყალი რომ მიაქვს?

— ჩვენებურია, პარალელთელი, მაროს ეძახიან... თქვენ რა გქვიათ?

— შავები რატომ აცვია?

— შეილი მოუკვდა, ტკბილო.

— იმის შვილს რა ერქვა?

— ბუჭუტა ერქვა, საწყალს.

— რა დამთხვევაა, — თქვა პატარა კაცმა, ქალს თვალი გააყოლა და თავი დახარა, — მეც ბუჭუტა მქვია.

ასე მოვიდა კაცი პარალელთში.

— მოვა-მეთქი, — მორცხვად თქვა პაპიკომ და იმანაც თავი დახარა, — მოვა-მეთქი, აკი ვამბობდი.

## 7

ღრო, მოგეხსენებათ, ისევ გადიოდა მაგრამ, რაღაცნაირად, სხვაფორივ...

ჯერ იყო და, მეორე დღეს, ორს რომ დააკლდა სწორედ ოცი წუთი — არღალიონ ჰედისას ჰქონდა ზუსტი საათი — მართლა მოვიდა წვიმა. აკაკუნდა სახურავებზე, წვეთები გაკვალული გზით დაუყვნენ ფოთლებს, ოდა-სახლების ქვეშ შეიძვრნენ ქათმები, კაკალა მამიდამ ჩაიარა ჭრელი ქოლგით ხელში, ფრთხილად აბიჯებდა გუბეებს. პარალელთის განაპირას წისქვილი ახრიალდა, შაშია კუტუბიძემ თავისი დეიდაშვილის — სამსონას სახლს შეათარა თავი, შემცივნებულმა, პიტნის არაყი გადახუხა და „ჰხა“-ო, როგორც კი დააყოლა, მაშინვე არჩევანიძეების ძაღლმაც დააცემინა და „სიცოცხლეო“, უგულოდ უსურვა შაშიას ყანიდან მობრუნებულმა, თავ-მხრებზე ტომარაგადაფარებულმა სამსონამ, მაგრამ შაშია



კუტუბიძეს მადლობა არ უთქვამს, „დავლიო ერთიცო?“ — სამსონას ჰკითხა. „რა ჩემი თქმა გინდაო“, იმან... მაკრინე ჯაშმა მატყლის წინდები ჩაიცვა და „ბრარ“-ო, ნაზად, ქალურად თქვა, იმისმა ახლადშეიწინილმა ქმარმა და არდალიონ ჰედამ თბილად შეიფუთნეს ყელი, ჩვენს ტერეზას კი შუა ეზოში ეძინა და აწვიმდა. მთელი აპარალეთი სახლებში შეყუყუელიყო, კაველაძე იმ თავის სკივრზე თავჩაქინდრული იჯდა, ლუიზა თუშაბრამიშვილზე ფიქრობდა და ფიქრებში ძალიან ღრმად შეტოპა, ტიტვიკო და ეფრემა ღლონტები კბილებშუა ისრუტავდნენ ცივ ღვინო<sup>1</sup>, ქალაქის თავის მოადგილე კაკოია გაგნიძე და იმისი თანაშემწე ბუხუტი ქვაჭარავა ლოტოს თამაშობდნენ ბუხართან და ერთს მარჯვენა ლოყა ასწითლებოდა, მეორეს კი მარცხენა, თითქოს თითო სილა გააწნეს ერთმანეთსო, ბოქაული ტიტვინიძე მოხარშულ სიმიდს ჩაფიქრებული მიირთმევდა და თან მაუზერს წმენდდა და სასაცილო კი იქნება მოგახსენოთ, უცაბედად ტაროს ნაცვლად მაუზერს უკბინა-მეთქი, მაგრამ არ მომხდარა ასე და ტყუილი რა საკადრისია — სიცილზე კი არაა მხოლოდ საქმე. პარმენა დვალს მოსწყინდა ძალიან. ერთხანს ოთახში იწრიალა, დაიწინებაც სცადა, არ გამოუვიდა, გულადმა გაიმოტა, ჰერს შეაცქერდა, სად მოჭრეს ნეტავი ეს ხეო, გაიფიქრა, გალად ასხმულ წიწაკებს შეხედა, რა გაათავებს ამასო, ხენეშით გაივლო გულში, მოსწყინდა, მოკლედ, ძალიან.

— ერთი წავალ და ვნახავ, ჩემო ყვაელო, სტუმარს, თორემ აუგია, — უთხრა ცოლს ოსიკომ.

— მამაჩემმა თქვა, ქმარი საერთოდ გარე-გარე არ უნდა დაიარებოდესო.

— ექვინანობ, სულო? — მომხიბვლელად დაეკითხა ოსიკო და ხალიანი ლოყა მიუშვირა — ისევ შემოვიდა ხალი მოდაში, — ხომ არა გცივა? ჰირიმე შენი!..

— სამოცდაშვიდი, — გამოაცხადა ბუხუტი ქვაჭარავამ, — გაქვთ, პატივცემულო?

— არაა. ლამაზად თქვი, ბუხუტი...

— სამოცდაშვიდი, დავკრიფე შინდი.

— ასე. მაინც არაა.

— ოცდაათი.

— არის. თქვი აბა კიდევ...

აწვიმდა ჰარალეთს.

პარმენა დვალმა ჰურს თავი მოხადა, ორშიმომ მოიმარჯვა, ათ-ლიტრიანი გაავსო და ფუჩეჩით დაუცო ყელი. მარჯვენა ხელი ჩას-ქიდა და მარცხნივ გადახრილ-გადაჭიმული, პაპიკოს სახლისაკენ გაემართა. აივანზე ბუჭუტა იჯდა, მოაჯირზე პაწია მუშტები ჩამო-ედო, მუშტს ნიკაპით დაყრდნობოდა და, ჩაფიქრებული, წვიმას გასცქეროდა. იქვე არდალიონ ჰედიაც ჩამომჯდარიყო, მობუზული, შეფუთნილი, პაპიკოს კი, ფეხზე მდგარს, ხელები გადაეჯვარედი-ნებინა გულზე და ღრუბლებს უყურებდა.

— გამარჯობათ თქვენი! — შესძახა პარმენამ, — როგორ გიკი-თხნოთ, ბუჭუტა-ბატონო?

— გამარჯობათ, არა მიშავს, ეგ რაა?..

— ღვინოა, თქვენ მოგართვით, შევესვათ პატარა ერთად!

— რასთან დაკავშირებით? — შეაცქერდა პატარა კაცი.

— როგორ თუ რასთან... — დაიბნა პარმენა. — ოთხი წლის ღვინოა, ისე კი არაა ის...

— მერე რა?.. — თქვა პაპიკომ.

— უჭუჭუ! — დაემანჭა პარმენა. — დიდი ხანია, აღარ სვამ, ვაჟ-ბატონო?

— მარტო ვიყავი, — ხმადაბლა თქვა პაპიკომ, — მარტო ვიყავ და, იმიტომ ვსვამდი...

— როგორ თუ მარტო... ლოთმა ღვინის ფასი არ იცოდეს, არ გამიგია ჯერ!.. დავლიოთ, ბუჭუტა-ბატონო, მოვილხინოთ ჩვენებუ-რად ერთი... ისე, მოსაწყენია, ბატონო, ტყვილა ჯდომა... წვიმაში კარგია სმა...

— წვიმაა მოსაწყენი?! — გაუკვირდა პატარა კაცს.

— დიახ.

პატარა კაცი წამოდგა და თქვა:

— გახედე აბა...

წვიმდა.

— მოსაწყენია? — ჩუმად იკითხა ბუჭუტამ.

პარმენა დვალმა ჩურჩულით თქვა:

— არა.

— თუ იცი, როგორ მოდის?..

— კი. ღრუბლებიდან...

— ღრუბლები როგორ ჩნდება?..

— ორთქლდება წყალი.

ჩურჩულებდნენ.

— როგორ?

— მზე აორთქლებს.

— რატომ?

— ცხელია, ბატონო, მზე...

— რატომაა ცხელი?

— არ ვიცი, — თქვა პარმენამ და მიმოიხედა.

— მეც სწორედ მანდ ჩამპკრა, — ნაღვლიანად გაიღიმა არდალიონ ჰელიამ.

— თქვენ თუ იცით, — საიდუმლოდ წასჩურჩულა პარმენა დვალმა.

— რა?..

— წვიმა როგორ მოდის... მითხარით და არავის ვეტყვი.

— არ ვიცი.

— არც მე ვიცი, — თქვა პაპიკომ.

— რალას ვუყურებთ აბა! — ხმას აუწია პარმენა დვალმა.

— ლამაზია, — ჩუმად თქვა პაპიკომ, — ლამაზია და იმიტომ.

— ჰოო, — ისევ ჩურჩულზე გადავიდა პარმენა დვალი, — ლამაზია მართლა.

ჰეე, წვიმდა.

— ჰოპ! — დაიძახა კაკოია გაგნიძემ, — დავამთავრე — ხუთი, ოცდასამი, ორმოცდათერთმეტი, სემდესიატ, ოთხმოცდაორი... სწორია?

— აბა არა? — აღტაცებული დაეკითხა თავის მხრივ ბუხუტი ქვაჭარავა.

— ხომ ვთამაშობ კარგად?

— აბა არა? მშვენიერად...

— ლოტოში მოვუგებ ყველას, — თქვა კაკოია გაგნიძემ.

— წავალ რა იქნება, მაკრინე, რა... ჩემო მშვენიერო! — შეეხვეწა ოსიკო, — შენ ხომ მაინც უნდა მოისვენო ტახტრევანზე და წავალ მე, ვნახავ სტუმარს ერთი... თორემ აუგია...

— იმღერე აბა და წადი მერე.

— რა გიმღერო, ჰირიმე შენი... რა შეევასრულო?

— „შავ-ბნელი რას მოგვერევა“ შეასრულე...

— ჰჰჰ-ჰჰ, — განემზადა ოსიკო, — შავ-ბნელი რაას...

— სულ ამ ძმების ბლავილი უნდა ისმოდეს ჰარალეთში?! — იწყინა პარმენა დვალმა, — წვიმას არ გაყურებინებ კაცს...

ჩვენი ჰარალეთი კი უკვე შრებოდა. ცა მოიწმინდა, მხოლოდ ერთგან ღრუბლის დიდი, თეთრი ქულა კიაფობდა, თვალმოკუტულნი ასცქეროდნენ. მერე მზემ უფრო იძალა, ორთქლი ასდიოდა ჰარალეთს, ფოთლები შრებოდა, კრამიტის სუფთა, მტკვერჩამორეცხილი სახურავები ჯერ კიდევ გლუვად ბზინავდა მზეზე, მერე ალაგ-ალაგ აბრჭყვიალდა, ორთქლი ასდიოდა არჯევანიძეების ეზოში ჯერ კიდევ მიძინარ ჩვენს ტერეზასაც, ფანჯრები გამოალო ხალხმა, სიცილი გაისმა სადღაც, მბზინავი ლაქები გაიზარდა და ერთნაირად აბრჭყვიალდნენ სახურავები, დამძიმებული ბალახიც გაშრა, ამჩატდა, გაიმართა.

— მზე როგორია, — ჩუმად თქვა ბუკუტამ, — ა, როგორია მზე..

— კარგია, — თქვა პარმენამ და ხელები მოიფშენიდა.

— ლოყა მიუშვირე, აბა...

— ასე?

— თვალეები დახუჭე... გათბობს?

— კი, სულ ჟრუანტელი მივლის ტანში.

პარმენა, თვალდახუჭული, მადლიერად იღიმებოდა.

— ყოველ წელიწადს მზე ჩვენს პლანეტას ექვსას ოც მილიონ მილიარდ კილოვატ-საათ ენერგიას აწვდის, — აღნიშნა არდალიონ ჭედიამ, — ეს ზუსტად თექვსმეტი ათასჯერ მეტია, ვიდრე მთელ კაცობრიობას სჭირდება.

— აუჰ, არ გამიფუჭა ვუნება? — ხელი აიქნია პარმენა დვალმა, — ჯერ ერთი, რა იცი შენ...

— შავით თეთრზე წერია, ბატონო.

— კი მაგრამ, როგორ შეცდა მაინც მზე ზუსტად თექვსმეტი ათასჯერ? — გამომწვევად დაეკითხა პარმენა, — წიგნების მზე არ გამიგია მე... მზე, აი, ესაა...

— მზესავით ვიცოდეთ ჩვენ-ჩვენი საქმე, არ იქნებოდა ურიგო, — ჩაილაპარაკა პაპიკომ.

— კაცო, მე ჩემდა თავად კი არ მითქვამს, ვილაცა სულელმა დაწერა ასე, მეცნიერულ-პოპულარულ თემაზე.

— მერე, სიტყვასიტყვით უნდა გაიშეორო? — დანამუსა პარმენამ.

- აღარ ვიტყვი აწი.
- ოო, ეგრე.
- ოო, ეგრე, — წარმოთქვა კაკოია გაგნიბემაც, — არის...  
დღეს გავიაროთ ქალაქში?
- კი. ხალხს უნდა ვეჩვენოთ ხანდახან, თორემ... ხომ იცი მა-  
გათი ამბავი, არაფერს აკეთებენო, იტყვიან.
- წარმოდგენებზე ხომ გვხელავენ ისე...
- აბა არა?
- მეზარება რაღაც... შეშრეს პატარაზე ჯერ. ანდა, შენ  
გაიარე და მეც გავახსენდები, ამოიღე ახლა ქვა, რაღას უცდი, აბა  
ჰე, ბუხუტი!
- ორმოცდათვრამეტი!
- აუჰ! ორი მაქვს მაგისტანა.
- ჰიჰი...
- თქვი აბა რამე კარგი კიდეც!
- ხუთი!.. ისე, ამბობენ, შაშია კუტუბიძე ყუთიდან შაურია-  
ნებს ღუნავსო.
- ეგ თუ ტერეზა?..
- ტერეზას რა უნდა ყუთთან?..
- აბა შაშიას სადა აქვს გასალუნი ღონე?..
- არა, ეგ შეღამაზებულნი გამოთქმაა — ღუნავსო, რომ იტყ-  
ვიან, აწაპენას ნიშნავს.
- ეგ რაღაა?..
- უკანონოდ იღებს შაურიანებს ჯიბეში!
- ჭი-იშ-მიში მაქ ჯიბეზეე!!! — გაისმა უცებ ჰარალეთში.
- გამოუღვიძია, — აღნიშნა პარმენამ და უცებ შეეშინდა, —  
მზე რომ არ იყო, რა იქნებოდა...
- ნულარ იტყვი, — შეშფოთდა არდალიონ ჰედია, — სიბნელე  
არ მიყვარს.
- მხოლოდ სიბნელე? — გაეღიმა პატარა კაცს.
- ვენახი არ დამწიფდებოდა! — დაიყვირა პარმენამ, სხვას  
რომ არ დაესწრო, — არც სიმინდი, ხომაა ასე!
- წელს კარგი პირი უჩანს, — თქვა არდალიონ ჰედია, — თი-  
თო ჰექტარზე თორმეტ ცენტნერს მაინც ავიღებთ უდანაკარგოდ
- რისი ამღები ხარ შენ, — აგდებულად შეაცქერდა პარმენა  
და უცებ სახე გაებადრა, — ნამდვილად კარგი პირი უჩანს! ვენახს!

დავლით ერთიც, რა იქნება, — მხიარულად თქვა და ათლიტრიანს წაატანა ხელი, მაგრამ მაშინვე მოიბუზა.

— მზის მიმართ მადლობის გარდა არაფერი გვეთქმის, — მოწიწებით აღნიშნა არდალიონ ჭედიამ, — მზე რომ არ იყოს, დავიხოცებოდით ყველა...

— მხოლოდ მზე? — იკითხა ბუჭუტამ.

ჩაფიქრდნენ, ჩუმად იყვნენ... ორი კაცი ერთდროულად ჩაფიქრდა პარალელში! მერე ვინ — ერთ-ერთი პარმენა დვალი გახლდათ. ჩვენი მომლხენი, ჩვენი თამადა. არდალიონ ჭედიასაგან ისე ძალიან არ გამკვირვებია ეს, მაგრამ ახლა მაინც განსაკუთრებულად ჩაფიქრებული ფშვინავდა და პაპიკომ თქვა:

— ჰაერი. ჰაერიც აუცილებელია...

— აუცილებელია, აბა...

პარმენამ ისევ დახუჭა თვალები, მადლიანად ისუნთქავდა ჰაერს.

— გემრიელია? — იკითხა ბუჭუტამ.

— აჰ, გემრიელი.

— და წყალი რომ არ იყოს? — იკითხა პაპიკომ.

— უჰ, უჰ, მტრისას...

— და მიწა რომ არ იყოს?

— აბა ჰაერში ხომ არ გამოვეკიდებოდით...

— არა, არაფერი რომ არ ამოდიოდეს... რა იქნებოდა...

პარმენას კი აღტაცებამ სწრაფად გადაუარა:

— რა ვიცი მე, რა იქნებოდა... როგორც სხვა, ისე მე...

დედა ღორი შემოვიდა ეზოში, თავის გოჭებიანად. ღრუტუნით ყნოსავდა ბალახს, ერთი-ორჯერ ქვეშ-ქვეშად ახედა აივანზე შეკრებილ საზოგადოებას. გოჭები ფეხებშუა უსხლტებოდნენ, გამალებულნი სწოვდნენ ძუძუს, დახტოდნენ, მერე კი, რალაციით გოცებულნი, სველ, პატარა დრუნჩებს მოლოდინით გაიშვერდნენ და ისევ გაკუნტრულდებოდნენ მაღალ ბალახში. ყველანი გოჭებს შესცქეროდნენ, ალბათ, არდალიონ ჭედიაც, — ელამი არ იყო, მაგრამ, საით იყურებოდა, ვერასოდეს მიხვდებოდით.

— პატარა რომ ყველაფერი კარგია, ა?! — იკითხა პარმენამ, — ახლა, წარმოიდგენს ვინმე, ამათგან რომ ეს დადგება? — ლაფში ამოსვრილ დედა ღორს მიაბჯინა თითი.

— აბა? — დაეთანხმა არდალიონ ჭედიამ, — საკვირველია სწორედ!

— მერე და მერე რა გვემართება, არაა უცნაური? — მუხლზე ხელი დაირტყა პარმენამ, — ახლა, კაველაძის შემხედვარე, ვინმე იფიქრებს, ისიც რომ ბავშვი იყო, ა?

— ხუჭუჭა თმა მქონდა, — მორცხვად თქვა კაველაძემ. იქვე, აივანზე იდგა.

— აქ ხარ შენც? — შეცბა პარმენა, — რას აკეთებ აქ...

— გივდებთ ყურს, ბატონო...

— მერე, გამარჯობა არ უნდა გეთქვა?

— ვთქვი, მაგრამ... ვერ გაიგეთ, ბატონო...

— მოდი, ჩემო გოგი, — ალერსიანად უთხრა ბუჭუტამ, — მოდი, ჩამოჯექი აქ... ხუჭუჭი თმა გქონდა?

— კი.

— კიდევ რა გახსოვს, გოგი?..

— დედა მეფერებოდა ძალიან...

— მართლა? — შეაცქერდა ბუჭუტა, პატარა კაცი.

— კი. ვუყვარდი ძალიან.

ხმლის ღვედს აწვალებდა.

— ახლა სადაა?..

— ეჰ!.. — თქვა კაველაძემ.

— დიდი ხანია? — ჩუმად იკითხა ბუჭუტამ.

— ბავშვი ვიყავი... ახველებდა ძალიან. ოთახში ნუ შემოიყვანთ, არ გადაედოსო... ჩემზე ამბობდა. ისე კი, ნათესავენ სთხოვდა, მაყურებინეთო და აივანზე, ფანჯარასთან დამაყენებდნენ ნათესავეები და საწოლიდან მიყურებდა სულ, არ მაცილებდა თვალს.

— დიდხანს იდექი?

— კი. დამჯერი ბავშვი ვყოფილვარ და წყნარად ვიდექი. შუბლი მინაზე მქონდა მიბჯენილი და ხანდახან ჩემი სუნთქვისაგან შეორთქლდებოდა და სახელოთი ვწმენდდი.

ბუჭუტამ მაგრად მოისრისა შუბლი, პაპიკოს შეხედა. კაველაძე თავჩაქინდრული იჯდა, ისევ ღვედს აწვალებდა.

— მოკვტა... — თქვა კაველაძემ.

პაპიკომ ფრთხილად მოინაცვლა ფეხი, კაველაძეს დასცქეროდა. არდალიონ ჭედია სადღაც განზე იყურებოდა, მკერდზე ამაყად იკაკუნებდა, კაველაძემ კი ჩუმად, თავდახრილმა თქვა:

— ახლა არავის აღარ ვუყვარვარ, სულ აღარავის..

კარგა ხანს სიტყვა არ დასცდენიათ. მერე ბუჭუტამ მხარზე დაადო ხელი:

— ცდები, გიორგი.

— ეჰ, — ხელი ჩაიჭნია კაველაძემ. ისევ თავჩაქინდრული იჭდა, — სულ რომ გადასაღვრელი ჰქონდეთ ღვინო, არავინ მეტყვის, მონდი ჩვენთან, დალიეო. ღვინო არ მიყვარს, მაგრამ... მაინც... არც არაფერი მამბდია და...

და უცებ ბუჭუტა ჩვენს სახელოვან თამადას მიუბრუნდა:

— ღვინო სჯობია თუ წყალი, პარმენ.

— მამასხარავებთ, ბატონო?

— რომელი სჯობია!

— ღვინო, რა ლაპარაკი უნდა ამას...

— შენთვის კი არა, საერთოდ...

— მე რამ გამყო სხვასთან... წყალი ისე მოდის, უბრალოდ, ღვინოს კი რამდენი შრომა უნდა, თუ იცი... მერე, რაც არ უნდა იყოს, — განაგრძო შეგულიანებულმა პარმენამ, — ღვინო ფული ღირს, წყალი — უფასოა... ფასიანს და უფასოს ადარებთ ერთმანეთს, ბატონო?

— სალამი და გამარჯვება. მომიხსენებია! — თმხიანად შესძახა აივანზე ამოხულმა, შეფუთვნილმა ოსიკომ. ცალ ხელში დოქი ეკავა, იღლიაში კი კონტად გახვეული პურ-მარილი ამოეჩარა.

არავინ გაეპასუხა — ყველანი პატარა კაცს შესცქეროდნენ. იმან გვიარ-გამოიარა, კაველაძესთან მივიდა, მხარზე დაადო ხელი და, თვალმოჭუტული, ალაპარაკდა.

## 8

პატარა კაცი, ბუჭუტა ჰყვებოდა, რომ ყველაფერი, რაც მართლა კარგია, უფასოდა გვაქვს, ესაა ჰაერი... წყალი... ნიადაგი... მზე. ისე მრავლად გვაქვს, რომ შევეჩვიეთ ამ ჩუმ სიკეთეთ და აღარც გვახსოვს, აგერ, კაველაძემ ისიც კი თქვა, რომ არაფერი მამბდია, ცდება გიორგი... რომ მზე მხოლოდ მაშინ გვენატრება, თუკი გვცივა და ვეძებთ, გათოშილ სახეს მივუშვერთ ხოლმე, ხელებსაც ვიფშენებთ, და რომ გავთბებით, ეჰ, ვიღას გვახსოვს... წყალიც მრავლად გვაქვს, ეს უფასო სიკეთე, ამ დალოცვილ ჰარალეთშიც და ახლო-მახლოსაც, მდინარედ მოგვიდის, წვიმად ჩამოგვდის, ჰი-



დან ვიღებთ და თოვლიც ხომ დნება... ჰაერი კი, ჰაერი მართლაც რომ უხვად გვაქვს ბოძებული, ისე უხვად რომ ველარც ვაჰჩნევთ, ის კი, უხილავი, უძლეველი, სულ სხვადასხვაა, ზუღამ იცვლება — სხვაა ჰაერი სისხამი დილით, ქორთა, ხასხასა და გამჟვირვალე, სხვაა ჰაერი შუადღის ხვატში, შედედებული, დაგუბებული და მიძიდ მოლივლივე, სხვაა დიდთოვლობისას, ღრმა-ღრმად სასუნთქი, დამატყვევებელი, და სულ სხვაა საღამოს, გატრუნული, გამუქებული, გაიისფერებული, ლურჯდება და მერე. შავად რომ იღებება და მიძიდება, ბებერივით ისვენებს და ჩვენც ვისვენებთ. ბალიშზე თავმიდებულებს, გვიძინავს, და დილით, ჯერ კიდევ მთას ამოფარებული მზის შუქით გაღვიძებულნი, სახედაბუჯებულნი, ახალგაზრდა ჰაერით ვსუნთქავთ, მაგრამ ვის გვახსოვს... ბუჭუტა ლაპარაკობდა და ეზოში გროვდებოდა ხალხი, აგერ, ეფრემა და ტიტოცო ღლონტები ოდნავი ბარბაცით შემოვიდნენ ეზოში, ორთავეს დოქი ეკავა, ტიტოცოს იღლიდან პრასის კული მოუჩანდა, ბუჭუტა კი ჰყვებოდა, რომ შეუძლებელია არავის უყვარდე, თუკი გაბადია ეს შეჩვეული ბედნიერებანი — ჰაერი... წყალი... ნიადაგი... მზე... ხოლო ეს მიწა, სადაც ჩვენ ვდგავართ, ჰარალეთია... იცის, იცის, ყველანი რომ ვშრომობთ, ყველანი ვთოხნით, ვსხლავთ, ვკრეფთ, ვწურავთ, ყველა ეგენი იცის, ყველანი. ეს ჩვენი მიწა ბარაქიანია, დალოცვილი და, მისი აზრით, ცოტათი გაგვაარხეინა, და სულაც არ უკვირს, რომ სწორედ ჰარალეთში მსოფლიოში პირველად გაუჩარეს შემწვარ გოქს... რა?

— პირში ბოლოკი! — იყვირა პარმენამ.

...და რომ ის, ბუჭუტა, პატარა კაცი, მოვიდა აქ, ჰარალეთში, რომ ჩვენთან ერთად გაიხედოს, გამოიხედოს, გვესაუბროს და გვისმინოს, და, პარმენამ რომ იცოდეს, ყველაზე მეტად მასთან მოვიდა, რადგან ის, ყველაზე მეტად ჰარალეთელი, — მერყევია...

— რამ შემარყია, ბატონო?! — ეწყინა პარმენას.

— კვირაში შვიდი პარასკევი გაქვს. ერთს რომ იტყვი, მეორეს ფიქრობ, მესამეს აკეთებ, მეოთხე გამოგდის, სხვაზე მალა დადგომას ცდილობ, კეთილი გული გაქვს.

— კეთილიდან დაგეწყო, ბატონო, მლანძღავდით მეგონა...

არა, არ ლანძღავს... მაგრამ შეხედოს თავის ხალხს, ვისაც თამადობს, რომელიც უსმენს, ვინც უცინის, თავის ხალხს შეხედოს კარგად. ყველანი ჰარალეთელები არიან, მალეები, დაბლები, საშ-

უაღონი, გამხდარნი და ძალიან მსუქანნი, მასავეთ ტანმორჩილნი...

— ტერეზასავეთ მალღები! — შესძახა ტიტკომ.

...არა, ტერეზა მაღალი არაა, უბრალოდ, გრძელია. აგერ ეს, პაპიოკო, იდაყვამდე ძლივს მისწვდება, მაგრამ მაინც უფრო მაღალია.

არდალიონ ჰედიაჲ კი, როგორც ჩანს, ვერაფერი გაიგო სიგრძისა და სიმაღლისა, რადგან საქმიანად აღნიშნა:

— ყველა დროის ყველაზე უფრო მაღალი ადამიანი იყო ამერიკელი რ. უოდლოუ, — ასე აღნიშნა არდალიონ ჰედიაჲ, — მისი სიმაღლე 2, 71 მეტრს და წონა 222,7 კგ უდრიდა.

ბუჭუტა კი პარმენასაკენ გაემართა; ყველანი მის ზურგს ვხედავდით, მხოლოდ კედელს აკრული პარმენა მისჩერებოდა სახეში, შიშისაგან თვალები გაფართოვებოდა. ბუჭუტამ კი საყელოში ხელი ჩაავლო, ფეხისწვერებზე აიწია, ახლოს მიუტანა სახე და უთხრა:

— ბუნებისაგან ისწავლეთ, პარმენ, ეს ყოველივე, — და ზურგს უკან გაიშვირა ცერი, — ამოუცნობია. ზოგ-ზოგები კი ვიცით, მაგრამ ბოლომდე, ამომწურავად, არაფერი ვიცით, პარმენ. მზე როგორ დადის, წვიმა რომ მოდის, თოვლი თუ ღნება, ზღვა როგორ ღელავს...

— კი მაგრამ, — საწყლად თქვა პარმენამ, — მე რა დავაშავე, სხვებსაც უთხარით, სხვებმაც გაიგონ...

ბუჭუტამ თავი შემოაბრუნა. თითქმის მთელი ჰარალეთი მოგროვილიყო, ფუჩეჩით დაცული დოქები უხერხულად ეკავათ ხელში. შაშაკაცებიდან ოთხნი გვაკლდნენ — კაკოია გაგნიძე, ჩვენი ტერეზა, ტიტვინიძე-ბოქაული და ერთიც მწოლიარე ბერიკაცი, იმას არ იცნობთ თქვენ.

— ჰარალეთელნო, — თქვა ბუჭუტამ და კიბის თავში დადგა, — ამ მთებს შეხედეთ.

მთები, რა გასაკვირია და, ძალიან მაღალი იყო. მწვანედ აგოროზებულნიყვნენ მაღლა, წიფელა, მუხა, ცოტათი ზემოთ ფიჭვები იდგა. მერე ხეები აღარ იყო, გლუვ ტალღებად დაკლაკნილი თხემი ბალახს დაეფარა, მხოლოდ ერთგან, გამხმარი, ჩაშავებული ხე გაჩაჩხულიყო და იქვე მუჭისოდენა, კისერდახრილი ცხენი ბალახსა სძოვდა, ბუჭუტა კი გვეუბნებოდა, რომ ყოველი ხე, ყოველი

ბუჩქი — სასწაულია... რომ უხერხულიცაა, ასე უბრალოდ, ასე მარტივად ილაპარაკოს ამ სასწაულზე, მაგრამ სხვა რა დარჩენია — ჩვენთვის გასაგები ენით გვესაუბრება:

— დააკვირდით მათ ქერქს, მათ ფოთლებს, მიწიდან ამოზნე-ქილი ფესვები იხილეთ, უთვალთვალეთ მათ სიმწვანეს, ჩუმ გაყვითლებას, მათი ნაყოფი ფიქრიანად იგემეთ, თვალი ადევნეთ ხეთა ჩუმ გარდაცვალებას შემოდგომობით, მათ გახეყებას ზამთრის გრძელ ღამეებში, გაზაფხულობით მათი კვირტებად აფეთქება იხილეთ, ზაფხულობით უთვალთვალეთ ფოთოლთა შეუმჩნეველ ზრდას, მათ ბზინვას მზეზე, წვიმისას გლუვად აკრიალებას, და ისიც ნახეთ, ხორბალი როგორ ამოდის, როგორ იკეთებს თავთავს, ქარზე როგორ ბიბინებს, წელამდე ბალახში იარეთ და გველზე დაბიჯებისა ნუ შეგეშინდებთ — მალა აიხედეთ, შეხედეთ უწყინარ, ფუმფულა და საავდრო, ელვებითა და ქექა-ქუხილით დატენილ ღრუბლებს, ლურჯ ღამეებში ფიფქთა ცვენას უყურეთ, თვალი ადევნეთ სიმინდის პაწია მარცვლებიდან ამოსულ ყანას, შემოდგომობით სამ თქვენსიგრძეს, ეს ყოველივე — სასწაულია და მაპატიეთ, ასე უბრალოდ რომ ვლაპარაკობ... ბუნებისაგან ისწავლეთ წელიწადის დროთა ფერადოვანი ერთგულება, დინჯად, დამარცვლით გაიმეორეთ, ისინი ოთხია — გაზაფხული, ზაფხული, შემოდგომა, ზამთარი, ხომ ყველას გახსოვთ? მეტი არაა ჩემი მტერი... ისწავლეთ დღეთაგან მათი ცვალებადი მუდმივობა, ისიც ოთხია — დილა, დღე, საღამო, ღამე... გაიხედეთ ოთხსავე მხარეს, და თუ გწადიათ, ყველგან შენიშნავთ საინტერესოს, ლამაზსა და ამოუხსნელს; წვეთისაგან ისწავლეთ ის სიჯიუტე, საუკუნეთა განმავლობაში ლოდებს რომ ბურღავს, ველზე დაგდებულ ლოდთაგან შეითვისეთ ამტანობა, ხეებისაგან — იმ მიწისადმი ერთგულება, სადაც რომ იშვნენ... ქარისაგან ისწავლეთ სილაღე, მიწისაგან — ჩემი გულუხვობა, გველშიაც კი უნდა შენიშნოთ სილამაზე, და ამ უსაზღვრო, უკიდევანო, ამ სასწაულებრივ სილამაზეში, შენ, შაშია კუტუბიძე, დაგიღერია თავი და ყუთიდან შაურიანებს ღუნავ — შეგირცხვა ნამუსი!!

შენ კი, გიორგი ჩემო, ამბობ, რომ არაფერი გაბადია, — განაგრძო მცირე ხნის შემდეგ დამშვიდებულმა ბუჩქტამ, — და ყოველივე ამის გარდა ყველაზე დიდი სასწაული ეს მაინც ჩვენ ვართ, ადამიანები, ეფრემ, მოდი ერთი აქ და...

— რა იცი შენ შაურჩიანებს ვლუნავ თუ ორშაურჩიანებს! — შეპხრიალა შაშიამ.

— სუ! — შეუტია ბუქუტამ და თავი ჩაქინდრა, — არ მომიყვანო მანდ. ჰოდა, ეფრემ, გაშალე აბა მკლავი...

— ასე?

— ჰო, — და შეგვათვალეირა, — თუ იცით, რა მოხდა?..

— მე ვიცი, — წამოიძახა არდალიონ ჭედიამ, — ასი ათასზე მეტი კუნთოვანი ბოქკო მონაწილეობს ადამიანის მიერ უბრალო მკლავის მოხრაში.

— სწორია, — დაეთანხმა ბუქუტა, — თუმცა გამართული ენით ვერ იყო ნათქვამი. ეს ის ასი ათასზე მეტი ბოქკოა, რომლებიც ვიცით, თორემ ისე, რაც არ ვიცით, ჰეე... ეფრემ, თუ არა გცივა, დაიკაპიწე მკლავი, და ყველამ რომ დაგინახოს, აგერ, სკამზე ადი, აბა, ისევ მოხარე, ახლა თითები აათამაშე, შეხედეთ ამ მოქნილ, მორჩილ თითებს, ხომ არა გცივა, ეფრემ, აბა ერთი პერანგიც გადაიძვრე თავზე, ყოველნაირი ტანააცმელი — ბითურობაა, ასე, ხომ არ გცივა, ოო, ყოჩაღ, ღრმად შეისუნთქე, ეფრემ, ღრმად, უფრო ღრმად, ეგრე, პატარა ხანს შეიკავე სუნთქვა, ახლა ამოისუნთქე, — და მოგვიბრუნდა, — იცით, ახლა რა მოხდა? რა ურთულესი, როგორი უდიადესი, და რა მარტივად... ჰარალეთელნო, შეხედეთ ამ კაცს, იგი ჩვენია, ჩვენნაირია, შეხედეთ მას, წელსზემოთ შიშველს, დაუკვირდით მის მკერდს, ბეჭებს, ლავიწის ძვალს, მაღალ, ძლიერ ყელს, მის სახეს შეხედეთ, სახეზედაც შეხედეთ და დაუკვირდით მის ყურებს, რომლებითაც ისმენს, მის თვალებს, რომლებითაც გვხედავს, ცხვირს, რომლითაც ჰაერს ისრუტავს, უხვ, დალოცვილ, უხილავ ჰაერს, შეხეთ, რა ამაყად დგას, ამ დიდებულ სხეულის პატრონი, ამ ურთულესი მოწყობილობის მბრძანებელი, როგორ თუ არაფერი გაბადია, გიორგი, აბა, ფეხი მოხარე, ეფრემ, შარვალსაც იხდი? არა უშავს, გაიხადე, გაიხადე, არაფერი გვაქვს დასამალი, ყველანი ერთნაირები ვართ...

ჩვენ დროს გრძელი ტრუსები იყო მოდაში, და საკუთარ თავში ერთბაშად შეყვარებულმა ეფრემამ ტრუსების გრძელი ტოტები დაიკაპიწა.

— აბა, ფეხი მოხარე, ეფრემ, ახლა გაშალე, ჰეე, იცით? როდესმე მიხვდებით? მაჯაზე დაიხედე, ეფრემ, ცისფერ ძარღვებს

შეხედე, ოდნავ რომ ფეთქავს, დაიხედე ხელთან, კოქთან, აგერ, მკერდზედაც გემჩნევა მკრთალად — ეს შენი სხეულის ცილფერი ბილიკებია, მათში სისხლი მიედინება, ჩვენი სხეულის მაცოცხლებელი, აბორგებული წითელი მდინარე, ჩვენი მუქისოდენა გულიდან გამომავალი, და ეს მფეთქავი გული გეცოცხლებს, ჩვენი სხეულის სითბო, ჩვენი სხეულის მზე, ეს რა გიქნია, ეფრემ, თუმცა, ყოჩაღ, თავი შეაბრუნეთ, ქალებო...

ეფრემა ღლონტი დედისობილა იდგასკამზე და სარცხვინო ადგილებს ფართო ხელისგულით იფარავდა და ქალებმა პირი რომ იბრუნეს, ყველას მოგვინდა საკუთარი სხეულის ახლებურად ხილვა, მაგრამ ვერა ვბედავდით, ეფრემა ღლონტმა კი რამდენჯერმე ჩაიძუხლა, ხელები გაშალა, ადგილზევე შეხტა, ხელი ღონივრად მოხარა და დიდი კუნთი დაებურცა, მაღიანად სუნთქავდა, თვალებით იხედებოდა, ყურებით გვისმენდა, ნერწყვს ძალუმად ყლაპავდა, ღონივრად აუღ-ჩაუღიოდა მკერდი, და ჩვენც, ჰარალეთელები, ჩუმ-ჩუმად ვათამაშებდით თითებს, დავცქეროდით ჩვენს კანს — ბაც წერტილებსა და მათ შემაერთებელ ხაზებს, მერე ვიხილეთ ოღრო-ჩოღრო ბილიკებით გადახერილი ხელისგულები, კუნთები დაეძაბეთ, კისრები ავიტკაცუნეთ, ვგრძნობდით როგორ გვიცემდა გული, როგორ აგვიდ-ჩაგვიდიოდა მკერდი, ვგრძნობდით, რომ ყველაფერს, ყოველივეს თავისი დანიშნულება ჰქონდა, და როცა ერთის შეხედვით თითქოსდა ზედმეტი რამ — წარბი გამახსენდა, პაპიკომ მაშინვე შემომხედა და მითხრა: „ეგ სილაპაზისთვისაა...“

— ჰარალეთელნო, — შესძახა ბუქუტამ, — აბა ახლა შუბლზე მიიღეთ ხელი, გესმით რამე? აჰ, არაფერი, არა? მაგის გაგება იწე ძნელია...

— რა კარგად ვყოფილვართ მოწყობილნი, — აღფრთოვანდა პარპენა დვალი, — აღარც მახსოვდა...

— ჯერ სადა ხართ, მე რაც გითხარით, ზღვაში წვეთია, — თქვა ბუქუტამ, — რამდენი რამ საერთოდ არ მიხსენებია და ახლა რმასაც თუ დაუშვამატებთ, რომ ჩვენს სხეულში რა არ ირევა. ათასნაირი ცილები, ცხიმები, ნახშირწყლები, სახამებლები, სტაფილოკოკები, ბირთვები და პროტოპლაზმები და...

— ქალი ჩამევიდაა კიბეზე!! — მოისმა უცებ შორიდან, — ქიიშიში მქონდაა ჯიბეზე!!!

— მოდი და ენდე ამას იქით ქალი ამისთანას! — გაცხარდა კაკალა მაჰიდა, — არ გაყიდა თხასავით?

— ჩუ... — თქვა ბუჭუტამ და თითი მიიღო ტუჩებზე, — შეხედეთ, ლამდება...

სალამოვდებოდა.

სალამოვდებოდა, ამჩატებული ჰაერი დადგა, გაიტრუნა, ჩენი ჰარალეთი გახვედა — ყველანი მორჩილად, წყნარად, მაინც დაძაბულნი, დაღამებას ველოდით. ხეებზე მიძვებოდნენ კისერწაწვდილი ქათმები, ჰაერი მძიმდებოდა, მოიისფრო ნამცეცები გაერია, ნახირი ბრუნდებოდა სოფლად ყრუ გუგუნით, დაბალ მტვერში; ქიშკრები აჭრიალდა, რძე აჩხრიალდა კასრში, ჰარალეთელი მარჯვე ქალები ყოჩაღად წველიდნენ ძროხებს, ხბოების გაბმული ბლავილი ისმოდა, თეთრი ღრუბელი გამუქდა, მაგრამ ჯერ მაინც მკრთალად გამოირჩეოდა ჩაშავებული მთის თავზე, ლურჯად დაბუყებულ ჰაერში სადღაც სანთელი აკიაფდა, პირველი ვარსკვლავიც გამოკრთა ცაზე, სუსტი და თეთრი. მთები იხევდნენ, გვშორდებოდნენ და მუქდებოდნენ, ვიღაცა ვიღაცას ეძახდა სერიდან სერზე, ის ღრუბელიც სიშავედ იქცა და მთა აამალა, დაღამება იყო, სანთლის წვასავით ჩუმი, ოდნავ ტკარცალებდნენ ნალვლიანი ხმები. ჩენი თვალი კი, ეს ჭიუტი მაძებარა, ყველგან სინათლის ნამცეცს ეძებდა, ვათვალრიერებდათ სიბნელით ძალამოცემულ ვარსკვლავებს, მკრთალ ციავს ფანჯრებში, და ჩენს პატარა მდინარეშიც, ქვაზე გარდაჰავალ, დამსხვრეულ ზვირთებზე, ნაპირზე ანთებული კოცონის სხივი მტკივნეულად იწელებოდა. უმთვარო ღამე იყო, და კუპრადქცეულ, შედედებული ღრუბლების ნაპრალებში ალაგ-ალაგ ვარსკვლავები ჯგროდ ბღღვრიალებდნენ, შემცივნებულ ეფრემას შიშველ სხეულზე გადაეჯვარედინებინა ხელები და თითები ნეკნებში ჩაესვა, საბრალობლად ძიგძიგებდა და ბუჭუტამ თქვა: „მამაკაცებმა მაშხალები გამოიტანეთ და ტყეში წავიდეთ“.

— ჩენც, ქალები? — იკითხა კაკალა მამიდამ.

— არა, — თავი გაიქნია ბუჭუტამ, — ქალები არა, — ქალს რაუნდა ღამით ტყეში. ჩაიცვი, ეფრემ.

არასოდეს მინახავს ღამით ისე განათებული ჰარალეთი. მაღლა-აშვერილ ხელებში მაშხალები გვეკავა, გვერდიგვერდ მივიდიოდით, და დარწეული სინათლეები დაპოტინებდნენ მიწაზე, სახლებზე, მიძიმედ ტორტმანებდა ჰარალეთი, საცა კი ჩვენ, ბევრნი ერთად.

ხელმძღვანელები, ჩაველიდით. ჩვენს ნაბიჯს დიდი სიმტკიცე ჰქონდა, სათითაოდ გადავედით ხიდად გადებულ მორზე, ქალაქი უკან მოვიტოვეთ, გადავიარეთ პატარა ბორცვი, სინათლეებად ჩამწკრივებულებმა, დიდი ველი მხნედ გადავჭერით და შევჩერდით — აქ ტყე იწყებოდა, იქვე, ჩვენს ფერხით იკარგებოდა ბილიკი, ტყეში ველარ შევძლებდით ასე გაბედულად, გვერდიგვერდ სიარულს, ბუჭუტას კი არაფერი უთქვამს, მაშხალა შეათამაშა და უზარმაზარი, ახტუნავებული ცაცხვის ჩრდილი ისევ თავის ადგილზე რომ დაბარბაცდა, თამამად შევიდა ტყეში. იმას პაპიკო მიჰყვა, მერე კაველაძე, მერე ლლონტები, არდალიონ ჰედია, მალხაზ კაკაბაძე, პაპიკოს ეზოში შეკრებილ მამაკაცთაგან მხოლოდ ბუხუტი ქვაჭარავა, შაშია კუტუბიძე და ოსიკო გვაკლდნენ; ერთი ქალაქის თავის მოადგილესთან — კაკოია გაგნიძესთან გაიქცა ამბის მისატანად, მეორე გულშოსული იყო, მესამეს ყელის გაციებისა ეშინოდა და, საერთოდაც, ეშინოდა, ჩვენ კი, გაბედული პარალელელები ცოტათი ფრთხილად კი მივაბიჯებდით, და წინ მიმავალი კაცის ზურგს იმედიანად შევცქეროდით, მხოლოდ ბუჭუტა იყურებოდა სიბნელეში და მაინც ისე მხნედ, ისე ლაღად მიდიოდა. ჩვენ მივდიოდით და დარწმუნლ აღზე სადღაც შორს მკაფიოდ ჩნდებოდა შემქმნარი ფოთოლი და ისევ იძირებოდა ტყის მღუმარე სიშავეში, აჩრდილების ტალღა უძლურ ქარად გადადიოდა გახევებულ ტოტებსა და ფოთლებზე, ტიტკო ლლონტმა მიწიდან ამოჩრლ ფესვს წამოჰკრა ფეხი და დიდი ჩრდილები გვეძგერა და გახტა, გვეძგერა და უკუიქცა, გულები შეგვიქანდა, მაგრამ ბევრნი ვიყავით, და ხელთ მაშხალები გვეპყრა. ჩვენ — მივდიოდით...

— რაო, რა თქვა იმ პატარა კაცმა?

— უჰ, უჰ, რაც იმან სისულელეები იბოდილა, ბატონო, — ხელი ასწია ბუხუტიმ, — ჰაერი — კაიაო, წყალი — კილო უკეთესიო, მზე ცხელიაო და სასწაულია პირდაპირ გვიმრა, მუხა და რეჰანიო. აბა?!

— ჰოჰო, — ჩაიციხა კაკოია გაგნიძემ, — აბა მზე ცხელიაო?

— კი, როდის დაადო ნეტავ ხელი...

— შენ რა გითხარი, ბუხუტი! — ახითხითდა კაკოია გაგნიძე, — ახლა სად არიან, თუ იცი?..

— ტყეში წავიდნენ, ბატონო.

— რაიო?!

— ტყეში წავიდნენ და...

— რა უნდა ხალხს ღამით ტყეში! — გაცხარდა კაკოია გაგნიძე, — შაშინას ღამიძახე ერთი...

ჩვენ — მივდიოდით. ჩვენ მივდიოდით დაბურულ ტყეში, რომელიც დღისით, გაგინარიცა, ღამაშიცა, მაგრამ ახლა, ამ შუალაღამით, როცა განზე ვერაფერს ხედავ და იქიდან კი, იცოცსლე, მრავლად მოგჩერებია უკან ჩამოტოვებული, მძიმედ ჩაცურებული ამაზრზენი თვალები... და პატარა კაცი, ბუჭუტა, მაინცდამაინც მდინარისაკენ დაეშვა, და სხვა რა გზა გვექონდა, გაუბედავად ჩაუყევით ბილიკს ავად აშრიალებული მდინარისაკენ, რომელიც დღისით, რასაკვირველია ღამაშიცა, მაგრამ სულ სხვაა ღამით და, ამასთანავე, სხვა ქვეყნებში არ ვიცი, რითი აშინებენ ბავშვებს, ჩვენ კი, საღამოობით, სწორედ მდინარესა და იქ მცხოვრებ ღამაზ, ოქროსფრად თმაგაშლილ ქალებზე გვიამბობდნენ იღუპალი ჩურჩულით მხრებაწურული ჰარალეთელი ბერიკაცები და ღამაზ ქალს კიდევ რა უშავს, სხვადასხვა ეე... აღარც ვიცი, ვუწოდო თუ არა ის საზარელი სახელები, ერთი სიტყვით, სხვადასხვანაირებზედაც გვიამბობდნენ და სწორედ ამ მდინარის პირას შევდექით შეცბუნებულნი და, კიდევ კარგი, ხელში ანთებული მაშხალები რომ გვეჭირა და ამ დროს ბუჭუტამაც თქვა:

— გთხოვთ, ჩააქროთ მაშხალები.

კი, კი... არსებობენ, როგორ გითხრათ... ეე... მომენტები.

— ჰა?! — წვრილი ხმით იკითხა ტიტაკო ღლონტმა.

— ჩავაქროთ, ჩავაქროთ, — თქვა ბუჭუტამ და უცებ ძალიან განათლა ფსკერზე კენჭები, მერე კი შიშინი მოგვესმა, — აი, ასე.

— რას გვიშლის, ენთოს, — საბრალობლად ითხოვა ეფრემამ.

პაპიკომ კი ორიოდ ნაბიჯი გადადგა მდინარისაკენ და იმანაც წყალში ჩააყოფინა თავის მაშხალას თავი.

— სინათლე სრულებითაც არაა სირცხვილი! — ნერვიულად განაცხადა არდალიონ ქედიაშ.

მერე კაველაძემ ჩააქრო მაშხალა, ჩვენმა ურიადნიკმა, იმას უმძრახმა სამსონა არჩევანიძემ მიბაძა, მერე მალხაზ კაკაბაძემ შორიდან ისროლა წყალში მაშხალა ფრიად თეატრალური ენტიტით და ჩვენ, დანარჩენები, მივხვდით, რომ ისევ სხვისი სინათლის შუქზე სჯობდა საკუთარი სინათლის მოცილება და საჩქაროდ მოვიცარი-



ელეთ ხელები, და, მოგეხსენებათ, ღამით, ტყეში, უსინათლოდ, ბნელა.

ჰოჰო, რა ბნელოდა, ბიჭო... კიდეც ეს მოგუდული ხმაური, ავი მდინარის, ცისკენ ტოტებაჩაჩხული, სიოზე მკაცრად აშრიალებული ხეები, სადღაც ფიჩხის გატკაცუნება, ამაზრზენი წივილი ხან შორს, ხან ახლოს, და ყველაზე საზარელი მაინც ის გახლდათ, მრგვალი თვალები ახლა ზემოდან რომ დაგვეცქეროდნენ და ბუჭუტამ თქვა:

— ვისაც არ მოგწონთ, შეგიძლიათ წაბრძანდეთ.

ჰე! ვინ წავიდოდა... ვინ ოხერი... წავიდოდით კი არა, ფეხზე დგომაც აღარ შეგვეძლო, და ჩვენ, პარალეთელებმა, ჩავიმუხლეთ, ერთ წრედ შევიკარით, და კიდეც კარგი, მხრით რომ ვგრძნობდით ერთმანეთის მხარს, ზოგიერთებმა ლოყაც კი მივადეთ მეზობელს ლოყაზე და ასე, ჩაცუტქულნი, შეყვარებულებივით ვიყავით იმ სიბნელეში ჩვენ, პარალეთელები, ერთმანეთზე მოჭორავე ხალხი. ახლა ველარ ვგრძნობდით ვერც შესანიშნავად მოწყობილ ფეხებს, ხელებს, სუნთქვასაც აღარ ჰქონდა გემო, რადგან ფრთხილად ვსუნთქავდით, თვალებიც აღარ გვინდოდა — საოცრებანი გვეზმანებოდა, ყურებიც ნეტავ არ გვექონოდა — საშინელებანი მოგვესმოდა, წარბის სილამაზისა ხომ ვილას გვახსოვდა და გული, ერთადერთი გული გვიცემდა და მთელს შესანიშნავად აწყობილ სხეულებზე ერთადერთი შიში დაბოდილალებდა, ავად შარიშურობდა და დრო თითქოს გაიყინა და აღარც გადიოდა, მაგრამ სიმართლე — სიმართლედ და — მაინც გადიოდა.

— ყველანი აქ ხართ? — ჩუმად იკითხა ბუჭუტამ.

— ჰო... ჰო...

— შენც აქ ხარ, არდალიონ?

— აქა ვარ... კი...

— ჭიანჭველებზე რაიმე თუ გსმენია.

— ვისზე? არა, არაფერი.

— გსმენია, — თქვა პაპიკომ.

იმ სიბნელეში ტყუილზე წავასწარით არდალიონ ჰედიას.

— კი, კი, — თქვა არდალიონმა და აჩურჩულდა, — დიდ წვიმებამდე ათი დღით ადრე... თურმე ჯერ ხეებზე აღი-ჩაღიან... მერე მოგროვდებიან სხვადასხვა ტომის ჭიანჭველები... თავკაცები ერთმანეთს მიუსხდებიან... თავებს მიადებენ ერთმანეთს... რაღაცას

თათბირობენ... მერე დაეწყობიან მწყობრად... ჯერ მეომარი ჭიანჭველები მიდიან, მერე მუშები, მერე სხვადასხვანაირები, რა ვიცი... და ბოლოს დაბანაკდებიან იქ, სადაც წყალდიდობა ვერ მისწვდებათ...

— რას ამბობ, კაცო... — ჩურჩულითვე გაიკვირვა პარმენამ.

— ასეა... თურმე იმათ ხალხიც, ადამიანები მიჰყვებიან და ისინიც მოგებულში რჩებიან.

— ჰაი გიდი, — ჩუმად შეიცხადა მალხაზმა, — საკვირველია სწორედ...

— კი მაგრამ, — ხმას აუწია პარმენამ, და, შემკრთალი, ისევ ჩურჩულზე გადავიდა, — რა იციან იმათ... ათი დღით აღრე... წვიმა სად მოვა და სად არა...

— ეგ არ გვიკვირს ჩვენ?

— ახსნით მაგას, არდალიონ? — ჰკითხა ბუჭუტამ.

— აჰ, ვერა... კი შემძლია ვთქვა ინსტინქტია-მეთქი, მაგრამ ეგ ვერაფერიშვილი ახსნა ვერ იქნება.

— ახლა ყვაეებზე გვიამბეთ.

— უჰ! — საკვირველია ნამდვილად.

— გვიამბე ჩვენც...

— რა და, ტიტოვო, ყვაევი რამეს თუ დააშავებს, იმათი წესებით... შეიკრიბებიან გუნდების წარმომადგენლები და იმსჯელებენ თავისებურად, რა ვიციტ ჩვენ ყვაეების ენა... და თურმე ან სიკვდილს გადაუწყვეტენ, ანდა გაძეეებას.

— რას ამბობ... ისე, ეხოლოდ თავისი გუნდი რატომ არ სწყვეტს საქმეს, ვერ მოერევიან თუ რა... რატომ უმყლავნებენ სხვას თავის გლახას და სამარცხვინოს... ერთხელ გაამყლავნებენ, ორჯერ და შეურცხვებათ სახელი...

— აბა რა, ვიცი, პარმენ... ალბათ, ის გაძეეებული სხვა გუნდმა რომ არ მიიღოს, იმიტომ...

— ხო?... ეგრე კი.

— თან ყვაევი, — ფიქრებში ჩაეფლო მალხაზ კაკაბაძე, — თან მარტოხელა...

— ფუტკრებზე თუ გსჰენიათ რაიმე?..

და იმ სიბნელეში პატარა ხნით ყველანი გამოვცოცხლდით:

— ოჰ, როგორ არა... სკები გვიდგას ეზოში... ფუტკარი საკვირველია სწორედ... ფუტკარი კი ვიციტ...

— პატრონი რომ ცხრა მთას იქით კვდება, — ჩუმაღ თქვა ეფრემამ, — შინ ძალლი ყმუის.

ისევე შეგვეშინდა.

— რა იცის ძალღმა... ჰა...

— ახსნით ამას, არდალიონ?

— აჰ, ვერა... ახლა, რომ ვთქვა, ტანი უგრძნობსო, რანაირი ახსნა იქნება... მით უმეტეს, თქვენთვის...

— უცნაურია, უცნაური...

— დიდი უცნაური...

მე მგონი, დიდხანს ვისხედით ჩუმაღ. დრო — გადიოდა.

— ცხოველი გვეჯობნის ზოგიერთ საკითხში, — პირველად ამოილო ხმა სანსონა არჯევანიძემ.

— ძალლი და ღორი, გინდაც ზოგზოგებში, რატომ უნდა მჯობდეს მე... — თქვა ჩაცუტქულმა ეფრემამ და დაჯდა.

— ერთხელ, ორ დღეს არ მომიწია დალევამ, წვეთი ღვინო და არაყი არ ჩამსვლია პირში, — ძალიან ხმადაბლა თქვა პარმენამ, — და დაეიხედე ძირს და რას ვხედავ — ჭიანჭველების ბუდეა... ფაციფუტობენ, გარბიან, გამორბიან, ეზიდებიან, აგროვებენ რალაცას და ასე, ზემოდან რომ დავცქეროდი, მე, იმათთან შედარებით დიდი და ღონიერი, უცებ შევეკრთი და მაღლა ავიხედე, ეგებ მე და ჩემებურებსაც კიდევ უფრო დიდი და ღონიერი დაგვეცქერის-მეთქი...

— მერე, დანახე რაზე? — დაინტერესდა არდალიონ ჭელია.

— აჰ, არაფერი.

— ისინი თუ გხედავდნენ?

— ვინ, ჭიანჭველები?

— ჰო.

— არ ვიცი... ისე, ზოგიერთი კი ამაღლოდა ფეხზე.

— ჰარალეთელნო!!! — უცებ ისე დასქექა ბუჭუტამ, რომ უნებურად ყველანი ჩავკეჩით და ლოყა სასწრაფოდ მივაღეთ ერთმანეთს ლოყაზე, — ყური დამიგდეთ...

## 9

და, ღამით, ტყეში, ერთ წრედ შეკრულებს, ბუჭუტა დიდხანს გველაპარაკა.

იღგა, გვიამბობდა...

ის გვიამბობდა იმ უცნაურ, საოცრად ტყვეად, უძირო ჭაზე, რო-

მელსაც სახელად „ადამიანის მახსოვრობა“ ჰქვია. ბუქტუბა იდგა წრის შუაგულში და ხმამაღლა, ყვირილით გვეუბნებოდა, რომ ჩვენ ვიციით ათასი ნაცობის სახელი, გვარი, ყველას ვანსხვავებთ, და განა მხოლოდ სახით, არა, სიარულზედაც ვცნობთ, რომ კიდევ ვიციით აუარება ნივთის სახელი, მათი დანიშნულება, გამოყენება, რომ გვაქვს ათასნაირი დამოკიდებულება ყველასთან, ყოველივესთან, და მაინც ჰარაღეთელები ვართ. მერე იყო და, შეგვახსენა, რომ ყველასა გვაქვს ჰკუა, გონება, ზოგს უხვად, ზოგს შედარებით მცირედ ბოძებული, და იმის ნაცვლად, რომ ადამიანის გონება, მისი უმდიდრესი, ზღაპრული შესაძლებლობანი გამოვიყენოთ ისე, როგორც საჭიროა, ამის ნაცვლად ჩვენ, ჰარაღეთელებს, დრო, ჰკუა და ენა იმაზე მიგვდის, რომ ერთმანეთს გავეჭიბროთ, ვუთვალთვალოთ, ერთუროს დავეცინოთ, ხელი არ გავუწოდოთ დასახმარებლად, სანამ ძალიან არ გაუჭირდება და ლხინისას კი ურთიერთს ყალბად შევეცინოთ და — თუთ! პარმენა დვალო — შენ გაჩვენებენ სეირს, თუ არ გამოსწორდები და ცოტათი უფრო დაკვირვებით არ მიმოიხედავ... და ისიც გვითხრა, რომ ზომაზე მეტად ვლაპარაკობთ, რომ თუმცა სამსონა არკვევანიძესავით დღენიდაგ ხმაგაქმენდილნი არ უნდა ვიყოთ, მაგრამ ზედმეტი ლაპარაკი? — აჰ, არა, არა... გულის მოფხანაა, გულის მოფხანამ კი დამშვიდება იცის, დამშვიდება — გაარხეინება, არხეინობამ — ჰვე, არხეინობამ დალუპა ბევრი და ასე რომ, პარმენა დვალო... არსებობს ერთი კარგი გამოთქმა — ენას კბილი... გასაგებია, ხომ?.. რა თქმა უნდა, ბატონო... მოკლე პასუხი!.. კი ბატონო... მოკლე-მეთქი!!.. კი... ასე. ეგ უმძრახობა კი, სამსონ, ბოლმით აგავსებს, ბოლმით გავბერავს, და თქვი შენც ხანდახან ორიოდ სიტყვა, ხმა გააგონე მეზობელს, მაგ დაგუბულმა ბრაზმა გიყო, ერთი შვილი ხეპრე და რეგვენი რომ გამოგივიდა, მეორე კი თვალმილულული მომღერალი და მალაღფარლოვნად მოსაუბრე — როგორა ჰქვია, არდალიონ? ჰოო, რომანტიკოსი — ბუნებაში ყოველივე წონასწორდება... ნუ გშურთ ნურავისი ნურაფერი, მხოლოდ გონებას დაატანეთ ძალა და გონების სარკმლით — თვალებით დაკვირვებით უთვალთვალეთ ყველაფერს, ყველას, თვალთ ყველაფერის შეძენა შეიძლება, იგერ, მდიდარი კაცი ცხოვრობდა ერთი და ეზოში ერთი რამ უცხო ბუჩქი ედგა, მაგრამ ის ბუჩქი იმ კაცის კი არ იყო, მეზობლის ბავშვისა გახლდათ — ისე უყურებდა... და, დაიჭრეთ, რომ ყველაფერი, საცა კი თვალი მიგიწ-

ვდებთ, თქვენია, თქვენი, საკმელ-სასამელის გარდა, მაგრამ სურსათ-სანოვავე თქვენ არ გაკლიათ და... სწორი ხარ, კაველაძე, ვიცი, რაც გიტრიალებს გუნებაში — შიშველი მკლავი, შიშველი მხარი, ქათქათა ფეხი... მაგრამ ბუნებაში ყოველივე წონასწორდება, სამაგიეროდ, თამამი სიზმრები გაქვს და ცხოველი ფანტაზია, და როცა იქნება და შენც რომ გეშველება, როგორაა არდალიონ? ჰო, ყოველ ალხანას თავისი ჩალხანა ჰყავსო, ხუმრობით გეუბნები, გოგი, არ გეწყინოს, და შენც რომ დამშვიდდები, კაველაძე, და რომ მოგწყინდება, შენი გაწვრთნილი, წანწალს შეჩვეული ოცნება ახლა სხვა ამბებს, სხვა ცას გადასწვდება და რა უნდა იყოს ფიქრსა და ოცნებაზე კარგი, არაფერი, არა, მაგრამ თქვენ, პარალელელებს, ნურას უკაცრავად — ნაღდი გინდათ, არა? ჯიბეში ან ხელში, არა? გულისჯიბეში, ღრმად, ხომ? შეგირცხვით... ანდა ის, ის ნაგავი შაშია კუტუბიძე, ლოთი და შაურიანების ქურდი, ეგ ჯიბირი ეგ, მამბულარა... მამბულარა არ უნდა იყოს?.. გახდება... გახდება, არა? სწორი ხარ, პაპიკო, შენთვისაც მოველ... შენ მარტო იყავ, პაპიკო ჩემო, მარტო იყავ და მხოლოდ შენ არჩევიდი მზეს მთვარისაგან, შვიდნაირ წვიმას... და როგორ გასძელ, ძალიან მიკვირს — ასე, სხვების შემხედვარემ და საკუთარ თავში შეეჭვებულმა... და სვამდი, არა?.. ძალიან ვსვამდი... რას იზამ, ხდება — და თუნდაც ბუხუტი ავიღოთ, თქვენი, ქვაჭარავა, კაცია ეგ? ყურის ნაცვლად თვალით ისმენს — იმ ხვითო კაკოია გაგნიძეს მისჩერებია პირში... რანაირი სიარული იცის მაინც, განგან რო ადგამს ფეხს, ძველი მეზღვაურივით — ასეა, ბარბაცებს ხანდახან მიწა... ისე კი, ტრიალებს, არა, არდალიონ? ჰო, ბრუნავს, ბრუნავს... უცნაურია არა? — ის, რაც ყველაზე მყარად, ყველაზე საიმედოდ დგას, თურმე ბრუნავს და ბრუნავს, ჰეე... ანდა ის გლახაკი ტიტვინიძე — მძვინვარეა ვითომ... პარალელელნო, ამ ტყეს შეხედეთ... სუუ, ჩუმად ვიყოთ, პატარა ხანს ჩუმად ვიყოთ... აგერ, ე... გესმით, არა... აი კიდევ, კიდევ... და სულ ასეა, დღითა და ღამით, დღისით და ღამით მუდამ მოისმის რაღაც იღუმალი, შორეული, რომელსაც მიწვდომა უნდა, რომელიც უნდა გაიზარდოთ, რომელსაც უნდა დაუდარაჯდე, შერე მიაგნოთ და მიხვდეთ, ჩასწვდეთ, ახსნათ, და თუნდაც ვერ ახსნათ, მაინც უნდა იპოვოთ ეს იღუმალი ხმები, მაგრამ ჯერ, უპირველეს ყოვლისა, იღუმალს გაგონება უნდა და რას გაიგებთ, სიცილ-ხარხარსა და სადღეგრძელოებში, ფრთხილად, თორემ პარმენა დეალო...

აი, კიდევ... სულ მუღამ ისმის, ისმის... გვესმით, ჰარალეთელნი?

ჰოი, გვესმოდა...

...მაგრამ ყველაზე უცნაური ისაა, ხანდახან ქვეყნის მოწესრიგებას რომ აპირებთ, ვის არ გადასწვდებით ლაპარაკში, ვილას არ გაჰკრავთ კბილს. მთელი კაცობრიობის გამოსწორებას აპირებთ ხოლმე, გარდა ერთადერთი ადამიანისა — საკუთარ თავს არ ათვლით იმ ლეგიონში. კეთილი ინებეთ და, უფრო სწორი იქნება, ჯერ საკუთარ თავებს რომ მიხედოთ, ჰარალეთელნი, მაგ თქვენს დიდ, პატარა, ხოტორა, ხუჭუჭა, ჯაგარა, შავტუხა, ალისფერ თავებს, — და მერე ინებეთ ქვეყანაზე ფიქრი... ციცი! — პა-არმენა დვალო... გულით კეთილებს, გულუბრყვილოებს, მიმნდობებსა და რა ვიცი, კიდევ რა, საიდანა გაქვთ ხანდახან იმოდენა ეშმაკობა და ბოღმა, ვილაც სხვას თამაშობთ, და რომ იტყვიან, როგორ იტყვიან, მალხაზ-ბატონო?.. როლში შევედივართ... და მერე... მერე ველარ გამოვდივართ, ბატონო!.. მერე, კარგია?.. არა, რას ბრძანებთ, სულ თეატრი არ გამიგია მე... მხოლოდ საღამომობით, არა?.. საღამომობით, დიახ... ჰეე, საღამო ისეთია, საღამომობით ყველაფერი შეიძლება... ყური დამიგდეთ! ყველაფერი წონასწორდება, დამახსოვრეთ, სუყველაფერი — ან ადრე, ან გვიან, ან... მერე! როდის მერე... სულსწრაფი ხარ, პარმენ, „მერე“ რთულია, დღეს ვერ მოვასწრებთ... შენ რომ იცოდე, როგორი რთული... მერემეზე მერე ვილაპარაკოთ, პარმენ... ბატონი ხარ... ეეჰ, რამდენი რამ კიდევ უნდა მეთქვა, მაგრამ... თქვით ბარელამ, ბატონო, აგერ არა ვართ... შეხედეთ, თენდება...

მართლაც, თენდება.

და გაბზარული ოდნავ სიბნელე რომ დავინახეთ, ჩვენ, მოკუნტულეებს, გული მოგვეცა. მაშინვე მოვაშორეთ ლოყას ლოყა, მხარს მხარი, დამე — ლღვებოდა. ჯერ იყო და, ლურჯად დანამცეცდა პაერი, უხმო ზმუილით იწელებოდა დამე, გათხელდა, გაბაცდა, და სიბნელიდან მკვეთრად გამოაბიჯეს ხეებმა, მერე კენწეროზე ფოთლები მოისხეს, და შორს, ტოტებშუა, რაღაცა გაწითლდა, აქაფებულ ლეღეც დავინახეთ და ჩქარა კენჭებიც გამოჩნდა ფსკერზე, ფეხზე წამოვდექით ჩვენ, გულმოცემული ჰარალეთელები, მუხლი გავშალეთ, გავიარ-გამოვიარეთ, ჩიტები ახმაურდნენ, სად იყვნენ მაინც განაბულნი, და მზეც რომ ამოგორდა და სინათლის სვეტში

ტყის სუფთა ნაპეცეები აბრჭყვიალდა, ტიტკო ღლონტმა კეფაზე შემოიქლო ხელისგულები, თავი უკან გადასწია და ე-ე-ეჰხო, მადიანად გაიზმორა. ის ავი მდინარე პატარა ღელედ იქცა, პარმენამ უშიშრად შეაბიჯა შიგ, პეშეებით შეისხა წყალი სახეზე და აფრტუნდა — რა ქალი, რის ქალი, რომელი ალქაჯი, სადაური ჭინკა, გაგიგონიათ?! — უშიშრად იბანდა ცხვირპირს, თმაზედაც გადაისვა ხელი, გაკობტავდა, ეფრემა ღლონტმა ჩაიმუხლა და ადგა, ჩაიმუხლა და ადგა, მერე ძალიან გაიჭგინა და ამყად მოგვევლო თვალი. „რა იმუშავენს დღეს, — წყენით თქვა ტიტკომ, — საქმე მქონდა ყანაში, ქეიფში მაინც გამეტეხა ღამე“. „ჰე, — ჩაიცინა პარმენა დვალმა, — გუშინწინ ამ დროს სუფრაზე ვიჯექით“. „სუფრაზე კი არა, სუფრასთან“, — შეუსწორა არდალხონ ჰედია. „სულ ერთი არაა, მოგცლია შენც...“ სამსონა არჯევანიძე მაინც ყველაზე გაბოროტებული გამოიყურებოდა, ქალამანი წაიძრო, გაბრაზებულმა დაიქნია და იქიდან გამოვარდნილი კენჭი წკარუნით რომ ახტა ქვაზე, მაშინვე პარმენამაც წაიქირჩილა: „რა იღუმალი ხმა იყო, ბიჭო?“ „მეც არ ამიყოლიეს, ხნიერი კაცი?“ — იკითხა მალხაზ კაკაბაძემ და თავში შემოირტყა ხელი, ხოლო არდალიონ ჰედია თქვა: „ტყუილა ავიშენეთ სახლ-კარი? მგლის და ვეფხვის გარდა ვის რა უნდა ღამით ტყეში...“ და ბუჭუტას შეხედა, ის კი, უეცრად მობუზული, მოწყენილი, სუყველას თვალს გვარიდებდა, პაპიკოსაც კი, რომელიც თანაგრძნობით შესტკეროდა სახეში. „რას ჩხრიალებდა ღამით?“ — აგდებულად დახედა ღელეს ეფრემა ღლონტმა და პარმენას შეაცქერდა. „ჩხრიალებდა თორემ, ეგეც ოქროს თუმნიანები იყო... — ხელი ჩაიქნია პარმენამ, — ახლა მაინც წავიდეთ სახლში“.

ჰოჰო, რა გულით მივაბიჯებდით? „მაშხალა დაგრჩა, ტიტკო!“ — შეუღახა ეფრემამ. „გადი, გადააშენე იქით... ამის მეტი მე ის აღარ დამქირდეს...“

პარმენამ ერთი-ორჯერ ეშმაკურად მიმოიხედა, ჩაეცინა, რალაც აწონ-დაწონა გუნებაში და მერე თავჩაქინდრულ, მწკრივის კულში სევდიანად მომავალ ბუჭუტას მიუბრუნდა:

— თქვენ ხომ თქვით, არაა კარგი ბევრი ლაპარაკი...

— ვთქვი.

— მერე, შე ოჯახაშენებულო, თქვენხელა ვინძეს ელაპარაკოს, არც გამიგია მე.

— უკიდურესობაში ჩავარდა, — აღნიშნა არდალიონ ჰედია.

— ეჰ, — თქვა ბუჭუტამ.

პატარა იყო, ტანმორჩილი, და ახლა, დღის სინათლეზე, ახლად გათენებულზე, კიდევ უფრო პატარა ჩანდა.

— ჰოდა, ის „მერე“ თუ რაღაცაა თუ უფრო რთულია და მეტი გაქვთ სალაპარაკო, — შეგვცინა პარმენამ და ბარძაყზე დაირტყა ხელი, — დაესახლდეთ ბარელამ ტყეში და ილაპარაკეთ, ბატონო.

მწკრივში აქა-იქ სიცილი გაისმა და კმაყოფილი პარმენა უცებ გადიდკაცდა:

— მართლა, სიდაური ხარ, ბიჭო, შენ?

ბუჭუტა, თავჩაქინდრული, ხმას არ იღებდა.

— ენა ხომ არ ჩაყლაპე, ბიჭო, შენ?! — გაიკვირვა პარმენამ, — მშვენიერი კარგად ლაპარაკობდი ტყეში... თუ ხვალისათვის იზოგავ?!

— ხვალ აღარ ვიქნები...

— აუჰ? კვდები თუ...

— არა, დღეს წავალ.

— რა გეჩქარებოდათ, ბატონო, — თვალები აუციმციმდა პარმენას, — შეგეწიათ კიდევ ორიოდ სიტყვა...

— რაც ვილაპარაკე, ისიც არამი ყოფილა შენზე, — თქვა ბუჭუტამ, — მაგრამ ჭერ კიდევ გამოგასწორებ.

— აუჰ, რა მჭირს შენი გამოსასწორებელი... ვინაა ეს! — უცებ შეკრთა პარმენა, — არა, ეგ კი არა, აიი ის, სერზე რომ მოჩანს... იქით, იქით, უჰ, უჰ, ტერეზაა, მგონი, ბიჭო...

— ისაა, — თქვა პაპიკომ.

— რაღაც გაბრაზებულებით გამოიყურება, ისე დგას. ის ვილაა, გვერდით რომ უდგას?..

— შაშიაა, კუტუბიძე.

— ბიჭოს, რაშია ნეტავი საქმე?..

ახლა ისევ შეგვეშინდა მაგრამ ეს უკვე სხვანაირი შიში იყო — თვალხილული ძალის. ტერეზა თუ ვინმეზე გაბრაზდებოდა, ეშხში შესული, სხვებსაც თითქოსდა თამაშ-თამაშით დაგვერევდა ხელს, მაგრამ ჩვენი ნეკნებისთვისაც გეკითხათ, რანაირი თამაში იყო ეს... ახლა კი ისე მრისხანედ აბრიალებდა თვალებს, ისეთ უზარმაზარ მუშტებად შეეკრა თითები, ყველანი ადგილზე გავქვავდით და რომ გამოვერკვიეთ და გასაქცევად გავემზადეთ, ტერეზამ დი-



დი ნაბიჯი გადმოდგა, ერთი, მეორე, მესამე, პირდაპირ ბუჭუტა-საქენ გაეშურა (ტერეზალა აკლდა საწყალს), თავზე დაადგა ერთი ბეწო კაცს და ამ ბეხლეწმა, ამ საშინელებამ, მუქარით ჰკითხა:

— მე არ ვარ მალალი... აბა?!

— არა, — მოგვესმა ხმა, ბუჭუტა აღარ ჩანდა, ტერეზა ეფარებოდა, — მალალი არ ხარ.

— აბა, რა ვარ! აბა...

— უბრალოდ, გრძელი ხარ, — მოგვესმა ისევ.

— ეს რეებს ბედავს, გიჟი ყოფილა, — ჩაილაპარაკა პარმენამ, — ვაი, ჩემი ბრალი, თურმე ვის ვუგდებდით ყურს...

— ყველა სულელმა და გიჟმა ჩვენში უნდა მოიყაროს თავი?! — იწყინა ტიტუკო ღლონტმა.

— შეურაცხყოფაა, ტერეზა, ეგ! — შეჰხრიალა ტერეზას ზურგიდან შაშია კუტუბიძემ.

— ასეა?! — მრისხანედ დაეკითხა ტერეზა პატარა კაცს და უკიდგანო მხრები შეათამაშა.

— სიმართლე კია და... — მოგვესმა.

— რა თქვა, აბა, გესმით, აბა?! — შემოგვხედა გაოცებულმა ტერეზამ, — ახლა, ამას რო დავარტყა ხელი, აბა, ხო გავაცხებიებ სულს, და ხო გამაციმბირებენ მაგისტვის და ციმბირი მინდა მე? გადი დაიკარგე იქით, შე გლახა, შენ... — და გაუკვირდა, — აბა?!

სასწაული ხდებოდა — ტერეზა პირველად გაანაწყენეს, და თავზეხელალებულს არ უსწორდებოდა, როგორც ჩანს, იმისმა ტანმორჩილობამ დააბნია, და თვითონვე აპირებდა წასვლას, მაგრამ...

— არსადაც არ წავალ, — მოგვესმა უცებ.

— რაო? — ყურებს არ დაუჭერა ტერეზამ, — არ წავალო? აბა...

— ვთქვი და გავათავე.

— გაგათავებ ახლა მე შენ! — დაემუქრა ტერეზა და მხრები აიწურა, — რო მოგკიდებ ხელს, სულ დაგფშენი, სულ, შე...

— კრუხის პალოვ — შეაშველა შაშიამ.

— შე კრუხის პალო, შენ, რო მოგკიდებ ხელს, სულ ქვებზე დაგიჩეჩქვავ მაგ თავს, შენ!

— ახლა ვნახავთ, ახლა, — ჩაიხრიალა შაშია კუტუბიძემ, —

მე ვლუნავ შაურიანებს, თუ შენ გაგლუნავენ შაურიანივით, ახლა ვნახავთ, აბა ჰე, ტერეზა, ტერეზიკო!

— რო მოგკიდებ ხელს, არა? კვახივით გაგიპობ თავს... აბა!

— გაჩუმდი, ბიჭო! — შეუძახა საისონამ.

— შენ გაჩუმდი, თორემ მამა და ბიძა არ ვიცი მე!

— მართალია ეს კაცი! — დაიყვირა შაშიამ.

— ხოდა, შენ და მამაჩემს რო ჩაგავლებთ ქეჩოში ხელს, ხომ, სულ ცხვირ-პირს გარტყმევივინებთ ერთმანეთს, ხომ? და შენი ცხვირი იმისი გახდება და იმისი კიდევ შენი და მამა და ბიძა არ ვიცი მე!

— როგორ ბრძანდებით, ტერეზა ბატონო? — ფეხი წინ წადგა პარმენა დვალმა, მაგრამ მაშინვე გააწყვეტინეს:

— ჩაიგდე ენა! გაბრაზებული ვარ...

— ხოდა, მიდი მერე, რალას უცდი, შე კაცო, — შეაგულიანა შაშია კუტუბიძემ.

და ტერეზა რომ ჩაფიქრდა, სწორედ მაშინ, იმ დღეს მივხვდი, რატომ იყო ასეთი ღონიერი, — ფიქრისას კუნთები ეძაბებოდა.

ჰოდა, იფიქრა, იფიქრა და თქვა:

— კაცს რო ჰგავდეს, კიდევ ხო, მაგრამ ამას როგორ გავარტყა ხელი, მერე, ციმბირში რომ გამიშვან, შენ მომიტან მოსაკითხს? აბა?! — თქვა და შემობრუნდა, მაგრამ უცებ, ყურებს არ დაეუჭერეთ, მკაფიოდ მოგვესმა:

— შესდექ, ლაჩარო!

ბუჭუტას ხმა იყო.

ლაჩარო — ტერეზას უთხრეს!

10

— რაო? რა თქვი? რა თქვა...

— შესდექი, ხეპრევ!

— რაიო?! — კინაღამ გადაიღია ტერეზა, — რო მოგკიდებ ახლა ერთ ფეხში ხელს და მეორეს მეორეში ახლა, ხომ? შუაზე გაგხლიჩავ, აბა?!

— ყური დამიგდე, — უთხრა ბუჭუტამ, — კარგად დამიგდე ყური — რომ გაგისწორდე, ჯერ რაიმე უნდა დააშავო და თუ არ დააშავებ, მაშინ ბოდიშს მოიხლი მამის წინაშე და ყველაფერს გაპატიებ. მამას მოუბოდიშე, მე არაფერს გემართლები, ისე მოიქეც, როგორც გიჯობდეს...

— იი.. — განცვიფრდა ტერეზა, — ბოდიშს მოგცემ მე შენ ყურისძირში!.. — და ხელი შემართა.

— სიტყვას ბანზე ნუ მიგდებ, ესე იგი, ბოდიშს არ მოიხდი არა?

— იი...

— არა, — არა?

— არა. აბა?!

— მაშინ, თუ ბიჭი ხარ, რამე დააშავე.

— დავაშავო? — მიმოიხედა ტერეზამ და ყველაზე ახლოს მდგარ კაცს, ესე იგი შაშინას, უცებ ისე დაჰკრა მხარზე ხელი, რომ იქვე მიაწვინა. — აჰა!

— ეგ სისულელე იყო, — შეიჭმუნხა ბუჭუტა, — შაშინა შენს მხარესაა, და იმას რომ გაართყვი, აშკარად სისულელით მოგივიდა. სულელობისათვის კი პირადად მე არავის დავსჯი.

— შენი მომხრე ვინაა აბა?..

— პაპიკოა, აგერ...

— ეგაა? — იკითხა ტერეზამ და სახე დაემანჭა, — ფუჰ, მაგას როგორ მოვკიდებ ხელს, ფუჰ, მაგ გლახაკს, ფუჰ... —

— ოო, ეს კი ნამდვილად ბოროტება იყო და შეურაცხყოფა, — თქვა ბუჭუტამ, ორიოდ ნაბიჯი გადადგა, შეხტა და ტერეზას უცებ — ბიჭო, რა მოხდა?! — ლოყაზე სტკიცა.

— იი... — ხელი მიიღო ტერეზამ, — მართლა გამართყა?

— კი, — უთხრა შაშინამ და ძლივს აითრია წელი, — ნამდვილად.

— იი, — დაიბნა ტერეზა, — იიე...

— ყური დამიგდეთ, — უთხრა ბუჭუტამ, — კარგად დამიგდეთ ყური. თქვენ შეგიძლიათ დუელში გამომიწვიოთ, და თუმცა ძალიან ზუსტად ვისერი, მაინც არა მსურს დამბაჩებით შერკინება — ტყვიან მაინც, შეიძლება რომელიმეს გვიმუხთლოს.

— იი... — აღმოხდა ტერეზას, — ვის გაართყეს, ა? აბა?!

— და ამიტომ თანაბარი იარაღით — ესე იგი ჩვენ-ჩვენი მკლავების წყალობით გავსწორდეთ. გნებავთ?

ისე ლაპარაკობდა, თითქოს ტყვიას ტყვიაში აჭენდა.

— იიე... ხელებით?

— ხელებით, ღიახ.

— არ გინდა, შეილო ბუჭუტა, — წამოიძახა თვით სამსონა არჩევანიძემ, — მოგკლავს, ნამდვილად მოგკლავს... ჩემს თვალწინაა გაზრდილი და ვიცი, რაც გელის, არ გინდა, შეილო...

— აი, თქვენც კეთილი გული გქონიათ, სამსონ. ხოლო ეს —  
კარგია.

— არ გინდა, ბუჭუტა, ბიჭო, — პარმენამაც გამოიღო თავი.

— თუთ, პარმენ!.. — ღიმილით დაემუქრა ბუჭუტა.

— გაგხეთქავს მართლა შუაზე! — უთხრა ტიტციკო ღლონტმა.

— წესიერად ილაპარაკეთ, — მკაცრად უთხრა ბუჭუტამ და მო-  
იქუფრა, — სიტყვებს შერჩევა უნდა.

— არ გინდა, ბუჭუტა, ბიჭო, — ურჩია არდალიონ ჭედამაც, —  
დავითი რომ გოლიათს მოერია, შურდული მაინც ჰქონდა ხელში და  
რისი იმედი გაქვს შენ?!

ბუჭუტამ კი თქვა:

— ყველას ჩვენ-ჩვენი მულამი გვაქვს.

და ტერეზას მიუბრუნდა:

— აბა, დავიწყობ...

ჰოიი, ბიჭო... ჰარალეთში ამბავი მოხდა, მტრისას. ორი ტიტა-  
ნი—ერთი ძალ-ღონით, მეორე კი თავდაჯერებულობით, ერთმანეთს  
შეეკრინა და ხომ უნდა დამარცხებულიყო რომელიღაც, რაც ჩვენ-  
თვის, ჰარალეთელთათვის და, რაც მთავარია, ორივესათვის წარმო-  
უდგენელი იყო, და მაინც, ტერეზამ ხალათი რომ გადაიძრო თავზე,  
ბუჭუტას მტკიცე სიტყვებით ერთხანს შეფიქრიაწებულებს, ყო-  
ველგვარი იმედი გადაგვიწყდა — რა დავინახეთ? — ტერეზას ტა-  
ნი — გორაკები, ბილიკები, ბორცვები, ლურჯად დაძარღვული ნა-  
კადულები, არხები, ღარები, რა ვიცი, რაღა არ დავინახეთ და ბუ-  
ჭუტამ კი ფრთხილად შეიხსნა საათი და პირველივეს, ვინც თვალ-  
ში მოხვდა, იგი კი სწორედ მე გახლდით, ჩხუბის დამთავრებამდე  
შენახვა სთხოვა, და ის-ის იყო, პარმენა დვალმაც ნიშანი მისცა,  
რომ შორიდან შეძახილი გავიგეთ:

— რატომ პაექრობთ? ნუ პაექრობთ!!

— გადი, შენი... — ჩაილაპარაკა ტერეზამ და მძლეთამძლე მკლავ-  
ი მოიქნია.

ქვეყანა რომ დაინგრეს, აქ მაინც არ გავწყვეტ თხრობას: ეს  
აღლევებული ოკეანის უზარმაზარ, მეცხრე ტალღას ჰგავდა, და  
მსხვერპლს თავზე რომ გადაუარა, ბუჭუტამ ამოჰყო თავი და წო-  
ნასწორობადაკარგულ ტერეზას შიგ ყბაში მოკლე წკაპუნით —  
„წკაპ!“ — სტიკია. მაგრამ ტერეზას არა გაუგია რა, ისევ შემართა  
თავისი მკლავი და მოუქნია, ბუჭუტამ კი დროზე ჩაყვინთა და ისევ

რომ ამოტივტივდა, შიგ ყურში გაუქანა პატარა მუშტი და როგორც ჩანს, ტერეზას ყური მოუწეწკა, რადგან იმან ისე დაიღრიალა, ყველას დაგვბურძგლა და იმ უშველებელი მუშტების კორიანტელში პატარა კაცს ველარც ვხედავდით, მერე კი, თვით ტერეზაც რომ დაინტერესდა, ნეტავ სადააო, უცებ, აქაო და ვითომც არაფეროო, სალ-სალამათმა ბუჭუტამ ამოჰყო თავი და მზერად გადაქცეულ ტერეზას შიგ ცხვირში სდრუზა. აუუჰ... გაგიჟდა კაცი! — ახლა მართლაც სეტყვასავით წამოვიდა ფუთიანი მუშტები და რომ დაბზრიალდნენ, და პარმენა დვალს უცაბედად კინაღამ რომ არ მოხვდა მუშტი, ყველანი ხეებზე ავძვერით და იქიდან ვუმზერდით და იქიდანვე ვისმენდით ტერეზას მკლავების შხუილს და, ტერეზა ისევ რომ შეჩერდა, კვლავ უვნებელი ბუჭუტა დავინახეთ, რომელმაც ისევ და ისევ ცხვირში სდრუზა.

— შესანიშნავი ტექნიკა აქვს, — შენიშნა ტოტიდან ოსიკომ, — ნამდვილად დახვეწილი ტექნიკაა.

ბუჭუტამ ჩაიციხა და განზე გახტა, იქ კი, სადაც თვალის დახამხამების წინ მისი თავი იყო, უზარმაზარი მუშტი ჩაესო ჰაერში. ტერეზა საშინელი შესახელი იყო — კბილებდაღრჰენილი, თმააშლილი, გაოფლიანებული, თვალებგადმოკარკლული, აქოშინებული — ვაი იმას, ვისაც იმისი მუშტი მოხვდებოდა, მაგრამ ბუჭუტა გამოზომილი, დახვეწილი მოძრაობებით იცდენდა დარტყმებს და ტერეზამ ფეხიც რომ მოუქნია, ბუჭუტამ მარჯვედ აიციდინა, ესე არ უნდაო და მუხლი რომ ამოარტყა მუცელში, მერე, ამხტარმა, ცხვირ-პირში თავიც კი ხეთქა.

— უზალო ტექნიკა აქვს, — შენიშნა ტოტიდან ოსიკომ, — ჟალრესად დახვეწილი ტექნიკაა.

ბუჭუტას ისევ გაუკრთა სუსტი ღიმილი სახეზე და ტერეზას გამანადგურებელი მკლავი რომ აიციდინა, წონასწორობადაკარგულს, მოკლედ მოქნეული მუშტი დაახვედრა და ტერეზა მთელი თავისი სიმძიმით წამოეგო დარტყმას. რომ გაიმართა, ყველამ დავინახეთ, ტუჩი გახეთქილი ჰქონდა. გაკვირვებულმა მოისვა ხელის ზურგი და სისხლს რომ დახედა, ავად აემღვრა თვალები, ბუჭუტას საშინელი ძალით მოუქნია, მაგრამ იმან ისევ აიციდინა, რასაკვირველია, და საპასუხოდ რომ გაიქნია ხელი, ტერეზამ ტუჩებზე აიფარა თითები და სწორედ ამ დროს მეორე ხელის პაწია, მკვრივი მუშტი ნეკნებშუა ლურსმანივით ჩაეჭედა. სუნთქვა შეეკრა და შეკმუხენილ-

მა ძლივს შეისუნთქა ჰაერი — ტერეზასაც კი უნდოდა სუნთქვა, მე კი მომცრო, ბრტყელი, სიფრიფანა საათი მეკაევა ხელთ და წიკწიკი მესმოდა — დწო, დრო გადიოდა.

და სანამ ტერეზა სულს მოითქვამდა, ბუჭუტა მშვიდად იცდიდა, ოსიკომ კი კიდევ ერთხელ აღნიშნა:

— განსაცვიფრებელი ტექნიკა აქვს... ასეთი რაფინირებული ტექნიკის წყალობით ყველაფერს მიაღწევ კაცი.

და თუმცა ბუჭუტას ამჭერად წარბიც არ შეუხრია, მაინც რალაცნაირად შეეამჩნიეთ, რომ გაბრაზდა, ტერეზამ კი, სული რომ მოითქვა, ისევ დააპირა ხელის მოქნევა, მაგრამ გადაიფიქრა და უცებ შეეხვეწა:

— დამარტყმევინე ერთი, რა იქნება...

— მოდი, — უთხრა ბუჭუტამ, — სანამ ერთ-ერთი არ წავიქცევით, ფეხს არ მოვიცვლი.

— მართლა? — უნდოდ იკითხა ტერეზამ და ენის წვერი გახეთქილ ტუჩზე მსუნაგად მოისვა — აბა, მართლა, აბა?!

— კი.

— რისი იმედი გაქვს? — დაეკითხა ტოტიდან ოსიკო, — სანიმუშო ტექნიკას თუ არ გამოიყენებ, რისი იმედით რჩები?

ბუჭუტას კი თავი არ აუწევია, ისე მიუგო:

— ყველას ჩვენ-ჩვენი მულამი გვაქვს.

და დაიწყო, მაგრამ რა დაიწყო — ჰარალეთის ორი ტიტანი — ახლა უკვე ბუჭუტაც ტიტანი იყო ჩვენს თვალში — ორი ძლივამოსილი ადამიანი ერთმანეთს დაეტაკა და ცოტ-ცოტათი კი ინაცვლებდნენ ფეხს, მაგრამ მაინც ადგილზე იდგნენ და მთელი ძალღონით მოქნეული მუშტების საზარელი ბაგაბუგი გვესმოდა, და უნდობლად ურტყამდნენ ერთმანეთს სახეში, მკერდზე, მუცელში და ყველაფერზე საოცარი მაინც ის იყო, რომ ბუჭუტა თითქოს გადიდდა, გაიზარდა, თითქმის ტერეზას სიმაღლე გახდა და არასოდეს მინახავს ასეთი თვალნათლივი ზრდა, ბუჭუტა ჰეშმარიტი მამაკაცივით გამაგრდა ადგილზე და რა ტექნიკა, რის ტექნიკა, ქუჩური ჩხუბით ცდილობდნენ ერთმანეთის გატეხას, ყოველგვარი წესების დაცვის გარეშე, თვალდახუჭულნი ჰგვემდნენ ერთმანეთს და უცებ გადამწყვეტი დარტყმისათვის ორივემ ერთდროულად ძალუმად მოიქნია ხელი და საზარელი რამ ხმა გავიგეთ — რომელიღაცამ დაასწრო და ორივე მცირე ხნით შედგა, იმ სამარისებურ დუმილში

მხოლოდ საათის მოკლე წიკწიკი გაისმა, ტერეზა კი უკან გადაქანდა და მოჭრილ ხესავით დაეცა მოლზე.

წაქცეული, ახლა უფრო გრძელი ჩანდა.

— მოდი აქ, დაეტოლე, პაპიკო, — მშვიდად თქვა ბუქუტამ, პატარა კაცმა, — რომელი ხართ უფრო მალალი...

და ტოტებზე განაბულ ხალხს უცებ სამსონა არჩევანიძე გამოეყო — შლეგივით ჩამოხტა ხიდან და ბუქუტას მივარდა:

— არ მომიკლა, შე წყეულო, შენ... — შეუტია და მერე ტერეზას გულზე დაადო ყური, გაიღიმა, თმაზე ალერსით გადაუსვა ხელი და, დარცხვენილმა, თავი ჩაქინდრა, — რა ვქნა, შვილია მაინც...

— დიდ ბოდის ვიხდი, — და ბუქუტამაც თავი ჩალუნა, — რა ვქნა, არც ვაპირებდი ხელის ხლებას, სამსონ...

ტერეზა გულაღმა იწვა და ჩაფიქრებული იყურებოდა ცაში. არა უშავს რა, ჩვეულებრივი დღე იყო. მერე თვალები აახამხამა.

ბუქუტა მშვიდად, ნაღვლიანად დასცქეროდა. ტერეზა კრუსუნით წამოჯდა და ყბაზე მოისვა ხელი.

— კიდეც ხომ არ გნებავთ, ტერეზა? — წყნარად დაეკითხა ბუქუტა, — გნებავთ?

ხოლო ტერეზამ თქვა:

— არა.

— ასეთ დიდებულ სანახაობას, — თქვა უცებ ოსიკო არჩევანიძემ, — არასოდეს გადაეფარება დავიწყების მტვრიანი, მონაცრისფრო ფარდა.

— ყველანი ასე ფიქრობთ, ჰარალეთელნო? — იკითხა ბუქუტამ და ხელი აიშვირა — საათი გამომართვა.

— კი, კი... ეგრე ვფიქრობთ... ნამდვილად...

— შეგირცხვათ ნამუსი, — ეწყინა ბუქუტას და პაპიკოს მიუბრუნდა, — ეს რა ხალხში მაქვს საქმე...

დაბნეულნი შესცქეროდნენ ერთმანეთს. მერე ბუქუტამ შუბლი მოისრისა: — რაღაც სხვა იყო საჭირო, პაპიკო, რაღაცა სხვა...

და ისიც ჩუმად დაეთანხმა:

— კი, კი... რაღაცა სხვა.

— რისთვის მოვედი და... რითი მივდივარ, — დანაღვლიანდა ბუქუტა, — ახლა რომ ვუკვირდები, ყბედი გამოვედი და სხვა არაფერი...

— ესენი ვის არ აიყოლიებენ, ბატონო, — მწუხარედ ანუგეშა პაპიკომ.

— ამიტომ იყავი ჩუმაღ?

— ღიახ.

— ისე, რა უნდა მექნა, — ჩაფიქრდა ბუჭუტა, — რთულად მესაუბრა — ვერაფერს გაიგებდნენ, ასე ვილაპარაკე და ყბედი გამოვედი... ეეჰ, ჯანდაბას, — და ჩვენ მოგვემართა, — ერთ წამს მაცალეთ, ორიოდ სიტყვა კიდევ მაქვს თქვენთან...

ჩვენ, გასუსულნი, ტოტებზე ვისხედით, ბუჭუტა კი მინდვრად ბოლთას სცემდა და ლაპარაკობდა.

დამწუხრებულმა, ასე მოგვემართა:

— რა არ გითხარით, რას არ გადავწვდი... და რა ვიცოდი, ჰაერს რომ ვატანდი სიტყვებს, და მხოლოდ ის მანუგეშებს, ერთადერთმა კაცმა მაინც რომ გამიგო, თუმცა იმან უჩემოდაც მშვენივრად იცოდა ყველაფერი. რა არ გაიმბეთ, ჰარალეთელებო... მე გირჩევდით, როგორ უნდა დაკვირვებოდით ყოველივეს, ბუნებისაგან რეები გესწავლათ; მე დაგანახეთ თქვენი სხეული, ისეთი უბრალო, ჩვეულებრივი და ჰემმარიტად გასაოცარი; ჩვენ ვისაუბრეთ წელიწადის ღროთა ფერადოვან მუღმივობაზე, ბევრჯერ ვახსენეთ ჰაერი... წყალი... ნიადაგი... მზე. მე მიგანიშნეთ თქვენს ნაკლოვანებებზეც და ღამით, ტყეში, სადაც სიტყვებს მეტი ფასი აქვთ, მე დაგანახეთ ადამიანის გონების უსაზღვრო შესაძლებლობანი, და თითქოს შეფიქრიანდით კიდევ, მაგრამ რომ გათენდა, გული მოგეცათ და შენ კი, პარმენ, მასხრადაც ამიგდე... შენი ჰკუთით. და მაინც თქვენს თვალში სწორედ იმან ამაძლდა, ტერეზა რომ გავლახე — ეეჰ, უცნაურია, უცნაური... ნუთუ ჩხუბზე უკეთესად არ ვიცოდი ლაპარაკი? ვაი ჩემი ბრალი... — და თვალი მოგვავლო, — მაგრამ თქვენ, ჰარალეთელებს, ნაღდი გინდათ... და ფიზიკურად მორევისაც დიდადა გწამთ... შეგიცხვით ნამუსი! რა არ გაიმბეთ და მხოლოდ ახლა მომჩერებხართ ჰემმარიტი პატივისცემით, ჰეი... მაგრამ ტყუილ-უბრალოდ მაინც არ მისაუბრია — გინდაც სულ გადამივიწყოთ, და ასეც იქნება, რაღაცა მაინც რჩება — ყოველთვის რჩება საღდაც, პატარა, რაღაც... ყოველთვის რჩება. ახლა კი წავალ, — და ნაღვლიანად მოგვავლო თვალი, — ძალიან კი მსურდა იმ „მერეზე“ საუბარი, მაგრამ ვინმეს თუ გავლახავ, იქ აღარ დამედგომება, ასე მაქვს წესად...



— როგორ გალახეთ მაინც, ბატონო? — აღტაცებით დაეკითხა პარმენა.

— მესამედაც ვახსენო არაქართული სიტყვა „მულამი?“ — იკითხა ბუჭუტამ და შეიკმუხნა, — თუ არაა საჭირო...

— არა, არა, რა საჭიროა... — დაიძახა პარმენამ.

— აბა, წავედი პარალეთელნო, — გვითხრა ბუჭუტამ და, ხეებზე ჩამომსხდარნი, დაკვირვებით შეგვათვალეირა, — კარგად იყავი, გიორგი, გულს ნუ გაიტეხ, შენც გეშველება... აბა, პაპიკო, შენი იმედი მაქვს, ნურასოდეს შეეჭვდები საკუთარ თავში და ძალიან თუ გაგიპირდა, დალიე ხანდახან, მაგის რჯულიც არ იყოს... თუმცა, რა ჰკუას გარიგებ, შენ ჩემზე უკეთ გცოდნია ყველაფერი... აბა, კარგად იყავით, სამსონ, კიდეც ერთხელ ბოდიშს ვიხდი, მაგრამ რა მექნა... კარგად იყავი!

— რამდენი წლის ხარ შენ! — გაისმა უცებ.

მიმოვიხივდეთ, ტერეზა იყო.

— ოცდაათზე მეტისა ვარ, რატომ მკითხეთ...

— შერე, მე ოცდაექვსის არა ვარ ჯერ და პატარას მოერიე, ხომ, პატარას, ხომ?

მაგრამ ბუჭუტას ყური აღარ უთხოვებია, ნაღვლიანად განაგრძო:

— კარგად იყავი, პარმენ... მაინც საყვარელი კაცი ხარ. აჰა, ეს გამომართვი და სალამობით, თუ ფხიზლად იქნები, სალამობით, როცა პირველი ძროხა მოაბღაველებს სოფელს, ამით შეხედუცას, გაიხედე, გამოიხედე, რა გენაღვლება...

ქოგრიტი იყო.

— კარგად იყავი, ოსიკო ჩემო, და მაგ მაღალფარდოვანი გამოთქმებით მაინცდამაინც ნუ დაიხარჯები...

— ახლა, როგორ არ აღვნიშნო, — გააწყვეტინა ოსიკომ, — რომ დროთა უწყალო დაღმა-დინება ვერასოდეს წაშლის ამ უმაგალითო შერკინების ამბავს?

— ისე წაშლის, კოხტად... — სევდიანად გვაუწყა ბუჭუტამ, — ეგეთები წაუშლია? კარგად ბრძანდებოდეთ, არდალიონ, აღარც კი ვიცი, რა გირჩიოთ, ძველებურად ყოფნა თუ შეცვლა, თუ რა ვიცი, თქვენ დამაბნიეთ ნამდვილად... კარგად იყავით, პარალეთელნო... და კიდეც ერთი კაცია თქვენში, ვისთვისაც მოველ... რომელიც არ მიხსენებია...

ყველას ჩვენ-ჩვენი თავი გვეგონა. რა თქმა უნდა, მეც.

— აბა, კარგად, ჰარალეთელნო, ეეჰ...

და წავიდა.

ცხენით მოვიდა, ფეხით წავიდა.

და, თვალს რომ მიეფარა, დახუნძლული ხეებიდან ჩამოვედით.

## 11

ჩემი ჰარალეთი...

ჩემი ქალაქი, მიხვეული, მოხვეული, მთებშუა ზევად ჩავარდნილი, თავისთვის იდგა, ვის უშავებდა რამეს. ჯერ იყო და, უბრალო, მომცრო სახლებით იწყებოდა, ეზოებში ვარდი, გეორგინი იდგა, შენ ხარ ჩემი ბატონი, კარგი ხასხასა მოლიც გვიბიბინებდა ეზოებში, ხეები იდგა მწვანედ გატიკინებული და ჩრდილი ზაფხულში კი იყო და ზამთრობით არ იყო, მაგრამ არც გვინდოდა, სახლს უკან ვენახები გვქონდა, ვუვლიდით, ვრწყავდით, ქურები გვედგა მარანში, ღვინო ორშიმითი სულ ლიკლიკით ამოგვექონდა, შექამანდს ხის კოვზებით შევექცეოდით, თალიანი ბუხრები გვედგა სახლებში, ზამთარ-ზაფხულ კვამლი ასლიოდა ჰარალეთს, ნაკვერჩხლებზე ჭყინტ სიმიანდს ვწვავდით, კვამლი თვალებში გვხვდებოდა და ცრემლი გვდიოდა, ხოლო დრო, მოგეხსენებათ, გადიოდა.

დრო — გადიოდა. მეორე დღეს შიშით აღარ ვიყავით — გამოვარდება ახლა ეს ჩვენი ტერეზა, იმ გალახვისა გამო გაგულისებული დაგვერევა ყველას-თქო, ასე ვფიქრობდით, მაგრამ არ ჩანდა, ჩვენ კი ჩვენი გვაწუხებდა, ვეღარ მოვითმინეთ და სულ ფორთხვა-ფორთხვით მივუახლოვდით არაქვევანიძეების სახლს, რომ გავვეგო, რაში იყო საქმე, მერე ვენახშიაც გადავიხედეთ და რა დავინახეთ, გავშრით — ტერეზა თოხნიდა.

ბედნიერი სამსონა თავაზიანად გვესალმებოდა მეზობლებს და იქნებოდა კარგ გუნებაზე, აბა რა — ისეთი მუშახელი? აჰ, არა, არა, არც გავგიგია... ტერეზა ხანდახან თუ გამოვიდოდა სასყიდლებზე ქალაქში და კალათით ხელში მორცხვად მიაბიჯებდა. განსაკუთრებით დაბლებისა ეშინოდა, მალლებისა — უფრო, ხოლო ეპოლეტებიანი, ხმლიან-მაუზერიანი და ჩინმენდლებიანი ტიტვინიძე ხომ სულ შიშის ზარსა სცემდა:

— მოდი აქ შენ!

ტერეზა ნაზად, ფეხისწვერებზე შემდგარი მიუახლოვდებოდა.

— რა დღეა დღეს?

— ოთხშაბათი...

— ლაპარაკი! — ჰქუხდა ტიტვინიძე, — კაველაძე! სადა ხარ?!

სალამობით, გამოწყობილნი, თეატრში ვიკრიბებოდით. ჩავადებდით კაკალა მამიდას რკინის ყუთში შაურიანს, შევიდოდით პარტერში, ოდეკოლონ „ფანტაზიის“ სუნი იდგა, ფარნები ბეჟუტავდნენ სცენაზე, კაკალა მამიდა, რკინის ყუთით ილღიაში, განზე გასწევდა მავთულზე ჩამოკიდებულ ყვითელი ატლასის ფარდას, აგერ გამოვიდოდა ჩვენი ტიტვიო ლლონტი, ინგლისელი გრაფი იყო ვითამ, აიღებდა ხის ხმალს და გაურჭობდა შიგ გულში ჰერცოგს ფრანგთა — თავის ბიძაშვილ ეფრემა ლლონტს და მწარედ აქვითინდებოდა ესპანელთა პრინცესა — ვერიკო თიროშვილი...

თეატრი ბევრს გვიყვარდა ძალიან.

ატყობთ, ხომ, ჩქარა რომ გათავდება ეს ჩვენი ამბავი — დუნდება, რალაცნაირად, თხრობა.

ქალაქის თავის მოადგილე კაკოია გავნიძე და იმისი თანაშემწე ბუხუტი ქვაჭარავა ისევ პირველ რიგში ისხდნენ და მთელი მტვერი იმათ ეყრებოდათ თავზე. ხანდახან შაშისას ეუბნებოდნენ — ცოტათი გააჩერე ეს ტიტვიო, ნამეტანს ყვირისო და ტიტვიო ხმას რომ დაუდაბლებდა, ახლა ქანდარიდან იწყებოდა ძველი თეატრალის — მალხაზ კაკაბაძის სამართლიანი მოთხოვნა — ცოტა ხმამალა, არაფერი მესმის, თეატრია ეს, გენაცვალე, თუ ბალეტო...

და, თუკი ამას კალაპოტი ჰქვია, ისევ კალაპოტში ჩადგა ჩვენი ჰარალეთი.

მაგრამ, ერთი კაცისა არ იყოს, სადღაც, პატარა, რალაც, ყოველთვის რჩება.

სხვისა რა მოგახსენოთ და, პარმენა დვალს ნამდვილად ახსოვდა. აღარ თამაშობდა ხოლმე და სალამობით, პირველი ძროხა რომ მოაბლავლებდა ჰარალეთს, ჰოგრიტს აიღებდა და პირველ ხანებში თვალის ნაცვლად პირზე კი იყუდებდა ხანდახან უცაბედად, მაგრამ მერე შეეჩვია და სწორად ხმარობდა. პაპიკოსაც ახსოვდა, ალბათ — უწინდებურად მოწყენილი, გვიმრიანში იმალებოდა და ლურჯად ამღვრეული თვალებით იცქირებოდა — მე რა ვიცი, სად — ქვეყანა დიდია.

და კიდევ ერთ კაცს ახსოვდა ბუჭუტა. კი უნდა მიხვდეთ წესით, ვის—ვის და მე—აბა ტყუილ-უბრალოდ მივაკალი ამ ამბის აღწერას თავი? ეეჰ, მომიღუნდა თხრობა, და ასე ნაღვლიანად რომ არ დავცილდეთ ერთმანეთს, ნება მიბოძეთ ეს პატარა ამბავი იმ ჰარალეთელის რიხიანი ლექსით დავამთავრო, რომელმაც წერა-კითხვაც კი არ იცოდა:

ვარი და ვარალე,  
ჰარი და ჰარალე,  
ჰარალეთი დაილოცოს,  
ჰარალეთელების მხარე!

ხოლო, დრო, მოგეხსენებათ, გადის.

1971—73 წწ.

# ვატერ(კო)ლოო ანუ

## აღღენითი საუზაოები

(ფანტასტიკური მოთხრობა)

ქვემოთ მოყვანილი ამბის ავტორმა, აფრედერიკ მემ, გაითვალისწინა რა ეროვნულ ლიტერატურაში ფანტასტიკური ჟანრის გამოვლენათა რეალური ნაკლებობა, გადაწყვიტა, რადაც არ უნდა დასჯდომოდა, შეექმნა ძნელად მიმოსავლელ გზებზე დაფუძნებული ამა მიმართულების ნაწარმოები (იგივე: ქმნილება, ნიმუში, შედეგები, სისულელე) და აღაფრთოვანა იმ გარემოების გახსენებამ, ნებისმიერი ნაშრომის დასურათბატებას მხოლოდ სამი უბრალო რამ რომ სჭირდება—ქაღალდი, მელანი და შვინდისფერი კალამ-კალმისტარი. ამ შემეცნებით გამხნეებულმა, გააპიპინა რა ლურჯი მელნით (შავი ვერ იშოვავ) ზემორენახსენები ფერის კალამ-კალმისტარი, მაგიდას მიუჯდა, და იქავ აღმოაჩინა, რომ ამ უკანასკნელ ავეჯის სახეობასთან ერთად ამბის ხორცშესხმისათვის საჭიროა სკამიც და სინათლეცა და მხედველობაც, აგრეთვე მარჯვენა ხელი, და სხეულის სხვა ათასი წვრილმანიც, დაწყებული თავით და დამთავრებული იმით, რითაც სკამზე უნდა დაჯდეს, მაგრამ აფრედერიკ მეს ამზე დიდად არ უნაღვლია — ახლომხედველი გახლდათ.

### 1

მიუხედავად იმისა, რომ იქაურებს ინჩი-ბინჩი არ გაეგებოდათ ხარებთან ბრძოლისა. ესე ამბავი ძირითადად ესპანელების კუთვნილ ტერიტორიაზე და ესპანელებში მოხდა.

ბესამე კარო ჯერ ფლეიტაზე, მერე კი სულ სხვა რამეზედ უკრავდა.

2

ბესამე კარო დაიბადა ანდალუზიაში, ღარიბი მწყემსის ოჯახში და ჩვილბავშვობისას, აბაჯბაჯებული, ფეხებში ედებოდა ხბობესა და ცხვრებს. ეჰ, კარგი იყო ანდალუზია დღისით, დიდმანათობლით გაშუქებული, მწვანედ ელვარებდა მინდორი და ტყე, ვიწრო ბილიკზე მიიგრინებოდა სოფლის პატარა, უსახელო მდინარე, და თან, გზადაგზა, ურჩი, ჯიუტი, სხივებს ისხლეტდა, თბებოდა მაინც; კარგივე იყო მცირე ჩანჩქერი — გალიპულ კლდეთა ჩამოშლილი თმა, აწოწილ ძნათა მწყალობელი სუნი, დილდილაობით, კამეჩის ძნელად საღეჭი მაწვნით დანაყრებული, გარე-გარე დატანტალეზა და ფეხშიშველა ბესამე კარო, ხოლო იგი კი, ყვითლად შეფერილი გველი, განზე ხოხავდა. ჰეჰ, რა იცოდა მაშინ ბესამემ, რაღას არ ასცდა, და ზამთრობითაც, ცხვრის ტყაპუქში გამოხვეული, სულ ვერ ამჩნევდა შორეული ტყიდან გამონაკვერჩხლებულ, დამშეულ მხერას — საჭმლად უნდოდათ. მაგრამ ბესამეს ამაყების დარდი არ ჰქონდა, შემოდგომობით, მოუთმენელი სულისშებერვით აგრილებდა ლელვისა და ყურძნის შეზავებულ სიტკბოთი გაწებილ მცირე ხელისგულებზე მოგორავე, ცეცხლისპირას შერუჯულ სიმინდს, თან — დიდინებდა, ხოლო დღის ბოლოს, გრძნეული შებინდებით ქოხში შედენილი, ხის დიდი კოვზით რომ შეხვრებდა ხისავე ჯამში მოოროთქლე სქელ, მყავე წვნიანს, ბუხრით შემოსულ, მოალერსე თხევად სითბოში, თითქოსდა რული ეძალებოდა, და მამამისიც, გოროზად ჩაკირული მწყემსი, ბესამეს დედას — სოფლის მეორე ქალს სალამაზით, ერთ-ორს სულსწრაფად გამოხედავდა და დედის ნატიფად უხეში, თბილი ხელებით იშლებოდა ბესამეს მოკლე, მარტივი ლოგინი, და მოუთმენლად ელოდა მის დაძინებას ცალქოხიანი მამამისი, ხოლო ბესამე დატყეტილი თვალებით იყურებოდა ქერში. „თვალი დახუჭოს“, — მოკლედ დასძინდა ბესამეს მამა, დედა კი, ქალი: „ჯერ მაინც საქმე მაქვს“. ასე ამბობდა, „ახლავე დახუჭოს-მეთქი“, ჩახლეჩილი ხმა უმკაცრდებოდა მამას, და — „იქით გადაბრუნდი, შვილო“, — იტყოდა დედა. მაგრამ ხის კედლისკენ პირმიქცეული ბესამე მაინც უფრო და უფრო ფაციცდებოდა,

რადგან ესმოდა, როგორ ფრთხილ ბოლთას სცემდა ფეხისწვერებზე შემდგარი მამა, ხოლო როდესაც დედის ხმადაბალ შეკითხვაზე — გძინავს, ბესამე? — მორჩილად ამბობდა: „კი“, და მცირე ხნის შემდეგ კვლავ რომ პასუხობდა: „კი“, გაბრაზებული მამამისი მუხლზე ირტყამდა ხელს და წყვეტილად სკრიდა — რა არრის, ქალო, ბავშვს ვერ აძინებ? თუ სხვა ქალი ვინმე გავიჩინო, ა!.. — შვილს მკაცრად აიყვანდა ქმარზე დაბოლმილი დედა, ცხვრის ტყავის ლოგინს შემოახვევდა, მუხლებზე დაისვამდა, და მკვეთრად არწევდა, დაპლიონებდა თან: „დაიძინე, ნანაა, ნანნაა. ცხენი წავიდა, ძაღლი მოვიდა..“ „რომელი ძაღლი...“ — ეკითხებოდა მთლად გამოფხიზლებული ბესამე კარო. „არაა ეგ შენი საქმე! ნანაა, ნანნაა...“ „რატომ არაა?...“ „იმიტომ! — ისეთი რისხვით აქანავებდა დედა, ხაშხაშნაქამსაც კი გააღვიძებდა, — შენ ჩემი შვილი არა ხარ, არრა, დედაშენი ბოშაა, იმან ჩვენი სახლის კართან მოგაგდოო...“ „ჰა! — შეკრთებოდა ხოლმე ბესამე, თავს წამოსწევდა, შეშინებული მიჩერებოდა. — ჰა...“ მაგრამ ისეთი სიყვარულით დააქვერდებოდა სწორედ მაშინ, შეშფოთებულს, დამფრთხალი და დამნაშავე, გაქვავებული დედა... ბესამე საწყლად ამოჰყურებდა, მონანიებად ქცეული დედა კი გრძნობდა ქოხის სიდუხჭირეს, სოხანეს მარადიულ ნესტს, ყოველ იმ ნაპრალს, დაბზარულ ხის ქურჭელს რომ ჰქონდა, გახვეებული დაჰყურებდა და მერე გულზე უცებ იკრავდა ბესამეს ნედლსაფეთქელს, ალერსითა და ცრემლებით ხმაში, აჰ, მოფერებით. თანაუგრძნობდა: „შენ ღარიბი ხარ, როგორც იესო...“ „მე... ღარიბი ვარ როგორც ვინ, დედა?“ — ცალი თვალითა ამოჰყურებდა ბესამე, მეორე თვალი დედის მკერდზე ჰქონდა, „შენ ღარიბი ხაარ, როგორც იესო...“ — ნაზად არწევდა, უმღერდა დედა. ხოლო თვით მამა. შრომით ხელებგადაყვლეფილი, სად არ წანწალით ბირკებმოდებული, უნებური დამნაშავე. გორგალგაჩრილი ყელში, ზურგს შეაქცევდა. ერთადერთ ცოლს და ერთადერთ შვილს და, ტირილი რადგან ვერ შეეძლო, ნელინელ, დინჯად, სივდებოდა გულზე.

ღარიბები იყვნენ.

აქ აფრედერიკ მეს ცოტათი მოგვიშვიდა და გაახსენდა, ფანტასტიკურ ნაწარმოებში ფანტასტიკური მოვლენებიც საჭირო როა, ხოლო დანიშნულება ესე დააკისრა ისეთ მარტივ და ამ შემთხვევა-

ში უწყინარ საგანს, როგორცაა სიგარეტი და, მაშინვე თამბაქოს ნაწარმი „კარმენ“ (ნამდვილი კარმენიც აკი თამბაქოს ქარხანაში მუშაობდა ერთხანს, სანამ მოლიბუღ გზას საბოლოოდ დაადგებოდა) გახსნა, ამოიღო ორი ღერი სიგარეტი, სამკუთხა ტაფაზე დადო, კარაქით შესწვა და მიირთვა კიდეც, რადგან ზემორემოტანილი ამბავი ცოტათი მწარე, ღვარჭნილი გახლდათ.

### 3

აჰ, მაინც კარგი რამ იყო ანდალუზია, მაგრამ განგებამ, ყველაზე დიდმა, უზენაესმა ფანტასტმა, რომელსაც, ამხდარს, უბრალოდ წარსულს ეძახიან, ისე ინება, რომ თორმეტოდე წლის შემდეგ, მეცხრამეტე საუკუნის პირველ ნახევარში, ბესამე კარო პროვინცია მურსიის ქალაქ ალკარასში თეთრი კონსერვატორიის სტუდენტი გახდა.

ახლა როგორია, აფრედერიკ მემ ამისა არა უწყის რა, მაშინ კი ალკარასი პატარა, მშვენიერი ქალაქი გახლდათ, აგურით ნაგებ კოხტა, დამრეცსახურავებიან შენობებზე კრამიტი იყო დაფენილი, და კასერესას ბორცვიდან თუ დაეხედავდით, მთელი ალკარასი რბილად, თიხურად ბზინავდა მაშინ. ამის დანახვას მოზრდილ შეღმართზე ასვლა უნდოდა, თორემ ქვემოდან მთელი ქალაქი სავსებით არა სჩანდა. პატარა იყო აქ ყოველივე: რუხი მარმარილოს აუზები, მცირეჭავლიანნი, ზანტად მოციმციმე პაწია ოქროს თევზებით, ფაქიზად მოკირწყლულ ქუჩებში ახტუნავებულები კოხტა ურიკით დააგორებდნენ სევილიურ ფორთოხლებს ცქვითი ბიჭები, კოპწია სახლის ვიწრო სარკმელში იღუმალებით მოსილი რომელიმე დონას პირბადიანი სახება აბუტრდებოდა წამით, უჩინარდებოდა მერჯ მომცრო ლანდოებს კაკუნ-კაკუნით დაარონინებდნენ შუახნის სახედრებზე, გრილ სარდაფებში პაწა თაგვები თავისას ღრღნიდნენ; პატარა იყო პატარა კოშკი, მოკლე და ვიწრო — რიკარდოს ქუჩა, რომლის ბოლოშიც, ქალაქის განაპირას, იდგა პატარა საროსკიპო, პატარა მოწყენილი ტანმორჩილი როსკიპებით; აქეთ, ქალაქში, ციკქნა ფანჯრებიდან შემწვარ წაბლსა და ზეთისხილს პეშვოჰით ჰყიდდნენ; უქმეებს გარდა, ისე-დღეებშიც, შებინდებისას, საკუთარ სულში ჩაღრმავებულნი, ერთმანეთს აინუნშიც არ აგდებდნენ და ისე, შუა ქუჩაში კოცონის ირგვლივ ჩაფიქრებულნი აცეკვდებოდ-



ნენ რიგითი ალკარასელები, ყველგან ისმოდა მაშინ ბოლერო. ბნელი ქუჩის კუთხეში კი, მოსასხამში ჩვილივით გახვეული, მიჯნურწაგვრილი ავაზაკი იდგა, ამა ქალაქის გამონაკლისი, და ყოველ ჩქამზე დანიანი ხელი უთრთოდა.

აქ, ამ ქალაქში მოიყვანეს დაობლებული ბესამე კარო, ხოლო აფრედერიკ მემ სივარეტი „კარმენ“ მოგვიმარჯვა, იქიდან ჩვენც დაგვისხა და თავისთვისაც, აიღო და შესვა (ალბათ ნამდვილი კარმენიც წრუპავდა. ცოტ-ცოტას, რაკილა მოლიპულ გზაზე შედგა ლა-მაზი ფეხი), ოლონდ აფრედერიკ მეს ჩვენდა გასახარად უბრალო „გაგვიმარჯოს“-აც კი არ უთქვამს, ფიპიპ, უზრჯელი...

#### 4

იმ ცვალებად დღეს ბესამე კარო, როგორც ყოველთვის, სხვის ფარას მწყემსავდა.

თხუთმეტისა იყო, ობოლი გახლდათ — დედა მოუყვდა, მერე იმის დარდს წყნარად გადაჰყვა უთქმელი მამა. ნათესავთაგან, არა-ერნ შერჩა; დაბადებამდე დიდი ხნით ადრე, საწყალ ბესამეს, უბრალო პაპა ხიშტით მოუკლეს ცნობილ პირუტყვის, ნაპოლეონის ესპანეთში შემოპრილობა ჯარისკაცებმა თურმე, მთლად ახალგაზრდა დიდებამისს კი, ქმრის ნედლ საფლავზე ჯერ დამხობილსა და ცისკენ ხელებაპყრობილს მერე, იმ ბონაპარტეს ხმამაღლად მაწყევვარს, გრილ, ლამაზ ყელზე ჩამოაცვეს უგრძნობი ყულფი, თურმე.

ჩვენი ბესამეც, მამამისივით, სამისა იყო, როცა დაობლდა. ჩვენს ბესამესაც, მამამისივით, სამადლოდ ცხვრის რძეს ასმევდნენ სოფლად და, რძით მადლიერებს, ცხვარი უყვარდათ. ეპ, ჩვენი კარო, ჰეჰ... ადრე გაიგო დაუმსახურებელი როზგის ბევრმაგი სუსხი, და ხელ-კეთილით გამოწვდილი ხშიადის სითბო... ბესამე კაროს ორადორი მეგობარი — ტბა და სალამური — ჰყავდა. ცოცხლები იყვნენ — ციმციმა ტბაში თავფეხიანა გადაშვებული, უცხოდ ნაზ ალერსს გრძნობდა ბესამე, დიდად ობოლი; ვრცელი იყო ტბა, მიმტევებელი — აფართქალეებულ ბესამესგან წამით მრავალგან დამსხვრეული, აპ, რა ლამაზად, უმტკივნეულოდ, როგორ ადვილად კოწიწდებოდა მერე... სალამურზე კი, ჰოიი, იცოცხლეთ, ბესამე კარომ იცოდა დაკვრა. გალუმპულისთვის ცეცხლიც კი იყო იმისი შემწე, მაგრამ ძალიან ახლოს, მეგობრებამდე თავკერძა ცეცხლი არ მი-

უმეგბდა. სულ სხვა იყო ტბა... და მაგრამ, მაინც, ბესამე კაროს ის უწყინარი სალამური ქვეყანას ერჩია — არ არსებობდა მთელს ცისქვეშეთში ისეთი ცხენი, ამ უბოროტო საკრავივით ძნელად გასახედნი რომ ყოფილიყო, მაგრამ ბესამეს თხელ თითებსა და მოთბო ჩაბერვას დაყოლილი, სუყოველივეს უსრულებდა ძალიან ობოლს, ალაზევებდა.

ვითომ, კმაროდა?..

თანაც, ზამთრობით, აჰ, ისე ცივად ებუტებოდა ბესამე კაროს გაყინული ტბა, უცეცხლო ქოხში ტლანქ მებატრონედ ჩამოწოლილიყო სრულიად ღამე, ბუხრიდან სუსხი შემოდისოდა. კუთხეში მიყუჟულ, დაგლეჯილ ფარდაგში გამოხვეულ ბესამეს თხელი ნესტოებიდან ორთქლი სდიოდა, ციციქნა პურიც არ მოეძევეებოდა და, მისი სიდუხჭირით განაწყენებულნი, მთლად გადაიკარგნენ ბესამეზე ხელჩაქნეული თაგვები, დამზრალ თითებით სალამურზეც ველარ უკრავდა, უბეში უქმად, ყინულოვან ლოლუად ედო, და სწორედ პატრონივით კანკალებდა ისიც, მაინც მეგობარი, ეჰეე, ბესამეც, მეტისმეტად ობოლო, მობუზულ მხრებით აგიტანია მერამდენე ასეთი ღამე, საბრალოს, ბეჩავს, როგორ გიჟირდა, მაგრამ განგება, უზენაესი ფანტასტი, ვისთანაც შედარებით ზემორენახსენები აფრედერიკ მე ზღვაში წვეთია, თანაც, უთავბოლოდ აორთქლებული, ობლის კვერს ნელა აცხოვდა თურმე.

იმ ცვალებად დღეს ბესამე კარო, როგორც ყოველთვის, სხვის ფარას მწყემსავდა, ზაფხული იყო და ტბაში... — მაგრამ აქ აფრედერიკ მემ შეერთომამდე იგრძნო, რომ მთლად გადაავიწყდა ჟანრი და, გვარიანა შეშფოთებულმა, გამოსავალი იმაში ჰპოვა, მხსნელად მოვლენილ სიგარეტ „კარმენ“-ს ხელზედ აკოცა. რადგან ნამდვილ კარმენს, რომელიც კარგად ხმარობდა ბებუთის ტიპის დანას, ხელი რომ არ ჰქონოდა, დაუმეგბელია. აქ აფრედერიკ მე დაგვიმშვიდდა და კვლავ შეგვიძლია, ბესამე კაროს მივუბრუნდეთ, რომელიც ტბაში იმყოფებოდა, ხოლო განგებამ, უზენაესმა ფანტასტმა, ისე ინება, რომ შორიახლო მიმავალ ეტლს სულერთია რომელი, მაგრამ მაინც, სიზუსტისათვის, მარცხენა წინა თვალი დაუზიანა.

— რა მოხდა, სოტო? — მშვიდად იკითხა ეტლში მჯდარმა პირქუში გარეგნობის მოხუცმა; არ შეეფერებოდა რბილი, დაბალი, ღამაზად ხავსმოდებულნი ხმა.

— ოციოდ წუთში ყოველივე წესრიგში იქნება, სენიორ.

მოხუცი შეფიქრიანდა, ტყეს გახედა, შექოქმანდა, თქვა:

— მაშინ, ცოტას გავივლი.

— თქვენი ნებაა, სენიორ, — უთხრა მეეტლემ, ჩაქუჩი და პატარა ხერხი უკვე მოემარჯვებინა.

მეეტლემ მოკლე ტოტი შეარჩია, დიდი ხნის უსაქმობით მოწყენილი, კბილებდაკრეკილი ხერხი აამოქმედა და პატარა ხანში ჩაქუჩის ყრუდ წერტილოვანი ხმაც მისწვდა ტყედ მიმავალ მოხუცს, ვისი გრძელი მოსასხამიც შარშანდელ და შარშანწინდელ ფოთლებს ზურგს უკან აშარიშურებდა. პირქუში მოხუცი მიდიოდა ტყედ და მაღალყელიანი ჩექმის რბილი ძირები ნედლ მიწას გრძნობდნენ, მოხუცი ისუნთქავდა ტყის დალოცვილად ნოტიო ჰაერს, თვალს უჭრელებდა სად და სად არ გამომსხლტარი მზე, ჩიტები თავთავიანთ უწყინრად მარადიულ ენაზე სტვენდნენ, გრძლად დაშვებული ხელები მღელვარების არტახებით სხეულზე მიჰკრობოდა მოხუცს — აჰ, ტყე უყვარდა, სულში ბავშვობა ემძაფრებოდა, ეპ. საკუთარი; მისი ფეხდადგმის წყალობით წამით გაცოცხლებული ფოთლები კვლავ უილაჯოდ ებლაუჭებოდნენ მოსასხამზე, და საიდანღაც სახეზე მოდებული ბაცი აბლაბუდაც ულონოდ ცდილობდა მის შეჩერებას თითქოს, მაგრამ მოხუცი ჭიუტი იყო როგორც განგება, მიაბიჯებდა.

და უცებ, შედგა: ველი რამ იყო ტყით გარემოსილი, შუა ველზე კი ტბა ბრჭყვიალებდა, ტყის პირას ფარა ბალახობდა, ტბაში კი ბიჭი ხვანჩალობდა, ჩვენი ბესამე, და მისი ანცობით ყელში გორგლად ბავშვობამოწოლილი მოხუცი შედგა, ამოეფარა ხეს, ბესამემ კი იჭყუშპალავა, მერე მშვენივრად იცურავა, ლალად მიაპობდა წყალს; შემდგომ, ნაპირზე ამომხტარი, შემცივნებული მიმობოდა და გათბობაზე დრო რომ გაეყვანა, სიტყვების ფასი არც იცოდა და ისე, ვილაცისაგან გაგონილ სიმღერას ისე რა, ყასიდად ახმინებდა:

ფარაში დამიდიოდა

ერთი ციკანი,

მოფერებამ გადამიქცია

გარეულ მხეცად.

ავაზაკივით სუნთქვაშეკრული, ავაზაკივითვე ამოფარებოდა სისასტიკეგამლხვარი მოხუცი ხეს, და ქვის სახეზე რალაცა რბილად ნატიფი ნაპრალეები ებზარებოდა თითქოს, რადგან ბესამემ ობლის

დაუქემსავი, ტანსაცმელი ეთქმოდა თუ რა, მხრებზე მოირგო, თავი შემართა, თვალდახუჭულმა უბეში მოიძია სალამური და, დარომ ჩაბერა, აჰ, ისევ კუშტად ჩამოეძერწა იმ მოხუცს სახე, რადგან ვინ ვინ და, მოხუცმა იცოდა დაკვრის ფასი, ხოლო ესოდენ პირქუში სახე მხოლოდ ქეშმარიტ, მრავალტანჯულ მუსიკოსებსა აქვთ.

ჯერ კიდევ გრილი ბესამე კი, ახლად შემშრალი, ნამდვილს, თავისას, ობლურს უკრავდა; სიფრიფანა ხმით იმსკვალებოდა მახლობელი ტყე, იმ ტყის ერთ-ერთი ხის უკან კი ავაზაკივით ამომდგარიყო დიდი ბებერი მუსიკოსი, და, მრავლისმნახველს, თვალეზი მაინც გაოცებოდა — თავად ბესამე წაავადდა ახლა მცენარეს, ერთი პატარა, გრძნეული ტოტით, რომლიდანაც რომ უცხო ფოთლებად ამოდითოდა თვით ის: — უფსკერო, განუზომელი, თვით ის — მაღალი, უხვი, მდიდარი, თვით ის — უზომოდ მწყალობელი, — ლაღი, ფარფატა ღონიერება, სიბედნიერე თვალთუხილველი, ყოვლისმომცველი ჩვენი მეუფის, თავად ჰაერის, ჰაერის მეფე უზენაესი, დიდალზევების მასუნთქებელი თვით იის — მუსიკა!

რისხვამდექცეულ სიყვარულით, ღონივრად, მკაცრად მიაბიჯებდა დიდი მოხუცი ბესამესაკენ. დაკვრა შეწყვიტა პატარა მწყემსმა, გაოგნებული მიჩერებოდა მრისხანე ბებერს, ყვრიმალეზბადერილი რომ უახლოვდებოდა, ბესამეს მიეტმასნენ იმა ბებერით დამფრთხალი ცხვრები, სალამურიანი ხელი ზურგს უკან დაემალა ბესამეს, დანაშაულის მიხვედრას ამაოდ ცდილობდა, მოხუცებული მუსიკოსი კი მუხლამდე ფარას მიარღვევდა, ურჩმა, თავნებამ, მოურიდებლად გაარღვია ეს თოვლისფერი, ცოცხალი გზა და, შემკრთალს, დაბნეულს, აძასე ჰკითხა:

- მწყემსო, რა გქვია?
- მე... ბესამე ვარ.
- მშობლები თუ გყავს...

და რადგან პასუხით სხვისა გული უნდა ეტკინა, უნებურად სხვაც უნდა შეეწუხებინა, ბესამემ თავი ჩალუნა და თქვა:

- არა, სენიორ.
  - ძალიან კარგი, — უთხრა მოხუცმა, — ფარა შენია?
- გაოცებული ამოჰყურებდა ბესამე კარო.
- შენია-მეთქი? აი ეს ფარა.
  - არა, სულ სხვისი...

— ჩემთან, წამოხვალ?

— როგორ სენიორ?

— წამოხვალ ჩემთან?

ვინ კაცი იყო...

— რატომ, სენიორ...

— მუსიკოსობა გინდა, ბესამე?

— ძალიან დიახ.

— მაშინ, წამოდი.

გაოგნებული შესცქეროდა ყოფილი მწყემსი.

— ფარას რა ვუყო...

— პატრონს მიჰგვარე.

ფარას დახედა ბესამე კარომ. ენანებოდა...

— შინაც შევივლი.

— ჰო. ტანსაცმელი წამოიღე.

— არაფერი მაქვს წამოსაღები, — ისევე ჩაღუნა თავი ბესამემ, და, გაახსენდა და, მცირე სიამაყით ხმაში, მაგრამ თავდახრილმა, უთხრა: — მე ღარიბი ვარ, როგორც იესო.

მოხუცი ერთხანს დაჰყურებდა და ბზარშეპარულმა რბილ, დაბალ ხმაში, წყნარად ჩაჰკითხა:

— შინ რაღა გინდა?

— კარ-ფანჯარა უნდა ავაჭედო, სენიორ, წესია ასეთი.

მოხუცი წყნარად დასცქეროდა. მერე კი, უთხრა:

— გზაზე ეტლი დგას, ეტლში დაგიცილი.

## 5

ნაწილობრივ ზემორემოყვანილი და ძირითადად ქვემორემოსახსენებელი ამბის ავტორი, აფრედერიკ მე, ყოვლად ფანტასტი, შეუმჩნევლად აახტა უკანიდან ეტლს და ზურგითა სარკმელს სუნთქვაშეკრული მიეწევა, თუმცა არა, არა, აჰჰ, ეს რა წამომცდა მაინც-დამაინც ეს, „შეუმჩნევლად“-მეთქი — აფრედერიკ მეს ძალიანაც რომ ეღრიალა და ევიშივიშა, მაინც ვერაუზინ შეამჩნევდა — ავტორი გახლდათ.

მაააშ, ასე — მივსეირნობთ — ეტლის ზურგს მიკრული აფრედერიკ მე გაფაციცებით იჭვრიტებოდა სარკმელში, რომელი სარკმლის იქითურა აბრეშუმის ფარდაც დროდადრო ნიავისა და გზად-

შემხვედრი პაწია ორმოების წყალობით მსუბუქად აფრიალდებოდა, ან შეხტებოდა და სწორედ მაშინ ჩვენს აფრედერიკს თვალსაწიერი ემატებოდა. რას ჰხედავდა მე? შექმუხენილსა და ღრმად დაფიქრებულ, თეთრად გრძელთმიან მუსიკოსს, — მოხუცს, რომელიც მისკენ სახით-პირქუსით, იჯდა, და პატარა მწყემსის მომრგვალო კეფას, მთელი სახიდან მხოლოდ ფანჯრისკენ მიქცეული ცხვირის ნამიანი ბოლო რომ უჩნდა, ეგებ, ტიროდა ბესამე კარო? რიგით მაწანწალასავით ეტლზე ამხტარი აფრედერიკ მე შეჰყურებდა თოვლოვნად სპეტაკ თეთრი ხავერდით შემოსილ მოხუცს და ჩვენს ბესამეს, რომლის ჩამოკონკილ ძონძებს რაგინდარა აღარ აჩნდა: ნაძვის დიდ ხეზე ჩამოლევნთილი ფისი, უბეში ჩაყრილი და იქიდან გარეთ გამოყონილი მწიფე შვინდის ნატყვიარავით ლაქა, ძველ ნახანძრალზე წამოწოლის კვალი, გულზე მიხუტებული კრავის ბეწვები, თმაში გაბლანდული თივის ნამცეცები, აოქროვილნი სხივზე, ხელებსა და ტუჩებზე აბეზარა წენგო, მთელს ძონძეულზე — ბალახის წვენი, ალაგ-ალაგ კი — ჯიუტი ბირკა, ყოველივე ეს — მზითა და წვიმით გახუნებული, მტვერდადებული, ტალახაკრული, მაგრამ ბესამე, ძალიან ობოლი, როგორღაც უცოდველად ჭუჭყიანი იყო.

აფრედერიკ მე სარკმელს მოსცილდა, რაღაც შვერილზე ჩამოჯდა და, ეტლის ზურგს ზურგით რომ მიეყარნო, ჩაგვიფიქრდა და შემდეგნაირი შესახედავები იყვნენ: სულ წინ — სამი ცხენი, სამივე კისერმოღერებული, ფაფარაშლილნი, მდინარე ხენილზე გადებული ხიდის ფიცრების ამადგრაილებელნი, მემრე — ნაცნობი ჩვენი მეეტლე. მოყოჩაღო-მოშტერო სოტო, შემალლებულ კოფოზე არხეინად მჯდარი, ხელშოლტიანი, იმასა და ეტლის რბილ სავარძელში ჩაფლულ თეთრ მოხუცს ზურგი შეეშვირათ ერთმანეთისთვის, ჩავილ, ბუნდოვან, მტვერადენილ გზას გასცქეროდა კუშტი მუსიკოსი, იმის პირდაპირ კი ჩამოძენილი მწყემსი ბიჭუნა, — ბესამე კარო სავარძლის კიდზე ფრთხილად იჯდა და მდინარე ხენილისპირა რბილ, დილით დანაწვიმარ ფაფუკ ჰალას იმედით უმზერდა, და ზურგი შეექცია თავის მხრივაც ზურგშემოქცეულ, ზემორენახსენებ აფრედერიკ მესთვის, ვინაც რომ დიდად დაფიქრებული. ღრმად მოკოკმანე. სიგარეტ „კარმენ“-ს ერთობ აზრწამოშლილი დასცქეროდა — კი, კი, შორიხლოდან სწორედ ასეთი სანახავეები იყვნენ, ეტლით არწეულ-დარწეულნი, აფრედერიკ მეს კი

უცნაური რამ არჩევანი თითის წვერებზედა ეკიდა — დანიშნულე-  
ბისამებრ გამოყენებინა თუ არა, აშეამად, ბოლოს და ბოლოს,  
სიგარეტი „კარმენ“.

ეტლი ბენის ცნობილ დაბლობზე მიდიოდა რბილად, ნარნარად,  
ეყენების თანაბარი წკარუნით, სილალეს გრძნობდნენ თვალმიშვე-  
ბული ეტლშიგა მგზავრები, ბესამე კაროს ამსიშორეზე პირველად  
წაუვიდა გამოუცდელი მზერა; წანწალში გამობრძმედილ სოტოს  
ლანდშაფტ-რელიეფების დარდი არა ჰქონდა რა, ხანდახან ჩათვ-  
ლემდა კიდეც, ოღონდ შედარებით ფრთხილად, აფრედერიკ მე  
კი დროდადრო ასანთიანი ჯიბისკენ აპარებდა მოუთმენელ ხელს,  
მაგრამ ციკქა ალის დანთებაც ძლიერ უჭირდა. ნამდვილ კარმენს  
კი, აკი ცნობილია, ძლიერ უყვარდა ცეცხლთან თამაში როგორცვე  
სოფლად, ასევე — ქალაქში, რაკილა მოლიბულ გზაზე შედგა ისედაც  
მალაქუსლიან ფეხსაცმელზე შემდგარი ტერფი, და თოფ-დანებიან  
შარყოფით ადამიანებს, როგორც იტყვიან, აედევნა იგი, ისედაც  
კონტრახანდააკიდებულებს, აეკიდა იგი, და თავისი წვლილიც ბლო-  
მად შეიტანა იმათ შავ-ბნელ საქმეში, როგორც იტყვიან, იგი. ასე  
ჰფიქრობდა. აფრედერიკ მე, ეტლმა კი აიარა ესიხას ბორცვი და  
თავდაღმართში ნელა დაეშვა, ფრთხილობდა სოტო: შებინდებისას,  
ბესამე კაროს ფარეხში შესადენ ცხვრებთან ისე მოუნდა, აეწვა  
კიდეც პატარა გული, ბნელში მალულად შეიმშრალა ორიოდ  
ცრემლი, ადასეთ ეტლში, ადასე მშიერს, თვლემა და რული ეძა-  
ლებოდა, მერე, ჩაყვინთა და ვერც გაიგო, გვადალკვივირზე გადე-  
ბული ოთხბურჯა ხიდი გადაიარეს როგორ, ბოლოს კი შეკრთა,  
რადგან მოხუცმა თავზე დაადო უხეში ხელი; გაიხედა და ვრცელი  
სიშავე დაინახა, აუარება ლბილი ციაგით მრავალგან მცირედ გაბ-  
ზარული, „ესევეც, კორდოვააა“, აღნიშნა სოტომ; ბესამე კარო,  
თვალდაჰყეტილი, პირველად ხედავდა ქალაქს, თანაც დიდს ასე,  
სადღაც მღეროდნენ მშობლიურ კანტეს, ცეკვავდნენ იქვე, ხელ-  
მამხალიანთა იღუმალ წრეში; ბესამე კაროს თავბრუ დაეხვა და,  
მერე იყო და, გაბრუებული, რაღაც დიდ ლამაზ აგურის სახლში  
შეიყვანეს და, სოტო კანაფით უზომავდა ხელს, ფეხს, თავს, სხე-  
ულს, თვლემამოგვრილი, იდგა და იდგა, მერე კი ვილაცა ორად  
მოხრილმა დედაბერმა ჩასკიდა ხელი, სადღაც გვირაბით წაიყვანა,  
მერე. მოკაკეულს, ხვეულ კიბეზე ჩაჰყავდა ბიჭი. და. გაოგნებულს  
მორჩილად ჩამყოლს, დროდადრო ცერად გამოხედავდა, და შავი

სახით ამოსცინებდა!, ძალიან დაბალ კართან შედგნენ. სწორედ დედაბრის სიმაღლისა თუ იქნებოდა, გამოუდგეს და, იქიდან ორთქლი მოტივტივებდა. ახლა ბესამეც ორად მოხრილი, დაბალი გვირაბით ზურგმორკალული, მიბარბაცებდა სადღაც, სახეზე რასმე წებოვანს გრძნობდა, რომ გაიმართა გვირაბის ბოლოს, შედგა, გახევედა — მრგვალი ოთახი იყო აორთქლებული, ჩახუთული, თითქმისდა ბნელი, ბევრს ვერაფერს შევლოდა სანთლებჩამდგარი ფარნების წრიატა შუქი... ბურუსი მრუმედ დატრიალებდა, მძიმედ შეოფლილ მუქ, რუხ კედლებს ღვარქნილი, მქისე ღვარი სდიოდა... უცხო, ტლანქ ბურუსს თვალს აჩვევდა ბესამე კარო, და ისე შეკრთა! — შედედებულ ნისლს მოჩვენებად გამოეყო და მისკენ დაიძრა მაღალი, შავი, აღზევებულად მუქი სახება, არ მოდიოდა — მოცურავდა, სულაც არ ჩანდა ფეხს თუ ადგამდა, ისეთი გრძელი სამოსი ეცვა, ნატიფ რხევაზე მხოლოდდა ის ეტყობოდა, ქალი რომ იყო, უახლოვდებოდა თავდახრილს, ბეჩავს და რომ შეჩერდა, ორთქლოვან სიჩუმეში მის ამოხედვას კი, რომ უცდიდნენ, მიხვდა ბესამე, და თანაც, ზურგზე, შავი დედაბრის მოუთმენელ მუჯლუგუნს გრძნობდა და, როგორც იქნა და, გაბედა და ნელა, შიშით, ძლივს ალაპყრო და მიაბჯინა ორთავე თვალი.

მაღალ სახებას ძალიან გრძელი სამოსი ეცვა, უბრალო, თალხი, სახეშებურვილს, ორთქლში ზმანებასავით ასვეტილს, თითი რა არის, გრძელ სახელოდან ისიც არ უჩნდა; პირაკრულს, შავადს, შუბლზე ქათქათა თეთრი ნაქერი გადატკეცოდა, თავსაბურიდან ძლივს გამომძვრალი, — და მხოლოდ თვალები უქვიოდა, მაგრამ ისე ირიბად ახლეჩილი, ისე მეტყველი, ისეთი მწვანე!

მომწუხებელი მზერას მინებებული, თავაპყრობილი იდგა ბესამე, და რაღაც უხმო ბრძანებას, უცხო თვალებში აკიაფებულს, გრძნობდა. რა იყო მაინც ამდენი ორთქლი... მაგრამ იმ არეულ ბინდში გამონაშუქ, წყვილად მბრძანებლურ ციაგს დაყოლილი, მორჩილად იდგა, შეჰყურებდა და, მცირედ შეჩვეულს, ემატებოდა მუხლებში ძალა, მოლონივრებულს, ეზიდებოდა მომწვანო ხიბლი, თითქოს ნაბიჯიც კი გადადგა, და ისე შეკრა!.. თვალები იყო? — იმათ მიხედვით თავით ფეხამდე შიშველი ჩანდა თითქოს ზმანება, ქალისა და ამისთანების ბესამემ, უბრალომ, აბა რა იცოდა, მაგრამ დამხვდურის უხეში ტანსაცმლის მიღმა უცხო ბორცვები ამოეგულა, მაღალი ყელი, ლავიწის ძვალი, დრეკადი წელი, სიზმრისმიერი თეძო,



იმისი რბილად ამოხაზული მუცელიც კი წარმოიდგინა და, ყოველივე ეს, სასტიკი იყო! — სალუქად საშიშ ქალის ცხელ სხეულს შეძრწუნებული აღიქვამდა მთელი ბესამე, თავრეტდასხმული, ძლივას შებრუნდა — იმა თვალების ნაყოფის ხილვას, ისევ დედაბრის ყურება სჯობდა, მაგრამ გამქრალიყო ის... ბურუსის ქალმა კი ნელა გამოაძვრინა სახელოდან ნატიფი ხელი, მხარზე დაადო, ზურგშექცეული, შემოაბრუნა, აუჩქარებლად გახადა ტანთ, იქვე კუთხეში მიჰყარა დაკონკილი ტანსაცმელი, მერე ყელამდე აუზში ჩაიყვანა, თავადაც ჩაჰყვა, კვლავაც მხოლოდ თვალეშიშველი, ბესამე კი, ტიტლიკანა ობოლი, სირცხვილითა და ორთქლით სახე-ალანძელი, მწარედ ითმენდა სუყოველივეს, იმან კი, უცნაურმა მონაზონმა, დაი ტერეზა ერქვა, იმ წყალშიაც კი ძალიან მშრალი ხელისგულით, ყველგან დაბანა, ოღონდ ისე რომ, მთელ ამ საქმეში ბიწიერების ნამცეცაც კი სულ არ ერია, მხოლოდ და მხოლოდ, სისუფთავისა იყო. სხვა, გრილ ოთახში გაიყვანა შიშველი მერე, ნათელში უფრო, დიდი ზეწარი შემოახვია, ძალიან უცებ გაშრა ბესამე, რადგან — შევლოდნენ, მერე კი ქალმა სუფთა, ახალი შესამოსი, მოხუცებულის მიერ სოტოს ხელით ნაყიდი, მოარგო, ჩააცვა, უყურა ერთხანს, თან ტანსაცმლიდან სულ თბილი წყალი ჩამოსდიოდა, მერე თვალეები ოდნავ სხვაგვარად, წვრილი ციმციმით აუბჟუტდა, ჩაელიმა თუ რა, და ბესამესკენ, ხელეები წელს უკან წაიღო და ისე, გადაიხარა, პირბადე წამით მოიცილა, სავეს ტუჩებით შუბლზე აკოცა, და გაკვირვებულმა ბესამემ იქვე აღმოაჩინა, რომ სისუფთავესაც ჰქონია თავისი სუნი, ვრცელი, და სიფრიფანა, შემდგომ გაიგო, ესე სუნი ქალაღლისასაც ძალიან ჰგავდა — რაღაც სიმძიმე მაინც ერია, ახლა კი მარტივად მოჩუქურთმებულ კარზე მიუთითეს, და იმ ოთახში გავიდა, სადაც მაგიდას მოხუცებული მუსიკოსი და სოტო უსხდნენ; რაღაც ცხელი და გემრიელი დააღვინეს, სულ სხვა ქვეყნების უცხო კერძებით ავახშმეს კარგად და, მერე, მაგიდაზე ლოყადადებულს, მადლიერად მიძინებულს, მხარში შეუდგნენ, ეტლში ჩასვეს; მთელ ღამეს მიქენაობდნენ, — ჯერ უბედაში, მერე ესტეში და კიდევ საღლაც, აქაფებული ცხენები ახლებით შესცვალეს, გამოცდილი ხელეებით საქმიანობდა სოტო, მოკუნტულ ბესამეს სავარძელზე ეძინა, მოხუცი თვლემდა, აფრედრიკ მეც საღლაც იქავე დაყიალობდა და, გათენებისპირს ზემო-აღწერილ ქალაქ ალკარასს, შესაძლოა დაგამახსოვრდათ კიდევ,

კასერესას ბორცვის ჩავლით მიადგნენ, და ეგებ ისიც გახსოვთ, იმა ქალაქში ყოველივე რომ პატარა იყო, ერთი რამ მკვიდრი შენობის გარდა, რომელიც ქალაქის აღწერისას აფრედერიკ მემ ახიერებულობისა გამო შეგნებულად გამოტოვა — თეთრი, ნათელი, გათენებისას მძიმედ მოტივტივე, მრავალხმიერი კონსერვატორიის გარდა.

6

ჯერ ეგონა რომ, მზე დაადგა თავთ, რადგან ლოყაზე სითბოსა გრძნობდა, და ძილ-ბურანში დუნედ გაკვირდა, რადგან მზეს მუდამ ასწრებდა ხოლმე, მაგრამ თვალი რომ გაახილა, ძალიან შეკრთა — დიდი მოხუცი ჩამოსცქეროდა. ახლად ნამწყემსარი იყო და, მცირე რამ ძილი ჰქმაროდა ხოლმე, მაგრამ ახლა კი, უხვად სათუთ ლოგინში გამოძინებულს, მოხუცზე მეტად ჯერ წამოზრდილი დილა ეუცხოვა, მერე დილაზე მეტად — წელანდელი მოხუცი, შემფოთებულმა წამოიწია, მაგრამ აქ მკრთალად გაუღიმეს და, სუყოველივე გაახსენდა, გულზე მოეშვა.

— საუზმე აქ გაქვს, მაგიდაზე, — უთხრა მოხუცმა, — მერე კი, ქუჩაში გახვალ, მიმოიხედავ და ყველაზე ზალალ სახლს მიაშურე.

— დიახ, — თავი დაუქნია ბესამე კარომ, და იმ ქათქათა თეთრეულში ყოფნისა შერცხვა, მაგრამ არა, არა, აჰ — თავადაც სუფთა იყო.

— ხელ-პირი აგერ, იქ დაიბანე.

— იმ მაღალ სახლში... რომ არ შემიშვან?

— შეგიშვებენ.

— იმ მაღალ სახლში, სენიორ, რაა...

— იმ მაღალ სახლში მუსიკოსი უნდა დადგე, ბესამე. გინდა?

— ძალიან დიახ.

მოხუცი კუშტად ჩამოაცქერდა, ჰკითხა:

— მერედა, შესძლებ?

— ცდას არ დაეაკლებ, სენიორ.

— ბევრნი იქნებით, — შელხვა მოხუცი, — უნდა გამოირჩე.

— ბევრი ვინ?

— შენისთანები, დამწყებები, — უცხო ალერსი შეერია იდუმალ ხმაში, — ჯერ ბატკნებივით მუსიკოსები.

— იმ სახლის ბევრებს... — აირია ცოტა ბესამე, — მთავარი მწყემსი თუ გააჩნიათ...

— კი.

— რა და რა ჰქვია...<sup>1</sup>

მოხუცს აქ განზე ჩაელიმა, მიიხედა, თქვა:

— ქრისტობალდ როხასი. დაიმასსოვრებ?

— დიახ. ადვილი გვარი და სახელია.

— ის იკითხე და, გაგატარებენ.

— მერე, რა ვუთხრა?

— იქ გამოჩნდება. წავალ.

ხელ-პირი ნასაუზმევს დაიბანა და, მერედა, მცირედ შეეკვებულ-  
მა, თეფშის ამობუუტებულ ფსკერზე ოდნავ გასვარა დანა-ჩანგალი.

გუმბათისებური ოთახი გახლდათ, ოთხგან სარკმელდატანებული,  
და აივანზე გამავალი კარიცა ჰქონდა. მაგრამ ბესამეს, საერთოდ  
უძყოფს არანაირ აივანზე, იქით გასვლისა მოერიდა და სხვა კარს  
ჩასკიდა ჭერაც წენგოიანი თითები, გამოალო. ხვეული კიბით ჩადი-  
ოდა და, ქვემო სართულზე, ქოთნის ლიმონთან, თეთრი მოხუცის  
შვილიშვილი იდგა — ოთახის რამონა.

ცამეტი წლის გოგო და, თხუთმეტი წლის ბიჭი.

გაწითლებულები, გაწითლებულები რომ, მეტი აღარ იქნება...  
რა დააშავეს, თორემ კი, ამაოდ დამშვრალი აფრედერიკ მეც,  
ყოვლად ფანტასტი, ვერაფერს მიხედა, ბესამემ თავი უშნოდ ჩა-  
კინკლა, გოგონამ მოკლედ ჩაიმუხლა, ბესამემ ჭიბეში უმიზეზოდ  
ჩაიყო ხელი, გოგონამ განზე დაიხედა და გრძელი კაბიდან წინ  
გამოაჩოჩა ლამაზი ფეხსაცმლის წვერი, ბესამეს წენგოიანი თითე-  
ბი გაახსენდა და მეორე ხელიც ჭიბეში იტაცა, მაგრამ ამასობაში  
თურმე ეზოში იყო.

სულგანაბულმა გამოალო რომელიდაც ფერის ჰიშკარი.

ჩვენი პატარა, მომცრო აღკარასი, აფრედერიკ მეს სატახტო  
ქალაქი.

პატარა იყო პატარა კოშკი... მოკლე და ვიწრო — რიკარდოს ქუ-

<sup>1</sup> ესპანეთში ხანდახან ორი, სამი, ხუთი და გაცილებით მეტი სახელიც კი  
ჰქვიათ (აფრედერიკ მე).

ჩა... მაგრამ ბესამე, ჩვენ-ჩვენი კარო, ვერას ამჩნევდა, თეთრი შე-  
ნობისკენ მონუსხული მიადგამდა ფეხს, იგი კი, იის, თეთრად ნა-  
გები, ადგილზე მძიმედ, თეთრულად იდგა, მერე შემჩატდა თით-  
ქოსდა ოდნავ, რადგან ბესამეს სწორედ იქიდან რაღაც გამკოლი  
ხმა შემოესმა, კლარნეტისა იყო, მერე სულ სხვა ხმა, ვიოლინოსი,  
მთბორდ დამზრზენი, და შემსუბუქდა შენობა უფრო, ხმები კი,  
ბესამეს მცირე ნაბიჯთა წყალობით, ძალას იკრეფდნენ, დიადლებოდ-  
ნენ, ხევერდოვანი რაღაც საკრავიც გამოერიათ, საკუთარ თავთან  
გულჩახვეულად მობასე, მერე — კიდევ სხვა, აღმა და დაღმა მო-  
არულ ხმებით, გასიფრიფანდა შენობა უფრო, საღდაც აიჭრა მა-  
ღალი ბგერა, სულ სხვებიც აჰყვენენ, და გუნდი და გუნდი საკრავ-  
თა, გაძელავნებული და ნებაშიშვებული, ამა თეთრ სკაში აჰ, ზუ-  
ზუნებდა, და ყოველგვარი ჰარმონიის წინააღმდეგ ამხედრებული,  
უზენაესი თავყრილობა — სრულიად ორკესტრი, მოვარჯიშე და  
ათქვეფილი, აჭრილ-დაჭრილი, და შეშლილივით ოკრო-ბოკროდ  
აღზევებული, დიდ შენობაში უთავ-უბოლოდ ხმიანებდა და, თა-  
ვად სახლი კი, ატორტმანებული, ზევით აწევას ლამობდა თით-  
ქოს — ამა თეთრ სკაში, ყოვლისმომცველში, თუმც არეული და  
აწეწილი, მაინც მუსიკა, თავად მუსიკა, ჯანყოვანი მუსიკა ენთო!

თავაწეული იდგა ბესამე, ობოლი ბიჭი, უცხო საკრავთა უცნაურ  
ჯირითს ყურს მიუგდებდა კი არა, გაქლენთილიყო, ოღონდაც ში-  
შით, და ხელი უბეში ჩაეყო, სალამური იმედად ჩაებლუჯა, მცირე  
საკრავი, და გაუდიდდა — დუმდა შენობა. დამუნჯებულიყო ყოვ-  
ლად, მერე მოჩუქურთმებული კარის მიღმიდან ნაჯირითევი მუსი-  
კოსები ისე უწყინრად გამოდიოდნენ, ვითომც — არაფერი, აჰ,  
თვალთმაქცები თუ იყვნენ ნეტავ, ქუდიც სხვადასხვანაირი ეხურათ:  
ფრთაგარკობილი ზოგს, მრგვალად მაღალი და ძაან ლაპლაპა — მე-  
ორეთ, მესამეთ — ჩაჩი, ზოგსაც წოწოლა... ვიღაც კაცმა კი ზემო  
ფანჯრიდან გადმოიხედა, ჰკითხა: „შენ ბესამე ხარ?“, მოისმინა: „კი“,  
და ჰაერი ხელით მოიხვეტა: „მოდით, დიდი მაესტრო ქრისტობალდ  
დე როხასი გიცდით“.

გადააბიჯა ზღურბლს!

ვერას ამჩნევდა, დაადო თავი და მიდიოდა, და ის-ის იყო, მარ-  
მარილოს კიბეზე უნდა შეედგა უცოდველი ფეხი, მკაცრად, მრის-  
ხანედ ჩამოესმა:

— მანდ დაიცადე!

მყისვე შედგა და, შემფოთებული, მაინც მორჩილად იცდიდა.  
— შემოტრიალდი.

დიდად საკვირველ დარბაზში ყოფილა თურმე, ზურგმაღალ სკამებზე, ჰოი, რაღარანაირი, სულ მთლად უცნობი საკრავები იდო... გაკვირვებული, იდგა და იდგა, ვიდრემდე ისევ არ ჩამოესმა:

— მიმოიარე და ყოველ მათგანს დააღე ხელი.

ბოლოსდაბოლოს, რაა ამდენი, ბოლოს და ბოლოს, აქ აფრედრიკ მემ მეტის დათმენა ველარ შესძლო და, ფანტასტიკაა ეს თუ ფიჭ, რაა, სუყოველივე ჩვეულებრივ მიმდინარეობს, არა, ბატონო, ახლა თავისა მასაც უსმინეთ — ეჰ, სიგარეტი, აჰ, კარმენტისავე, კონტრაბანდული მინდვრის ღიღილოო, როგორ და როგორ სულ სხვადასხვაფრივ უყვარდი ყველას, მაინც რა ნახეს შენში ისეთი, გზასაცდენილი, უკაცრაოდ კი პასუხია, ქალი იყავი, და შენ-შენი მშობლების და დედამამიშვილების შემარცხვენელი, არც ვიცი, გყავდა? იქ, ფაბრიკაში დროებითად გზაზე დამდგარმა, იმის ნაცვლად რომ შრომითი მაჩვენებლებით გესახელა თავი, სისხლის სამართლის დანაშაული ცივი იარაღით ჩაიდინე, შრომითი გზიდან სადღაც ჯაგნარში გადაუხვიე რად, რა გინდოდა იქ, სხვა რომ არაფერი, ეგ აბრეშუმის ძალიან გრძელი შენი თავსაფარი ეკლებს წამდაუწუმ კი ედებოდა, ხომ ედებოდა, აკი ედებოდა, დიხანაც რომ ედებოდა მაგრამ შეგაჩერებდა რა, მოლიპულ გზაზე დაგორებულს, თუმცა მოლიპულზე ჯაგნარს რა უნდა, მოკლედ, გზას ასციდი და, უარყოფითად დაგორებულს, შეგაჩერებდა-მეთქი რა, ხოლო კარგად აღზრდილი სანაქებო მანდილოსნები, რომელთაც გრძელ კაბაში ფეხსაცმელიც არ მოუჩანდათ, შენ კი წვივებშიშველი მდინარის პირას დატანტალობდი, არც კი გესალმებოდნენ, დიხან. აუგი იყო შენთან ცნობანა, თუ არა გჯერა, აფრედრიკ მეს, აგერ არაა? — პირში მთქმელს, ვკითხოთ. აი, რას ამბობს იგი: მე რომ გულის რჩეული სატრფო მყოლოდა, შენთან მუსაიფს ავეუკრძალავდი, თუ არ მოიშლიდა, მიგუთითებდი, მაინც თუ არ მოიშლიდა, დავტუქსავდი და მაინც თუკი აღარ მოიშლიდა, გავროზგავდი და კიდევ თუ მაინც არ მოიშლიდა, სამმაგ ბოქლომზე ჩავეკეტავდი და მერე კი პირდაპირ შენთან გამოვიქცეოდი, რადგან მიყვარხარ. ეიფ, ეს რა თქვა, რა გქონდა მაინც საყვარელი, აჰ, კარმენსიტა, ბოდიშით — კარმენ, რა გქონდა მაინც შესაყვარელი, ვერ გამიგია, აუუუუნებდი თუმცა მაგ თვალებს, შავ თვალებს, დიდრონ თვალებში ცეცხლი

გიბტუნავდა, სიგარეტათვის ალის მომდები, ხოლო სიგარეტად ახლა პირიქით, აფრედერიკ მეც კი გამოდის, ჩვენი, სიფრთხილე ჰმარტებს, არ აგედევნოს შენ, დიდად საშიშს, ვისთვისაც რომ იმი-სობისას სულერთი იყო თავსასთუმლად ბუმბულოვანი მუთაქა თუ შემთხვევითი ბალახი, რომელი ცხენი შენა გვყავდი, აღვირახს-ნილი რომ დაქენაობდი მოლიბულ გზებზე, ვის რად უყვარდი, ვერ გამიგია, თუმცა ერთი რამ მაინცა გქონდა, მცირედი რალაც მაინც გაგაჩნდა ძლივს ღირებული — თუმც უწესრიგოდ, მაგრამაც, მგო-ნი, სადღაც მაინც ცოტათი ოდნავ თითქოს და იქნებ თავისუფალი იყავი, არა? ამით გვხიბლავდი?, რა ვიცი, ეგებ; თუკი ასეა, თქვენ ბრძანდებოდით თავად საკრავი, თანაც საკრავი უზენაესი, რადგან თუნცაღა მხოლოდ ორი, მაგრამ უნეტარესი ყოვლად სიმები შიშ-ველ სხეულზე, ტან-ტატანზე გადაგვიმვოდათ — თავისუფლება და სიყვარული, და რადგან ყოველ საკრავში ეს ორი მცნება, აკი ვი-ძახი: უზენაესი, — ტანჯვით საწვდომი თავისუფლება და სიყვარული, ეს ორად ორი უშუალოდესი ამაღლებება, საიდუმლოდ ძევს, ჩვენი ბესამე, პატარა კარო, საკრავთა შორის მიმოდოდა და ყოველს ადებდა წენგოიან ხელს, იქითიდან კი გამაბრუებლად ამოესმოდა ხის, ლითონისა და ცხენის ძუის ეს უმთავრესი დანიშნულება, საკ-რავთმიერი, რალაცა უგრძნო ობლურმა გულმა, რალაც უნამუსოდ ძლიერი, და რომ გახევდა, თავრეტდასხმული, რბილად ჩამოესმა:

— ახლა, ამოდი.

ატორტმანებულ, მარმარილოს საფეხურებზე თან გასუსული აღიოდა და, რომ აიარა, გაცოცდა როგორ!:

შემაღლებულზე, სქლად ჩამომშვარი ლურჯი ფარდის წინ, დიდ სავარძელში მძიმედ ჩაფლული, სახელურებზე ჯაფით დაოსებულ დიდრონ ხელებდალაგებული, თვით ის მოხუცი, სოფლიდან მისი წამომყვანი, დიდი მაესტრო ქრისტობალდ დე როხასი ბრძანდებო-და, იჭდა. კვლავაც ეს ჰკითხა:

— მუსიკოსობა გინდა, ბესამე?

კვლავაც მიუგეს:

— ძალიან დიახ.

— ძალიან კარგი, — უთხრა მოხუცმა, — მომიახლოვდი.

რალაც დამდგარი წყლისა ფერი, უილაჯოდ მონაცრისფრო და ფესვგადგმულად მწვანე, თვალეები ჰქონდა.

— ორთავე მუხლზე დაიჩოქე, — უთხრა მოხუცმა, და აღუსრულეს ნება.

გამხდარ ღაწვებზე შემოაქლო ნაძვის ხისა თუ ფიქვის ხელის-გულეები, ლითონის თითებს საფეთქლამდე გრძნობდა ბესამე, და ცხენის ძუიანი ხემით დაბაბულ სულში ჩამოუსვეს; ისე ახლოდან ჩაპყურებდა მოხუცი, რომ მის თვალებზე ვერც შეაზუსტა ბესამემ მზერა, და ბუნდოვნად გაშლილ ფერადოვან რასმე, სივრცეს ხე-დავდა აპრელებულს, რადგანაც მოხუცს ასე ახლოდან მრავალი ფერის ნამცეცი ერია თვალში, თურმე, ათასფერნაირი, რის ცისარტყელა, და გაშეშებულად აწრიალებულმა ბესამემ, როგორც იქნა და ამოიციო ის სხვადასხვა ერთმანეთში ათქვეფილი და მაინც ზე-უცნაური წესრიგით განზავებული ესე ფერები — წელანანახი ორ-კესტრისა გახლდათ.

— ახლა წადი და კუთხეში დადექ, — უთხრა მოხუცმა, — შებრუნდი კიდევ.

ნეტავი რატომ, დასჯილივით იდგა. თანაც, ესმოდა:

— მუსიკოსობა თუ გსურს, ბესამე, დიდ უღელში უნდა გააყო მორჩილი თავი, და მაგ სიფრიფანა მხრებზე უზარმაზარი ტვირთი დაიღო. შესძლებ?

— არ ვიცი, დიახ.

— კარგად იცოდე, ბევრნაირ სიამოვნებაზე უნდა აიღო ხელი, რადგან ადამიანს მხოლოდ გარკვეული სიამის მოპოვება შეუძლია, ხოლო მუსიკოსისთვის მუსიკის ხარჯზე სხვა არაფერი არ უნდა მოხდეს, ბესამე — ერთადერთი შენი შვება, მხოლოდ და მხოლოდ შენი საკრავიდან უნდა გამოისმოდეს.

— მე სიამოვნება არ მქონია, სენიორ, — თქვა უცებ ბესამემ, — არც ბევრნაირი და არც ცოტა.

შეპასუხებით მოკუნტული, შიშინად იდგა, იცდიდა. დუმდა მოხუცი.

— მე სულ ძალიან ვშიშვილობდი, სენიორ, — კვლავაც გაბედა ბესამე კარომ, პირმიქცეული, კუთხეში იდგა, — და ყინებისას ძლიერ ჰციოდა. და აქვე უნდა გამოგიტყდეთ, ჩემი ახალი ტანსაც-მელი რომ მსიამოვნებს და, გთხოვთ ისევ ძველი დამიბრუნოთ.

— მოდი, ბესამე, — მოესმა უცებ მთლად გამლხვარი ხმა, მი-ახლოებულს, მხარზე დაადო მოხუცმა ხელი, — არა გქონია სიამო-ვნება, მაგრამ მერე და მერე, რალაცებს რომ მიაღწევ, გამოგიჩნდება

და მუდამ პირქუში უნდა იყო, ყოველნაირი ლხენის მიმართ, ახალ ტანსაცმელს კი რაც შეეხება, გქონდეს — ჯერ ერთი რომ, შეჩვევა იცის, და მეორეც ის, გარეგნულადაც სხვებისგან არ უნდა გამოირჩე — არც სიმდიდრით და არც სიდუხჭირით. უნდა ეცადო, რომ ყურადღება არაფრით მიიქციო. მერე მიხვდები, რატომ.

და აქ მოხუცმა რაღაცა შავად მოგრძო და თხელი ყუთი გაუწოდა.

— რაა, სენიორ... — შეერთა ბესამე.

— აქ ფლეიტა დევს, სალამურთაგან უპირველესი, და ეს ერთადერთი საკრავია, რომლის ახმიანებაც ამბორით იწყება.

— რაა ასეთი...

— გაიგებ მალე. შენ ჩემს ოჯახში დაბინავდები, ბესამე, და საქმელ-სასმელზეც აღარ იზრუნებ. ამიერიდან, ერთადერთ სადარდებლადლა მხოლოდ მუსიკა გექნება, შვილო. ყოველ ორშაბათს თორმეტ პესოსაც მიიღებ.

— გმადლობთ, არ მინდა.

— როგორ არ გინდა, შემწარი წაბლისა და სანთლების ფული. ჰა, გამომართვი.

მაგრამ ბესამემ ვერ გამოართვა, სირცხვილისაგან, თვალებიც დახუჭა და მოხუცმა თავად ჩაუჩხრიალა ჯიბეში ფული.

— და მე რომ... თქვენთვის... არც ერთი ცხვარი არ მომიმწყემსავს...

— აეს იქნება ჩემი ცხვარი, — უთხრა მოხუცმა, — შენი ფლეიტა. ხოლო მუსიკა ის ჰაერია, რომლითაც უნდა ასაზრდოო.

— სად ვასაზრდოო...

— იმ შენს ოთახში.

— და... ცუდად. რომ დაუეკრა, ხომ შეგაწუხებთ...

— ჰაერი მაინც საჭიროა. ცალ მუხლზე დადექ.

შავი ხავერდის გრილი ნაჭერი შუბლზე, კეფაზე შემოახვია, საფეთქელთან გაუკვანდა და მხრამდე გვერდულად დაქანებული, მორჩილი ბაბთა შეუსწორა, უთხრა:

— ჩვენთან, ბესამე, ყოველნაირი საკრავის პატრონს განსხვავებული ქუდი ახურავს, ფლეიტაზე დამკვრელებს კი ასეთნაირი თავსამკაული გაქვთ მოგწონს?

ბესამე უცებ დიდებულად ჩამოტორილ მის მრავალტანჯულ ხელს



მოკუმული ტუჩებით დასწვდა და ისე ფრთხილად ეამბორა, ფლე-იტაზე დაკვრას იწყებდა თითქოს, და სინაზით მწარედ სულმობეჭენილი ყელში დიდი მაესტრო ქრისტობალდ დე როხასი მთელ ხელის ზურგზე გრძნობდა მის ძალიან ცხელ, ძალიან ობლურ ცრემლებს და, თავზე დაედო შეგირდისთვის მეორე ხელი. ამ ხელს, ამ დიდ ხელს, გამსრეს მუსიკას გრძნობდა კვლავაც, ქუჩაში ეულად მიმავალი, თვალზეშესიებული ჩვენი ბესამე, პატარა კარო, მაგრამ ფლეიტა ფრთხილ ილღიაში იმედად ჰქონდა, მის ოდნავლა თამამ ფეხისხმაზე იღუმალებით მოსილი რომელიღაც დონნას სახება გამოჩნდა ვიწრო სარკმელში წამით, და მიიმალა — რადგანაც სულსხვა, ოქრო-ვერცხლ-დაშნით მოჩუქურთმებულ მუსიკის უვიც კაბალიეროს სულ ტუჩმოკვებით ელოდებოდა დაკოცნილი ქალი, ხოლო ბესამემ იგი კი არა, ვერც ნაცნობ სახლთან შეამჩნია დიდი მოხუცის შვილიშვილი, ეზოგადმოვლილი და მის დანახვაზე ღობესთან მკვეთრად შეჩერებული, ჰიშკრის რამონა, რომელსაც ახლა, მის დანახვაზე, რაღაც ძლიერად პატარქალური უკვე ჩაედო ნაზ, წელად გულში, ეს ბესამე კი, ჩვენი, აქეთურა, მიაბიჯებდა სამართლიანად მკაცრი სახლისკენ, რომლის შიგნითაც რბილი სურნელი და მოწიწება თანაბრად იდგა, მრავალ ფერთაგან აქ ის სილურჯე უფრო, კი სუფევდა, და ჩვენმა მწირმა ფეხსაცმელები გაიხადა, მეორე, უფლეიტო ილღიაში ამოიჩარა, და ასე, გამხდარ ფერდებზე იდაყვებშიწებებულმა, ძლივს ამოიღო ორიოდ ფული, სანთელი მისცეს... ბესამე კარო, ორთავ მუხლზე დაჩოქილი, ციციქნად აალებული სანთლით ისედაც გამჟვირვალე თითებში, ცალ ილღიაში ჭერაც უნახავ ფლეიტითა და ფეხსაცმელებით — მეორეში, იმ გამჟოლსა და გამამეღავნებელ ბინდში უცნაურ ფერებს თვალმბაღქმნილი შესტკეროდა, იქ კი, კედელზე, თან ნაკვემი და თანაც ჭვარცმული, თანაც ღარიბი, იესო ეხატა, ცოტა იქით კი მკრთალად მოჩანდა იმისი დედა, ძაან ნატიფად მგლოვიარე, ვისაც ბესამე, მუხლმოყრილი და სანთლით ხელში, ჩურჩულთ ასე ეუბნებოდა:

— ძალიან დიდო ქალბატონო მარიამ, ყველაზედ მოწყალეო სენიორა, აქ, ამ ქალაქში რომ ჩამომიყვანეთ, ძლიერად გმადლობთ.

როგორც ბევრგან ვთქვით, თავად განგებასთან შედარებით, აფრედერიკ მე ზღვაში წვეთი იყო.

აქ არ გეგონოთ, თითქოს ამბავი სრულიად მორჩა — აჰ, ნახე-რამდეც არა ვართ, მგონი. არადა, ისე, თითქოს მორჩაო, არა? — სხვა რაღა გვინდა, ობოლი ბიჭი კარმენსიტასგან განსხვავებით, სწორ გზაზე დადგა, დაფასებასაც მიაღწია, რაკილა ქვეყნიერების ყოველ კუთხეში ყოველ რაგინდარანაირ გარეწარსაც უყვარს მუსიკა, ოღონდაც — სხვისი, თავისა არ აქვს, რა აღვილია აქ დამთავრება, მოკლედ რომ მოვკრათ: „ბესამე კარომ მუყათი მეცადინეობით თავი გამოიჩინა, გახდა ცნობილი მუსიკოსი, წამოზრდილ რამონაზე ჯვარი დაიწერა, მოხუცმა სიკვდილის წინ მას გადააბარა დიდი თეთრი კონსერვატორია და ღირიყორის სპილოს ძვლისა პატარა ჯოხი, ბესამეს მუსიკალური გამოსვლებისას დარბაზი ტაშით ინგრეოდა, შინ ჰყავდა შესანიშნავი შვილები ორი ბიჭი და ერთი გოგო, ხოლო ჩიტები სტვენდნენ“. მაგრამ არ იყო, ძვირფასო. ასე და აფრედერიკ მემ რომ მოგატყუოთ, სირცხვილისაგან სარკეში ველარ ჩაიხედება, და თუ ეს ვერ ჰქმნა, აღარაფერი გამოუვა — სხვის ხელყოფამდე, ჯერ ხომ კარგად და წამდაუწუმ უნდა ვცოდეთ ჩვენივე თავი, ხოლო ბესამეს პატარა ქალაქ ალკარასში დიდი ამბები გარდევლინა თავს, როგორც იტყვიან.

დიდი მოხუცის ვრცელ, ნათელ სახლში, გრძელ მაგიდასთან შორიშორ მსხდარნი, წყნარად, მსუბუქად საუზმობდნენ დიდი მოხუცი, სუნთქვაშეკრული ბესამე და დილის რამონა, მერე ბესამე ხავერდის ნაქერს საფეთქელთან გაიკვანძავდა და მორიდებით მიაბიჯებდა დიადი თეთრი შენობისაკენ, სადაც ბესამეს მკაცრად იღებდა გამოჩენილი მიმოფლეიტე, თავისი საქმის კეთილად მცოდნე მაესტრო კარლოს სეგოვია, ირიბად სახენაიარევი. ბესამეს მოწიწებულ ბაგეებთან მიჰქონდა ჯერაც ღრმად მიძინებულჯადოქრიანი საკრავი და თავის სუნთქვას ამბორიდან გადასცემდა მას, მაესტრო კარლოს სეგოვიას რჩევებითა და მითითებით იმა ჯადოქრის გაღვიძებას შეძლებისდაგვარ მონდომებით თუმცა ძალიან კი ცდილობდა, მაგრამ ეჰ, ვერა, ერთხელაც ვერ უნაცვლა გვერდი — მისი ფლეიტა ჩახრინწულსა და ხეშეშ, მთლად ხიწვებიან ხმას გამოსცემდა, და დაფარულად მგრძნობიარე მაესტრო კარლოსს მთელი შიგანი თითქოს შუშისა უხდებოდა, მაგრამ ალესილ დანას მოურიდებლად უსვამდნენ ზედ და თვით სეგოვიას თუმცა კანი ებურძღვებოდა,

კუშტად ითმენდა ყველაფერს მაინც, და, ასწავლიდა. რას და მუსიკას...

სალამობით ჩაფიქრებული შეექცეოდა ბესამე ვახშამს, იქვე ციციქნიდა ლამაზ ნამცხვარს ბინდის რამონა, მეხუთე დღეს კი, დიდი ქრისტობალდ დე როხასი სასადილო ოთახიდან ვიღაც სტუმარს ნაჩქარევად რომ გაეგება, გოგონამ ჩანგლით პურს უკირკიტა, გაბედა მერე:

— შენა... რა გქვია?

— ბესამე... და თქვენ?

— მე კიდევ რამონა.

აჩქროლება, აჰ... მაესტროთაგან, თითქმის ყველანი კარგები იყვნენ: თეორიისა—წვერმოშვებული თამამი კაცი, სოლფეჯიოსი—შეზრანათელი, კანონებივით მკაცრი თითებით კლავესინზე დაბჭენილი, მწყობრ, ფაქიზ ხმათა მეშვეობით მთლად გამჟვირვალე, თითქოს, ბერიკაცი; ღრმად იღუმალი მეჰარმონიე — უცნაურმზერადაბინდული, ამალღებულად ღვარქნილი და რალაცნაირი მიუწვდომლობით სწორი მაესტრო; მუსიკალური ლიტერატურის ტკბილმოუბარი მასწავლებელი, ვისი წყალობით ბესამემ მცირედ შეისწავლა დიდთა და დიდთა მუსიკოსთა ძნელი სიცოცხლე... გუნდურად მღერის ოცდარვაყურა მასწავლებელი—სხვადასხვანაირ ქუდიანნი, გუნდში ოცდარვა შეგირდი იყო... ერთადერთს, ვისაც ვერ შეეჩვია, მეპისტორიეს კარტუზო ბაბილონია გახლდათ, მშობლიური ესპანეთის დამაქცევლის — ნაპოლეონ ბონაპარტეს ფარული თაყვანისმცემელი. იმას საძილე ოთახში, ყოვლად მიღებული საერთო წინაპრის — ჰერცოგ ალბას დიდი პორტრეტის უკანა მხარეს ნაპოლეონის სურათი ეგულებოდა და ძილის წინ მეპისტორიე იგი სწორუბოვრად მზირალ ჰერცოგს პირს კედლისაკენ აქცევინებდა და ბლანტედ ამხედრებული ნაპოლეონის ცქერით სტკებოდა, თუმც ბონაპარტე, უნდა აღინიშნოს, სულ არა ჰგავდა ჭიგიტს. დილაადრიან კი, ყოველნაირ საქმიანობამდე, ფარულ-კარტუზო საჩქაროდ გადმოაბრუნებდა სურათს, ხოლო უკმაყოფილოდ გამომზირალ ჰერცოგს ტუჩებზე ყვითლად შეღებილი კედლის ნაფშხვენები ეცხო.

ასე მშფოთვარედ იღვიძებდა ბაბილონია, ბესამე კაროს კი, დიდი მაესტროს მადლიან ოთახში, სიხარულით ეღვიძებოდა, რადგან აის საკრავი, საამბორალი, ტახტზე უცდიდა — გრძელი და მშრალი მისი ფლეიტა, რომელშიაც რომ ერთხელ. თითქოსდა, ძლივს

შეიშმუნა ყოვლად მძინარე ჯადოქარი, და თუმც ბესამეს თავის ოთახში ყოველთვის ჰქონდა ნაწყალობევი დაკვრის უფლება, გარეყრაყისას, ფლეიტას ფრთხილად დაავლებდა ხელს და ჯერ ალკარასის გარეუბნისკენ სასუნთქ ჰაერში მიაბიჯებდა, და ამა ქალაქში ცისკრის მადლით გულმოცემულნი, აქ, ამ ქალაქში გადმოხვეწილი, მაინც სოფლელი ჩიტები სტვენდნენ — თამამად ისეე, მერე კი მოზრდილ, დაკლავნილ შეღმართს აუყვებოდა, ჩანჩქეროვანი ღელე დიოდა, მიადგებოდა რიყრაყით მთრთოლავ, ცოცხალ, კი, ჰალას, აქ ყოველივე ეზიდებოდა, დარჩენას სთხოვდა ხეებში გაზრდილს, მაგრამ ბესამე თავისი მყუდრო და უჩვეულო სამყოფლისაკენ მიიჩქაროდა; იქ, ჰალის მიღმა, კასერესას სევდიან ბორცვზე, საიდანაც რომ კარგად მოჩანდა მისი მიმღები, შემკედლებელი ალკარასი, ისედაც მომკრო, ახლა კი, ზემოდან, სულმთლად პატარა, ციციქნა ქალაქი, კლდე იყო ერთი, ოდნავ კენწეროჩადრმავებული, და იქ ჯდებოდა. უფსკრულისაკენ ჩამოჰკიდნოდა ჩვენს ბესამეს აქ ორთავე ფეხი, და ის სიფრთხილე, აის სიმაღლე, აიძულებდა რაც შეიძლება ფრთხილი, ნაზი ამბორით დაეწყო დაკვრა, და მადლცხებული, სულარათრისა არადამკარგავი ჯადოქარი, ვინც დიახაც რომ კარგად უწყოდა მისადმი შედგომილთა სინაზისა და ერთგულების ფასი, ახლა აშკარად იშმუნებოდა — კასერესას კლდეზე... ხოლო ბესამეს, ტუჩფლეიტაის, ქალაქისადმი მადლობის თქმა საკრავით სურდა, ქალაქისადმი, სადაც დიდი ნათელი კონსერვატორია იმედად ედგა, აქედანაც კი, ზემოდანაც, პირველ შეცთომილ ვარსკვლავამდე თეთრად მადალი... ფლეიტაის, ფრთხილად სუნთქავდა ბესამე კარო, მცირე ქალაქი კი იღვიძებდა და აფრედერიკ მეს ვერ გაეგო, გათენებისას რატომაა მომზიარულო იდუმალება ყველგან, ყველაზე, ვერც ის გაეგო, მდინარის ხმა რატომ იკლებდა, არც ის იცოდა, თუ ვინ იყო ესპანელთათვის უფრორე მტერი — ტომით უცხო ბონაპარტე თუ გულმოყვიანად ღვიძლი ალბა, ძლიერ აბნევიდა მეჰისტორიის თუმცა ფარული, მაგრამ ცნობილი მაინც ყველასთვის მიდრეკილება და სიყვარული იმ განსვენებულ კაცისადმი, ვინაც სამშობლო გადაუბუგა და ჰრილობები ყოვლად უწყინარ თვით ამ ქალაქსაც, პაწა ალკარასს, ახლაც კი აჩნდა, მაგრამ აფრედერიკ მემ ის კი იცოდა, თეთრი შენობის მთლად ნაცრისფერებში გამოწყობილ მეჰისტორიეს ამა სიყვარულს იმიტომ პატიობდნენ, რამეთუ კარტუზო ბაბილონია და პროვინცია მურსიის მთავარმმართველი.

ჰერცოგი ლოპეს დე მორალესი, მეგობრები იყვნენ, რადგან კარტუზოს ცოლი, სახელგავარდნილი მერგრეტ ბოსკანა, ჩინმენდლებიანი ლოპეს მორალესის ნახევრადარაოფიციალური საყვარელი გახლდათ. მერგრეტ ბოსკანას მისახმობად ამ რჩეულ სამთა უსმენო ტრიოს უცნაური რამ, და ყოვლად უცხო, ხერხი გააჩნდა — ალკარასში დროდადრო დავანებული ლოპეს მორალესის ჭრელსა მიმინოს რომ აუშვებდნენ და ის ჩიტი კი მეპისტორიეს სახლის შეჩვეულ ბანზე საგანგებოდ დაბმულ კაკებს რომ დააცხრებოდა და თავს ამოჰკორტნიდა, მყისვე აცნობებდა ამა ამბავს მსახური პატრონს და თავად კარტუზო საკუთარ ხელით, რძეზომიერადნარევი წყლით შეუდგებოდა სახელგავარდნილი მეუღლის ტანის ბანას და, არიგებდა თან: „ასე უთხარი, რომ მთლად დაბერდა ქრისტობალდ დე როხასი და ანტრაქტისას ისიც უთხარი, რომ აუცილებელი არაა, კონსერვატორიის მთავარ მაესტროდ მუსიკოსი იყოს“.

აჲამ კარტუზო ბაბილონიამ, აფრედერიკ მეს მსგავსად, ძალიან ამოიჩემა ბესამე კარო, ოღონდ სხვაგვარად — სიძულვილით, რადგან ბესამე იმ ბონაპარტეს სულაც არ სცემდა პატივს კი არა, მის ხსენებაზე — აყრიალებდა. ყველაფერი კი ასე დაიწყო:

— ნაპოლეონზე ვის რა გსმენიათ, ახალგაზრდებო, მართალია, მას ჰქონდა დიდი შეცდომა რომ ჩვენს ტკბილად მშობლიურ ესპანეთს გაუფრთხილებლად თავს დაესხა, მაგრამ თავის ძალიან ცუდ საქმეში გენიოსი იყო იგი ჭეშმარიტი, დიახ, თანაც შეცდომა ვის არ მოგვსვლია, დიახ... ვის რა გსმენიათ?

ბესამეს მკაცრად მიაბჯინა მექისის თითი.

— პაპაჩემის ახალგაზრდობის დროს, — ფეხზე წამოდგა ბესამე კარო, — თურმე ჩვენს სოფლად დამპყრობლების მთვრალმა გუშავმა უნებურად ცეცხლი წაუკიდა მინდობილ საწყობს: და ეს ამბავი სოფლის კაცებს გადააბრალა...

— რა შუაშია აქ ბონაპარტე? — შეაწყვეტინა ბაბილონიამ.

— ნაპოლეონმა გზად ჩაიარა, გუშავის ახსნა-განმარტება მოისმინა და მთელი სოფლის მამაკაცები ჩაამწყრივებინა და ყოველი მესამეს ხიშტზე აგება ბრძანა, სენიორ კარტუზო.

— კი მაგრამ, შენ რა?

— პაპაჩემი ოცდამეოთხე კაცად იღვა, ჰერ! კარტუზო.

<sup>1</sup> რადგან შეგირდები მეპისტორიეს „მაესტრო“-ს ვერ უწოდებდნენ, კარტუზო ბაბილონია შეგირდთაგან სხვადასხვა ქვეყნებში განვრცობილ აღმატებით მიმართვებს დაქინებით ითხოვდა.

— კი მაგრამ, აკი ყოველი მესამეო?

— ყოველი მესამე — ოცდამეოთხეზედაც მოდის, სერ.

— არა. — მკაცრად თქვა მეპისტორიემ, — ოცდაოთხი — ეს

რვაზე იყოფა.

— სამზედაც იყოფა, სენსეი.

— რვა არ შეიძლება გაიყოს სამზე.

— მაგრამ სამი შეიძლება გამრავლდეს რვაზე, კარტუზო ფედოტიჩი.

მეპისტორიე რაღაცას სწონიდა გონებაში; მერე იკითხა:

— ეგ მათემატიკა სადღა ისწავლე?

— მწყემსად ვიდექი, მილორდ.

— ასეა თუ ისე, — აღელდა კარტუზო ბაბილონია, — ჩვენ აქ მათემატიკის გამოცდა არ გვაქვს, ხოლო პისტორიაში — არაღამაკმაყოფილებელს გიწერთ.

— რატომ, ბატონო?

— მაგი არაა შენი საქმე. აბა, შემდეგი...

კარმენსიტავ, აჰ! ნეტა რამდენჯერ გამოგაგდებდნენ გიმნაზიიდან, სასწავლებლად რომ მიებარებინეთ... ხელს ჩაგკიდებდნენ დედა და მამა, დახვეწილი ცოდნის მისაღებად წაგიყვანდნენ, საუზმედ პურს, ყველს, ფორთოხალსა და ატამს კოხტად დაწნულ კალათაში ჩაგილაგებდნენ შენი მშობლები, არც ვიცი, გყავდა? პელებდაქარგულ წინსაფრისა ორთავე ჭიბეში ორთავე ცელქ ხელს ჩაიწყობდი, დასვენებისას ფილაქანზე აუტეხავდი კაკუნს ფეხსაცმლებს, რა ვიცი, გქონდა? აჰ, მეფანტასტე აფრედერიკი — ფილაქნის ნაცვლად ფეხსაცმელი ააკაუნა, ეგ კიდევ რაა, ჩვენ სიგარეტი ხემის ნაცვლადც კი შეგვიძლია დაუუსვათ სიმებს, თუმცა რა გამოვა, არავინ იცის, გესწავლათ, კარმენ, რა იქნებოდა რა? გამოხვიდოდით პარტივსაცემი ყველასთვის ქალი, საწერ მაგიდაზე დიდრონ თვალედახრილს, სულ მეცნიერნი გეყოლებოდათ თაყვანისმცემელნი, სასიქადულოდ გამართული წინადადებებით მოისმენდით სიყვარულის ახსნას, სადაც სიყვარულზე მეტად გრამატიკა იჭარბებდა, თუმცა გრამატიკას რა სჯობს, ფიზიკ-ქიმი-მათემატიკის გარდა, ვიცი კია რომ, იყვენენ?.. ცოტათი ავცდი მგონია ჩემს დარგს, თუმც არა, არა, მიმოფანტასტეს სუყველაფერი ეპატიება, რაღა თქმა უნდა, უცენზურო სიტყვების გარდა, იმ სიტყვებისა, შენ რომ მრავლად მოგისმენია, გრამატიკულად გაუმართავი — თანაც. რომ მეცნიერი

გამოსულიყავ, მანდილოსანი იქნებოდი ბოშებისათვის საამაყო. თუმც, იქნებოდი? და მაინც, კარმენ, რა ძალიან კარგი რამე იქნებოდა, სასახელო ცოდნით რომ გესახელა თავი, მაგრამ შენ სულ სხვა რამით ისახელე თავი, ანდაა, სულაც, გამრჯე დიასახლისი გამოსულიყავ, მაშინ ხომ ქუჩურ შეხლა-შემოხლაში ნაუცბათევეად არვინ ვიბწკენდა, დამდგარიყავი დიასახლისი, ვინ დავიშლიდა ბულიონის კარგად მოხარშვას, და მხოლოდ ხახვის დაქრა თულა აგტირებდა მაგ ლამაზ თვალებს, დაამატებდი თუხთუხა კერძს საგულდაგულოდ გარეცხილ ქინძსა და რეჰანს, მერე, სულ ბოლოს — აღზევნის მარილს პირის გემოთი, თეფშებს ვერცხლისა დანა-ჩანგალს აქეთ-იქიდან შემოუწყობდი, მაგრამ სხვაგვარი დანა დაგქონდა კაბის საიდუმლო ჯიბით შენ, რეციდივისტს, მაგრამ მიყვარხარ.

მე რავეი, რატომ.

ხის ძირას კიდევ — გოგო იდგა, შეკრთა ბესამე...

## 8

დიდი ფიჭვის ქვეშ გოგონა იდგა, ჰალის რამონა, ცისფერ კაბაზე თეთრად მაქმანებგაწყობილი, შეკრთა ბესამე:

— აი ეს... თქვენე?

— კი.

ცამეტი წლის გოგონა, თხუთმეტი წლის ბიჭი.

— ნახვამდის, — თქვა აქ ბესამე კარომ.

— დიახ.

— როგორ ბრძანდებით...

— გიყვართ მუსიკა?

— კი! — ცოტა ხმამაღლა მოუვიდა ჩვენს ბესამეს და, და, დანიმორცხვა უფრო...

თვალმოკუტული იდგა რამონა, რადგან სახეში ჩამავალი მზის ნათელი სცემდა, ეპ, საიდან სად მოსული შუქი...

— აქ უკრავთ ხოლმე?

— რას ვშვრები? — შეკრთა ბესამე კარომ.

— თურმე აქ უკრავთ, — უთხრა გოგონამ და გაინაბა აქ ჩვენი ბიჭი.

ძილშივე წყნარად ჩაეღიმა აიმ ჯადოქარს.

— დიდი მაესტრო როგორ ბრძანდება...

— თქვენს მოსაძებნად სწორედ ბაბუმ გამომაგზავნა.

— ვინ?.. ჰო. ჩემთან? თუ რატომ... — დაიბნა მესამე.

— კონცერტია დღეს. სარაგოსელი მუსიკოსები ჩამოგვივიდნენ. იქით მოდიხართ?

დაღმართი ფრთხილად ჩაათავეს და ბესამე კარომ მერელა იკითხა:

— თუ იცით, სენიორიტა, რას ასრულებენ?

— მხოლოდ ბეთჰოვენს...

მხოლოდ ბეთჰოვენს! ნაკონცენტრალზე, უჩუმარ ღამით, გასრესილი და გადათელილი, თავის ლოგინზე ეგდო ბესამე, რა, ის რა იყო — დაგორებული მთებიდან ძალა? ამბოხებული გამოქვაბული? მიწისძვრა, ეგებ... ოკეანიდან ამოზრდილი დიდი ლურჯი მთა, ოკეანისა შესაფერი, გრძნობიერებით აღმომავალი... მაინც რა იყო — უღიადეს ხელს ვულკანიდან ამოჰქონდა გრძნეული ფიჭა, რა იყო ეს და — ბეთჰოვენის მუსიკა იყო, ჰერ კარტუზო კი — „ძალიან ცუდი ყველაზე კარგი ადამიანის მძაფრი პატივისცემით და თანდათანობით ხაზგასასმელი წერტილებია აუსტერლიცი და ვატერლოო — მონბლანი და ჰა...“, კარტუზო, თავზე დაგასხი ლაფი, შე... — ყოველნაირად შეგიძლიათ დაამთავროთ მიმართვა ესე, აფრედერიკი ნებართვას გაძლევეთ, ვინ ეკითხება თორემ კი, თავის დროზე ხომ სერ ბაბილონია აკი დაფასებული გახლდათ კი, კაცი, რადგან თვით დიდად გამოჩენილ ლოპეს მორალესს და კარტუზოს იმასთან უშუალო ცოლს ხანდახან, ასე, თვეში ერთ-ორხელ, ერთმანეთში რაღაცა ჰქონდათ, რაღაც კი არა, ყველამ იცოდა იგი ამბავი, ბესამეს ვარდა; იმან, ბესამემ, შეურყენელმა ბითურმა, ბევრი რამისა საერთოდ არა უწყობდა რა, ასე მაგალითად, ერთხელ, წოწოლაქუდიანმა მეკლარნეტემ, ძალიან ნადრევი წვერ-ულვაშით შემკულმა ტახომ ცხელი ამბავი რომ მოიტანა კონსერვატორიაში: „თურმე ჩვენმა კამუჩომ, აი, იმან რა, თერძმა, თურმე ლორთქო ბალახივით ცოლი ითხოვა და ის კი, ჰაჰა, თურმე ქალიშვილი არ აღმოჩნდა, ჰაჰა“, ჩვენმა ბესამემ ასე იკითხა: „ბებერი ყოფილა?“, ახლა კი, ახლა, ნაკონცენტრალზე, უმოწყალოდ გადაქელილი და გასაცოდავებული, მომცრო ქვეყანას მაინც იმა მუსიკის რბილად აჩაჩხულ მწვერვალებიდან დასცქეროდა და, აჰ, კაცთ ხედავდა მიმომავალთ, ვით ჭინჭველთ, ისე, ყველაზე მეტად მიწად დასრესილს კი — თავის თავს, ბეჩავს — სული ეწვოდა!, რა იყო მაინც.. რა და



ეს იმავ ბეთჰოვენის აგოროზებულად სპეტაკი დანაორთქლი იყო, ბიჰუნავ, ესე ტკივილი — ბეთჰოვენია, ბეთჰოვენი, პატარა მუსიკოსო, რამ მიგალურსმა ამაგე საწოლზე, ბგერებზედ მცირე მონადირევე, რა იცოდი რომ, თუ რა გელოდა, რაო, გაგსრისა? დაგკმუქნა, კარო? დაგწვა ხომ, ბიჰი?.. ძლიერ, ძალიან, ფრიად აჰ, დასწვა, ბამბას პენტავდნენ, და გრილი კეტის ყოველი დარტყმა ცხელ ტვინს უწეწდა, განრისხებული მზე ჩასდგომოდა დანისლულ თვალებში, უღმობლად დამარცხებული, გულალმა იწვა, ციმციმა ოფლი ამოჟღენთოდა შუბლზე, ყურებში ცუდი წივილი ედგა, ხელვხნს ჯიუტად. უნამუსო სიფრთხილით ტეხდნენ, განუკითხავი ტკივილი ღრღნიდა, და უილაჯოდ კენესოდა ბიჰი, ჩვენი ობოლი ბესამე კარო სხვისა ქალაქში, სხვისავ ოთახში, სულ სხვის ლოგინზე, სრულიად უცხოდ, სხვაფრივ ეგდო და აღმოდებული სულიდან ბეჩავ სხეულზეც ცეცხლგადადებული, ავარვარებული, ხელისგულზე ატკიებული, იხვეწებოდა: „რას მერჩით, ნეტა... მე ღარიბი ვარ, როგორც იესო“, ხოლო სასთუმლით დიდი მოხუცი — ქრისტობალდ დე როხასი ეჯდა, და გაფითრებით ატუზულიყო იქვე, კედელთან, შიშის რამონა.

აღკარასელმა მკურნალებმა სულ რომ ვერ გაუგეს ვერაფერი, ცნობილ ტერუელელ აქიმთან აფრინეს სოტო, მაგრამ იმანაც ნამგზავრი მხრები აიჩეჩა... ორ ძალიან გრძელ დღეს სადღაცას, სადღაც ცხელიანში ეგდო ბესამე კარო; აღმურიანი, სუსტად გმინავდა, გაჩახჩახებულ უდაბნოვან წყვილიადებში უგზოდაუკვლოდ დაეხეტებოდა და, კუშტი კლდე აწვა, და არ ესმოდა მკურნალთა მშრალნი: „ბიჰიკო, ბიჰი... გამოიხედე, რაა?!“ დახეტკილ ტუჩებზე ყინულს ადებდნენ, გამლხვარი სითხე დანაყრებული ხელიკივით ნელა და გრილად უცოცდებოდა ლავიწთან, დაბლა, ალი რაც უფრო ედებოდა, უფრო ქრებოდა საბრალო კარო და ბეთჰოვენით ამავე მწარედ, ასე სასტიკად ინათლებოდა. მესამე დღეს კი დიდმა მოხუცმა იმ ოთახიდან ყველანი დაითხოვა, თანაგრძნობის რამონაც, და ბესამეს შუბლზე მძიმედ დაადო მრავალნაცადი ხელი. სწორედ ის ხელი, რომლიდანაც რომ ხშირი აღზევების ჟამს ბახი, მოცარტი, ბეთჰოვენი, და ჰენდელი გამოდიოდა, და იმა ტორით სულში მუსიკაჩაწვეთებული, შეკრთა, გაფხიზლდა ბესამე კარო.

სიჩუმედ იდგა საღამოს პირი, სასტიკ თვლემებთან ნაომარი, და ზმანებებით მრავალჭრილობაგამოყოლილი, უარაქათოდ იწვა ლო-

გინზე ბესამე კარო, გულგრილ ჰერს ღუნედ ასცქეროდა, ესლა იკითხა:

— იმას... რა ერქვა...

— მესამე სიმფონია.

ბესამემ თვალი მოარიდა, თქვა:

— სოფელში მინდა... დამაბრუნეთ, გთხოვთ.

მოხუცი კუმტად დასცქეროდა ერთხანს, მძიმედ წამოდგა მერე:

— დილამდე, მოიციდი?

— დიახ. რა თქმა უნდა...

ღია ფანჯარიდან მთვარე მოჩანდა, სავსე და მქრქალი... ყოველივეს თუ შავად ნაფერი იღუმალება ემატებოდა, ის — ერთადერთი, სრულიად ღამის ცალი გუშაგი, ბნელით კვებული, მთვარე, მსუყდებოდა და, შორეული სევდით სახეზე რაღაცას კრძალვით ელოდებოდა მოკეცილ იდაყვებზე წამოწეული ბესამე კარო, ქვედა სართულზე კი მოხუცი აფრად სახურავახდილ როიალს მიუჯდა, მანაც გახედა იგივე მთვარეს და აის სონატა, სონატა მთვარის, სამად და სამად დაბზარული, მოედო მთელ სახლს, გაუჯდა კედლებს, მთვარის ნატიფად უილაჯო, და მშრალად ლბილი თითები დაპოტინებდნენ ღამეულ სხვენში, და მიგდებული ნივთების უღონოდ მაწანწალა, დამტვერილი სულები ბესამეს ირგვლივ დაფათურობდნენ, და იღუმალი ნეტარებისგან რაღაც მთავარი ძლიერ ტკიოდა წელან მორჩენილ ბესამე კაროს, ხოლო როდესაც დაკვრა მოწყვეტით, უდროოდ მოსპეს, და ჰაერში რომ მკვეთრად გაიყინა მიმოციაგე თრთოლვით ბგერები, რაღაცა სურდა ლოგინიდან თურმე წამომდგარს, მომცრო აივანს მოშიებული გადაეყუდა და, ეზოდ გამოსული, თეთრი ლივლივით გახევებული დიდი მოხუცის დანახვაზე, ღამეულ ბნელსა და სიჩუმეში, კვლავაც ჩურჩულით, ისევ, იკითხა:

— რა... ეს რა იყო... ეს ვილა იყო?

— ესეც ბეთპოვენი იყო, ბესამე, — ჩურჩულითვე ზეამოესმა, — ის, ვინც გენიალობამდე აიყვანა თვით სიმარტივეც.

გაბრუებული ბესამე კარო ოთახისაკენ ღუნედ შებრუნდა, და უცებ — მიხვდა!

... ის მიდიოდა დიდი ტახტისკენ; ბესამე კარო, სუნთქვაშეკრული, მიაბიჯებდა დიდი ტახტისკენ, რომელზედაც რომ მისი კუთვნილი, ჭერაც გემო და გულვერჩატანებული, მოგრძო საკრავი, ხავერ-

დის ნაქრით შემოხვეული, იდო, და ეს ბესამეც გზადაგზა, იმ მცირე, მაგრამ ისე საოცრად აღმომჩენად ექვსნაბიჯოვან გზაში, ბევრს რასნე უფიქრელად და უგანსჯოდ მიხვდა, იმ ნაქერს სასოებით დასწვდა, გამოანთავისუფლა საკრავი და ხავერდი შუბლზე შემოიხვია, ირიბად გაინასკვა საფეთქელთან, ფრთხილად ასწია ახლად-შობილი თითქოს ფლეიტა, უყურა ერთხანს, ავესო სული, მერე ტუჩებთან მიიტანა და, მაშინვე მიხვდა, რომ აქ პირველად, სულ პირველად, კი, კი, პირველად, რომ ეამბორა, და ავსებული სულიც შთაბერა... და ყოველივე — ლტოლვაც, სინაზეც, იდუმალება, მაშინვე, მყისვე, გადაუხადეს, ამოუბოძეს: იმა გრძნეულმა ჯადოქარმა თავისი უცხო, სევდის ლაშქარი ბგერებად დასძრა, გამჭოლ სირბილედ მოედო ჰაერს ყველაზე მეტად კეთილშობილი ლითონი — ვერცხლი, მართლა უკრავდა ახლა ბესამე, სუყოველივე გაეჟღინთა იდუმალ წუხილს, უცხო ხილვები ჩაედგარა სიზმრის რამონას, ხოლო ეზოში დიდი მოხუცი გრილ ხესთან იდგა, ხისათვის მძლავრად მოეხვია ნაცადი ხელი, ხოლო სათუთად მიმომსუნთქველი, თვალმილულული ბესამე კარო სალუქ ღამესთან მთლიანობას და ერთობას გრძნობდა, რადგან ფლეიტას მთვარის მჭვირვალად ჩამომწვდომადი სული ედგა, მთვარე კი — ფლეიტის ბაცი კუნძული იყო.

— სოფელში, მაინც წახვალ? — მცირე ალერსით დაეკითხა დილით, დაქანცულს, საესეს, ტანჯულს, ბედნიერს, ქრისტობალდ დე როხასი.

— არა, აპ, არა... გთხოვთ, მაპატიოთ.

ხომ გესმის, კარმენ?! იმას შენსავით რომ დაეწყო აღმა და დაღმა უთავბოლო ტანტალი, ვერ მიაღწევდა ვერაფერს, კარგო, რა იქნებოდა, მოხვედრილიყავ ალკარასში და თეთრ შენობასთან ჯადოსნური ხმები გესმინა, თუმც, რად გინდოდა, თავად იყავი ჯადოქარი, ოღონდ სხვა რამის, ცეკვისას სხეულს როგორ იგრეხდი?! აფრედერიკმა რომ იშოვა ბოლოს და ბოლოს შავი მელანი, შენი თვალები ახსენდებოდა, და შენივე ცეცხლს სტრიქონებში ისე ნატრობდა? — აპ... აფრედერიკის ბესამემ, კარმენ, წერა-კითხვაც კი შეისწავლა, გამოჩენილ კომპოზიტორ ბეთჰოვენის ამბები რომ წიგნად ეკითხა, თუ არ უკრავდა; შენსავით კი არ აბღღვრიალებდა შაბებარ თვალებს — თავაუღებლივ კითხულობდა. შენ კი, გენაცვა, ხეირიანად წერა, ან კითხვა, ანდა ციფრები მაინც გესწავლა, თუმც, რა ჯანდაბად გინდოდა, თორემ კი, ისეც მშვენივრად მოგეხსენე-

ბოდა. შენ-შენი უარყოფითი, მზაკვრული საქმე, და ძლიერ მიკვირს, ბნელით მოსილი, ისე ძალიან როგორ ჩახჩახებდი; დიადმა ხელმა ვრცელი მოთხრობა დაწერა შენზე, მაშინ როდესაც რამდენ უბიწო ქალთა სქესის წარმომადგენელს შეცდომითი დეპეშაც კი არ ღირსებია, ის კი არა და, გადასარევი ოპერაც კი შეგვიტხზეს შენზე, მაშინ, როდესაც რამდენ დადებით კარგ ოჯახიშვილს აბღავლებული გლახა სიმღერაც კი არ სმენია, რა ნახეს მაინც შენში ისეთი, მაგრამ მიყვარხარ. მტკივიხარ, კარმენ, იმაზედაც კი შეგვკრთები ხოლმე, ფეხშიშველა რომ თავისუფლად დაშტრიგინებდი, არ შეგსობოდა ბოროტი ხიწვი.

ის ბოლო დანა, ძაან გეტკინა?..

9

ხოლო კარტუზო ბაბილონია:

— აბა ვინ იყო ძალიან ცუდი, მაგრამ ყველაზე დიდი ადამიანი? თქვენ მიპასუხეთ...

— ნაპოლეონი, სერ.

— სწორია. აბა ახლა თქვენ მიპასუხეთ!

— ნაპოლეონი, მილორდ.

— სავსებით სწორია. ოღონდ სრული პასუხი მინდა.

— ძალან ცუდი, მაგრამ ყველაზე დიდი ადამიანი იყო მისი კეთილშობილება იმპერატორი ნაპოლეონ ბონაპარტე, მონსენიორ.

— კარგია, ყოჩაღ, ფრიადოვანს გიწერთ. აბა ახლა თქვენ!

— ყველაზე კარგი ყველაზე დიდი ადამიანი, — ფეხზე წამოდგა ბესამე კარო, უკვე თექვსმეტისა იყო, — დიდი ბეთჰოვენი გახლდათ, ჰერ.

გაბრაზებისას კარტუზო ბაბილონიას მარჯვენა მხარე რალაცნაირად უფრო მეტად ექმუჭნებოდა, განრისხებისას კი — მარცხენა. ახლა ჯერ მხოლოდ მარჯვენა ნახევარკვადრატზე იყო მიმდგარი საქმე:

— მე სახელმწიფოებრივ მოღვაწეებზე გეკითხებით, და არა თქვენებრ მუსიკოსებზე, ყმაწვილო.

— („თქვენებრ მუსიკოსებზეო, ე!“ — გადანცვიფრდა აქ აფრედერიკი, მაგრამ ბესამე წამოროშის ვერ ჩახვდა).

— მე ადამიანი მომესმა თქვენს პირველ შეკითხვაში, სენსეი.

— და მერე განა ნაპოლეონი ადამიანი არ იყო?

— ვინ იცის, ბენა.

ის ერთადერთი ალკარასელი, რომელსაც რომ ჩვენი ბესამე — წყნარი, მორჩილი, წესიერი, ნადრევედ ობოლი, გამომწვევად ესიტყვებოდა, მეპისტორიე კარტუზო გახლდათ, ხოლო ამჟამად ამ უკანასკნელის დაჰმუჰვნელობამ მარცხენა მხარეს გადაინაცვლა:

— შენ, ლაპო, დამიგდე ყური! — შენ და შენნაირმა ტუტუ-ცოვანმა მუსიკოსებმა ვთქვათ და ცხოვრებაში რაგინდ ბევრ ტაშს მიადწიონ, კარგად იცოდე, მაინც სახელმწიფო მოღვაწის მძლავრ მარწუხებში ხართ გამომწყვდეული და როცა მოუნდება, მაშინ დაგლეწავთ, ხოლო ამჟამად ადგილობრივ ეს დიადი პიროვნება დიადი დე ლოპეს დე-დე მორალესია, ჰეშმარიტი მამაკაცი, და მუჰში აიი, ასე, სწორედ ასე ჰყავხართ, იგი კი ჩვენი კეთილდღეობისათვის ზრუნვაში დღეს და ღამეს ასწორებს, უძლიერესია იგი, მოუნდება და? — ალგვის, გაგაქრობს... შენი ბენტერა ბეთხოვენიც სწორედ ასეთი იქნებოდა, ფიპ, უსუსური.

— თქვენ შესაძლოა ერთის მხრივ სწორს ბრძანებდეთ, მაგრამ მეორეს მხრივ, ჭეჩაში რომ გავაჩეროთ ვინმე გამვლელი და ვკითხოთ, თუ ვინ იყო ბეთხოვენის დროს ყველაზე მძლავრი კურფიურსტი, ასე მგონია ვერ გიპასუხებთ, ხოლო თუ ვინ იყო ბეთხოვენი, ძლიერ ნაკლებად მოსალოდნელია რომ არ იცოდეს, კარტუზო ფედოტის-ძე.

— რაებსა ჩმახავ?

— მე ჩემი აზრი მოგახსენეთ, კარტუზო-სან.

— შენ შენი აზრი, — მთლად მობრეცოდა გადაჰყლელი მარცხენა მხარე ბაბილონიას, — ვირებისათვის შეინახე, ხოლო ჰისტორიაში — არადამაკმაყოფილებელს გიწერთ.

— რა შუაშია აქ ისტორია, პან კარტუზო?

— იმ შუაშია რომ!, სწორედ ისტორიაში არადამაკმაყოფილებელს რომ გიწერ!, იმ შუაშია!

— რატომ, ბატონო?

— არაა მაგი შენი საქმე! დატოვე ახლაცე აუდიტორიის კუთვნილი ტერიტორია! — მზერა მრისხანედ გაადევნა, — ლაწირაკი ეს...

ხოლო როდესაც ბესამემ კარი არცთუ ძალიან ფრთხილად მიიხურა, ცალფლანგმოშლილმა მეპისტორიემ დაქადნებით ასე წარმოთქვა:

— შენ თუ აღდგენით სამუშაოებს არ მივამაგრო, კაცი არ ვიყო...

ოკეანეში მიმობნეულ კუნძულებთაგან ყოველზე იჭდა თითო მფლობელი, თავის მიწაზე — მარტოკანი იყვნენ. წვითა და დაგვით, და აღმაფრენით, და ნეტარებით, და ვრცელი ტანჯვით თავის კუნძულზე უცნაური და ფერადოვანი, ჰაერშივე გამოკიდულად მთრთოლაფფესვება, მცენარეები გამოეზარდათ უნდა. იყვნენ კონსერვატორიაში ისეთები, თავთავიანთ კუნძულს ბრძნულად მოქნილი თითებით რომ განაგებდნენ, ანდა, ჩაბერვით გადასცემდნენ უკვე მიმხვდარ სულს, და მცენარეებს ძალა და ხიბლი ემატებოდათ, ხოლო შორეულ და უხილავ ფესვთა ბრჭყალები გადასაკარგავ იმ მარადიულ მატერიკებში ჩაზრდომოდათ, რომელთაც ბახი, ჰენდელი, მოცარტი, ან როგორც ახლა, ბეთპოვენი დიადად ერქვათ.

ჩენი ბესამე ჯერ მხოლოდ მცირე მეჩეჩზე იჭდა, თუ ეძინა და — მაინც, რადგანაც ყოველ დღე-ცისმარეს სიზმარშიაც კი შიშნეული გახარებით უცდიდა, რამეთუ თავითი ძნელი საკრავი, ფლეიტა, ედო. საკრავი ყველა ძნელი იყო, მაგრამ ბესამე შედარებით იოლად შესცქეროდა კლარნეტსა თუ ალტს, დილდოობით თვალახელილი კი, მუდამდღე ისე იღვიძებდა, როგორც პირველად — სასთუმალთანვე მოგრძო და მშრალი, აწ გაფაციცებულ ჯადოქრინი, მოთბო ჩაბერვით გასაცოცხლებელი მთელი ერთი ქვეყანა, გესმით, ქვეყანა, ქვეყანა ედო, და ყოველ წამიწამს ახსენდებოდა მიმოფლევით კეთილმანესტროს — კარლოს სეგოვიას სიტყვა: „შენი კუნძული ფლეიტაა, ჩემო ბესამე, ხოლო ფლეიტა ჩაფიქრებული ანგელოსის სუნთქვას წააგავს“.

ბესამე კიდევ — მხოლოდ მცირე მეჩეჩზე იჭდა, მაგრამ დაკვრისას შორი ქვეყნიდან სულ მუჭა-მუჭად ჩამოჰქონდა მშობლიურად ღორღიანი მიწა, ქვებიც ერია — რადგან ბესამე დაკვრისას ხშირად ბორძიკობდა და, ეკაწრებოდა რაღაც-რულაცას უკვე ჩამხვდარი სმენა და სული. ოთახად იყო, ამოღრმავებულ კლდეზე მოკალათებულ იყო თუ რა, გულგრილად ველარ ჩერდებოდა ფლეიტის ურჩი ჯადოქარი, ხან გაურბოდა, ხანაც ნელა მზარდ მეჩეჩზე ფეხს გაჰქირვებით იკიდებდა, და სულ სხვადასხვა იერს იღებდა, ოღონდ — მოწყენილს, იმას ვერავინ გააცინებდა, ეჰ, დარდიანი, იღუმალი საკრავია იგი ფლეიტა, გაყუჩებული, ამბორს ითხოვდა, და ბესამე რომ ძლიერ ფაქიზად დაადებდა დარცხვენით ბაგეს, სულო ცოდ-

ვილო — ქალის რამონა ხანდისხანობით ახსენდებოდა კიდეცა, აქ...

შენ კიდეც, კარმენ, გიტარა და კასტანეტები და იმისი ჯანი... აჰ, რა ხმამალა გაიცინებდი, იმათი სისულელემდე მოგულუბრყვილო საუბრები რომ მოგესმინა. ასეთი, თუნდაც:

— მე არასოდეს ფეხს არ შევდგამ რიკარდოს ქუჩის დასაწყის-შიაც კი, — უეცრივ ასე წამოიწყო ბინდის რამონამ, ყვითელკობ-ლება თეთრი კაბა გვირილებივით ტანს მოსდებოდა, ბორცვიდან ფრთხილად ჩამოდიოდნენ და პასუხისმგებლობით სუნთქვაშეკრულ ბესამეს ხელზე მსუბუქად დაყრდნობოდა ნდობის რამონა, — რად-გან რიკარდოს ქუჩის ბოლოში ცუდი სახლი დგას. შენ ეს იცოდი?

— კი.

თქვესმეტი წლის ბესამე, თოთხმეტი წლის გოგო...

— საიდან იცი? — შეჩერდა კიდეც წყრომის რამონა, და მო-აცილა საკრავით ფაქიზი და ძნელი ერთდროულად, ხელი.

— ტახომ თქვა ასე, ერთი ბიჭია... — შეკრთა ბესამე.

— სად თქვა.

— კონსერვატორიაში, შესვენებაზე.

— მუსიკის თეთრად ამალღებულ სახლში, ღვთაებრივი ბგერე-ბის ტაძარში, — ძლიერ გამკაცრდა მალაღფარდოვნების რამონა, — ამისთანეებს გეუბნებიან?

— არა, მე კი არ მითხრა, სხვას უთხრა და მე გავიგონე.

მართალს ამბობდა.

— ეს შეიძლება, — მყის აპატია დიდსულოვნების რამონამ, და-ძაბულს, ისევ დააყრდნო ხელი და მაშინვე რომ მოაცილა, შემფოთ-და ბესამე, მაგრამ რამონამ ასე მიმართა:

— იმ ყვავილს ხედავ?, მომიტანე, მინდა.

კარტუზო-აღა ბაბილონია კი დიდი ჰერცოგის მისაღებში ატუ-ზულიყო. ძლიერ ღელავდა, მნიშვნელოვანი რამ სათქმელი აგერ უკვე ექვსი დღე იყო, პირის ღრუში ედო. ნოხებიანი კედლის იქით კი დიადი ჰერცოგი ლოპეს დე მორალესიც გვარიანა ღელავდა; დი-დად თუ გლახად გამოჩენილ ბონაპარტესი არ იყოს, ორი საქმე ერთდროულად ეკეთებინა, მასაც შეეძლო — აწრიალებული ბოლ-თას რომ სცემდა ეს ჯერ ერთი და, ფიქრობდა თანაც: „ნეტა რა უნდა... კანონიერი ქმარია, რაც არ უნდა იყოს, მაინც... ეგებ აღევ-

სო მოთმინება... და შურისგება გადასწყვიტა..“ და საექვო სტუმრის გრძელ სახელოში შემალული უუბასრესი დანის შიშით, ჯანლონით სავსე მოდღეზილ კაც-მდივანს კარტუზოსათვის აი ასეთი რამ ათქმევინა: „დიად ლოპესთან შესვლა თუ გნებავთ, ჯერ მექისემ ყოვლად უფასოდ საგულდაგულოდ გაგხეხოთ უნდა...“ „რატომ?“ „იმიტომ. ქვემოთ წამოდი, იქ აბანოა“. აქ შეიშმუშნა ბაბილონია, რადგან ცოლს თვისას, სახელგავარდნილ მერგრეტ ბოსკანას, ასეთივე წესით — საგულდაგულოდ გახეხილ-დაბანილს უშვებდა იგივე ჰერცოგთან, და პატარა ხანში მარმარილოს გულგრილ ტანტზე ბრტყლად გაშოტილი, ზურგზე დასმული მექისეთი, უსიამოვნო ექვით ფიქრობდა: „ამ უშვერებმა... რამე არ მიყონ...“, მაგრამ ცდებოდა — გვერდით ოთახში მის საგარეოდ ძვირფას ტანსაცმელსა და საბუთებს საგულდაგულოდ ჩითავდნენ სამნი, ეს იყო და ეს.

— უდიადესად დიდო ჰერცოგო, სახელოვანი ვრცელ-პროვინცია თქვენის წყალობით განათებული მურსიის ჟანგბადოვანად მანათობელო მზევე, ხომ ძალიანი კარგად ლამაზად ბრძანდებით, ჰაა? — ასე იკითხა ნააბანოვარმა მეპისტორიემ, აკრიალებულ პირისახეზე ჯერ კიდევ არ გამოყოვნოდა სხეულისმიერი ზეთი..

— გისმენთ, კარტუზო.

— ძალიან ფრად მახარებს მე, კარგად და ჯანმრთელად რომ ბრძანდებით, ორასი ბულის ჯანი მოგცესთ...

— მე გისმენთ-მეთქი.

— საიდუმლოა, თქვენო საბედნიეროდ კეთილადნამობილიებავე, — მიმოიხედა საუკუნეთა წიაღის მჩხრეკმა, — და ხოლო თუკი აეს მხლებლები ორიოდ წუთით დასტოვებენ თქვენს ღრმასამუშაოიან ნათელ დარბაზს, მსწრაფლ მოგახსენებთ.

— ეგ არაფერი, სამთავე ყრუა, — თქვა ჰერცოგმა და შუბლზე მოსმული მყის გაქონილი ცხვირსახოცი ბროლის ურნაში რომ მოისროლა, ახალ განსაწირ ცხვირსახოცს დასწვდა, — თქვი, რა გაწუხებს, ოლონდ დროულად ამოღერდე.

— დიდო ჰერცოგო, უმორჩილესად მინდა გთხოვოთ, რომ პროვინციის მთელ მუსიკოსებს ერთ სანაქებოდ გაშლილ სუფრაზე მოუყაროთ თავი და...

— ხელფასი ხომ აქვთ? — წყნარად იკითხა ლოპეს მორალესმა და ოდნავ განზე იქცია ყური.



— კი, როგორ არა, — ყოჩაღად უპასუხა მესამე მხლებელმა.

— აბა ჩემგან რა ჭამა-ყლაპა უნდათ, — კარტუზოს მკაცრად შეხედა იმისი ცოლის თვეში ერთ-ორხელ ამხანაგმა.

— ხელფასი კი აქვთ თქვენის შეწევნით, დიდო ჰერცოგო, მაგრამ იმათი კვება-გაძღომა კი არ მინდა მე...

— აბა რა გინდა, არ ამოშაქრავ?

— მე მინდა, რომ ყველა დავწამლოთ.

— რაო?

— მოვწამლოთ კარგად. რომ დაიხოცონ.

მცირეოდენი გასაკვირვალი პროვინციათა მთავარმმართველებს როგორ არ ხვდებათ, კი, კი, მაგრამ ლოპესი თანამდებობისას მხოლოდლა სამჯერ გადანცვიფრებულა ძლიერად—ერთხელ, როდესაც ვალენსია-აღდაბადაკრა-მადრიდის<sup>1</sup> გზაზე უმშვენიერეს, არაბეთიდან ახლად ჩამოყვანილ ბედაურზე იჯდა, ცხენი რატომღაც უხალისოდ მიადგამდა ფეხს, ხოლო ჰერცოგმა მბზინავ კისერზე ხელი რომ მოუთათუნა და ესპანურად ჰკითხა: „რა იყო, რატომ მოგიწყენია?“, პირუტყვემა ოდნავ იბრუნა თავი, ალმაცერად გამოხედა და ესპანურადვე რომ უპასუხა: „აბა, შე ვირიშვილო, ჩემნაირ ცხენზე უნდა იჯდე შენ?“ — აი, პირველად მაშინ გადაგვინცვიფრდა ლოპესი — იმ არაბულ ცხენს ესპანური! აბა საიდან უნდა სცოდნოდა? მეორედ მაშინ, ჰერცოგ ალბას დაბადებიდან ოთხმოცდამეთოთხმეტე წლისთავის აღსანიშნავ, ხეხილის შსხმოიარე ბაღში სიმბოლურად გამართულ მეჭლისზე ეროვნული გმირის ნათელ ხსოვნასა და სალიდებელს ორთავ ფეხზე მდგარი რომ ამბობდა და მის შინაარსიან ლაპარაკისას ხიდან ორი ალუბალი სწორედ მის სავარძელზე მხლებელთათვის შეუმჩნევლად რომ დავარდა და სააღლუმოდ თეთრშარვლიანი ლოპესი ტაშისცემის გრიალში იმ ალუბლებზე რომ დაჯდა, შემდეგ კი გაჭიმულ-გასუსულ გარნიზონს ამაყად რომ ჩამოუარა და თანმხლებნი ვერც ამქლავნებდნენ მარცხს, ზოგსაც კიდევ აის მრგვლად მყვირალა ლაქები რაღაც ახალი ჯილდო თუ წოდება ეგონა, და აი მეორედ სწორედ იმ საღამოს გაშრა, პირში-მთქმელმა ცოლმა შინ მიბრუნებულს ეს ყოველივე ზედ შიგ პირში რომ უთხრა და საჩქეებიან დარბაზში კარგად დაინახა ზურგითა ტანი. ეეს — მეორედ, მესამედ კი ახლა განცვიფრდა:

<sup>1</sup> მადრიდი — ქალაქია ესპანეთში.

— კი მაგრამ, რატომ?

— საჭირო არის.

— კი მაგრამ და, რატომ?

— საჭიროა და რა ვქნა, თქვენო კეთილშობილეთადა?

— ჰა, აღარ იტყვი, შე შობელძალლო? სამთავე გადით...,... გისმენთ, სენიორ.

— შთამომავლობაში თქვენი კეთილდღეობისათვის, დიდად მოწყალო ხელმწიფევე, სწორედ ასეა ზუსტად საჭირო.

— მუსიკოსები რომ დაიხოცონ?

— აუცილებლად, — მკვირცხლად მიუგო ბაბილონიამ, ძალიან ცუდი ხარისხის ზეთი უკვე მოსდებოდა შუბლ-ცხვირ-ღაწვებზე, — წრუწუნებივით გავჟღიტოთ უნდა. მაინც ისედაც აწრუწუნებენ შტერულ საკრავებს.

— კი მაგრამ, რატომ? მუსიკოსები ძირითადად უწყინარი ხალხია.

— თქვენ უწყინარი ეძახეთ და, — ჰერცოგისაკენ გადაიხარა კარგა შორს მდგარი ბაბილონია, — მაგრამ სამასი წლის შემდეგ მსოფლიოს ხალხებს შესაძლოა ზედმიწევნით არც ეცოდინოთ ღვაწლი თქვენი და არსი თქვენთა დიად საქმეთა, ეს იმიტომ რომ, ბახთხოვენიებერ მუსიკალურ ვიგინდარებზე ექნებათ გადატანილი მთელი ძირითადი ფუჭი ყურადღება.

— მურსიის ბრიყვი მუსიკოსები რაღა შუაშია?

— ვინმე ცნობილი არ გამოვიდეს!..

ფეხზე წამოდგა წოდებ-ლოპესი, ვრცელ კაბინეტში გაიარა-შედგა-გამოიარა.

ძლიერ ფიქრობდა პასუხ-არჩევანს, სხვადასხვანაირ აწონ-დაწონილებებში ისე ჩაეფლო, მძიმე სიჩუმის შესავსებად დროდადრო მეტისმეტად დაუდევარ შეკითხვებსა სვამდა:

— თქვენ ცოლი თუ გყავთ?

აქ პან კარტუზოც ძლიერ დაიბნა:

— ოღონდ, არც ისე...

— რა ქვია?

— ვის, ცოლს? — მთლად აირია მილორდ კარტუზო.

— არა, მუსიკოსს.

— ბახთხოვენიო, მაგრამ მგონი ეს გვარი არის. დაგიზუსტოთ თუ?

— არც საჭიროა... აი, სიერა-ნევალის მმართველს... მუსიკოსები ძალიან ბლომად... მცირე ნაღვეი... რაზე დავჯექი... გაქნილიცაა... — ფიქრთა ნაწყვეტებს აქა-იქ მდორედ ამოთქვამდა ადგილობრივად აღიარებული მმართველი, — სტუმრიანობა... მუსიკა უნდათ... სტუმრები დამიდიან... ის რომ თქვან?... ჰალი...

და ლოპეს მორალესმა ნაღვი პასუხი რომ მოიფიქრა, დაუდევრობა მყისვე უარპყო და — კვლავ გაპერცოგდა — სავარძელზე ამყად დაჯდა, მუშტები მკაცრად დააყრდნო მოჩუქურთმებულ ძვირფას მაგიდას, ნიკაპი მძლავრად დააბჯინა ჩახუჭუჭებულ წრიულ საყელოს, თვალში ძალუმად შეაცქერდა და, სთქვა:

— სამასი წლის შემდეგ, ბაბილონიავე, ესე იგი ჩემს მერე, ქვა ქვაზეც ნულარ დარჩენილა, მე კი — ახლანდელ, დღევანდელ პერცოგს, მოსამსახურე და სათავისგამომჩინო პერსონალი — ანუ მხლებლნი, მზარეულნი, მუსიკოსები, მექისეები, უნდა მყავდეს. — და ცბიერებით ერთობ აღვისილმა, თავი დახარა, ძაან ქვემოდან ამოხედა და, ჰკითხა: — მე რა, რითი ვარ სხვა პერცოგებზე ბევრად ნაკლები?

— ნაკლები კი არა, დიადო მეფევე, სხვა თქვენისთანა არც მეგულვის ქვეყნად თქვენებრი.

— ახლა კი მიბრძანდი. ხოლო ძილისას ნუ წკმუი ხოლმე, არაა კარგი.

## 10

ხოლო ფლეიტის მთვარის საღუქი, ვერცხლად თხიერი სული ედგა და მთვარის ხილულად იღუმალ შუქზე, ღამის ციაგა სასოებაში, მჭრქალ წუხილისას უფრო ჟღერდა და, აიმ ფლეიტას შედგომილი ჩვენი ბესამე, უიმნატიფხმოდ ღამლაშობითაც კი ველარ სძლებდა, და იმ განაბულჯადოქრიანი საკრავით ხელში, მიძინებული ქალაქის ქრელა-ქრულა და ამოუცნობი, მომასწავებელი მრავლის — ტლანქად უწონო სიზმრები რომ არ შეეწუხებინა, სუნთქვაშეკრული აღიოდა კასერესას აღქმულ ბორცვზე და ღამის პეშეში ფრთხილად ჯდებოდა, რათა დაეკრა იქ.

ქვემოთ კი ცოტა მისი და ცოტათი ჩვენი მცირე ქალაქი რამ აღკარასი ჩაბუდებულყო შავად, მხოლოდ ფარნებით წრიატებდა და, მისავათებულს, მიგდებულს თითქოს, სასოება რამ ეფინებოდა — ღრმად მოერთგულე სულის ჩაბერვით, მკვირვალ თანხმოვ-

ნებს გამოსცემდა მჩატე საკრავი, მერე — ხმოვნებად იწელებოდა, მფშვინავი სუნთქვით იმ კუნაპეტში უჩუმარ ბზინვით იჩეკებოდა ვერცხლის ყლორტები, რადგან ფლეიტა — მთავარი შტო იყო.

ის სიფრიფანად ღონიერი ჯადოქარი კი რაებს აღარა სჩადი-  
ოდა — მელნისფერ ბნელში, მთვარით იისფრად მოვარაყებულ, მიმოძინებულ მცირე ქალაქზე დიდ ხელისგულებს გამასწორებლად უსვამდა თითქოს, სინაზით ოლონდ, და ნათლისაკენ ფილაქნიანა აიყვანდა კიდევაც, მაგრამ, თითები არ ჰქონდა. ვინ იფიქრებდა, მი-  
ნამ უწვრთნელი ბესამეს ხელში იმოდენა ხანს თუ ძილად ეგდო —  
ნამბორალი, ფაქიზად სულშთაბერილი, შთაგონებული ახლა, კუმ-  
შვად სურვილად იწელებოდა, ღამეულ მფლობელს, რაღა არ ჰქონ-  
და მოსაფერები — იქაური ტყე, იმსიდილო ცა, ისეთი ბორცვი...  
ჯადოქრულ სუნთქვას აყოლილი ჩვენი ბესამეც, ღრმადამეული  
სიგრძილით ჟრჟოლადავლილი, ღამის ლებანში კენტად იჯდა და, სა-  
თუთი ხმებით გარემოსილი, იმ ტკივილიან სინარულს გრძნობდა,  
ხანდახან შვებას რომ ეძახიან, მაგრამ ერთ ისე-რა ღღეს, ჩვეულებ-  
რივი ამინდი გახლდათ, პან კარტუზომ თქვა:

— ყველაზე დიდი ძალიან ცუდი ადამიანებიც კი მარცხდებიან  
ბედის სიმუხთლით ბოლოს ხოლმე და, აბა, მითხარით, თუ რომე-  
ლია ყველაზე დიდი ძალიან ცუდი უღიადესი ადამიანის ყველაზე  
დიდი დამარცხება?

— ვატერლოო, სერ, — ფეხზედ წამოდგა თმანშირი ტახო.

— კარგია, ყოჩაღ, ფრიადოვანს გიწერთ.

— გმადლობთ, ეფენდი.

ჩვეულებრივი ტაროსი იდგა.

— ხოლო რას იტყვით აი-აი თქვენ?

— ყველაზე დიდი ადამიანის უღიადესი დამარცხება ის იქნე-  
ბოდა, — წამომართა ბესამე კარო, — მესამე სიმფონიის თავფურ-  
ცელზე წარწერილი მიძღვნა ნაკუწებად რო არ ექცია, ბვანა.

მილორდ კარტუზო შეიკმუხნა და:

— მაინც ისეთი რა დიდი უბედურება ეწერა შავით თეთრზე  
ზედ?

— გულუბრყვილობით, ჯერ ბონაპარტეს მიუძღვნა ესე ქმნი-  
ლება, სენსეი.

კარტუზოს ფერმა გადაუარა, ცნობისწადილმა. აცთუნა მაინც:

— რა ქმნილება?

— მესამე სიმფონია.

— რაის მესამე...

— ბეთჰოვენის, ჰერ.

ცოტა ხნის მერე კარტუზო-ალამ თქვა:

— მე აქ მუსლიტერატურის სულელური გაკვეთილები არ მაქვს, ჯერ ეს ერთი და, დაა, მეეორეც, ცუდოვანის დაწერის გარდა, აღდგენით სამუშაოებზე გამწესებულად შეგიძლიათ ჩათვალოთ. თავი.

— ფედოტიჩ, რატომ?

— ეს იმიტომ რომ, — ყურიც კი ოდნავ უცახცახებდა თავშეკავებულ მეპისტორიეს, — მე სხვას გეკითხებით და თქვენ სულ სხვა რამეს მპასუხობთ თვით მე.

— ეგ აღდგენითი სამუშაოები რალა შუაშია, დონ.

— იმ შუაშია, რომ ჯანსაღ სხეულში ჯანსაღი სული წევს.

ბესამემ ერთხანს უყურა და მერე იკითხა:

— იმ გარდასული კაცთამკვლელისთვის ჭეშმარიტ საქმეს რად უნდა მომაცდინოთ, ბეი?

— ვინ მოგახსენათ, ჯერ ეს ერთი რომ, კაცისმკვლელი იყო? ისტორიაში აკი ცნობილია, რომ უშუალოდ ნაპოლეონის დიად ხელიდან არც ერთი კაცი არ დახვრეტილა, ბიჟო.

— ეგ ხომ არაფერს ნიშნავს, ო, მაპარაჯავ.

— რატომ არ ნიშნავს მაინც არაფერს, რატომ, ჰა!

— იმიტომ რომ, სენიორ, ნაპოლეონს ალბათ არც ადამიანის ხორცი უგემნია, მაგრამ მაინც კორსიკელ კაციჰამიას ეძახდნენ, მონსენიორ.

აქ მისტერ კარტუზომ მუშტები აღმართა, თვალები დახუჭა, მაგრად შეისუნთქა, თავი გადასწია და აიძახა:

— ახლავე დატოვე აეს დარბაზი!!

აღდგენითი სამუშაოები ალკარასს გარეთ, დიდფანჯრებიან — რალაც — მორუხფროდ შეღებილ დარბაზში რომ ტარდებოდა, ეს კი იცოდა ბესამე კარომ, მაგრამ შიგნი-შიგან თუ რა ხდებოდა, ამისა არა უწყოდა რა.

— ბაბუს არ უყვარს ეგ შენობა, — თქვა ბინდის რამონამ, ძლიერ ყვითელი სამოსი ეცვა, ლურჯი მაქმანით კოხტად გაწყობილი. და ბესამესაც აღარ უკითხავს — „რატომ“ — რიკარდოს ქუჩის ბოლოში: მდგარ დაწესებულებასაც რომ არ გადასწვდნოდა სიტყვა. ნოემბერი იდგა, ზამთრისპირა თვე, აღარ იბანავებოდა მცირე მდი-

ნარეში, ქალაქის საპატივეცემულოდ ალკარასულა რომ ერქვა. იმ მდინარიდან კი მცირე რამ არხი გამოიყოფოდა, რომელშიც, ასე, თვეში ორხელ, მცირე ხნით გადაადგდებდნენ წყალს და არხის ბოლო კი იმა იდუმალ დარბაზში უჩინარდებოდა; მერე შენობის ქვეშ, მცირედ ჩაღრმავებულ ორმოებში, დიდ ცეცხლს აჩალებდნენ ვიღაც ჯანმრთელი მამაკაცები, კვლავ დარბაზში შერბოდნენ და პატარა ხანში წყლის დგაფუნი და შეყვირებანი რამ ძლიერი და მოკლე, გაისმოდა. „საწამებელია, თუ რა...“ — გაიფიქრა ბესამემ, და ვერც გაიგო რამონას თქმული:

— განა შეიძლება, ერთ ადამიანს რომ მეორე არ უყვარდეს და მაინც აკოცოს?

— როგორ?..

— განა შეიძლება-მეთქი, ერთ ადამიანს რომ მეორე სულაც არ უყვარდეს და მაინც აკოცოს? და კიდევ უფრო უარესი...

— არა, ეს როგორ შეიძლება, — შორს დაიჭირა ბესამემ.

— მაგრამ რომ ხდება? თურმე.

ბესამემ ღონე მოიკრიფა და თქვა:

— ძალიანაც ცუდი.

ჩვიდმეტი წლის ბიჭი და, თხუთმეტი წლის, რაღაცნაირად უფრო უფროსი, გოგო.

და აქ ბესამემ ნამეტანი თქვა:

— მე მგონი, რამონა, ორ ადამიანს ერთმანეთი თუ უყვართ, მაინც არ უნდა აკოცონ ერთმანეთს, მგონი.

— ბესამე, რატომ? — იკითხა გაკვირვების რამონამ.

მაგრამ ის დარბაზი მთლად საწამებელი არ უნდა ყოფილიყო, რადგან იქიდან ღონივრად აროხროხებულები, თმასველი, ჯანიანი ყმაწვილკაცები მხიარული ყაყანით გამოდიოდნენ, და რკინისმკვნეტელი დიდი კბილებით იღეჭებოდნენ ხორცს.

წაბლს — კანიანა ჭამდნენ ხოლმე.

ხოლო ფლეიტას გავსილი მთვარის ბაცად კამკამა, მიმოწყენილი რამ სული ედგა და, თავად თუ სულმთლად მთვარისა გახლდათ, მთვარეც — ფლეიტის სათნოდ ერთგული, დუნეფევენება კუნძული-იყო. ჩვენი ბესამეც, შეყვარებულ ბაგესთან მიტანილი ღამისღამინდელ შტოთი ხელში, შორეულ კვირტებს მჭვირვალ სუნთქვას აფენდა ხოლმე. ზრდიდა. კასერესაში ფესვიამდგარ ნაძვნარს, იქოვან ჰაერს, მათრობლად მიხვლეთავს; იქით ათრობდა და თავის ოთახ-

შიც, ბრიალა შუქზე, გაფაციცებულ თვალს ადევნებდა მზის ირიბად შემოჭრილ სხივში მტკრის გაბრუებული ნამცეცების უთავებოლო, დაბნეულ ტივტივს — ფლეიტის ხმაზე.

— ბესამე, თითქოს არა გიშავს რა, — ხანდახან ასეც ეუბნებოდა კეთილ-მაესტრო კარლოს სეგოვია, ვარგოდა ბიჭი.

დიდი მოხუცი, ქრისტობალდ დე როხასი კი დროდადრო ზურგზე მიაპყრობდა თვალს.

ჯადოქარს რაღა-რა არ შეეძლო — მაღალ ბგერებზე, მოზვეითუ-რო ნაყოფისაყენ ჩამოსაწყვეტად ხტებოდა თითქოს, დაბალ ხმაზე კი — სიოში თოვდა. ნისლი ეფინათ შორეულ ბალებს, რაღაც ხატება ღრმა ქაში ჩანდა, გუბებზე წვრილად, მეჩხრულად წვიმდა, და ზღვათა ფსკერზე გატრუნულიყო უცხო ბუჩქნარი, მისჯილად სველი; რაღაცა იყო ფლეიტის ხმაში, მძინარე ბავშვის ნიკაპზე მძიმედ ჩამოლვენთილი ნერწყვივით წმინდა, მაგრამ ფლეიტა იმ დაბინდულ ჰაერს ჰმონებდა, შორეულ გზაზე სავალად რომ ციაგით ედო, რადგანაც მთვარე — ფლეიტის სათნო კუნძული იყო. კარმენ, ავოეეე... რად მოენატრე აქ აფრედერიკს, შენ ხომ კუნძულად სისხლის სამართლის დანაშაულიო, როგორც იტყვიან, გედო. ჩემი ნება რომ ყოფილიყო, ცუდლუტო, კარმენ, იმ უკაცრიელ სად კუნძულზე დაგასახლებდი, მხოლოდ ცხვრები და ხარ-კამეჩი რომ... — აჰ, საიდან სად გადაგვიხტნა აფრედერიკი, აფრედერიკ მე, რომელსაც სხვა რამ ჰქონდა მოსაყოლად ჩაფიქრებული, ეუუჰ, სულ სხვა რამ, გამიზნულ-მწარედ, და სუსუსუსუსხვა კი გამოუვიდა, ჰყვება: იმისი ნება რომ ყოფილიყო, გაგამწესებდა ვერაგო, კარმენ, ველურ კუნძულზე, ბესამესავით ფარას მომწყემსდი, ნახირს — ნებაზედ მიუშვებდი, რადგან არც მგელი და არც არაფერი იქ არ დაძრწოდა იქნებოდა, სხვა პირმეტყველი შენს გარდა არა, არავინ მეყოლებოდა, დრო რომ გქონოდა საფიქრალი, და იქ რაღას-ღა ჩაიღენდი, ველარანაირ დანაშაულს — ვინმეს დასჭრიდი, მე შენ გეტყვი?!. მესხვადასხვიე! — ემაგ თვალებით წააბამდი ვინმე ქალისმნდომ პოლკოვნიკს თუ რა... აიმ კუნძულზე, შენ ტანსაცმელიც არ უნდა გცმოდა, და ისე უნდა ნელის ნაბიჯით ჰალეებში გველო, იქ ზამთარ-ზაფხულ იდგომებოდა შუა ივნისი, მძიმე ხეები ყოვლად უსასყიდლოდ ჩამოგაწვდიდნენ დალოცვილ ნაყოფს, ხანდისხანობით ტბას უბოძებდი დასაგვემ სხეულს, მზის გულზე მერე პირქვე შრებოდი, და ტიტლიკანა იფიქრებდი ქვეყნის ავ-კარგზე, და, რა-

ღაც სიტბოს მონატრებული, წამომართული, აიყვანდი კრავს, და მართლაც ნეტარ, ორნაყოფიან მკერდზე მაგრად მიიხუტებდი, და ცოტა მეტად შეგიტბებოდა იმ ნაყოფთაგან ეგ შენი ოღნავ უფრო სავსე მარჯვენა ძუძუ... ეჰ, ნეტავი თუ იმა უცნობ თავისუფლება-საცა აქვს თავისი სევედა? მიმოწყენილი, ლელვობისას ხარს გადაპხვევდი მკლავს დამნაშავეს, კამეჩს თვალეზში შეუმჩნევედი კამეჩურ ნღველს; შიშველად დაღვრემილს, ოქროს დიდი საყურეებიც კი ვერ დაგამახინჯებდა, და ღამღამობით ააცქერდებოდი ალბათ ხოლმე ვერცხლთა ღმერთს — მთვარეს, და მაშინ აღარ იქნებოდი სრულიად მართო, რადგანაც მთვარეს სულ სხვანაირ კუნძულებიდანაც უმზე-რენ ხოლმე, თრთოლვენ, ბნღებთან; მაგრამ ღონღლო კაპრალმა კი არ იკითხა, თქვა:

— რომელი — არის — თქვენში — ეე... ბესამე კარო.

— მე.

აქ იმ კაპრალმა კი არა ბრძანა, არამედ იკითხა:

— ღღესევე საღამოს აღღგენით სამუშაოებზე თუ არ გამოცხად-ღებით, ოცღაოთხ საათში უნღა დატოვოთ ქაღაქი?

## 11

— ჩემი ნამღვილი სახელწოღება რიხობერტო დანიელ უუსტი-ნიო რექსაჩი გახღავთ, მეგობრებო, მაგრამ ამ შენობაში უბრღლოდ ჩიტუნელა უნღა დამიძახოთ, მერე გაიგებთ, რატომც. საღუტ!

— გაუ! — ყოჩღად შესღახა ტახომ, იგი აღღგენით სამუშაოებ-ზე სოღფეჯიოს უცოღინარობისა გამო მოხვეღა, საერთოღ კი თეფ-შებზე უკრავღა.

— გაუს მოგცემ შენ, შე ვირიშვილო, — თქვა ჩიტუნელამ, ბა-ზღლტოვან უშვეღებელ ნიკაპზე თითქოს ნაჯახით ამოჰკვეთნოღა დიღად შთამბეჭღავი ღარი, — რაც შეიძღება ნაზღდ უნღა იღაპა-რაკო, მერე გაიგებ, რატომც. აბა, თავიღან — გამარჯობა, გეთაყვა-ნე. ა?

— ჰამარ-ჩობათ... — ძღივესა თქვა ტახომ, ფერწასულ ღაწვებზე ახღა უფრო მკაფიოღ გამოჰყოფოღა ნაღდრევი წვერი.

— ასე. ჟანსღღ სხეულში ჟანსღღი სული წვეეს, — გამოთქვა ჩი-ტუნელამ, უცნობი კარი წამით გამოღლო, რღღაც დგაფუნში მძღავ-რღღ გასღახა: „ჩაძირე, ჩაახრჩვეე!“, და კვღავ ახღლწვეუღებს მი-



უბრუნდა, — ხოლო ის დარგი, რომელსაც მე უნდა გაზიაროთ თქვენ, ჩამორჩენილები, საუკეთესოა.

— ბოლთასა სცემდა, და უეცრივ კი — გახევდებოდა, და თითს დამბაჩად მიაშვერდა ვინმეს:

— არ გამოგკითხავთ, თუ ვინ რაში მოიკოჭლებდით, ჩემთან თუ რატომ გამოგაგზავნეს, — განაგრძობდა სელას — ტაქტიანი და მგრძნობიარე ვარ. მაგრამ ვიცი რომ, აღდგენითი სამუშაოები გპირდებათ და, ამისათვის, — ჩია მუსიკოსს მიაშვირა თითი, გახევდა, — ქვეტექსტოვანი ჩემი დარგი — გამკაყებელი, დამკაცებელი, საუკეთესოა-მეთქი, აკი ვამბობ.

იატაკი ხისა იყო, ჭრაქუნებდა.

— ვინმემ რომ გკითხოთ, თუ რაშია თქვენი ამბავი, უნდა მიუხგოთ, რომ აღდგენით სამუშაოებშია, ახალი ხანა გეწყებათ, ბიჭნო. ხოლო ჩვენი მეცადინეობა, ჩემო გვრიტებო, ღიად დატვირთვას რადგან მოითხოვს, განტვირთვისათვის ერთმანეთს მოფერებითად უნდა მივმართოთ და თუნდაც აი შენ, ბრიყვო, რა სიტყვა გქვია?

— ტახო.

— ტახო... — ჩაფიქრდა ძვალმსხვილა კაცი, — არა უშავს რა, მოფერებითად უღერს, და მაგრამ, ეე, და მაინც, ეე, თაჰოს გიწოდებთ. ცურვა თუ იცი, თაჰო?

— დიახ, სენიორ.

— რააო, რაო?

— დიახ, ჩიტუნელა ბიძია.

— ძალიან კარგი, — და მეყვსეულად სტყორცნა შემდეგს: — შენი-ლ ამბავი?

— მე თანამედროვე ბიბლიაში ჩავიჭერი, ჰერ.

— ჰერს მოგცემ მე შენ მაგ ცხვირბირში, სულ ძმარ-მლოგვს გადენ! — ძლიერ განრისხდა რიხობერტო დანიელ ჟუსტინიო რექსაჩი, — ჯერ ეს ერთი რომ, აკი აღენიშნე, ჩაჭრა-მაჭრაებს არ გეკითხებით და მეორეც ის, მოფერებითი სახელი მქვია.

— ჩემი ამბავი აღდგენით სამუშაოებშია და მეც ვიცი ცურვა, ჩიტუნელა ბიძია.

— ამას ზეგ ვნახავთ. დიახ, ზეგვე, დღეს კი მხოლოდ ჩემს მიერ თქვენი საგასაცნობო დათვალიერების გაკვეთილია. შენ რაღა გქვია?

— ბესამე მქვია.

— და... რა გვარის ხარ?

— ბესამე კარო.

— როგორო?

— კარო...

— რას ამბობ!? — გაოცებისგან დაჭდა კიდევაც რ.დ.ჟ. რექსა-  
ჩი, — როგორ?

— გვარად ვარ, კარო.

— აჰ, ეს ხომ, ბიჭოვ, შესანიშნავია, შესანიშნავი, — მოკლე ფე-  
ხებზე წამოიშარა ალმადგენელი, — რადგანაც კარო იტალიურად —  
ძვირფასსა ნიშნავს. შენ ყოჩაღ, ყოჩაღ...

პატარა ხნის შემდეგ კი, თქვა:

— ზეგ ამ დროს მოხვალთ. ქვედა საცვალი ყველას უნდა ზედ-  
ვე გქონდეთ. დიახ. ახლა კი ამ ბურთს მალა ავაგდებ და სანამ  
შუანვე დაეცემა, გარეთ გავარდნას თუ ვერ მოასწრებთ, ხელ-ფეხს  
დაგამტვრევთ. აბაა, ჰაჰ!

\* \* \*

მშვიდი საღამო ფართოვდებოდა ჩვენს ალკარასში, ვილაც სულ-  
სწრაფმა კრაქიც აანთო, და მაწანწალა სულით ყოვლად, აფრე-  
დერიკი, მიმოფანტასტედ უხილავი აფრედერიკ მე, ერთი, ორი და,  
კირ-კირ-მოკირწყულულ აიღო და ქუჩას გაუყვა, დიახ.

ის მიდიოდა ცოტათი მისი, ცოტათიც ჩვენი ბესამე კაროს მი-  
საგებებლად, რალა თქმა უნდა; — ბესამე ჰყავდა ამოჩემებული.  
ვილაც ძალიან ფხიზელი ქალი თავისი თეთრი ჰიშკარის წინ მთლად  
მარტოკინა, ჩაფიქრებული ცეკვავდა ბოლეროს — ეჰ, ყველასა  
აქვს თავისი დარდი, თავისი დარდი, აჰ... ჩვენს ბესამეს ხომ, ჰქონ-  
და და ჰქონდა... გაბრუებული მოაბიჯებდა ჩიტუნელადან, და  
აფრედერიკი გინდაც ხილული რომ ყოფილიყო, ეს ჩვენი ბიჭი ვე-  
რასდიდებით ვერ შენიშნავდა გზაზე გადამდგარ მიმოფანტასტეს,  
სხეულში ისე გაუარა, ვერც შეამჩნია, რალა თქმა უნდა, აფრედე-  
რიკი კი, ჰოჰ — აედევნა ქუჩა-ქუჩად, რა ძალა ადგა, მაინც ვინ  
ჰყავდა გვარში ჯაშუში, გვარში ჯაშუში, ჰეჰ...

რა ცოტა გინდა ზოგ ადამიანს...

მაინც რა ცოტა გინდა ხოლმე ზოგ ადამიანს — ბესამემ როცა  
წაბლი იყიდა, სულ სამი პეშვი, თითქოს გაერთო, ესიამოვნა, და რომ  
მოსწყურდა და იგემა ღამისწინობით გამუქებული შადრევნის წყა-

ლი, სულ ორი ყლუპი, უგუნებობამ გადაუარა თითქოსდა, ვითომ: წყალთან ჩამოჯდა... და იმ შეხვედებში, რომ არა ჩანდნენ, ღამობით დიდად გულმოცემულ და მორიდებულ მაინც შივილში, ღრუბლების მიღმა, დაუნახავში, შორით სკვიოდა რალაც ვარსკვლავი, ბესამემ თავი ასწია მაღლა, ბნელ ცას ახედა, შავობდა როგორ, და უცებ მტრული, მოურიდები, ვერგასაქცევი, ადრე თუ გვიან რომ ეწვევა თუ ეტგერება ადამიანებს, მასაც ეტაკა: „რატომ ვარ...“

მთლად მოკუნტული იჯდა ბესამე, როგორი ობლად დადიოდა ამ დედამიწის ამ ტევად ზურგზე როგორ წვალობდა, როგორ შიოდა და სციოდა, ეწამა როგორ, და როგორც იქნა და ჯადოქარი ძლივს რომ ეწვია, ესლა უნდოდა? — და რ. და დ. და ე. რექსაჩით მთლად დათრგუნვილი, სიმწრით ფიქრობდა, რომ ამა ქვეყნად, აპაპ, რამდენი რამ სჭირდება ადამიანს და თუნდაც მას, ობოლს, რაოდენი რამ — თავი და თავი ან მზე არის, ანდა ჰაერი, ალბათ... უპ, წყალი და მიწა დაგვავეიწყდა თავსა და თავში, წყალი და მიწა, სრულიად მიწა, ეპ; რაოდენი რამის მომცემი, მრავალფეროვან და უხვ ნაყოფთა მარადიულად მეტუტური და დაუყვედრებელი, დაოკებულად უხზო ალერსით, ეს დიადი და მაღალი დედა—მიწა, გამღები. და ბესამე კი სიმწრით ჯიქრობდა, ეს ყოველივე მისთვის, ობლისთვის რომ — არამი იყო; შეშინებული, ვერც სხმარტალეზდა — მცირე ქალაქის უხვითთა ღამე ზედ საყელოში ჩაფრენოდა და შავი ხელებით, ჩაებლუჯნა და, ნახევრად მიმზრჩევალს, ბნელი ფოსოთი ჩაჩერებოდა, და შავი ხახა ჩამოჰყურებდა: „რისთვის ხარ, რატომ...“ ჰეე, სადღა იყო დედამიწის სიკეთეები, და ბესამეც კი თავად იქცა სრულიად ღამედ — ყურებზე ხელი მიიჭირა, თვალი დახუჭა, მუქად გატვრინდა, მაგრამ სხვა ხელი იგრძნო დამზრალ კეთვზე, მსუბუქი, ამო, შემკრთალმა, თვალი გაახილა და ის დაინახა — გადარჩენის და შევების რამონა.

— დაგალევინეს? — ჰკითხა იმან და ცოტათი ფრთხილად შეაძქერდა.

დაალევინეს, კი, როგორ არა — ზაფრა და შხამი. აქ, ალკარასში, სულ მთლად პირველად გაელიმა ძალიან ობოლს.

ხოლო რამონამ რომ იკითხა: „დაგალევინეს?“ — ბოლო ხმოვანზე, „ე“-ზე ოდნავ ღიადლა დარჩა შემკრთალი ბაგე, და მოხიბლული შესცქეროდა იმ სიბნელეში ბესამე, კარო. —

რამდენი ხანი იყო, უყვარდა.

ჩიტუნელამ კი, სთქო:

— არა უშავს რა, ფისუნებო, ცურვა გცოდნიათ, განსაკუთრებით შენ, ჩემო კარო. ხოლო ეს სიტყვა, ეს ტკბილი კარო, აქ, ამ ნათელ კედლებში, შენი გვარი კი არა, ამიერიდან სახელწოდება იქნება. შენ რაღა გქვია?

— აკიო თაპო, ჩიტუნელა ბიძიავ.

— ძალიან კარგი. შენ, გენაცვალე?

— მე კარლო მქვია.

— ლ ზედმეტია. მაგრამ ისედაც, ორი კარო გუნდში არ გვინდა. ჯანკარლოს გარქმევ. შენ, ცავატანემ?

— ხუანი.

— აბა ხუანი რა სახელია, ღუშენკა? ჰუანი იქნები. შენ, მაი დარლინგ?

გრძლად ოთქუთხედი აუზის პირას ისხდნენ გვრიტები, შორით შოსული აღკარასულას ამღვრეულსა და შემთბარ წყალში წვივები ჩაეყოთ; ჯერ კიდევ სველნი, ოდნავ ძიგბიგებდნენ, მისჯილი ჰქონდათ ასე ყოფნა — ამტანობისთვის, იმათ ზურგს უკან კი რიხობერტო დანიელ ჟუსტინიო რექსაჩი მიმოლააბიჯებდა; უზარმაზარი, შეყუყულგულღულიანი საათი თავდაყირად და ოდნავ გვერდულად ჩამოეკიდებინა გულ-ბოყვ-ჯიგრამდე, გრძელი სასტვენის შინაურულად, ყურს ზემოთ დაემჯკრებინა, და ვისაც რაიმეს ჩაჰკითხავდა, ალერსიანად წაჰკრავდა ხოლმე ფეხს.

— მე შეგასწავლით ქვეყნად არსებულ მრავალ თამაშთა შორის უღიადესსა და უნეტარესს — აჰჰ! — ვატერპოლოს. ხომ გინდა, თაპო?

— დიახ...

— შენ, მონ შერ ჰუანი?

— დიახ...

— ვატერპოლო კი, ჯანკარლო ჩემო, თვით. ცხოვრებაა, ხოლო თუ რატომ, მომდევნო შაბათს ავიხსნით ამას. რა არი. ბიჭო, არაფერს არ გაქმევდნენ სახლში? — ჩია მუსიკოსს ამოჰკრა ფეხი, — შენ ვიოლინოს აწრუწმაწუნებ? ხომ?

— დიახ, — ისევე წამოჯდა ხრტილივით ბიჭი.

— რაღაცით გამოგიყენებ მაინც. რადგან დიადი ვატერპოლო —

თვით ცხოვრებაა. ცხოვრებაში კი, ხომ არა გცივათ, რამ გავალურჯათ, მინდვრის იებო, ცხოვრებაში კი რაღა არ ხდება? მაგრამ მთავარი მაინც ისაა, ის, რომ... აბა, რა არის, ძვირფასო თაჰო?

— აბა მე რავი...

— ამ ცხოვრებაში, სულიკოებო, იცით რა არის ყველაზე ნაღდი?

სიჩუმე დადგა.

აქ ჩიტუნელამ თავი შემართა, სთქო:

— რა დ, — გამარჯვება.

სიჩუმე გლახა ჯორივით იდგა. სანამ რ. და დ. და ე. რექსაჩმა ბრძანა:

— აუზის პირას ორ-ორნი დადექ!.. სამ-სამ ნაბიჯზე-ე!.. პირის-პირობით!.. ჰათ, ბურთები და, სანამ გუგული ჩემს წუთმზომიდან სულ გუგუგუთი გამოხტნებოდეს, ერთმანეთს სტყორცნეთ. ოღონდ ისე რომ, ძლიერ ატკინოთ. ხოლო თუ ვინმე თავის მეწყვილეს მძლავრი ტყორცნისგან აუზში ჩააგდებთ, ეს ხომ — თლათ კარგი.

12

ერთი ბესამე არ ეყოფოდა ჩვენს აფრედერიკს? — სამი გაუჩნდა: გასამდა ჩვენი საბრალო ბიჭი, ათქვიფა და, გზაარეულ მიძოდოდა ამ ტევადზურგა დედამიწის მცირე ნაკვეთზე, სხეული ისე — დამძიმებოდა, მაგრამაც მიწა — ამტანი იყო, ამტანობაში მხოლოდ ქალაღდი თუ შეედრებოდა, კაროსთანები უტარებია? — იმასაც, ობოლს, უყვედრებლივ დაატარებდა.

ერთი ბესამე, ეგებ, მთავარი, თან — იმ ჯადოქარს მონად ეღგა და, ამასთანავე იმასაც, წელადს, დამყოლ მოციქულს, შეყვარებულნი ჩაბერვით მორჩილს, ფსკერთა ეყენებით აშიკრიკებდა; თან ვის, მერე-დ სად — თავად მთავარისკენ. იმა ჯადოქარის მიმოფანტული, მოტივტივე და, შემობურვილი სულის მმართველი, კასერესაზე ბნელი ლამობით იჯდა და იჯდა, კასერესაზე ლამით ყოფილხართ? არც მე, გეთაყვათ, და მხოლოდ კიდეე აფრედერიკი ჩინდრიკობდა იქ, ჩვენში ის ერთი ყოფილა იქა...

ხოლო მეორე ბესამე კარო ბინდბუნდიანი რამონასი გახლავდათ ბიჭი...

საღამოობით, მიყუჩებისას, შებინდების ჟამს, როცა სულდგმუ-

ლებს — მწერს, პირუტყვისა და ადამიანს სხვანაირი რამ თავმესაფარი უნდებათ ხოლმე, ოთახის კარო ტახტზე იწვა და ბაცი გოგონა ახსენდებოდა — მინდვრის რამონა. უცნაურიაჰ — ქოლგის-ტოლა იებით ხელში... მაღალ ბალახში იდგა და იდგა, დაიძვრებოდა ბესამესკენ ნელინელ მერე, მწვანე გზას წელით მიაპობდა და, საკვირველიაჰ — ღაწვზე ხალად გვირილა ელო, შუბლზე საამოდ შემოხლართოდა ტირიფის წნული, თითზე ბეჭედად ყაყაჩო ჰქონდა, ყოველივე ეს — ძალიან კარგი, მაგრამ სუსტ ყელზე ნაიარევს დაელო ბინა, საიდან, როგორ — გადასარევი!

იწვა, ზმანობდა... ზმანობდა, იწვა.

ხოლო მესამე ბესამე... — აჰ, რითმა-ღ გვაკლდა — ხოლო შემდეგი, უკანასკნელი ბესამე კარო ჩიტუნელა ბიძიასი გახლდათ და მის შეგონებებს გულშეკუმშული უსმენდა ხოლმე. რ., დ., უ. რექსანს ჰკუთის სწავლება აღსადგენლების ქანცგასაწყვეტი ცურვის შემდეგ სჩვეოდა ხოლმე: „ყური დამიგდეთ, ფისუნიებო, ვატერპოლოსთვის ცურვაც აკი უნდა იცოდეთ, რაკი ვატერ ხომ წყალსა ნიშნავს სხვათა ენაზე და წყალში უცურველად კი — წარმოუდგენელია“.

ჩია მუსიკოსს თვალმოკუტულმა უტკირა ერთხანს, მერე დაბინდულ მზერაში ჰავლმა გაჰკრა და თქვა:

— მომდევნო სამუშაოებზე შენი საკრავით მოდი, გენაცვა.

— ხომ არ გამიტეხავთ? — შეშინდა ბიჭი, რაც ფერი ჰქონდა, ისიც დაჰკარგა.

— არა, რას ამბობ, მონ შერ მაი დარლინგ, — თქვა ჩიტუნელამ, — ოთახს მიგიჩენ და მზადყოფნა რომ არ დაკარგო, ჯერჯერობით უშინაარსო სავარჯიშოები უკარი ხოლმე. ხოლო თუ რატომ, შემდგომ გაიგებ, რადგან დიადი ვატერპოლოსთვის შენისთანა მახლეც კი უნდა გამოვიყენო, გენაცვალე.

რამონას კიდეც — ძალიან თეთრი კაბა ეცვა და ფეხისწვერებზე შიშვებოდა შემკრთალი ბიჭი. აეფ, რა ჰკითხეს:

— შენ ცოლს მოიყვან როდესმე, კარო?

ბესამემ თავი ჩაღუნა აქა, რატომღაც შედგნენ, ბესამე ჰვინტით შიწას ჩიჩქნიდა.

— მოიყვან-მეთქი?

— ვინ წამომყვება... — თქვა ბესამემ და გაწითლდა, შერცხვა, — შე ღარიბი ვარ.

— როგორც იესო?

— შენ ეს რა იცი.. — დაფრთხა ბესამე, თავი ასწია.

— აბოლებდი და...

— აი ეს, მაშინ?

— ჰო.

დაიძრნენ ნელა...

— ბაბუმ მითხრა რომ, აღდგომისათვის ტერუელელი მუსიკოსები ჩამოვლენ ჩვენთან და თავად მოცარტს შეასრულებენ.

ბესამე იქვე გახევედა და სუნთქვა შეეკრა:

— როგორ, თვით მოცარტს?..

— ჰო. ვთქვათ, დიდობაში, მე რომ წამოგყვე, წამიყვან, კარო?

— კიი!

დღე — სასწაული.

იმა საკრავის ჯადოქარი კი — რა იყო მაინც, ექვიანობა ეთქმოდანოდა თუ რა, ისერიგ აღარ მორჩილებდა, ზღაზვნით ფშვიოდა და შიგადაშიგ ხრინწიან ბგერებს გამოსცემდა კიდევაც, ურჩი; ბურთის ტყორცნისგან შესიებული და დაკლანჭული თანაც თითები საკრავს აღრინდებურად ველარა ფლობდნენ, და ბაგეებსაც სხვა საზრუნავი გასჩენოდათ:

— და თუ ოდესმე ჩემი ცოლი მართლა გახდები, რამონა, — ამბობდა კარო, ღიღას იწველებდა, იყურებოდა განზე, — თუკი გახდები... აი, შენ თუკი ჩემი ცოლი გახდები, მაშინ?!

— რა მაშინ... — ბესამესფერი გადაედო, წითლად აღვივდა მინამდე თეთრი, თოვლის რამონა.

— აი იქ, მაშინ.. — მთლად აირია ბესამე, ღიღი ჯიბეში ჩაიღო და თქვა: — იქ, სარეცელზე....

— რა, სარეცელზე... — ისევ გათოვლდა ღველფის რამონა.

— იქ, სარეცელზე, ხომ მაკოცინებ ხელზე?

რამონამ შევებით ამოისუნთქა, უთხრა:

— შენ შეგიძლია ახლაც მაკოცო, ოღონდაც ხელზე.

— მაშინ, რამონა, — აღფრთოვანდა ბესამე კარო, — მე აღდგომა-დღეს გაკოცებ ხელზე, კარგი?

— რატომ, ბესამე?

— ეს იმიტომ რომ... რამონა, აი, აღდგომა-დღემდე ბედნიერი ვიქნები, რადგან... რადგანაც იქამდე სულ მეხსომება, ხელზე რომ უნდა გაკოცო და, რამონა, თანაც...

- რა თანაც, ბესამევე... — გამკაცრდა გოგო.
- და თვით მოცარტიც უნდა რომ მოვისმინო.
- ძალიან მოგწონს? — შემშვილდა რამონა.
- ძალიან, დიახ.

რალაც ბედნიერ ქორწინებასავით იყო მოცარტი, ოღონდ — დიადი რამეების... რა რამეების — ჯერ არ იცოდა, ვერ ჩამხვდარიყო, ნატიფად კეთილ სიდიადეს კი — აჰ, ძლიერ გრძნობდა.

— კარგი ბიჭი ხარ, — ისე შეაქეს, გინდაც უმცროსი ყოფილიყო. და, საკმაოდ რომ ისწავლეს ცურვა, და ხმელეთზე კი — ბურთის ტყორცნანი, რღურექსაჩმა ქვედა საცვლისამარა აღსადგენლები ჯერაც არნახულ რკინის კართან მიიყვანა და აღნიშნა:

— პირველი მონაკვეთი, ჩემო ბარტყებო, ჩამოვიტოვეთ, რადგან ასე თუ ისე, წყალში არც ერთი არ იძირებით, ჰა-ჰა. ახლა კი, ჩემო შოშიებო, აი ეს კარი გამოაღეთ და ყველანი შედით.

ტახომ რომ კარი გამოაღო, ცოტათი შეკრთა:

— იქ რაა, ძიავ? რამე სანთელი ხომ არ გექნებათ, ვერაფერს ვხედავ.

— კი, კი, ჰალს მოგართმევ, დიახ... შეეთრიეთ-მეთქი!

ტახომ ზღურბლი რომ გადაიარა, ოთხნიც შეჰყვნენ და, მოისმა მერე:

— აქ ხუთზე მეტნი ვერ დავეტევით...

— ხმა, ლაპარაკი! — განრისხდა რ-დ-ჟ-რ-აჩი, — თოთხმეტივენი შეიჭუჭყენით! შენ არა, ბიჭო, — მიუგდო ჩიას, — შენ სხვა საქმისთვის გამოგიყენებ, თქვენ კი, ახლავე შეიტმასნეთ თორემ, სანამ ხელ-ფეხი დამიმტკრევია! — აქ ორი თითიც კი წაიწვეტა: — თვალებს ამოგთხრით!

და წვალებით რომ მიხურა კარი, ჩაელიმილა, — თქვენისთანები დამიტევია?

შენ ვერ გაძლებდი იმ საკანში, აშარო, კარმენ. შენ რექსაჩს დიდრონ თვალებს მთელის სიმძლავრით აუუუუუნებდი იქნებოდა და, წააბამდი კიდევაც, ოხერს, გაგიჟირდებოდა ეს მე შენ გეტყვი თუ რა. აღსადგენლიდან სულ დაპირ-დაპირებებით და ჰაეროვანი კოცნების ტყორცნით რომ გამოშპებოდი, იმავ საღამოს დანიშნულ ადგილას არა, არასჯობით, არაფრისდიდებით მიუვიდოდი დიდ აღმდგენელს, რადგან დაბლები, გრძელხელემა და ქვისნიკაპანი სულაც



არ მოგწონდა. კარგად ხელ-პირ კი დაბანილი ჩვენ რდე შუალამემდე იმა ადგილის გარეშემო დასცემდა ჯერ ძლიერ ამაყ და აჰ, მერე კი — წრიალა ბოლთას, შემდგომ კი, ბოლოს, ნამეტნავად გაცურებული, მოკლე ფეხს დიდის გაწბილებით დაჰკრავდა მიწას, და შენისთანა ქალის ტუჩ-არამცოდნეს მოიკენებდა. შენ ამას — კი, ჰო, ძალიან, დიახ, დიახაც, ოღონდაც რომ შესძლებდი, კარმენ, თავისუფლად იქმოდნი ამას, მაგრამ რა ელონა იმ თოთხმეტ აღსადგენელს, რომელთაც რთული თამაშის — ვატერპოლოს შემასწავლელი იგივე რექსაჩი ჰერის საარკმლიდან კბილებდაძრობილ ვირთხებს აყრიდა, ჩასძახოდათ თან: „გვრიტუნიებო, ეს ვირთხებია, თქვენი სტუმრები, აი, ახლა კი გეტირებათ უმწიკვლო ყოფა, რას იკლავებით, მაგოდენა ვირგლა ბიჭები ვირთხებმა როგორ დაგაშინათ, ჰამაჰ?! თავზარდაცემულ აღსადგენლებს კი წამიწამ სადმე ედებოდათ ნაცრის სხმარტალა სისოვლე — ყურზე, ლავიწზე, ნემსჩაუგდებში, ტანი უთრთოდათ, ერთმანეთს მძლავრად ებჭინებოდნენ, იატაკისკენ ძნელ გზას ეძებდნენ ჰროლა ვირთხები და აღსადგენლებს რალაც მორუხოდ შეკრული ლორწო სხეულებშუა უსავსავებდათ. „გვრიტუნიებო, ახლა გაიგებთ, თუ როგორ უნდა სხეულს დაძაბვა, მანდლან ღონიერები გამოხვალთ, გვრიტნო, ვატერპოლოსთვის გამოგადგებათ!, — დასძახოდათ რიხობერტო დანიელ ჟუსტინიო რექსაჩი, — ხომ კი გრძნობთ ძალას?... აი ვარჯიში, მესმის!“ კუნთებდაქმნილი აღსადგენლები კი ერთმანეთს დაუნდობლად აწვებოდნენ, სიცივე იდგა, სასოწარკვეთით ღრიალებდა ნორჩი ჯანკარლო, ვილაც ერთი კი მთლად მოიმჩვარა, თავი ჩაჰკიდა, მაგრამ რექსაჩმა ზედ კეთაზე რომ დაახალა სლიპინა ტვირთი, კვლავ გონს მოეგო, გამწარებულმა, რკინის ფრჩხილებით ჩამოახოკა ვილაცას ლოყა. „კარგნი ხართ. ყოჩაღ“, — ჩასძახოდათ მძლავრად რექსაჩი.

... და მერე თუმცა ბესამემ აგურით დიდხანს იხეხა შერყვნილი ტანი, იარებამდე იწმინდებოდა, მაინცლა შერჩხ საშინელი აის სისოვლე, შინ მიბრუნებულს კი რამონა სახლთან როცა დახვდა, კიშკრისა იყო, და რომ უთხრა: „ჩქარა, ბესამე, კონცერტზე არ დაგვაგვიანდეს“, ესლა იკითხა: „რა კონცერტია...“ „რა, აღარ გახსოვს? — და საზეიმოდ გამოუტახადა: — უკრავენ მოცარტს!“ ბესამემ კი თქვა: „ერთი მაგისი...“

რალაც უცხო ხმა, ბოროტი, ჰქონდა.

რაც გინდა იყვე, თუნდაც — ფანტასტი, ადამიანი მაინც გინდა და, კასერესაზე მიმოწყენილ აფრედერიკ მეს შუალამობით იქ ალარავინ ეგულებოდა, დაგვირჩა მარტო.

ბორცვიდან ქვემოთ ქალაქი ჩანდა, ცოტათიც ჩვენი... სრულიად ღამე გადაფარვოდა, მხოლოდ აქა-იქ თუ მოსჩანდა წრიატა შუქი, ქუჩებში თვლემდნენ ბაცი ფარნები, მთელ ქალაქს გულის ძილით ეძინა, და ერთადერთილა მიჯნურწაგვირილი ავაზაკი იდგა კუთხეში, გრძელ მოსასხამში ჩვილივით გახვეული, და ყოველ ჩქამზე დანიანი ხელი უთრთოდა.

მაგრამ ჩქამიც რომ რაა, არაა, აი ისიც კი არ გაისმოდა, თუმც უთვალავი სიმოდრავე რამ ძალიან ფრთხილად ეფრქვეოდა ყუჩად მდგარ ქალაქს — თოვდა, კი, თოვდა...

უხმო ზმუილით დასწოლოდნენ შედედებულად მქისე ღრუბლები ალკარასს თავზე, სუყოველივეს განურჩეველი სევდით ათოვდა, იმ აღრიანად ჩამოწოლილ სალამოთივე ფანჯრებთან გასუსულად მიმდგარიყვნენ რიგითი ალკარასელები, თოვას უმზერდნენ, ხოლო ფარნების სუსტ, უსულგულო სინათლეზეც კი ღონივრად ფეთქდებოდნენ სიბნელიდან ჩამოშუქებული ფიფქები და, იმ რუხად ცივი ღამის ბრალი თუ იყო ალბათ, გარეთ არავინ გამოდიოდა, მიმოფანტასტესი და ავაზაკის გარდა, ეპ, დანაჩაბლუჯულმა იკითხოს, თორემ აფრედერიკს რა — უჩინარი გახლავდათ რაკი, ფიფქები სულაც არ ეყრებოდა, ჩასაფრებულს კი მხრებზე, თავზე, ბორცვებად ელო თოვლი — ქათქათა, შინიდან ამოდ და იისფერად საცქერალი, სინამდვილეში — თეთრზე უფრო თეთრი, ცივზე მეტად ცივი... გარეთ არავინ გამოიბოდა — ბავშვებს ეძინათ, გუზგუზა ცეცხლთან კი გოგო იჯდა, ბუხრის რამონა, და აუარება მუქარიანად ხტუნია ჩრდილი, მრავლად ტეხადი, დასთამაშებდა მას.

ასე განსაჯეთ, ვისზეც ფიქრობდა სითბოს რამონა თუმცა ყელამდე წყალში იყო, არა სციოდა — ძალუმი ცურვით გახურებული აღსადგენლები აუზის კიდეს ორთავ ხელით ჩასჭიდებოდნენ და ისვენებდნენ, მათი რექსაჩი კი იგივე აუზის იგივე კიდებზე მიმოდიოდა, და ტლანქლანჩება მძიმე ჩექმებით მუსიკოსების თითებზე მძლავრად დააბიჯებდა — თან ამტანობას უვარჯიშებდა აღსადგენლებს და, არიგებდა თან:

— თვით ცხოვრებაა ვატერპოლო, თვითონ ცხოვრება, და ყოველი მოქალაქის მთავარი მიზანი რადგან ისაა, ცხოვრებაში რომ გამარჯვებული გამოვიდეს, გამარჯვებული კი ისე ვერ გამოხვალ, სხვას თუ არ დაამარცხებ და სხვა რომ დაამარცხო, ათასნაირი ხერხი და ხრიკია საჭირო და ამეებს კი ვატერპოლოზე უკეთესად სხვა ვერაფერი შეგასწავლით, გვრიტნო.

მიმოდრიოდა, ვისმე თითებზე შედგებოდა, შეჩერდებოდა; მიმოდრიოდა.

— დაუნდობლები უნდა იყვნეთ, ჩემო კარგებო, სხვას თუ დაინდობ, ის არ დაგინდობს და ის არ სჯობია შენ არ დაინდო, შოშიებო, ჰა?!  
—

ცეცხლისპირს ეჯდა გაღვივებული, მშრალი რამონა, მაგრამ რაღაცა ზედმეტად ავი უციებდა გულს — ცუდი რამ საქმე თუ ხდებოდა სადღაცას, სადმე...

— ააშენ, გენაცვა, და კიდევ შენ, შენ ჩემო თაპო, შუაგულისკენ გასცურეთ... ასე, ახლა კი, ჩემო ტკბილო ჯანკარლო, შაქარყინულოვ, წყალში რამდენადაც კი ამას შესძლებ, განზე მძლავრად გაიქნე ფეხი და სანუკვარ თაპოს მუცელში წიხლი ჩააქედე. ქუსლით აჯობებს.

— ჰა... ძიავ, რატომ?

— ქუსლით უფრო მტკივნეულია.

— არა, ბიძიავ, ქუსლი რატომ უნდა ჩავაქედო-მეთქი?

— და რატომ არ უნდა ჩააქედო, ვთქვათ? — წყნარად კი იკითხა აღმადგენელმა, მაგრამ ახლო-მახლონი მშვენივრად მიხვდნენ, შიგნი-შიგან რომ ფრიად დაძაბული გახლდათ, ხოლო ჯანკარლო ცოტათი შორს დატივტივებდა, თქვა:

— ამხანაგია.

— ამხანაგს მოგცემ შე უზრდელ-ბრიყვო, ისეთ ამხანაგს!, ვირიშვილო შენ! — აქ კი იფეთქა რდჳრ-აჩმა, — ვატერპოლოში ამხანაგობა ვის გაუგია! დაუნდობელი უნდა იყვნეთ, ამდენს ტყუილად ვქადაგებდი? არ მოგეწონა, ხომ, ერთის თქმით ეს ჩემი მოწოდება, ჯანკარლო, ტკბილოვ?.. მაშინ, ჩემო ერთგულო და სათნოვ, თაპო, შენ ჩააქედე მაგ ტუტუცს ქუსლი, თანაც ისე რომ, ტკივილისაგან გორგალად ჩქეცს. ხოლო თუ, თაპო, ამას ვერ შესძლებ, — ჰროლა მუქარა გამოერია ჩახლეჩილ ხმაში, — აიმ ოთახში მარტო შეგაგდებ, ხელ-ფეხს შეგიკრავ, მთელ ტანზე ქონებს მიგისვ-მოგისვამ და

იმ მოშიებულ ცუგრუმელებს მრავლად დაგაყრი, ძალიან მრავლად, გამიგე, თაპო?, ჩემო ძვირფასო, ო, ალმა მია?

ჯანკარლოს მოკლე გმინვა აღმოხდა, პირი დაელო, სუნთქვა უქირდა, მერე კი წყალში სახე ჩარგო და გამწარებული იკრუნჩხებოდა, და როგორც იქნა და ალალო თავი, მოითქვა სული, ბესამეს თითებზე შემდგარმა რექსაჩმა ცბიერად ჰკითხა:

— ხომ ამხანაგი ყოფილა? თუ — არა?.

— არა, — თქვა ჯანკარლომ, თვალები ცუდად უელავდა.

— არაო, თაპო, ხომ გესმის, ბრიყვო? ერთიც მიაართვი...

და მეორედაც სანახევროდ ცნობაწართმეულ ჯანკარლოს, შურისძიებით ავარჯარებულსა და გამწარებულს ისე, მუცელს იხოკდა, კვლავ დაეკითხა:

— ამხანაგიო, ამხანაგი... ჩიტო, ყოფილა?

— არა.

— სრული პასუხი და, დაგაჯილდოვებ.

— არა ყოფილა, ჩიტუნელა ბიძიაე!

— კარგია, ყოჩაღ... ახლა, ძვირფასო, შენი რიგია — ამ ჩვენს ხაზ თაპოს, ყოფილ ამხანაგს, ერთი ლამაზი კარგი წიხლი უნდა უბოძო. — და ყურის უკან მიიღო პეშვი: — რითი აჯობებს?

— ქუსლით, სენიორ.

ჩასაცემელში კი, ვიდრე თაპო საბოლოოდ მოვიდოდა გონს, საცვლისამარა აღსადგენლებში ჩიტუნელა-ძიო დინჯის ნაბიჯით მიმოდოდა, ირიგებოდა თან:

— აჰ, ცხოვრებაში რაღა არ ხდება, მძლავრი ოჯახის მახინჯი შვილი ცოლად დამისვამს და — არ მყვარებია. ფულებს ვცინცლავდი, ამისთვის კი აი, იმისი გამხიარულება იყო საჭირო, ალმა მიებო და, მუხლებზე ნაზად დავისვამდი, ვუღიტიანებდი, აი ესეც კი ცხოვრებაა საგამარჯვებო, გაცრეცილ ტუჩებში თვალდახუჭული მაგრად ვკოცნიდი და იმასაც, სულელს, თვალები ვნებით დაეხუჭა, ფისუნისებრ კრუტუნებდა და. იმისი ფული კი იმის ჯიბიდან ჩემსაში კოხტად გადმოდიოდა, გავაგდე მერე.

ააი, ასე ირიგებოდა აღსადგენლებში რიხოზბერტო დანიელ ქუსტინიო რექსაჩი, გარეთ კი — თოვდა... შენ მატყლის მსხვილი ხელთათმანებით გიტარზე თუ დაგიკრავს, კარმენ? აჰ — ალბათ ვერა... შენ აგვისტოსი შვილი მგონიხარ, რაღაც ყავისფრად ჩახურებული და მესაწნეხლესავით ფეხშიშველი, მკერდმოღლეტილი —

თან... ფლიდო, აშარო, ძვირფასო, კარმენ, რალაცა გქონდა ისეთი რომ, ძრიალ უყვარდით. რალაცა გქონდათ, აკი ვამბობ, ოლონდ — თვალეში... დაუდეგარო, მზაკვარო, ანცო, შენი გულისთვის ვინმე პოლკოვნიკს დაბანილ ყელს რომ გამოსჭრიდნენ, აბა მითხარი, იმავ საღამოს კოცონთან რალა გეცეკვებოდა, ჰა? ის, ესე იგი დაწინაურ-აწინარეულ-ჩინმენდლებიანი პოლკოვნიკი მავან რიგითი ჯარისკაცივით უბრალოდ ეგდო, შენ კი, ორპირო, ცრუვ, გაიძვერა, ისე ცეკვავდი, ვითომც და აქა არაფერი. მერე, რა კარგად... რალაცა გქონდა ემაგ თვალეში, რალაც კი არა, მოთ, ყურში გეტყვით: თა... მიხვდით?.. თა-ვი... ვერა?... თავის... მაინც ვერ მიხვდით? თავისუფლება ედგა კარმენს დიდრონ თვალეში, ამხანაგებო! აი, ისეთი, ანდალუზელნო და საერთოდაც ყველანო, ძმებო, ცუდს და მიშვებულს რომ ეძახიან, ვთქვი მეც კი, რალა, მიშვებული-თქო, თავისუფლება მიშვებული გახლავთყე ყველა, და აი ისეთიც, კარმენისებრი. მაინც კარგია... შეუზღუდევი იყავი, კარმენ. თავისუფლება თვალეში გედო, და არასოდეს წვეთწვეთობით არა გცვიოდა, შეუზღუდევი იყავ-მეთქი და განა შესძლებდი მატყლის მსხვილი ხელთათმანებით იმა ნატყვიარ გიტარაზე ნებაზედ დაკვრას? აჰ, არა, ვერა — ერთ სიმს რომ ნეკას ამოჰკრავდი, მეორეზედაც უნებურად წამოგდებოდა, შეგეკმუხნებოდა ვერაგად თლილი სატყვიე შუბლი, აჰ, რა წამომცდა რახან მიყვარხარ, ისევე სცდიდი და გაბრაზებული გაიქნევიდი თავს, ცალი საყურე აგინებოდა, მერე კი, ბოლოს, განრისხებული წაიძრობდი რეგვენ ხელთათმანს და იმ ბუჩქებში მოისროდი, ხანდახან შენც რომ ემალებოდი ფხიზელ მესაზღვრეთ და არხეინად შესძლებდი დაკვრას, მაგრამ რა ექნა ერთ საბრალო ბიქსს, ბესამე კაროს, გაუხეშებული თითებითა და მძლავრი ფილტვებით მკრთალ ფლეიტაში მიძინებულ ვერცხლა-ჯაღოქარს რომ ველარ სწვდებოდა? უროთი ჰაერს ვინ გამოსჭედდა? მთვარისმიერი ყმაწვილის მეთი... მაგრამ ბესამე მთვარის კი არა, ჩიტუნელა-ძიოსი და წყალქვეშა ფარულად შეხლა-შემოხლის მებრძოლი იყო — აჰ, ვატერპოლო, იმდროინდელი, ალკარასულას განუწმენდელ, მუქმღვრიე ბნელში... აღსადგენლებს აუზის მცირე მონაკვეთში განათავსებდა ლოდკაც რექსაჩი, ირიგებოდა, თან:

— აბა, ჯანკარლო, ბესამესკენ ზურგით შებრუნდი, ძლიერ უწყინრად იტივტივე, ახლა კი უკან ღონივრად გაუქანე ფეხი, რომ არ შეგეტყოს, ისე, გაუქანე, ხომ? ბესამევე, ტყბილო, ფეხი დაუქი

და ისე სავსებით მაგრა უჩქმიტე, გულ-ბოყვი ჩასწყდეს, მერე კი, მაგის შეყვირებაზე ძალიან გაკვირვებით მიმოიხედე, დაბნეული ღიმილი აღიბეჭდე, ეგრე კი არა, შემხედე, კარო, აი, ასე... ცოტათი კიდევ გაიკვირვე... აიი, ასე. კარგია, ყოჩაღ. შეისვენევეით.

გამოგონების დიდი ნიჭი და მარიფათი ჰქონდა ჩიტუნელადოს:

— გვრიტუკავ, თაჰო, ო მაი დარლინგ, აბა კარგად დამიგდე ეგ ვირის ყური. იცოდე, ფისოვ, სახეზე უმწიკვლოება გეხატოს უნდა, შენ კი, სისკო<sup>1</sup>, დროებით დაუთმე კანჭი. ძვირფასო, თაჰო, აბა ახლავ შემოაჭდე ემაგის კანჭს ორთავე ფეხი და გულით ეცადე, გადაუმტვრიო... კარგია, კარგი, გეტყობა, რომ პატიოსნად ცდილობ, მაგრამ ეს არ უნდა გემჩნეოდეს, არადა, სხვაფრივ თითქოს შეუძლებელია და, ამისთვის თუ იცით, ო, ალმა მია, რაა საჭირო?

თუ არ ჩავთვლიდით ფრანსისკოს ღრიალს „აილე ფეხიი!“, სიჩუმე იდგა.

— ვერ იცით, არა? შოშიებო, ვერ ხვდებით, არა? ვერც შენ, მონ ჰუან? რა ბრიყვებია... რა და, თაჰუნავ, ოთხგზის რეგვენო, ვითომცდა წყალი ჩაგეყლაპა და ხველა ასტეზე ისეთი რომ, მსაჯულებს ეგონოთ, ვითომ მართლა იხრჩობი ხველებისგან და თან გამწარებულმა იყეფე და ჰამაც აკეთე ეგ შენი საქმე.

აჰ, ისე კოხტად, ისე მშვენივრად იხველებოდა თმანშირი ტახო, მაგრამ სხვა კიდევ აღსადგენელი რადგან ყვიროდა: „ვაიმეეე, დედააა!!, მიშველეე, დედააა!“, აღმადგენელს ისე უკვირდა, სრულიად აუზს მოავლებდა თვალს: „ფრანცკავ, ძვირფასო, სადაა აბა მე შენი დედა?“

„უჰჰჰუუ, კარტუზო...“ — გამწარებული გაიფიქრებდა ბესამე კარო, კარტუზო ეგებ თქვენც კი გახსოვთ, ბაბილონია, ჰისტორიისა მიმომასწავლე, ძველებურადვე მირიკრიკებდა მისი ცხოვრება, მაგრამ ერთხელ კი უსიამოვნება რამ შეემთხვა, თანაც დამლაგებელი ქალის, წარმოგიდგენიათ? — გამო. ამავე მოხდა: კარტუზო შესვენებაზე გასულ მოწაფეთა ჯიბეებს ათვალიერებდა, ამ დროს კი დამლაგებელი შემოვიდა და იკითხა: „შეიძლება, აქაურობა დაეხვეტო?“ მსუქანი, ჯანსაღი ქალი ჩანდა. მოხუცი არ იყო. მახინჯი არ

<sup>1</sup> ერთ-ერთი მოფერებითი ფორმაა ერთ-ერთი მოწაფის სახელისა „ფრანსისკო“.

იყო. კარგა გემრიელი ქალი იყო. თანაც გულისპირი შეკრული არა ჰქონდა, არამედ ძალიან გაღვლილი ჰქონდა. „კი, როგორ არა, — ჰსთქვა კარტუზომ და ხელისგულით ჰაერი გულზე შეიფრქვია, — რამდენიც გნებავთ“. „რამდენიც მნებავს, სენიორ?“ „დიახ, — ყოჩაღად მიუგო კარტუზომ, ძალიან კარგად ექირა თავი, არც დაუსლოკინებია და არც არაფერი, — და რამდენსაც უფრო მეტს დაგვიო, მით უკეთესი“. „რატომ, სენიორ?“ — იკითხა ქალმა, გაღვლილ საინტერესო ადგილას ოთხი თითი მიიღო, ცერი შემალული ჰქონდა, ცელქი აღმოჩნდა ისიც. „იმიტომ რომ... — წამოიწყო დასაბუთება კარტუზომ, — რაც დიდხანს დარჩებით, მით უკეთესი“. „ოოჰ, სენიორ, თქვენ ეს რანაირი ყოფილხართ, ჰაა?!“ — წამოიძახა ნასიამოვნებმა ქალმა. კარტუზოც ნასიამოვნები იყო ამ მომცრო-არშიყულ შეხლა-შემოხლით, საქმე საქმეზე რომ მიმდგარიყო, დიდი იმდენი არაფრის თავი არა ჰქონდა, მაგრამ მაინც — კარგია, მსუქან ქალთან, ხანდახან, სამ-ოთხ-ხუთ სიტყვა... გაღიმებულმა მიმოიხედა და აქ კი შეცბა: ზედ შუა ზღურბლზე აღმართულიყო მერგრეტ ბოსკანა, ჰერცოგიდან რატომღაც ნაადრევად გამოშვებული, ძლიერ მრისხანედ შესსქეროდა და კარტუზო დაფრთხა: „რა იყო, მერგრეტ, ხომ მშვიდობაა?“ „ეს ცოცხიანი ჯერ მსწრაფლ გავიდეს!..“ „გათახსირებულო, — პირში უთხრა მერგრეტმა შემდგომ, — რომ დაგიყვლება ეგ თვალები და ვილაც უბორშიცას შესციცინებ და თანაც ღნები, ხომ არ დაგავიწყდა, ვისი რჩეულის ქმარიცა ხარ, ვიგინდარა შენი!“ „კარგი რა, მერგრეტ, ეს მაინც რამ გაფიქრებინა, აბა რას ამბობ? — და აქ კარტუზომ გულზე მიიღო ხელი, — მე და... ასეთი რამეები?“ „კაცები ერთი ოხრები ხართ ყველა! — კვლავ მძვინვარებდა მ. ბოსკანა, — თქვენ ოღონდ ქალი დაგანახათ და...“ აიი, ეს კი გულს მოეფონა ჩვენსა კარტუზოს, კაცად ჩასთვალეს, და გამხნეებულმა მიმართა მერგრეტს: „კარგი რა, ჩემო ყვავილო, ამ ტყუილ-უბრალო გაბრაზებას და ქიშპ-პაექრობას ის არა სჯობიან, — დაითაფლა ხმა, — ლოგინში დაწვევით და ვითამაშოთ?“ „კი, როგორ არა, ამ ახალ დაბანილზე მეტი საქმე არა მაქვს, დიახ! — ფრიად ფიცხობდა მერგრეტ ბოსკანა, — საცა კი გინდა, იქ ჩაწექი და შენით მარტოკამ ითამაშე“.

— კარგი რა, მერგრეტ...“ — კვლავ წამოიწყო ბაბილონიამ, მაგრამ სათქმელს ველარ მოაბა თავი, ფანტაზიისა ნიჭი არ მოეძეებოდა, იგი ხომ მკვეთრად განსხვავდებოდა რექსაჩისაგან, ვისაც რომ,

დიახაც რომ, როგორც ზემორეთ უკვე აღვნიშნეთ, ლაზათიანი გამოვონების შნო, უნარი და მოწოდება ისე-უბრალოდ კი არა და, არამედ ნიჭიერულად გააჩნდა, ჰქონდა:

მთელი დღის მშვირებებს, კვლავ წყალში ჰყრიდა, აუზის პირას მაყალს კობტად ჩაახურებდა, ზედ გააწყობდა ცვრიანი ხორციით დამძიმებულ შამფურებს, ველურად ამო ქონნარევი კვამლი მზაკვრად ცურავდა სააღმადგენლოში და მევატერპოლნეთ შემპარავად სთავაზობდა მასწავლებელი: „შოშიებო, ჰეე, ვინც თუ რომელი სხვას ყოფას უტირებთ და სახეზე კი ეს არ შეგეტყობათ, მწვადისა ლუქმას მიიღებთ პირში, გვრიტუნიებო, ხომ გაწყობთ, ჰაა?“

და იმა კვამლის გამოისობით წყალში სურვილით მთლად ბუსუსდაყრილ აღსადგენლებს, მზერაარეულთ, ნერწყვდადენილთ, ერთმანეთისა ბრაზი აღრჩობდათ, ავაზაკურად მიცურავდნენ ერთმანეთისკენ, „ავაიუუ!“; ღრიალებდა სუსტი ფრანსისკო, ხუანი კი გაკვირვებით იხედებოდა ირგვლივ, და ჩიტუნელაც არ ახანებდა: „შენ ყოჩაღ, ჰუან, მომიცურდი აჰ“, და მწვადის ნაჭერს მაგრად დაფჩენილ პირში უგდებდა. ამასობაში ჯანკარლო სიმწრით აფართხალდებოდა, ტახო კიდევ — ძალიან მშვიდად ისწორებდა თმას, და იმასაც ხუთიოდ წამში ყოფილი ბურვაკის მცირე ნაწილი პირის მოშიებულ ღრუში ცხელ მალამოდ ეგულებოდა, „შენ ყოჩაღ, თაჰო...“, და ასე შემდეგ.

მისავათებულ, აუზის პირას მიმოყრილ აღსადგენლებში ლოდად ჩამდგარიყო ქეაკაც რექსაჩი, და შორეულსა არცთუ ისე, ყმაწვილკაცობას იხსენებდა: „მე ჩემი გუნდის კაპრალი<sup>1</sup> ვიყავი მაშინ, ხოლო მოწინააღმდეგეთა ერთ-ერთი გუნდის კაპრალი იყო? — აჰ, მტრისას, მტრისას... რაიმე უნდა მეღონა, თორემ ყველას თავფეხიანა ჩაგვახრჩობდა გვადალკვივირის ნესტიან წყალში. შეხვედრისწინა მთელი დამე რძისფრად ვათიე, მერე კი, გვრიტნო, გათენებისას, როდესაც ჩვენ, ადამიანებს, დიადი აზრები მოგვდის ხოლომე, ძვირფას რამეს მივხვდი, და იმავე დღესვე აღვასრულე: წესია ასეთი, ნიბლიებო, პაეჭრობის წინ, სანამ წყალში გადახტებიან, კაპრალეებმა მსაჯულთა წინაშე ერთმანეთს მეგობრულად უნდა ჩა-

<sup>1</sup> აღრე ვატერპოლისტთა გუნდის თავკაცს კაპიტანი კი არა, არამედ კაპრალი ერქვა.



მოართვან ხელი და, ძმური ღიმილით მივუახლოვდი იმ პირქუშ კაპრალს, და როგორც კი ხელში ჩავუდღე ძვირფასი ხელი, უცებ შევწყვირე, ისე ძლიერ რომ, მაყურებლები ადგილზე შეხტნენ, იმ გაკვირვებულ ჯანსაღ კაპრალს მარწუხებივით ვუქერდი თითებს, და თანაც, ვითომ, ჩემი ხელის გამოსაგლეჯად გამწარებულ რამ მოძრაობებს დამაჭერებლად ვასრულებდი, მთლად ვფართხალებდი, მერე კი, ვითომც იმან შემიშვა ხელი, მსაჯულთა ფერხითი გულწასული განვერთხე ვითომ და გონსმოსული, აღშფოთებული დამსწრე საზოგადოების მრისხანე შეძახილები ატყდა: „სადამდე მივიდნენ, წყალში ჩასვლამდეც კი ველარ ითმენენ!“ მე კი, თავი ვითომცდა ძლივას რომ წამოვწიე, სამარისებური სიჩუმე ჩამოვარდა და მთავარ მსაჯულს გულდაწყვეტილად, სუსტად, მაგრამ ყველას რომ მაინც გაეგო, ისე მივმართე: „რა ჩემი ბრალია, დონ მსაჯულო, ვიოლონჩელზე მაგაზე უკეთ რომ ვუქრავ, ძია სენიორ?“ და კვლავ განრისხდა მთელი დამსწრე საზოგადოება, ხალხი, და მსაჯულებმა აის კაპრალი თამაშის დაწყებამდე მკაცრად გააძევეს, მე — სააქიმო დახმარება გამიწიეს, კოხტად ვკენსოლო, ყოფილი ხარის ძარღვებით გადამიხვიეს ვითომცკვემული, ძლიერი ხელი, და თამაში უკვე გახურებული იყო, როდესაც მე, როგორც რომ ტკივილდამძლევი გმირი, ისე ჩავეშვი გვადალკვივირის ნესტიან წყალში და დამსწრე საზოგადოება, ნალები მთელი ვალენსიისა, ხალხი, ამტანობისთვის ტაშის გრიალით მაჯილდოებდა, მე კი, კვლავ დაჩაგრულის უმწეო ღიმილით კეთილ სახეზე, აჰ, ისე მკვეთრად გავიქნევიდი ფეხს, შიგ მუცელსა და უარესში! — ერთი და ორი, მთელი იმათი გუნდი ბლაოდა, მე კი წყლის ზემოთ განცვიფრებით მეკავა ჩემი ერთი ვითომც მომჩვიარული ხელი მეორეთი, მთელი დარბაზი აღშფოთებისგან ჰქუხდა და ჰქუხდა: „რაა, მსაჯულნო, რას გადაეკიდნენ ყველანი ამ ბეჩავს, რეებს აღარა უგონებენ, მსაჯულნო, უუ! მსაჯულნო, მეხაშე!“<sup>1</sup> — და მოხსნეს კიდეც შეჯიბრებიდან იმათი გუნდი. მე, წყლიდან ვითომც ტანჯვით ამოსულს მთელი დარბაზი მამხნეებდა, სულ ჰაეროვან კოცნებს მტყორცნიდა და მეფერებოდა, ყველაზე უფრო ლამაზმა დონნამ უძვირფასესი თავსაბურთით გადამიხვია რკინისა ხელი, და კიდეც უფრო გამახარა იმავ ღამით, ასეა გვრიტნო, რომელი დიდი მოსაზრება დარჩენილა უჯილდოოდ და

<sup>1</sup> მეხაშე ხაშის დამამზადებელსა ნიშნავს, ხაში კი — საკმელია ერთგვარი.

დაუფასებლად, უნდა ეცადოთ ათასნაირ ხრიკს, ხომ ხედავთ, როგორ კარგად მაცვია, რა ბეჭდები მაქვს, ის ნაკაპრალარი კი, ახლა ალბათ სადმე თხრილში გდია, რადგან გალოთდა“.

ერთ-ორ-სამ-ოთხ — გადიოდა დრო.

#### 14

უი ჰო, მართლა, აფრედერიკს სულ დაავიწყდა — აუზის ახლოს, მინღერად გაშლილ მწვანე კარვებში ჰამდნენ. 'ვამდნენ და იძინებდნენ აღსადგენლები: ცხოვრობდნენ, რაღა. ქვაკაც რექსაჩმაც იქვე დასცა. ლურჯი კარავი, შესამოწმებლად მოდიოდა ხანდისხანობით, ღამესაც იქვე ათევდა ხშირად, რადგანაც დიდად ჰოფაკი სიმამრი ჰყავდა, ხოლო მას, რექსაჩს, დაბალი და ჩასქელებული, წვივებმგრვალი ქალები უყვარდა და ჰყვანდა.

და გამორჩეულ ღამღამობით, რომ მიწყდებოდა ლოდკაცის ოხვრა, ჰქმენა და წამოკვენესანი, თავზარდაცემულ, უფრო მეტიც — თავზე ხორცდასხმულ აღსადგენლებს, ჰოი, რაღა არ უტრიალებდათ ამღვრეულსა და აკრილ რძისმაგვარ ფიქრებსა და მოძალებებში და. სულგაკმენდილნი ყურს უგდებდნენ შორეულ ტახოს, რომელსაც რომ ვიღაცა გოგო რაღაც-რაღაცებს აბეღვინებდა:

— მერე მე იმას... — ჩურჩულებდა ბნელეთში ტახო, — მერე მე იმას ზემო ფეხებში ვსტაცე ხელი...

სიჩუმე, იდგა!

და ბოლო-ბოლო, ძლივს ახერხებდა დაგუდულად შეკითხვას ჯანკარლო:

— ხოლო იმან რა თქვა...

— იმან არაფერიც არ თქვა, იმან მარტო თქვა — „აჰ!“

— და არ გაგარტყა? — შეცბა ფრანსისკო.

— არა. პირიქით.

კარვებთან შორიახლოს, ჩაუამებული გომური იდგა, მორუხო ხავსით გამოკმული. მოქმედი იყო — იღუმალ ხმოვნად ეღებოდა გასაბზარ ღამეს დათვდასიზმრული ძროხის ბღავილი, სიოს კი, ვითომც სუსტსა და ფაქიზს, მორცხვულად უკმეხს, რქითა მხრიდან ჯროჯაჯრო ნაკელისა და შმორის წელაღი. უხამლოდ მოტკობო სუნი მოჰქონდა.

სხვა რამ სურნელი ტრიალებდა კასერესას მადლიან ბორცვზე, მაგრამ ბესამე იქ აღარ იყო, აღსადგენლებს ნასამხრალზე თუ გაატარებდა ალკარასის გარეუბნებში რკინკაც რექსაჩი. პაწაპუწოებს, შორჩილ-დამყოლთ, წინ ამაყად გაირეკავდა, დინჯის ნაბიჯით მიჰყვებოდა მოწაფეთ ფარას, იმათ რცხვენოდათ, ხოლო რექსაჩი გზადაგზა ნაცნობთ თავს უკრავდა, ზოგს — ღირსეულად, ჩავლილ ქალებს კი ერთ ადგილას მიადევნ-მიაწებებდა თვალს — ჩამაკალი შვის ირიბ სხივებში, სეირნობდნემ, აჰ... მაგრამაც ერთხელ, წაბლის ყიდვისას, ფრიად უცნაური სანახაობის მოწმენი გახდნენ — ამზარზენი რამ ღრენა მოესმათ, მიიხედეს და, ადამიანი იყო, ოლონდ ზედმეტად კუნთოვანი, თუჯკაც რექსაჩიც მთლად აიწურა, სალი კბილები გამოაჩინა, მოიხარა და დაუნდობელი ნახტომისათვის განემზადა, ისიც, უცნობი ორფეხი, მორკალული და თმა-წარბ აშლილი, ძალიან აყად იღრინებოდა, და აი ასე შესცქერდნენ ერთურთს, მაგრამ რექსაჩმა მაინც იმარჯვა, ძალუმით თვალთ მაინც გატეხა იმისი მზერა, და შედარებით სუსტი ღრენით სულ უკან-უკან ნელა გაბობლდა აის უცნობი, ქუჩის კუთხეც და — მიეფარა თვალს, ბალებმა შევებით ამოისუნთქეს, ხოლო ფრანსისკომ, მთლად წამხდარმა, როცა ხავილით ძლივს იკითხა: „ვინ იყო, ძიოვ...“, რექსაჩმა დიდის თავმოწონებითა თქვა:

— აი ეს ჩემი საუკეთესო მოწაფე იყო.

სეირნობა რა, — თავი და თავი, ვარჯიში გახლდათ. ფიტულებიან ოთახებში ყოფნას უმატეს, თოჯზე ჩამოკიდებული, მიმოქანავე აღსადგენლები ფიტულს როგორც კი გაუსწორდებოდნენ, სათუო მკერდში, ყელსა თუ მუცელში უნდა ეგლიჯათ მონდომებული ფეხი. „კარგია, ჰუან, ცხოვრებაში არ დაიკარგები... ასე განაგრძე, ჩემო თაჰო და, ცხოვრებაში კაცი გამოხვალ... ჯანკარლოვ, ტებილო, დღეს არაფერი გიჰამია, ჩვენ შენი დედა?.. ფრანცსკავ, ძვირფასო, დღეს ვირთხებიან სენაკში შეხვალ... ასე, ჯანკარლო, ჰოო, სწორედ ასე... ახლა პირდაპირ აუზში ჩახტიო“.

„აბა ჰე, თაჰო, ფრანცსკას მუცელში წიხლი ხეთქე, თანაც კი თავზე უწყინრად გადაისვი ორივე ხელი, ვითომ თმას ისწორებ, არა გაქვს თუ რა... კარგია, ასე. ჰუან, ძვირფასო. ფრანცსკას ერთი ისეთი ლეწე ყელში. ღრიალი წამსვე რომ შესწყვიტოს... ჰოო. ახლა კი, არხეინად მოიხოცე ეგ ღორის ცხვირი, ვითომც მსაჯულის გაფაციცებას სულაც არ ელი, კარგია, ჩიტო... კაროვ. ძვირფასო. ჩაყ-

ვინთე და ფრანცსკა მოძებნე... კარგია, ასე, ამოიყვანე, ცოტა ხანს ეგდოს. ვირი კოჭლობით არ მოკვდება“.

„ახლა ტყორცნები, გვრიტუნებიო. თაპოვ. შოშიავ, შე დამპალო, აბა სად ისვრი, ემაგ ბურთში ხარ გასატარები!, მე შენი დედა და დეიდები! ჰუან, შენ ყოჩაღ...“

ხოლო ერთხელ კი სასომინდილმა ფრანსისკომ, რომელიც რომ შეძლებული ოჯახიდან იყო, რ. დ. უ. რექსაჩის გიშრისთვლოვანი ბეჭედი და ლარნაკი რამ უცხოდ მოხატული, მიუტანა და გაუწოდა.

— აბა ეს როგორ შეიძლება, უხერხულია, — აღნიშნა ჩიტუნელა ძიომ და ბეჭედი თითზე გაიკეთა, ლარნაკს კი გულის ჯიბეში ჩადებამდე დააკვირდა, ატრიალა, — სადაურია, შეედურია?

— იაპონურია.

— მაინც კარგია, სალოლ.

მერე, სხვებს უთხრა:

— ფრანსისკიტოს დღეის ამას იქით რომ ვინმემ ფეხი ახლოს, თავს ძირში მოგჭრი.

„ჰუან, შე ვირო, ჩემო ნიბლიავ, როგორ წაგართვა ჯანკარლომ ბურთი, ფრანსისკოვ, მიდი, ჩემი ბიჭი და, ჯიგარში ლეწე. კარგი ყოფილა ფრანსისკოს წიხლი, ჰჰუანიტო? ჰა?“

„ჯანკარლოვ, ბნელო, ვარსკვლავებიქუნავ, საით მიცურავ, რომ დაგიდია ეგ ქათმის ტვინით გამოტენილი ფუტურო თავი, ახლავ ამოდი აუზიდან და წყლის პირას წაკუზული დადექ. მოდი შენც, ჩემო ტკბილო ფრანსისკო და პანლური უთავაზე კონტა-ისეთი ერთი, პირიდან ენა გამოვარდეს. კარგია, ასე“.

— აეს რაღაა? — იკითხა რ. დ. უ. რექსაჩმა და უცნაურად მსუბუქ ლამბაქსა და ფინჯანს ისე დაადგა მახვილი თვალი, კილამ გაბზარა, — უხერხულია. იაპონურია?

— ჩინურია, — უთხრა ჯანკარლომ, — დედამ თქვენთან გამომატანა. და ესეც, ქოლგა.

— ესეც ჩინური?

— დიახ, ბიძიო.

— უხერხულია, ძალიან კარგი. რაღა დღეს არ წვიმს.

„ჰუან, დამპალო, ეგ რანაირი გაუშვი ბურთი, ააბათ, ჩემი ბიჭე-

---

XIX საუკუნის 50-იან წლებში ვატერპოლოური ბურთი ღორის ფაშვისგან კეთდებოდა.

ბი, ფრანსისკო და ჯანკარლო, ჰუანს აქეთ-იქიდან აუტივტივდით და იმდენი ურტყით, სანამ ფეხები არ დაგცვივლებათ“.

— სადაურია, ჩინურია?

— არა, ბიძიოვ, გერმანულია.

— კი მაგრამ, ჰუან, სად იშოვე ასეთი კონტად ლაჰაზი სურა?

— გვექონდა, ოჯახში.

— ხომ ვერცხლისაა?

— დიახ, როგორ არა, კი!.. დიახ.

— უხერხულია; სერვანდზე დავდოფ.

„ფუნის ხევ, თაჰო, რამდენჯერ გითხარ, წყლიდან მშრალი ნუ ამოხვალ-მეთქი, აბა, ბიჭებო, ჩემო ფრანსისკო და ჩემო ჯანკარლო და ჩემო ჰუან! ეგ ბანჯგვლოვანი შუაში კონტად გამოიჭირეთ და...“

ძაან საწყალი მშობლები ჰყავდა, გაფხეკილები იყვნენ, მაგრამ ტანომ თავისით იმარჯვა — ორ სოფელს გასცდა ბნელი ღამით და, გათენებისას, მობრუნებულმა, აიმ გომურში რ. დ. ე. რექსაჩის სამ-მაგოვნად ვრცელ სახელზე დამაკებული ძროხა მიაბა.

... ბესამეს ერთხანს ლაწვის ფხანვით დასცქეროდა აღმადგენელი. მერე ასე თქვა:

— მე კარო-მარო და ძვირფასები სულაც არ ვიცი. აბათ, ბიჭებო, ჩემო ჰუან, და ჩემო თაჰო, და ჩემო...

ოთხ აღსადგენელს მღვრიე წყალში ოთხივ მხრიდან მოემწყვდიათ ბესამე, კარო. და დაგვემილი, იმავე ღამით, ბუჩქებში თავკვე ჩახერგილი, ატირებული, თავისი უნებური დანაშაულის გამოცნობას ამაოდ ცდილობდა:

ქურდობა — ეს ხომ ცუდი გახლდათ: არადა, სად რა ეგულუბოდა, ან საიდან რა მოეტანა, ობოლი იყო.

აჰ, ფანტასტიკის ნება არ არი?! — ოთხი სამი თვე ისე გავიდა, როგორც რომ ვითომ არაფერი.

ეს აქ, ქაღალდზე, თორემ ისე, სინამდვილეში, ჰეეე, ოო... — საწყალ ბესამეს, უმცროსთა ჯგუფის სხვა დანარჩენი აღსადგენლები რექსაჩის მითითებით თავს კი არა და, თავს ქვემოთ ესხმოდნენ და, იმასაც, ბეჩავს, რა დარჩენოდა — ისედაც სხვებზე სწრაფად ცურავდა, და უკეთესი კიდეც უფრო, მღვრიე წყლისა კვეთა უნდა

ესწავლა. მაგრამ ხანდახან ისეც ხდებოდა, სადმე კუთხეში გამოიქერდნენ ხოლმე და, მიმწყვდეულს, ოთხი წყვილი ხელი და ფეხი შეძლებულთაგან და მპარავთაგან სასჯელად ჰქონდა. აქ ტირილი და ხვეწნა-კვნესა რომ ვერ გასჰკრიდა, ხედებოდა ბესამე, თვალები ავად უელავდა, ვისიმე წვივს თუ დაიქერდა, იმ უნდო ხორცის ამოფლეთა სურდა ხოლმე და, იმ აუზის გაწებილ ჰაერს ბესამეს გარდა სხვა რომელიმე აღსადგენლის ყოვლად ძლიერი შებღავლებაც აჭანჭლარებდა.

გრძელ ღამეობით, სხეულში მუდამ ალაგ-ალაგ ჩაღეწილსა და დალურჯებულს, უმოწყალოდ ნაგვემს, თავის გატანის მკვეთრი სურვილი არ აძინებდა ბესამეს, ღრღნიდა, ცხოვრება, ვითომ, სწორედ ეს იყო, ეს ვატერპოლო?!. არდანდობა და, გაუტანლობა? ტახოსგან მაინც, იმ ზედმეტად მიწავერ წიხლებს არ მოელოდა — აკი მანამდე ერთ მერხზე ისხდნენ... მერხი არა, ის. და როგორმე რომ გადარჩენილიყო, ნაამხანაგრებს ჩახრჩობამდე რომ არ გადაექელათ, რა, რა ელონა, რა უშველიდა ნეტავი ობოლს... და არც თუ ისე მოგვიანებით, მიხვდა: რა და, ძალა და, სიმძლავრე და, გამწარება და, რისხვანარევი ღონიერება და, სიძულვილი უხ, და, თანაც, რაც მთავარია, აჰ, სითვალთმაქცე — ისეთი ტყბილი, და გემრიელი, და აკრძალული ცხოვრებაში ვითომცდა, ხილი.

ღლითა თუ ღამით, ნაშუადღევს ან საღამოთი, ანდა სამხრობით, გინდაც რიყრაუზე, თუკი ეღვიძა, ბესამე მუდამ ღონეს იკრეფდა. რომ შესძლებოდა უფრო მწარედ ვისიმე ჩქმეტა, იმ სამი თითით, რომლებითაც რომ სოფლის პატარა ეკლესიაში კვირ-კვირაობით პირჯვარს იწერდა, ახლა გომურთან, თუკი არავინ უყურებდა, ხის კედელში თითისტოლა ლურსმანს თითქმის ბოლომდე აჭედებდა და, პირმოკუმული, დაძაბული, იმ სამი თითით დიდად ურჩ ლურსმანს უკანვე თრთოლვით ამოაძრობდა ხოლმე; აჭედებდა კვლავ.

მოზრდილთა ჭგუფის ჭერაც უხილავ აღსადგენლების მიღეთა-მიწე გრგვინვა აუზიდან თუ არ ისმოდა, გვიანი ღამით შეიპარებოდა ხოლმე და, რისხვიანად დაცურავდა იქ. დიდ ქვებს ათრევდა აღმართებში; ორად მორკალულს, გაუგონარი სიმძიმე აწვა, და მაინც. მაგრამ, დასაცემად არა ღრკებოდა, ლოდს დათქმულ ხესთან აზიდავდა, იქიდან — თავქვეზე დააგორებდა და, უტვირთო, მიწავერი, მხრებგაშლილი, ბორცვზე სუნთქავდა, ისე ღონივრად, ისე ძლიერ...

ერთ დღეს იყო და, მკაფიოდ იგრძნო, სხეულში რალაც მომცრო

თავები რომ ჩაებუდა, განსაკუთრებით, კიდურებში — მუშტს თუ ღონივრად შეკუმშავდა, და მთელ ხელს სიგრძივ დაძაბავდა, მაქიდან მხრამდე, შიგნით, ხელში, რალაც თავივით რამ მოძრავი, თავივით უხმო, ძაან ერთგულად აურბოდა — კუნთები იყო.

მაგრამ ის ოთხი აღსადგენელი, ჭგუფად შეკრული, ჭერხნობით მაინც ერეოდა და, უკანმიხედვით აწყდებოდა აუზის კედლებს ბესამე კარო, ხანდახან კი, მის დევნაში გართული მავანი სხეებს თუ გამოუსწრებდა, მოულოდნელად ბესამე მიაკენ მთელი სისწრაფით მიცურავდა, და იმ სამი თითით ვაიდედამდე აყვირებდა. ამიტომ, უფროხოდნენ, ცდილობდნენ, რომ სულ მუდამ ოთხად ყოფილიყვნენ, ესევე — კვარტეტი. აქ აფრედერიკს, მიმოფანტასტეს, სწორედ კვარტეტზე გაახსენდა, რომ ერთხელ ჩვენი აღსადგენლები კონსერვატორიაში წაასხეს, იქ გამოცდაზე ურიგოდ შეუშვეს და ეგება გახსოვთ, კარტუზო-ალა, ბაბილონია, იყო ასეთი, ალკარასისა ყველაზე ნათელ შენობაში ბნელ ჰისტორიას ისწავლებოდა იგი, ბესამეს მუშტრის თვალთ ახედ-დახედა და, ჰკითხა:

— რომელი არის ადამიანის ყველაზე დიდი დამარცხება?

რა უამი დაღვა? — ბონაპარტიტი ბონაპარტეზე „დიადის“ თქმას ველარ ბედავდა — უხერხულია, რაც გინდა იყოს, სამშობლოს მტერი... მაგრამ კარტუზო შეუპოვარი რადგან იყო, „ადამიანში“ თავისთვის, გულში, ღრმად, „ღიადსაც“ აკი გულისხმობდა და, შეუპოვრობა! — კარგია, არა? — ასეთნაირად ახსენებდა. ის კი არა და. ერთხელ ერთი მალალი თანამდებობის პირი რომ გაიცნო, ისიც კვლავ მერგრეტ ბოსკანას (მის ცოლს ერქვა ასე) წყალობით, და როცა პირმა საკოცნელად უწყალობა ხელი, სენიორ კარტუზო კანის ნაცვლად ბეჭედზე ემთხვია, აი ასეთი გახლავდათ კაცი, სულ სხვაა მაინც, ესპანური ამაყად მიმომჩქეფარე სისხლი. ახლა კი, როცა ბესამეს ააასე ჰკითხა: „რომელი არის ადამიანის ყველაზე დიდი დამარცხება?“, ბესამემ განზე იქცია თავი, ფანჯარაში გაიხედა და ჩაილაპარაკა:

— ვატერპოლო, სერ.

— როგორ? — იკითხა მონსენიორ-კარტუზო ეფენდომ და ყური ხელისგულით მოიმარჯვა, რადგან სმენასთან ცოტათი მწყრალად ბრძანდებოდა, — როგორა თქვი, ა?

— ვატერპოლო. სერ, — დაასმინა თანაუზელი ტახომ. იანე იყვირა, ააწყდა ღილი.

— რალა თქმა უნდა, — მთლად გაიბადრა პან კარტუზო, — ვატერლოოა.

და იქავ დასძინა:

— ძალიან კარგი, კარგოვანს გიწერთ. ორივეს. წადით.

— მე ფრიადი მინდა, — თქვა ტახომ.

ასადგენელთა ნებისმიერ დუეტს უკვე თამამად უსწორდებოდა ბესამე კარო, ერთს რომ მუცელში ჩაასობდა ქუსლს, სხვას ყელში მძლავრად წაუჭერდა, და მეორე ხელით არხეინად ისწორებდა თმას, „კარგი, გეყოფა, ნუ დაახრჩე, შენი გაჩენილი კი არ არი, — დასძახებდა რ. დ. უ. რექსაჩი, — შენ რომ ვირი ხარ, ეგ ვირიშვილი კი არ არი, ამოდი, ჰუან, და დაისვენე“.

ტანთ რომ იხილდა, თვალს გაოცებით უსწორებდა შეორთქლილ სარკეს — ვილაც ამაყი, მძლავრი, მრისხანე, მძიმედ, გოროზად შემოპყურებდა; რალა რა ვილაც, იეშმაკა რა, აფრედერიკმა, თავისი ჭკუით — ვილაც კი არა, ბესამე იყო, სარკეში ხომ საკუთარი მოჩანს ხოლმე თავი, მარტოკა და პირდაპირ თუ დგახარ.

„ამოდი, ბიჭო, ეხლავე წყლიდან, არ გესმის, კარო?! — დროდადრო ასე დასტეკდა ხოლმე გრდემლკაც რექსაჩი, — მე აქ მაგათზე პასუხსაც კი ვაგებ, ისე კი არ არი... ძაან გეტკინა, ფრანცსკავ, ჩიტგვრიტო?“

სიმართლე ითქვას?: ახლა მთელ ტრიოს ბესამე ისე უმკლავდებოდა, კიდევ ზოგავდა — დიდი ტკივილის მოლოდინით თვალდაჭყეტილნი, მოფართხალენი, ეცოდებოდა. თანაც, ბესამეს სხვა აღსადგენლებიდან მოშორებით, აუზის კუთხეში ავარჯიშებდა თუჯკაც რექსაჩი, სუყველას ერთად არიგებდა: „აბაბა, გვრიტებო, გაიქნიეთ მძლავრად ფეხი და წამსვე სახეზე უნეტარესი, უსათნოესი ღიმილი მსწრაფლვე აღიბეჭდეთ, გესმით, ვირებო? ჯანკარლოვ, ტკბილო, აბა, ფეხი მონდომებულად გაიქნე, თან მთელი შენი ნაბიჭვრული ძალით წყალსაც უჩქმიტე და უცებ სახე მიიღე ისეთი რომ, ვითომც მდელი და ფერად-ფერადი ყვავილები გიდგას თვალწინ, ნაკადულები, ბუღბულები, ხავერდოვანი ფარშავანგები, იასამანი, ერთი, მეორე, ნამდვილი თაფლი... ასე, კარგია“. ხოლო ერთ ისე-რა დღეს, გარეთ ცოტათი მოღრუბლულობა იყო, ჩია მუსიკოსის ჯერიც კი დადგა:

— მოდი აქ, ჩხინკო, დამიდგევი ყური.

აუზის პირას მოკუნტული ბიჭი იდგა, ვიოლინოთი ხელში.



- ხომ დადებითად მოასწარი გავარჯიშება?
- დიახ.
- სრული პასუხი, ღორის ბახალავ!
- მე კარგად მოვასწარი მთელი ამ დროის განმავლობაში გავარჯიშება, ჩიტუნელა ძიავე.
- მაშინ, სხვადასხვა რამეები დამიკარი. ოლონდ კარგი და ძლიერ სათუთი, ჩემს ჯორებს შენს დაკვრაზე სპეტაკოვანი იერი რომ აღებეჭდოთ.
- ნისლიან ჰაერს შეეკლინთა ვიოლინოს ხმა.
- აეგ ვინაა?
- ბახი გახლავთ, ძიოვ.
- არ ვარგა, რალაც მოსაწყენია, პროზაულია, — აღნიშნა რექსანძმა, იმასაც აკი ხომ ესმოდა რალაც-რულაცები, — სხვა დაუკარი... აეგ ვილაა?
- ეს ბეთჰოვენი გახლავდათ, ძიოვ.
- არ ვარგა, რალაც ღონივრულია, მე კი ისეთი ჰანგები მინდა, ჩემს გვრიტუკოებს ვირის სახეზე უწყინარობა რომ აღებეჭდოთ. განაგრძე, შტერო. ეგ ვილა იყო?
- როსინის ერთი ჰანგი გახლდათ.
- არც ეგა ვარგა. რალაც ზედმეტად ჩიტირეკულია. აბა, ახალი... ეგ აკი უკვე მოვისმინე.
- ეს ჰენდელია.
- ეგ ხომ პირველად დაუკარი.
- ის ბახი იყო.
- ეგეც იმისი პოლკისა ჩანს, მოსაწყენია. სხვა ვინმე სცადე... და ამჯერად კი რკინკაც რექსანძი ნეტარებისგან ისე შეძრწუნდა, ლამის სულ დადნა და აუზის წყალს ჩაეღვარა, — ოი, აიი, უუ, გენაცვა, აეს ვილაა, ნამდვილი ხმეცი?..
- ეს მენდელსონი გახლავდათ, ძიოვ.
- დიდებულია, აეგ რომელი ჰანგიდანაა?
- მენდელსონის სავიოლინო კონცერტის დასაწყისი გახლავთ, სერ.
- სერს მოგცემ მე შენ, ვირიშვილო, ჰირიმე შენი, აეგ დაუკა. „აბათ, ბიჭებო, ძალღისთავებო, ხომ გესმით ყურში რა ჰანგებია, რა ჯიგრიანი, გაინაზე ფრანცსკ! შენცავ, ჯანკარლო, ნეტარების დაიდე შუქი, ასე როგორი ძალიან კარგი ვიტამინებიანი მუსიკაა.

ორმოცი კევრცხისძალიანი, მწვანილით, რამე... ჰუან, თხის თავო, თვალებს შტერივით ნუ აპაქუნებ, შე მაი დარლინგ, ო ალმა მია, გენაცვალე შენ, მზერა მინაბე... ბესამე, ბიკო, ნეტარეული აღმაფრენისგან მაგრად დახუქე ორთავე თვალი, მაგრად მომუწე საჭყეტლები, გეუბნები შენ! ასე, ძვირფასო, წარმოიდგინე ზეცით მომსკდარი ბედნიერება და უწყინრობა, ეგრე იყავი, იტივტივე, ბარაქალა შენ, ცხოვრებაში არ დაიკარგები, მაგრამ იცოდე, ახლა ცალიც რომ გაახილო, კბილებში გადაგკრი, ინეტარე და იბედნიერე შენ, მონ შერ მია, აი, კარგი ხარ, აიი, ასე“, და აქ ბესამემ უცებ იგრძნო, ვილაცამ მძლავრად რომ შეუბოქა ორივე ფეხი და მწარე მუშტიც ტუჩებში მოხვდა. იმ აღმაფრენულ ზმანებებში ასე უმოწყალოდ ელდანაკრავი, ჯერ გაოგნებით შეაკქერდა დაღმევილ ხუანს, ვინაც რომ თმაში ჩაფრენოდა და სიღრმისაკენ ექაჩებოდა, ხოლო ჯანკარლო და ფრანსისკო სახეში სცემდნენ. ახლა ხელებსლა უნდა ეხსნათ ბესამე კარო, თავდასხმისათვის სად ეცალა, რომ არ ჩაეძირათ, ღონიერ მკლავებს გამწარებით ამოძრავებდა, ტახო არ ჩანდა, რაღა თქმა უნდა, ის უბორკავდა წყალქვეშ ფეხებს, ღრმად შეისუნთქა ჩაყვინთვამდე ალბათ ყმაწვილმა და მერე ფეხებზე მარწუხებივით შემოაქლო ორთავე ხელი. ახლა, ურტყამდნენ დაუნდობლად, თავ-პირში სცემდნენ, ჩამოაფხოვნეს შემკრთალი სახე, ყელში უბწკინეს, ხორხში უღმობლად ჩააზილეს წიხლი, ფერდიდან ხორცი ამოაგლიჯეს, შეძრწუნებულმა, წყალნაყლაპმა, თავზარდაცემულმა რექსაჩისაკენ იმედითა და სასოებით აღაპყრო თვალი, ის კი, თუჯაკაცა, თურმე ასე გაიძახოდა: „მიდით, ჩაახრჩეთ, ვინმე გვიჩივლებს მაგაზე თუ რა, უპატრონოა ეგ ვირიშვილი“, და აქ სულგაბზარულმა ბესამემ ძალიან იგრძნო, რომ ობოლია, რომ არავინ ჰყავს, მთელი შიგანი ღრიალით გრძნობდა სისაცოდავეს, გარედან — ჰგვემდნენ, თანაც, ესმოდა: „შენ არ შესწყვიტო დაკვრა, ჩხინკო, თორემ დაგამტვრევ, გვრიტუნებო, თან იცინევით“, და ის ფრანსისკო, მინამდე ლაყე, ისე ძალუმად რამ გააცოფა, მხარში კბილებით ჩააფრინდა და სულელს, უვიცს, ძლიერ ზედმეტად მოუვიდა რადგანაც კბენა, განრიხებულმა უცებ ბესამემ მთელი ძალით აიქნია მუხლი და ფეხები წამსვე გაუნთავისუფლდა — წყლიდან ბლავილით ამოყვინთა ტახომ, ფართო ნესტოებიდან სისხლი სდიოდა და ბესამემ ფრანცისკას სულელურ თავზე გამეტებით დაუშვა მუშტი, ჰუანს ხელში სწვდა და ორი თითი გადაუმტვრია, ჯანკარლო

შერჩა ჯერაც დაუსჯელი, ორთავე ყურით ჩაბლუჯა და შიგ ცხვირ-პირში ლეწა თავი, ამაზრზენად ყრუ ხმა გაისმა რალაც, ჯანკარლოს თვალები აუტრიალდა, თავგადაგდებულს, ყელში მუშტი ჩასცხო ბესანემ, „რას სჩადი, ბიჭოო, — გამწარებული ყვიროდა მშრალზე აღმაღენელი, — აჰა, ფრანცისკოო, და შენც, ჯანკარლო, მაშველი რგოლიი!, მხეცოო, რას სჩადი“, ბესამეს კი ყველაზე მეტად თმა-ხშირი ტახოს ჯავრი სკირდა — ხომ მოგვხსენათ, ოდესღაც რომ ერთ მერხზე ისხდნენ — მძვინვარე ცურვით დაედევნა და, უკვე თითქმის თავდაღწეულს, აუზის კიდეზე აფორთხებულს, კისერზე მოსდო მრისხანე ხელი და ისევ აუზში გაადენინა ზღართანნი. ურტყამდა, მაგრამ რანაირად, მერედა როგორ დაუნდობლად, ანდარა ძალით, ურტყამდა, როგორ... იმ სიმღვრიევეში ღია ვარდისფრად, ამ ნაზი ფერით დამწყებ გველად იკლაკნებოდა ტახოსა და ჯანკარლოს სისხლი, აუზში ყეფით გაისმოდა: „მე შენი აქეთ გამომგზავნიი!“ — გავეშებული თუჯკაც რექსაჩი ფინიასავით მიმობრბოდა, მქუხარებდა, მკვერმეტყველურად იმუქრებოდა, მაგრამ ბესამე აშვებული იყო ზევეცივით, სისასტიკე რამ გაუგონარი ყოვლად, ხდებოდა, აუზის პირას ამ უჩვეულო დაუნდობლობით მონუსხული, ჩია მუსიკოსი იდგა, ამ უამისათვის საოცრებამდე ზედმეტი ვიოლინოთი შეყინულ ხელში, ბესამე ახლა ხუანს ძიძგნიდა, რექსაჩის მიერ დიდი ბადით ამოთრეულნი ჯანკარლო, ტახი და ფრანსისკო სამშვიდობოზე პირ-ქვე ეყარნენ, და ჰუანილა სავსავებდა აუზის პირქუშ, სისხლნარევი წყალში, და ბესამეს აქ თავში უეცრად კეტი მოხვდა. სულ ერთის წამით თვალთ დაუბნელდა, რექსაჩმა ისევ შემართა ხელი, და მოუნაცვლა, მაგრამ ბესამემ დროზე უტაცა კეტზე თითები, რექსაჩი მკვეთრად დაიძაბა, ფერი დაედო, ვერ გამოგლიჯა მაინც კეტი, და გაკვირვებით დააქცერდა იმ აღსადგენელს. გაუგონარი რამ თავ-ხედობა რომ აგრძნობინა, ერთმანეთს მკაცრად შეჰყურებდნენ ბრაზიან თვალში, ხუანმა კიდეც — დრო იხელთა და აუზიდან დამდულრულივით, ღრიალით რომ ახტა. ზურგზე დაეცა შიძინებულ თითქოს ჯანკარლოს, და ისიც მყისვე ზეწამოიჭრა, შეხები-საგან ძრწოლადავლილი, იმის ბლავილზე ფრანსისკოცა და ტახოც მყისვე წამოფრინდნენ, გარბოდნენ. მაგრამ რას გარბოდნენ. და ერთმანეთს თუ შეეხლებოდნენ, კედლებს არყევდა საზარელი მათი ყვირილი, ძალადატეხილთ, რისხევანაგემთ, ძვირფასი ხორცის გადარჩენა სასწაულებრივ ამოძრავებდათ. რა სწრაფად მერე. ერთი-

მეორის გადასწრებას დიდად ლამობდნენ, შეფერხებისას ჯიკაობდნენ, ერთურთში ყველას ბესამე კარო ელანდებოდა, აუზის გარეთ როგორმე უნდა გაეტანათ მთლად დაბურძგვნილი სხეულები, ნაგვეში ტანის ყოველი მისხალი ქარიანობის ცაცხვებივით უფროთხი-ალებდათ, ასე გარბოდნენ ერთ დროს დამწყები მუსიკოსები, მოწყალმობურთნე — მერე, შემდგომ, ახლა კი, შიშის ვოკალისტები, ღრიალებდნენ, აჰ, კვარტეტი იყო? — ხმაშეუწყობი, რა თქმა უნდა, და ტიტლიკნურად, ველურად რომ გაიქრნენ გარეთ, ღრიალზე მეტად მნიშვნელოვანი, ჰოი, როგორი დამაბული ასაფეთქებლად სიხუმე ჩამოწვა მთელ აუზში, რადგან წყლის ბესამეს და ხმელეთის რექსაჩს ერთი კეტისა ცალ-ცალი ბოლო მძლავრად, ღონივრად ჩაებლუჯათ და, მთლად აკრეფილნი, კვლავაც თვალეში შესცქეროდნენ ერთურთს, მერე ბესამემ კეტი თავისკენ ძალიან ნელა, დინჯად, ჩაგუბებული მუქარით მიიზიდა, რექსაჩმა იგრძნო, რომ ცოტაც და — ტანსაცმლიანა, საათიანა აღმოჩნდებოდა იმ მღვრიე წყალში, დამარცხებული თითები გაშალა, ბესამემ კეტი მომსუბუქოდ შეათამაშა ხელში, დახედა, მერე აღმადგენელს ისევ გაუყარა თვალში თვალი და, ცბიერად, ყალბი ზრდილობით ჰკითხა:

— სად მიგიტანოთ აეს წკებლა, მონსენიორ?

აჰ, მაინც რაა დალოცვილი პროფესიონალიზმი... უთავებოლო განრისხების, უკიდევანო სიძულვილის მიუხედავად, რექსაჩი მიხვდა, რომ ჭეშმარიტი ვატერპოლოსთვის ვარგოდა ბიჭი.

ბესამეს კეტი მალა ეჭირა, სისველეს თუ არიდებდა ალბათ, და აწეული ხელის იმ მთავარ კუნთში რისი თავვი, რაის თავუნა — კარგა მოზრდილი ვირთხა ეჯდა.

აუზის პირას ბოლთა დასცა რიხობერტო დანიელ ჟუსტინიო რექსაჩმა, დაფიქრებული მიმოდოდა; უთხრა მერე:

— მოზრდილთა ჯგუფში, აღდგენილებში გადაინაცვლებ ხვალღან, კარო. თვეში სამასი პესო გექნება.

აშარო, კარმენ, ხედავ, რარიგად მიავიწყდა ჩვენს აფრედერიკს, აფრედერიკ მეს დაუძალებლად ამორჩეული ჟანრი? ცოტათი უნდა გავასწოროთ ეს ხარვეზი და სისულელეს ვთქომთ, მაგრამ მაინც ერთიოდ წუთით მომაპყარით თავაზიანი ყური — ლოკოკინა ხტის,

სპილო დაფრინავს, ფლეიტას ობი მოსდებია, თევზი ყუმის და მგელი წინდას ქსოვს, ცოტათი, ვგონებ, რალაც გასწორდა იმაში, არა? — ჟანრსა ვგულისხმობ. საკვირველია მინც, ცხოვრება, ზედ მიწაზეც და ასოთხმოციოდ სანტიმეტრით ცოტათი მალლა, იქ, სადაც ჩვენ-ჩვენი საკუთარი და სანუკვარი დაგვაქვს თავი, რალანაირი ჰოპ-აზრები არ მოგვდის ხოლმე და, ყველაფერ ამას, გენაცვალე, ქალაღი უნდა — აფრედერიკისათვის მინც.

ხოლო ბესამეს ქალაღი სულაც არ სჭირდებოდა — აკი სველდება წყალში. არადა, თვითონ სულ აუზში ეგდო, ღრმა ვატერპოლოს ამოუხაპავ სიბრძნეთა ოთხკუთხა საბადოში, ერთ-ორ, ერთ-ორ: — გადიოდა ღრო, ჩვენი ბესამე მოზრდილთა ჯგუფის სხვადასხვანაირ ხელობისა და ჯურის აღდგენილებში დიადი პოლოს მთლად ახალ-ახალ ხვაშიადებს ეზიარა, ადრეულ ხერხთა ის ანა-ბანა არსენალი აქ, ამ ჭეშმარიტ აღდგენილებში, შვიდ-რვა-საათა უშესვენებოდ მოლაქლაქე ორატორთან აღუა-ჩვილის ლულ-ლულსა ჰგავდა, კბილებით მებრძოლთ, აქ თავიანთი აქიმიც ჰყავდათ, შუბლშეკრულ, გოროზ აღდგენილებს ფრთხილად ადებდა ძვირფას მალამოთ, ბესამეს რალაც ქვეურ კმაყოფილებას ჰგვრიდა სხვისა სხეულზე თავისი ნახელავი. ძნელი ის იყო, დაუნდობელი ქიშპის შემდეგ, ხმელეთზე უადრესი თავაზიანობით რომ უნდა ესაუბრნათ, სულ დაშაქრული გამოთქმებით, მაგრამ ამასაც შეეჩვია, ადამიანი იყო ისიც, ბესამე. ჰამა-სმა, ტახტი, უფასო ჰქონდათ, ყოველი თვის თერთმეტ რიცხვში — სამასი პესო, და ნუგბარეულს თავისი ჯიბით ყიდულობდნენ. ახლა სხვებსავით წაბლს კანიანა ღეჭდა ბესამე, და რაგინდ კერკეტი თხილი კი არა, თუნდაც კაკალი შეხვედროდა, ნებისმიერი ორი თითით ღიმილიანად ტეხდა, თითებში ძალა გააჩნდა? — მტრისას; ერიდებოდნენ. იმ დიად კუნთში ბესამეს ახლა გატრუნული ბაჰია ეჯდა, ადამიანის სიახლოვეს ისე იცოდა იმან დაძაბვა თანააც... განსაკუთრებულ ყურადღებას უთმობდაო, როგორც იტყვიან, წყლისა ბესამე კარში ბურთის მძლავრად ტყორცნას უთმობდა, რადგან რექსაჩმა, აქ მას ბიძიკოს ეძახდნენ და ის კი აღდგენილებს ძამიკოობით მიმართავდა, ბესამეს მიერ ფიცის მიღებისას გარკვევითა თქვა: „ოფიციალურ შეჯიბრებებში ყოველი სამი გატანილი ბურთის ავტორი ჰონორარად რიკარდოს ქუჩის ბოლოში მდგარ სახლში ყოველად უფასოდ შეშვებას მიიღებს, ორ ბურთზე — ნახევარს ფასს ვადაიხდის, ერთზე — მთლი-

ანად, ვერც ერთზე — უშემწევარხორცოდ დარჩება ხუთ დღეს. აბაა, ძამიკო<sup>1</sup>. მაგრამ სახალხოდ შეჯიბრი ჯერ არა ხანდა. ეპ...

ბესამეს ხელით ნატყორცნი ბურთი ისე შხუილით მიგრიალებდა, უპ, ნულარ იტყვიო, ჩვენს მტერს და მტრისას... ერთხელ, შემთხვევით, კარში მდგარ რომელიღაც ბეხლუწს მოხვდა და, გონს რომ მოიყვანეს, რვა ნაკერი აღმოიჩინა დაბალ შუბლზე. აიმდროინდელ ვატერპოლოში ვადას წუთობით არ აღნუსხავდნენ — კარის რვაჯერ აღებამდე იყო თამაში. კარგი სიტყვაა თამაში, არა?.. მოვატერპოლზე შეჯიბრებისას რიგრიგობით უნდა მდგარიყვნენ კარში, ყოველი ბურთის გატანისას იცვლებოდნენ, ასე რომ, სანუკვარი გოლების გატანა ყველას შეეძლო, თუ ძალუძდა ეს. გადანოტრილ თავზე კუპრივით შავი საღებავით სუყველას რომელიმე ციფრა ეხატა — ხუმერი ოთხი, ანდა ხუთი, ექვსი, გინდ — სამი...

ქუჩაში გასულთ, სუყველანი ერიდებოდნენ. ერთხელ, ნაპოლეონის<sup>1</sup> გაყოფვისას, ერთიმეორეში ჩხუბი ქნეს ისეთი რომ, მოშორებით დავანებული მიჯნურწავგრილი ავაზაკი ისე გარბოდა, კეფაზე ქუსლებს იტყაპუნებდა. იმ აუარება ღონის დახარჯვას, აღდგენა კარგად უნდოდა და — ოდნავ შემწვარი ძროხის ჯიგარი, ანუ ნაზად როგორც ეძახდნენ, ღვიძლი, ყველაფერს ერჩივნათ. თვით ძამიკო ბერნარდოც კი, აღდგენილებში შეუპოვრობით გამორჩეული, მოტივტივეებში ერთ-ერთი მძლეთამძლე და ყოველივესი დროისებრ ამტანი, ერთხელ საწოლზე მოკუნტული ჩამომჭადარიყო და გულ-ამოფსკენილი სტიროდა. აქ შეგვიშფოთდა ბიძიკო რექსაჩი:

— რა მოხდა, რა იყო...

— დღეს ხორცი არ იყო... — აზოისლუქუნა ძამიკო ბერნარდომ.

— აბა რა იყო...

— მარტო ფხალი იყო...

— როგორ თუ მარტო ფხალი იყო...

— მე რავი, მარტო ფხალი იყო, პიკ!

• მერედა, უნდა შეგეწვევიინებინა, მზარეული სად იყო...

— აბა მე რავი, სად იყო.

— სად იყო, ვირიშვილი ეგ.

— აბა მე რავი. სად იყო.

— აჰ, ეგ ჩათლახი<sup>2</sup> — აღნიშნა რექსაჩმა.

<sup>1</sup> ნაპლეონი.

<sup>2</sup> ცუდი სიტყვაა.

მერე, დასძინა:

— ნულარ ტირი, ძამიკო. ხვალამდე გასძელ, და სამ ულუფას ზოვაცემინებ.

— და ხვალამდე კი რა ვქნა?

— როგორ, მახათი არ გაქვს, ძამიკო?

ხანღისხანობით, თვალეზახვეულ ჩია მუსიკოსს შემოიყვანდა ხოლმე რექსაჩი: „გადააბიჯე... ეგრე, კარგია... მიდი, მიდი, — უჭიკავებდა, — ჰოო, აი აქ დადექ და აწრუწმაწუნე“. სახვევი რომ არ ჰქონებოდა, ნამდვილად გული შეუღონდებოდა ჩია მუსიკოსს — აღდგენილების ზეჯანსად სხეულში ისეთი კატები, ლეკვები, ციყვები, თაგუნიები, კურდღლები, ქიაღუები, გოქები ისხდნენ. „აბათ, ძვირფასო ძამიკოებო, კარგად დაუგდეთ მანდქელსონს ყური, ხედავთ, როგორი პატრიოტულად კეთილშობილი ჰანგებია? თქვენი სიფათიც შესაფერისი უნდა იყოს, ჯიგრებო...“

დაა, როგორც იქნაა, დი-იდი დღეც დადგაა — ოფიციალური ქიშპისათვის ტერუელელი მევატერპოლნე ეწვიენენ ქალაქს. აჰ, სამი გოლი!.. — რიკარდოს ქუჩა! იმდროინდელ ვატერპოლოში ხუთ-ხუთი სხეული ერკინებოდა ერთურთს, სათადარიგო მოთამაშედ შეიყვანეს გუნდში ბესამე, ახლად აბიბინებულ თავი კვლავ საგულდაგულოდ გადახორტრეს, და აღიარებულ კალიგრაფს ზედ კინკრიხოზე დაახატინეს „ა“ — აღკარასის საწყისი ასო და იმის გვერდით — ნუმერი ექვსი. ოვაციებით შეხვდა დარბაზი მოვატერპოლნეთ, ვერცხლით მოოქვილ სავარძელზე თვით დიდი პერცოგი, ლოპეს დე მორალესი, ბრძანდებოდ-იჯდა. საზეიმო რამ განწყობილება მძვინვარებდა მთელს აუზეთში, მესაყვირებმა რალაცა დიდად შთამბეჭდავი რამ ფილტვების უკიდურესი დაძაბვით დასცხეს. ზედ წყლისა პირას ჩამწყკრივდნენ გამზადებული აღდგენილები, მოცუნდრუკე ხალხს რიდით შეაელო თვალი ბესამემ. დარბაზი კი შეძახილებითა და აპლოდისმენტებით შეირყა, როცა რექსაჩის საუკეთესო მოწაფე, გრძელთმიანი ახალგაზრდა ადამიანი შემოვიდა, იქვე გაიხადა, ტანაცემლი ორი მხლებლის გამოწვდილ ხელებზე ჩამოჰკიდა და აღკარასელ რჩეულთა შორის დადგა. იმას თავის გადაპარსევასა და ნუმრის დაწერას აბა რომელი ჰქუათაძყოფელი გაუბედავდა, ტერუელელთა გუნდშიც ერია ერთი ასეთი, ისიც უნომრო და გრძელთმიანი, ოლონდ — მკერდზე რალაც პეიზაჟი ეხატა. დიდი მსაჯულის გამოჩენაზე საგანგებოდ აქლერებული ჰანგებისა

ხმა ოვაციებმა გადაფარა; მსაჯულს პრილა ფრაკი ეცვა, ყელზედ — პეპელა უბზინავდა ხელოვნური, თავზედ—მოსამართლისა შთამბეჭდავი ქული ეხურა. ქვედა საცვლისამარა აღდგენილების წინ საზეიმოდ წარსდგა და, კეთილი ჩვეულებისამებრ, სახალხოდ ფიცის დადება წამოიწყეს. ჯერ მსაჯული ამბობდა: „დიდი ჰერცოგის სატევარს ვფიცავთ...“, და „ვფიცავთ, ცავთ, ავთ, ვთ...“ — გუგუნებდა აღდგენილების ღონიერი ხმები აუზში, მთელი დარბაზი ჰერცოგიანა ფეხზე იდგა, „რომ ძმურ პაექრობაში ვიქნებით პატიოსანნი...“, „პატიოსანნი, ოსანნი, სანნი...“, „მართველნი და უმწიკვლონი...“, „და უმწიკვლონი, მწკვლონი, ლონ-წკვლონი...“ „და ერთმანეთი როგორც წყალზემთ, ასევე წყალშიც გვეყვარება“. „გვეყვარ, ყვარ, ყვება...“ ტაშისცემამ კვლავ შესძრა დარბაზი, მერე კი იმავე მსაჯულის ნიშანზე მოვატერპოლნენი ერთურთს მიეახლნენ და ძველი ბასკური წესისამებრ, ერთიმეორეს მხარზე ემთხვივნენ, კილამ შეკყვირა აქ ბესამემ, რადგან ტერუელელთა სათადარიგომ, ტ-ექქსმა, დამსწრეთათვის შეუმჩნევლად და ამასთანავე კარგა გვარიანად, უკბინა — არ მოელოდა ამას ბესამე, თორემ უბრალო კბენა განაცვიფრებდა? თმოსანებმა კი ერთიმეორისკენ ფეხაკრეფით გასწიეს, შედგნენ, მერე ნელ-ნელა გადაიხარნენ, ხელი წაიშვირეს, საჩვენებელი თითს წვერები ერთმანეთს ისე ფრთხილად დაჰკრეს, უთოს სიცხელეს ამოწმებდნენ თითქოს, და სიმხურვალისგან მყისვე უკუგახტნენ. ყოფილი თოთხმეტფუთიანი ღორის ფაშვი კენჭისყრით ტერუელელებს ერგოთ, სიამისაგან გაიბადრა იმათი მწვრთნელი, აღტაცებულმა, გაურკვეველი მისამართით ასე ჩაილაპარაკა: „შენი ჭირიმე, შენი გვარში გასათხოვარი...“, იქვე რექსაჩზაც დაიგინა, ოღონდ სხვაგვარად, და აღდგენილებს უქანასკნელად მიაჩურჩულა: „კარგად გახსოვდეთ მანდჰელსონი“.

ქიშბი დაზვერვით დაიწყო, ხალხნო. ბურთი მეკარეს ჩააბარეს ტერუელელებმა, მეტოქეები ფრთხილად დაწყვილდნენ, ოღონდ ერთიმეორისაგან ფეხმიუწვდენელ მანძილზე ძალიან ფრთხილად ტიტივიებდნენ, გაბედულები ხელს წამქეზებლურად გაიშვერდნენ ხანდახან — მტაცეო, აბა, თუ ბიჭი ხარო, თითები, აბა... სულგაკმენდილი დარბაზის დუმის მხოლოდ შხეფების მცირედი ხმა არღვევდა ზოგჯერ, უჩვეულო დაძაბულობა იკლავებოდა მღვრიე წყალზე, და უცებ აღკარასელთა ნუმერმა სამმა დამუშავებული ილეთი იხმარა: ბულბულივით იცოდა სტვენა, ისე ბაძავდა, ხნიერ კა-



ტასაც კი შეაცდენდა, და მისკენ ზურგით მოტივტივე ტერუელელთა ნუმერმა ოთხმა გაკვირვებით რომ იბრუნა თავი — აუზში ბულბულს რა უნდოდა?! — ალკარასელთა ნუმერმა ოთხმა თავისი ქვედა კიდურებით მარჯვენა ფეხი ფიქრის სისწრაფით გამოუჭირა და, მენდელსონით სახეზე, მეტოქეთა გადაწყვეტილებას ელოდებოდა. აქ ტ-მეოთხეს, დედამისის შვილი იყო და რამე ელონა? — წამსვე გადაემტკრეოდა ფეხი, მორჩილად გაყუჩებულიყო უნდა, ხოლო მის ნიშანზე, ნიშნად ენის გამოყოფა ჰქონდათ, მეკარე ბურთს ალკარასელებს თუ არ დაუთმობდა, წასული იყო ჩვენ რომ ვიცით, იმ ფეხის საქმე. ყოფილი ფაშვი ალკარასელთა ნუმერ სამს დამსახურებულად გადაეცა, მაგრამ იმისკენ მოკლედ ჩაიღრინა რექსაჩის საუკეთესო შოწაფემ, მყისვე მიიღო შეშინებული პასი, მეტოქეთა კარი-საკენ მძვინვარე ცურვით, დაუბრკოლებლად გაეშურა, თანაც ფაშვს ხელებშუა ანანაევბდა, მერე, შემართა მრისხანე ხელი, დაიქნია და აჰ, რარიგ ერთხმად აგუგუნდნენ მაყურებლები, როგორ ერთგულად სკანდირებდნენ: „ალ-კა-რას, კარას!“ და რექსაჩმაც ნერვიულობით თავიდანვე აქავებული ზურგი მხოლოდ ახლალა მოიფხანა, ა-მე-ოთხემ კი ტ-მეოთხეს დაუბრუნა ფეხი.

მეკარეები გამოიცივალნენ, განრისხებისგან მთლად ფერწასულმა ტ-ების თმოსანმა სიმწრით სულ თითზე კბენანი ჩაიტარა — როგორი ამბავია, ფაშვი შენ გქონდეს და, ბურთი კი იმათ გაგიტანონ? სავარაუდო ცენტრიდან განაახლეს ტერუელელებმა თამაში, ბურთი მეკარეს გადააწოდეს. ისევ სიჩუმე და ფრთხილად ტივტივი დადგა, მერე კი ტ-თმოსანმა ჰაერი მოშიებულებით, ძალიან ღრმად შეისუნთქა და, მღვრიე წყალში გაუჩინარდა. აქ რისხვიანად აფართხალდა ა-თა თმოსანი, ხელ-ფეხს წინ, განზე, გამეტებულად იქნევდა, ჩაყვინთულს რომ არ ეტაცნა ხელი, მაგრამ ტერუელელებსაც მოეძევებოდათ ხერხთა არსენალში საუცხოო ილეთი: ტ-თმოსანმა ყვინთვით აუზის შორეულ კუთხეში გასწია, იქ ა-მეხუთეს ფეხი ჩაუბლუჯა და თანამოილეთე ტ-მეხუთეს გადააბარა, თავად კი უკან გამოეშურა, და სწორედ ძველ ადგილას უწყინრად ამოყვინთა, რადგან მღვრიე წყალშიც კი შესანიშნავად ერკვეოდა ორიენტირებაში, და თან იმასაც, ოხერს, სულ ზედმიწევნით სცოდნია მენდელსონი თუ ვილაც იმგვარი, ხოლო ენაგადმოგდებული ა-მეხუთეს გამო ვერავინ დაესხა ჯერ ტ-მეორეს, რომელმაც მეკარის მიერ გადმოწოდებული ბურთი ტ-მესამეს გადასცა, იმან — თავიანთ ქოჩორა კაპრალს და

კაპრალმა კი ძლიერი ტყორცნით ფაშვი ბადეში მოათავსა. წარმო-  
იდგინეთ, აქა-იქ კანტიკუნტა ტაშიც გაისმა — ისევე, როგორც ყო-  
ველ ქალაქში, სხვაგან არსად იყო ალკარასელებისთანა ობიექტუ-  
რი მაყურებელი.

ა-თა ბადეში მეორე და მესამე ფაშვიც რომ გაეხვია, თუმც სულ  
არ იყო თუჯკაცას ბრალი, ხმელეთზე იდგა იგი, მაყურებლები ერთ-  
ხმად აყვირდნენ: „რექსააჰ, მეწაღეე!, რექსაჰ, შე ფუნაა!“, ყოველი-  
ვე კი, სინამდვილეში, ტ-მეორისა გამოისრბით გახლდათ — იმან ა-  
მეორეს ვითომც შეცდომით, დროებითად დაუთმო ფეხი, გახარე-  
ბულმა ა-მეორემ მაგრად ჩაბლუჯა საჩუქარი, მაგრამ შემწირველს  
კონტრილეთი სცოდნია რაღაც, და იქვე ენაგადმოგდებულმა ა-მე-  
ორემ ბურთი მუდარით მოითხოვა, გადააწოდეს, იმან კი მოწინა-  
აღმდეგეს დაუთმო ფაშვი. მესამე ბურთიც, როგორც იტყვიან, ანა-  
ლოგიურად გავიდა — გაბრაზებულმა ა-მეორემ ისევ მიიღო ცბიერი  
ფეხი, წინა შეცდომის განოსწორებას საგულდაგულოდ შეეცადა  
და ოთხივე კიდურით ისე ჩაბლუჯა, ქვასაც კი ზეთებს გაადენდა,  
მაგრამ კენტრილეთის მთელი მადლი იმაში იყო, რაც უფრო მონ-  
დომებით ირჩებოდა შეტყუებული, უფრორე სჭრიდა.

აქ ტაქტიკური გადაადგილება მოხდა: ტ-მეორესთან ა-პირველ-  
მა გადაინაცვლა, მაგრამ ნუგბარა მისატყუარით ისიც ხაფანგში აღ-  
მოჩნდა მალე, ა-თა თმოსანს კი, გავეშებულს, იმისი დარდი სულაც  
არ ჰქონდა, უსოლიდარო ნაბიჯი გადადგა — ვითომც, აქაოდა, ენა-  
გადმოგდებულს ვერა ვხედავო, ფაშვი არ დათმო, სამი ბურთის  
გატანით შეპყრობილმა, საკმაოდ შორიდან იკისრა ტყორცნა, და  
მძლავრად სროლა კი გამოუვიდა, მაგრამ რად გინდა — რომელი-  
ღაც გულშემატკივარს მიუცლის ჯიბეში ღრმად ჩამალული ოქროს  
სათის ბროლისა შუშა გაუტეხა მხოლოდ, ფეხმოტეხილი ა-პირ-  
ველი კი აქიმთა დასმა გასახდელისკენ გააქანა, საქმიანად და უგუ-  
ლო გენაცვალებით დაჰფუსფუსებდნენ, კოხტად მოარგეს წინას-  
წარვე გამზადებული ნედლი არტახი, ხოლო ტერუელელებმა ამასო-  
ბაში მეოთხე ფაშვიც გაიტანეს.

ბატონებო, ეს — ნამეტანი იყო უკვე, მთელი დარბაზი გრანდი-  
ოზულ საცივგადასხმულივით იჭდა: როგორ, შენს პროვინციაში თა-  
მაშობდე, კუთვნილ ქალაქში, მშობლიური აუზის წიაღსა და  
ღვიძლ მღვრიე წყალში და, ჯიგრიანი თანაქალაქელების წინაშე,  
ოთხით ერთს აგებდე? აჰ, ბატონებო, აჰ... და, წამოიჭრნენ, დააღეს

ხახა, რექსაჩს ფუნობაც აღარ აკმარეს, ხოლო ვილაც ერთი ჭეშმა-  
რიტი ინტელიგენტი ასე ყვიროდა: „თქვენ, როგორც მწვრთნელიი,  
ორივე ფეხით მოიკოკლებთ, სენიორ რექსააჩ“, „გაბზარულ რკინ-  
კაცს კი ცალკე გაეხმო სათადარიგო მოთამაშე და გამალეზული  
უჩურჩულებდა: „ყური დამიგდე, აბა, შენ იცი, ჩემო ბესამე, ახლა  
შენზეა დამოკიდებული მთელი ქალაქის ღირსება და სინდის-ნამუსი  
და, ორ გოლზედაც კი, სიტყვას გაძღვე, რიკარდოს ქუჩის ბოლო-  
ში ყოვლად უფასოდ გატარებ ოთხ დღეს, აბა, შეხედე...“ და ქურ-  
თუკი ოდნავ გადაიწია, სათადარიგოს საიდუმლოდ დაანახა სარ-  
ჩულზე მიკრული ზენეტარული ზესაოცრება — ერთი მხატვარის,  
გვარად რუბენსის, უსაცვლებო ქალის მომცრო რეპროდუქცია, და-  
კიმული ქურთუკის შიგანს გაოგნებული თვალების წინ უტრიალებ-  
და, „დღეს თუ ივარგებ, ასეთ ქალთან იკუნტრუშებ ბუმბულზე,  
კარო...“ და ა-პირველის სანაცვლოდ წყალში თავით გადაეშვა აღ-  
ზნებული ჭეელი.

სუნთქვა შაჰკარით, ბატონებო, პატარა ხანიც და — ახალი ერა  
დაიწყება ვატერპოლოში, ჩვენ სუყველანი ამისა მოწმე ახლავ გავ-  
ხდებით, და ვიტრაბახებთ მეზობლებსა და უცნობებში ამაყად მერე,  
რომ სანახაობას დავესწარით ძლიერს და ისეთს, თვით ზვიგენსაც  
კი გააკვირვებდა, ფანტასტიკურად რომ დავუშვათ და რომ გაგვეშ-  
ვა იმ მღვრიე წყალში:

ზვერვით იწყება ყველაფერი, ძვირფასოებო, და ეს ზეუცხო სა-  
ნახაობა გამონაკლისი აბა რად უნდა ყოფილიყო — დაწყვილებულ-  
ნი, დატივტივებდნენ, — ჭერ. გამოზომილად ამოძრავებდნენ ვირთხა-  
კატოვან კიდურებს წყალში, ათ-ათი ყური გამოებათ, თვალი — კი-  
დევ უფრო მეტი, დაძაბვისაგან სხეულზე სულ ქრიალი გადასდი-  
ოდათ, ბურძგლი დასხმოდათ, მაგრამ მთავარი — გუმანი იყო...  
რალაც დიადის მოლოდინში გაყურებულ მაყურებლებს — ვინ თქვა,  
წინათქმა არ არისო — ტანი უგრძნობდათ რალაცა დიადს, კისერ-  
წაწვდილნი, სანახაობის ერთ გოჯს იგებდნენ, ტუჩმოკუმულნი,  
დაბერილი ნესტოებით სუნთქავდნენ გულსულშიგანშემატკივარ-  
ნი და, ვილაცამ ხველაც რომ დაიოკა, სწორედ აქ, ამ დროს,  
ბესამემ მუხლთან აიმ ვერაგი. მოილეთის ფეხისწვერისა ცაცუნი  
იგრძნო.

სწვდებოდა, აბა როგორ არ სწვდებოდა, ასეთ საჩუქარს მიიღებ-  
და კი არა, მთელის არსებით ჩაბლუჯავდა, აპ. ისე ავად ჩაეხუტუ-

ნებოდა, მაგრამ ბესამეს დიდი რამ ნიჭი ამოუშველავდა — ქალაქად მოხვედრილი სოფელის მსხმოიარედ უცნაური ეშმაკობა სჭირდა, და ქიშპს ანგარიშმიუცემლად არ აპყოლია — აქავებულ ხელ-ფეხს იოკებდა, დიდის წვალეებით, მაგრამ მაინც იპორჩილებდა, ტ-მე-ორე კი კვლავ გულუბრყვილოდ სთავაზობდა მითომ-უბიწო ფეხს, აჰ, რა საჩუქარს, აჰ, მაგრამ ბესამე თუმც უმოქმედოდ დატივტივებდა, დროს არ ჰკარგავდა, გამალეებული ფიქრობდა რადგან, თანაც, ტანჯული წინამორბედის გადატეხილი წვივი გამაფრთხილებლად ჩამოჰკიდნოდა ფიქრების ცაზე, და, საუცხოო რამ გადასწყვიტა! — ჯერ ერთი ფეხი შემოაქლო ვერავ საჩუქარს, ტ-თა მეორეს თვალთა სიღრმეში ღიმილ-ბოროტმა გაჰკრა, ბესამემ ცალი ხელიც შეაშველა ვითომცდა ფეხს და, ვითომც ამისთვის გადაიხარა და, უცებ მეორე, რკინისთითება, შიგ ყრონკში სტაცა!.. ტ-თა მეორემ აქ კი მართლა გადმოაგდო ენა, ფაშვი ბესამეს მსწრაფლ დაუთმეს ტერუელელებმა, და თუმცა ა-თა მრისხანე კაპრალი უყვიროდა: „გადმომაწოდე!“, ბესამემ ბურთის ხელთაშუა ნანავით მეტოქეთა კარისკენ ძალუმი ცურვით გასწია, მაგრამ თვალის კუთხით იმასაც მოჰკრა თვალი, ტ-თა კაპრალმა რომ ჩაყვინთა და, სწრაფად იაზრა, განზე გაცურდა, ფაშვიანი ხელი შემართა, იყო, იცდიდა, ტ-თა კაპრალმა კი მღვრიე წყალში ბესამეს ფერხთა უშედეგო ძებნის შემდეგ გაკვირვებულმა რომ ამოყვინთა, ბესამემ შიგ სახეში უსწორა წყლით გაქლენთილი მძიმე ფაშვი და აჰ, როგორ დაუნდობლად ხეთჟა, არეკლილ ბურთს თვითონვე დაეპატრონა, აქ მეორედაც დაიქნია მძვინვარე ხელი და მეკარეს ისლა დარჩენოდა სანუგეშოდ, ბადის ერთ-ერთი გაგლეჯილი ნაწილი რომ არ იყო, „ბესამეე, ხმეცოოო!“ — მოფერებით და აღტაცებით ყვიროდა ხალხი, საზოგადოება, აქიმთა დასი კი ტ-მეორეს და ტ-თა კაპრალს პუნქტისკენ ციმციმ მიაქანებდა, ახლახან ცბიერთ, ახლა — უგონოთ, მძლავრი ხელები ჩამოჰკიდნოდათ, სისხლისგან სხვაფრივ შედგებილიყო ტ-თა კაპრალის მკერდისა პეიზაჟი, „ბესამეეე, ბრავოო, ბესამეეე, სალოო!“; ჰყვიროდა ხალხი, ხოლო ა-თა კაპრალი წელანდელი ურჩობისათვის დასასჯელად მიუცურდა და როგორც კი შეჰსისინა: „ფაშვი რატომ არ გადმომაწოდე, შე შობელძალლო!“, ბესამემ მყისვე გადაუტეხა ნეკა და ცერი — გატერპოლოსთვის უაღრესად საჭირო ეს ორი მთავარი თითი, ფაშვის ჩასაბლუჯი ალფა და ომეგა.

ტ-თა ფერმიხდილმა მწვრთნელმა კი გაცრეცილი ტუჩი მოიკენი-  
ტა და სულ სხვა ტაქტიკა იხმარა — რადგან წამყვანი და ცბიერა  
მოთამაშეები წყალ-ხმელეთშუა გამოეცალა, ორ ბრგე, უზომოდ ღო-  
ნიერ სათადარიგოთ წყალში ჩაზღარათანება უბრძანა — ძალისმიერი  
მებრძოლნი იყვნენ, მაგრამ ბესამე აწყვეტილი იყო შარვლის უბრა-  
ლო დილივით კი არა, არამედ ზეავივით, და მინამ სამთა აგრიგალე-  
ბა ჩაწყყნარდებოდა, ა-თა ბერნარდომ ისარგებლა და ორი ინდივი-  
დუალური გარღვევის წყალობით ფაშეთა ანგარიში გაათანაბრა,  
ამასობაში სამთა ორომტრიალიც ჩაცხრა და ესპანურად-ექსპანსი-  
ური მაყურებლები უმეგალითო და მბზინავი შეხედების გამო აქამდე  
ბრძოლას თუ ვერ ხედავდნენ, თვალნათლივი და საუცხოო შედეგი  
იხილეს აწ — ორთავე ძალისმიერ მებრძოლს ხაოიანი ენა გადმო-  
ეგდო, წყალთა ბესამე კი გადაცემას ითხოვდა, რალა თქმა უნდა,  
მიიღო კიდეც, ტ-თა კარისკენ სულ ნახტომ-ნახტომ გასწია და ისე-  
თი ძალით სტყორცნა ბურთი, რომ მომდევნო ტყორცნაზე ტ-თა მე-  
კარემ უმალ ჩაყვინთა, ტ-თა მწვრთნელი კი აუზის პირას გონმიხ-  
დილი ჩაიკეცა და გულისწასვლა ჰქონდა პირწავარდნილად ღრმა და  
იგეთი, რომ აქიმთა დასის ყველაზე გონებამახვილმა წევრმა მეყ-  
ვსეულად იქ სტაცა ხელი; მთელი დარბაზი კი, ალკარასული სა-  
ზოგადოება, ხალხი, ისეთის ძალით სკანდირებდა: „ბე!, სა!!, მე!!!,  
ბე!, სა!! მეეე!!!“, — რომ არამცთუ მთავარ მსაჯულს, არამედ ძალიან  
შორს, თივაში შემძვრალ, მთელ ლამენათევ მიჯნურწავგრილ ავაზაკ-  
საც კი გაეღვიძა და თვალებს გულდასმით ახამხამებდა, სმენა და-  
ძაბა იღუმალ სარკმელთან მოფარებით მდგარმა დონნამ და ერთ-  
ხანს ისეც კი მოეჩვენა, თითქოს მის ყოფილ მეტრფეს ხვდებოდა  
ასეთი დიდის აღფრთოვანებით ხალხი, მაგრამ აჰ, არა — აღფრთოვა-  
ნება სულმთლად ბესამეს ეკუთვნოდა, რომელიც ახლა, გასახდელ-  
ჩასაცემელშიაც კი, კვლავაც შეუწყვეტ კედლისმიღმა ბარაქალოებს  
კმაყოფილებით გაზიზინებული უსმენდა, იქვე ყურჩამოყრილი იჯ-  
და ა-თა კაპრალი, და ბესამემ, უპირატესობა საბოლოოდ რომ გა-  
ნემტკიცებინა, თქვა: „აეგ ჩემი შარვალი მომაწოდე, ვაკაკ. ეგრე“,  
ხოლო უმთავრესი რამ აღტაცება მაშინ ელოდა, როცა რექსაჩმა  
გარეთ, ქუჩაში გაიყვანა, ხელი მსუბუქი მოფერებით უბიძგა, და,  
უთხრა: „მე ფულიანა უკან მოგყვები, შენ კი, ბესამე, აბაა, სმენა-ა,  
რიკარდოს ქუჩის ბოლოსკე-ენ... იარ!“

როგორ გადის დრო?!

რა შეუმჩნეველად, ვითომ...

საკვირველია პირდაპირ, მაგრამ, მაშინაც, თურმე, ფული ძალიან კარგი რამე ყოფილა თურმე — საქმელი გინდა, სასმელი გინდა, ქალი გინდა, ტანსაცმელი გინდა თუ ბრილიანტის ბეჭედი გინდა თუ მოხარშული საზამთრო, პატივისცემა გინდა, მოკლედ, რა გინდა... — ყველაფერი ახლდა.

ოღონდ თუკი გქონდა.

ხოლო თავქოჩორა ბესამეს — ძალიანაც ჰქონდა. სხვა რომ არა-რა, კაპრალობისთვის — რვაასი პესო. ეს იქით იყოს, ყოველი გოლი ფული არ ღირდა? ესეც რომ არა, გულშემატკივართაგან შეძლებული ხალხი — ჰერცოგები, მემწვანნილები, ქალაქისთავეები, ოფიცინანტები, მეხეტყევეები, აღმირალები, ჰერცოგთათვის სარგებლიანად მეფილოსოფოსოები, კონტრაბანდისტები თუ სხვა, რჩეულ ზევატერპოლეს ყოველი მტკივნეული იღეთის ჩატარებისათვის უხვად აყრიდნენ საჩუქრებს თავზე, დააზიანებდნენ თუ რა — ბესამეს, ამაყს, იმოდენა ქოჩორი ედო. ახლა, გულმფრქვევად დონებს აღარ იკითხავეთ?! საკმელში ღამით შემოსროლილი ძვირფასთვლოვანი მედალიონი და შიგ თმის კულული და ხოლო ირგვლივ დასუნამოებული გრაგნილი და გრაგნილზე კი: „საიდუმლოდ ატარეთ. კ-ს. ტ., პ.“ ბესამე კეცვად ოქროს გადახსნიდა, კულულს სულისშებრვით გააცლიდა ნივთს, ნივთი ა-თა რომელიმე თავგადახოტრილს მიჰქონდა, გრაგნილი და კულული ბუხარში აღესრულებოდა, ბესამე უგულოდ ამთქნარებდა, ხოლო ამასობაში ა-თა რომელიმეს ფული მოჰქონდა, არა უშავდა-რა ცხოვრებას, თითქოს...

ჰოი, რა კარგი იყო ქუჩაში გასვლა, ოი... ისეთი რა წვიმა უნდა მოსულიყო, ბესამეს ორმოციოდ თავყანისმცემელი მაინც რომ არ ასდევნებოდა. გოროზად ზიმავეალს, ყურში თათლად ეწვეთებოდა აღტაცებულ-მორიდებული: „ეს ბესამეა... ბესამეა ეს, დიდი ბესამე...“ მზიან დღეობით უფრო დიდი რამ კუდი ახლდა, ფერად-ფერადი, ჭრელა-ჭრულა, თანაც, აზნეჟილ-ჩაზნეჟილი — თავყანისმცემნი სხვადასხვანაირი სიმალლისანი იყვნენ, სამოსიცა და პირადი ასაკიც განსხვავებული ჰქონდათ, გულშემატკივრები ხომ უცნაური ხალხია... შემოხვედრილნი ჯერ მოწიწებით, პირ-დაბნეულ-გახა-

რებულ-ლიმილიანნი, დაუთმობდნენ გზას, ყოველივესი ამტან კუდს შეერთვოდნენ, მიაბიჯებდა დიდი ბესამე დაპყრობილ ქალაქ ალკარასში, მომცრო სარკმელთან შეჩერდებოდა, გაისუსებოდა წამსვე. კუდიც, ბესამეს წაბლიან პემეს გამოუწვდიდნენ, ფულს არ ართმევდნენ, მხრებს ვითომცდა გაკვირვებით აიჩეჩავდა ხოლმე ბესამე, და, კიდევ კარგი, წაბლს კანიანა ჰამდა ხოლმე, რადგანაც, სხვაფრივ, ჩენჩო ქვაფენილზე რომ დაეგდო, სუვენირისთვის ერთმანეთს ნაღდად დახოცავდა ალკარასული საზოგადოება, ხალხი. ეს იმიტომ რომ... ეს იმიტომ, რომ დიდმა ბესამემ პატარა ქალაქ ალკარასის ოთხმარცვლოვანი სახელი სრულიად ესპანეთში ღირსეულად და გადასარევედ გაიტანა: ვალენსიაში — რვით სამი და, სარაგოსაში — რვით ერთი; ალბასეტეში — რვით ორი და, სეგოვიაში — რვით ხუთი; პენიაროაში — რვით სამი და ტარაგონაში — აღარ მახსოვს; ვალიადოლიდში, ბურგოსსა და პამპლონაში შესაბამისად — რვით ერთი, რვით ნოლი და რვით ნული; ბადახოსში — რვით არცერთი და მადრიდში<sup>1</sup> — რვით მხოლოდ ერთი... აჲამ თამაშთა შუალედებში მუდამ მშობლიურ წიაღს უბრუნდებოდნენ, იყო დახვედრა, ერთი, მეორე, ბრავო, ტუში და ყვავილები, „ერთ მერხზე ვისხედით, — ამბობდა ტახო, — თუ ვიტყუებოდე, ფინთი ვიყო...“ — მაგრამ არც ერთი მდედრი არ უჯერებდა. რექსაჩი მგზავრობაში საგანგებოდ მიჰქონდა ბესამესათვის საკმელ-სანოვაგე-სასმელი, რათა დამხვედურთა თავაზიან მზა-მზარეულებს თამაშის დღეს კერძში კუქის მოსაფონფმლოვებელი რაიმე ეშმაკობა არ შეერიათ. როცა ბესამე ვარჯიშობდა, ჩაცუტული რ. დ. ჟ. რექსაჩი სადმე მინდორში ცვრიან მწვადთათვის ქვაზე ხახვსა სჭრიდა, თამაშის შემდეგ კი, სტუმარ-მასპინძლობის წმინდა ადათით. იყო ბანკეტი და ბროლის ჰურჭელი... ბესამეს მალა კარგი ჰქონდა.

სახელგავარდნილ ა-თა კაპრალს ბევრი რამ ფრიად უნდა სცოდნოდა და ეცოდინებოდა, მა რა: ა-თა მეორეს შაირთა შეთხზვა ემარჯვებოდა, ოღონდ სხვისათვის ცოდვილობდა — ბესამე აქაც გამორჩეული უნდა ყოფილიყო, და ერთხელ, ლებრიხაში, მატჩისწინა პრეს-კონფერენციაზე მოწინააღმდეგეთა კაპრალს საკმაოდ უნიკო ტაეპზე ასე უპასუხა:

<sup>1</sup> მადრიდი — ქალაქია ესპანეთში.

გლადიატორი სპარტაკი  
იყო თრაკიელი მონა,  
ჩემი გუნდი — ოტელოა,  
შენი გუნდი — დეზდემონა,  
და-გახ-რჩობთ!

და ამით ტაში გამოიწვია, რომელს არ გვიყვარს ენამახვილადა, ვილას ახსოვდა მენდელსონი.

რა გამოლევდა შემოსავალთ... თუნდ კორდოვაში, ვთქვათ: „სენიორიტა მიყვარს ერთი და... — ღელავდა განზე გამომხმობი კო-თანუმერი სამი, — გამატანიენტ, რა იქნება, თუ შეიძლება, დიდო ბესამევე, ორი ბურთი, რაა...“ „რად გინდა, ბიჭო...“ „თავს შევაყვარებ“. „რამდენს მომცემ რო...“ „სამ ათასს, დიდოვ“. „კარგი, — დიდსულოვნად დასთანხმდა ბესამე, მაგრამ დაამატა: — ოლონდ თითო ფაშვზე“.

ქალაქის თავის განკარგულებით, ძველ სახლებს წუთში ამტვრევიანდნენ, რა გამოლევდა შემოსავალთ. ოლონდაც, ლამით სჩადიოდა ამას ბესამე.

ისე კი, სხვა დროს, ბნელ ღამობით, როგორ გგონიათ, რაღაცა აკლდა? არაფერი, არა, ნავარჯიშევესა და ბარაქიანა ნავახშმევეს, კუნთურას ძილით ღრმად და ღონივრად ეძინა ხოლმე, დილაადრიან გამოღვიძებულს, ეზიდებოდა მღვრიე წყალი, დგაფუნა ტალღა, საღამობით — რიკარდოს ქუჩის ბოლოსკენ სულ სტვენა-სტეკენით, პესოებიან ჭიბეებში ხელებჩაწყობილი მიეშურებოდა ხოლმე, პატარა ხანიც და — იქავ იყო, განლუქულ ოთახში სავარძლის ზურგზე მსლეთამძღურად გადაწოლილს, ხელები თავქვევ ამოედო, ხოლო თითო მუხლზე ორ-ორი პატარა ცელქი როსკიპი უჯდა. ერთი — მძლავრ მკერდზე ეფერებოდა, მეორე — ფორთოხლისა და ბროწეულის ნარევეს ასმევდა, მესამე — ღილებს უპრიალებდა და მეოთხე კიდევ, რაღაც. მერე ერთ-ერთთან ცალკევდებოდა და წყვილდე; ბოდა დიდ-დიდი ბესამე, იმნაიროვან ღამობით — უფრო ეძინა, მაგრამ, დაიჯერებთ? — რაღაცა მაინც აკლდა ხორცთ და, კონსერვატორიის ერთმა მასწავლებელმა, გვარ-სახელად ბაბილონია კარტუზომ, იყო ასეთი, შესანიშნავი რამ ურჩია ქალაქის თავს და, აღასრულებინა კიდევ:

ყოველი დილის შვილის ოც წუთზე სამრეკლოს თავზე მოექცეოდა ხოლმე ბესამე, ფეხებს ზედ მაგრად დააჩაჩხავდა, ქამარში ორ-



ფა სატევარივით გაჩრილ ტრომბონს დააძრობდა, მოიმარჯვებდა, რალარანაირ, დიდ-პატარა ქალთა მცოდნე ტუჩებზე მრგვალად მიიქერდა და, ქალაქში სიფრიფანად დაკიდულ დილის ჭერაც ნელდ ჰაერს ქურვივით მკვეთრად და მრისხანედ მიაპობდა სამხმოვანებით გაწყობილი, მაქორულ ყაიდაზე აგებული მძლავრი ოქტავა: რეე!, ფადიეზ, ლაააა!, რეეე!!! — და ამა ხმაზე ეღვიძებოდათ ალკარასელებს, შვიდის ოც წუთზე მადრიდის<sup>1</sup> დროით, ზუსტად, და დროის ასეთ მკაცრ წუთიწუთობას მაინცდამაინც ნუ გაიკვირებთ, რადგანაც სწორედ ამა დროს თავის დროზე დაბადებული იყო პროვინცია მურსიის მთავარმართებელი დიდი ჰერცოგი დიადი ლოპეს დე მორალესი.

ამაშიც კიდევ — ათასი პესო. შეჯიბრ-გაცდენა, რალა თქმა უნდა, საპატიოდ ეთვლებოდა, დიახ.

ახლა კი, მართლა აღარაფერი აკლდა — მოვატერპოლე ხომ იყო და იყო, და მემუსიკეც გახლდათ და გახლდათ, წონას მატებდა, აღაზევებდა ხალხის თვალში ეს — თან, ათლეტი და, თანაც, ჰანგმტყორცნა... ჰოიი, რა კარგი, გადასარევი იყო პირდაპირ ქუჩაში დინჯად სეირნობა, მის დანახვაზე ატეხილი ცხელი ჩურჩული, ცქვიტ ყურებამდის ძირითადად თანხმოვნებად მოღწეული: ეს ბსმ-ა, დდ ბსმ... — სიამოვნებდა ყურს, უხაროდა თვალს, არკი იმჩნეედა, და მოსირმული ტანსაცმელი უბზინავდა ეჭა, იმდენის მომსწრე მზეზე, სუნამოუხვადნაპურები, აღებულ ქალაქ ალკარასში რიგითი ფეხოსნების წინ მიდიოდა დიდი ბესამე — მევატერპოლე და ჰანგამწევი ერთდროულად, კი... მაგრამ ცხოვრებაში რალა არ ხდება და, ესიხაში კაპრალი დახვდა? — არც დაიჭვრებთ: ერთ რალაცა დროს მუსიკოსი ყოფილა აგრეთვე იგი. და მატჩისწინა, ბუნების წიაღში აუცილებელი დასამეგობრებელი გაბაასებისას, თავიდან რალაც საერთო ნახეს:

— თქვენ რაზე უკრავდით, სენიორ? — ე-თა კაპრალმა იკითხა ასე.

— მე ახლაც ვუკრავ. ოლონდ ტრომბონზე. და თქვენ, სენიორ? — დიდმა ბესამემ იკითხა ასე.

— მე ვალტორნაში ვებრავდი ჰაერს, დონ ბესამე.

— კარგი საკრავია ვალტორნა, დონ.

ძალზე ციოდა, ოლონდ სხვათათვის, აესენი კი წელზემთ შიმ-

<sup>1</sup> კარგით რა, მერამდენედ უნდა ამახსნევიოთ.

ვლები ისხდნენ მინდორზე და კუნთებს მალულად უთვალერებდნენ ერთმანეთს, ისე კი, მოწყვეტილ, გაუქირლებოდათ ეს თუ რა, მოგვიანებულ ბაბუაწვერებს უბერავდნენ სულს, ვითომ.

— თუ შეიძლება, ერთი რამ გკითხოთ, სენიორ?

— ბრძანეთ, სენიორ.

— თქვენ თავის დროზე რა ვერ ჩააბარეთ, დონ?

— მე თავის დროზე ჰისტორია ვერ ჩავაბარე, დონ.

— ჰისტორიაო? — გაოცდა ე-თა კაპრალი, — ისტორიის ჩაბარებას რა უნდა, იგი ხომ შავით თეთრზე სწერია, დონ?

— ხოლო თქვენ, სენიორ? — გაღიზიანდა დიდი ბესამე, — ხოლო თქვენ რაღა ვერ ჩააბარეთ, დონ?

— მე ჰარმონიაში ჩავიკერი.

ელაპარაკე, ამას!

— ხოლო ჰარმონია, პატივცემულო, ნამდვილ მუსიკოსს სულში უნდა ედგას, პატივცემულო.

ე-თა კაპრალიც აიბრიზა:

— მაშ, თქვენის აზრით, მე ნამდვილი მუსიკოსი აღრევეც არა ვყოფილვარ, არა?

— არა, — პირშიმთქმელურად უთხრა ბესამემ.

— როგორ თუ — არა?

— ეს თქვენვე ბრძანეთ.

— არა, ასეთი რამ ჩემს ბაგეებს არ დასცდენიათ, — თქვა ე-თა კაპრალმა, ისეთი მსხვილი ტუჩები ჰქონდა, ლაპარაკობდა ძლივს.

— ნამდვილად დასცდათ, მოწყალეო ხელმწიფე, — ამაყად მიუღო ბესამემ, — ჰარმონიაში ჩავიკერიო, შენ არა ბრძანე?

— მერედა, ამით რა გინდა რომ თქვა, ბიჭო?

— რა და, ბიჭიკო, ნამდვილი მუსიკოსები ჰარმონიაში რომ არ იკრებიან, ის.

— ამას ჩვენ წყალქვეშ დავაზუსტებთ, ჯორო, — თქვა ე-თა კაპრალმა. კარგა-ზე მეტად ჯანიანი იყო ის.

— ნამდვილად დავაზუსტებთ, ვირო, — ქედმაღლურად შეეპასუხა ბესამე, ჯანიანობით აბა რომელი გააკვირვებდა, მძლეთამძლე იყო იგი. თუმცა, გარკვეულ წინააღმდეგობას მაინც გადააწყდა, რადგან ალკარასში დაბრუნებულს, ჰკითხეს:

— თვალზე რა დაგემართა, ბესამე?

— ეგ არაფერი, შენ ის უნდა გენახა. სხვა, როგორა ხარ, რასა იქმ, ჰაა?

ჭალად მიმავალს, გოგო შემოხვდა, ჭალის რამონა.

— რამდენი ხანია, აღარ მინახავხარ, გოგო, — დაუჩრდიებლად ათვალიერებდა ბესამე, — გამოცვლილხარ, აი.

— ორი წელია.

— კარგად გამოცვლილხარ, ძალიან კარგად, — სკვრეტდა ბესამე, — რაღაც-რულაცები დაგტყვია ტანზე. ასე უნდა, აბა... არაა დრო თუ?.. რამდენისა ხარ?

— ჩვიდმეტის.

— ძალიან კარგი, — აღნიშნა ბესამემ, — ეგება ხომ არ გათხოვილხარ, ჰა?

— არა.

— მერედა, ჭალაში არ გეშინია? ასეთი კარგი, მშვენიერი, ქორფა...

ცხრამეტი წლის მუტრუკი და, ჩვიდმეტი წლის გოგო.

— მშვიდობით.. წავალ...

— სად უნდა წახვიდე, აბა რას ამბობ? — თქვა ბესამემ და მაჯაში ჩასკიდა მხოლოდ ცერა-თითი, მაგრამ ისეთი... — წამოდი, ტყეში წავიდეთ, გოგო.

— ტყეში რა მინდა...

— ტყეში ერთი ძალიან კარგი რამე უნდა გასწავლო, გოგო, წამოდი, წამოდი, შენ განა კარგი გოგო არა ხარ? დამჯერი.

— გამიშვი ხელი!

— წამო, კუდრაჰავ, თორემ წელში გადაგტეხ, ეს კი ცუდია, — ამბობდა ბესამე და მახლობელ ტყისკენ ჯერ მსუბუქად ეზიდებოდა, — რბილად დაეწვებით, ბალახი ტყუილა კი არ ამოდის.

— ვაიმე, ხელი!

ცხრამეტი წლის მუტრუკი და, ჩვიდმეტი წლის გოგო.

— შენით წამოდი, ის გირჩევენია, თუ არა და, გვრიტო, ილიაში ამოგიდებ. ჯერ ხომ არ იცი, რა უნდა გასწავლო, დამიჯერე, მოგეწონება.

— პირუტყვო, მხეცო! ვაიმეე, მიშ...

— აბა, აბა, ყვირილს მოუკვდა პატრონი, — გამკაცრდა ბესამე და ქვის ხელისგული პირზე ააფარა, — თავიდან ყველა კი ინაზება, მერე კი ისე კონტად კრუტუნებთ. გაინაზე რა, რა მენალეუბა,

პატიოსნებაში ჩაგეთვლება, — ტყისკენ მსუბუქად მიდიოდა, ილიაში ფართხალა ტვირთით, — მაგრამ აბა მეც მკითხე, მესამე დღეა, უქალოდა ვარ. შენ რომ არ გინდა, მე მინდა, და რატომ უნდა გავიდეს შენი და არა ჩემი? რა, ჩემზე ღონიერი ხარ? — ტყე ახლო იყო, — და გინდაც პატიოსანი იყო, ქალი ერთია ყველა. ქალი კი აი ასე უნდა დაიჭირო და...

— არ შემობრუნდე.

ოხ, ხმა იყო რომ... შედგა ბესამე.

— ეგრე იდექი.

ხმა იყო წყნარი, მშვიდზე მშვიდი. ოლონდაც, თითქოს ხაესლამაზადმოდებული, თრთოდა ბესამე... რამონა უკვე შინისაკენ მაგრად გარბოდა, გახევებული იდგა ბიჭი.

— იდექ, მისმინე.

მხარზე დაედო, ჩამოაწვა მრავალნაცადი, დიდი ქრისტობალდ დე როხასის უუმძიმესი, მუსიკოსის ვეება ხელი. და, როგორც ლომის გამოჩენაზე, კიდურთმეირი ვირთხ-კატები, ძალღ-კურდღლები, სადღაცას გაქრნენ.

ეს რა ხმა იყო, რარიგმიერი წამღერებით ამბობდნენ კანტეს! —

ფარაში დამიდიოდა  
ერთი ციკანი,  
მოფერებამ გადამიქცია  
გარეულ მხეცად...

ბესამე, გახსოვს?

— დიახ.

— მუდამ გახსოვდა?

— დიახ.

— ცრუობ.

წყვილი კურდღელი მაინც შერჩენოდა, რას მოჰკურცხლავდა, აჰ...

— ადამიანი იყავ ერთ დროს და, რამ გაგამხეცა...

მთლად მოკუნტული იდგა ბიჭი.

— რისი გული გაქვს, თავი რით მოგაქვს, რა გაბადია...

და აქ ბესამემ უცებ იგრძნო, მინამდევც, სადღაც მიმალულში, ერთი წრეწუნა მის შიგანში რომ დაჩიფირთობდა და, ამავედროულად, პესოებიან ჯიბეებში თითქოს რაღაცას კვნეტდა და ღრღნი-

და, ახლა კი უფრო ამოქმედდა და, თავის ნაღრღნავი სხეულში  
ძალად ეწვეთებოდა, მოეცა ღონე, თავი შემართა, თქვა:

— მე მდიდარი ვარ, როგორც რომ ალბა.

შემართულ თავზე დაადეს ხელი:

— შენ ღარიბი ხარ, როგორც იესო.

მოიმჩვარა, კი. მოიმჩვარა და, მერე როგორ, გადაფითრდა და,  
მერე რაფრად...

— შენი ალბა კი მათხოვარი იქნებოდა. ხომ?

დაეთანხმა:

— ხომ.

— წადი, იარე.

სიარულისას, თავსა და მხრებზე კელავაც ვაებად დასწოლოდა  
დიდი ხელები, ძნელ უსინათლოს მიუძღოდა თითქოსდა ბიჭი, მაგ-  
რამ საითკენ — არ იცოდა. საღამოვდებოდა.

საღამოვდებოდა. ბინდდებოდა და, რალაცით ნაცნობ ბილიქს  
ტანჯვით მისდევდა ძალიან ნელა, ძალიან მძიმედ, შიშით და ფრთხი-  
ლად, ღამე იყო შავი, უშავესი.

და, სუნზე მიხვდა! — გომურთან შედგნენ. იღვა, იცდიდა, სა-  
ძაგლობა რამ მოჰქონდა სიოს, იცდიდა, იღვა.

— მიდი, შევიდეთ.

შიგ გომურში კი, ჩამყაყებული, დამძიმებული, ობმოდებულად  
წებოვანი რამ სუნი იღვა, წვივებით დამბალ ნაკელს გრძნობდა  
ბესამე, რალაცა მოტკბოდ საზარი სუნი ყნოსვას უფლეთდა.

— იცი, სადაც ხარ?

— კი!

— როგორ?

— აჰ, არა!

— გიშველო?

— დიახ!

— ჰა, გამომართვი.

ტანში, დაზრინა. აჰ, ამ უწმინდურ შენობაში, ბინძურ უკუნში,  
მუხლამდე ზიზღში იღვა და იღვა, ხელთ კი ფლეიტა დაეკირნა,  
ისეთი სუფთა, გრილი, შიშველი... უფრო დამძიმდა მოხუცის ხელი,  
ქანგები მხარში ესობოდა, ეგება შეელას უპირებდნენ, აფრენას  
მალლა... შხამი და ლორწო კი დაბლისაკენ ეზიდებოდა, მთლად

წაბილწული სუნთქვა ეკვროდა, რა იყო მაინც, ასეთი სუნი!, ასეთი უნდო, ასეთი მჭახე, გამოსავალი სად იყო, ნეტავ.

— მიიდე პირზე, და ეამბორე.

ლამე იყო ბნელი, უშავესი.

ხოლო ფლეიტას...

## 18

ხოლო ფლეიტას მთვარის სალუქი, ვერცხლად თხიერი სული ედგა და, დიდი ხნით ობლად მიგდებულნი, მოშობილნი აქ, გომურისმიერ სიბინძურეში, ჯერ მკრთალად, სუსტად წრიატებდა და აქამომდე მისავათებულს, უნდოდ მიგდებულს, სასოება რამ ეფინებოდა, რადგან ბესამეს ქავილამდე აერქოლებული, დამთბარი სული იმა ჯადოქრის შიგანს ჩასწვდა და, შეაშმუშნა.

ღრმად მოერთგულე სულის ჩაბერვით, მკვირვალ თანხმოვნებს გამოსცემდა მჩატე საკრავი ფლეიტა — შმორში, მერე — ხმოვნებად იწელებოდა, მფშვინავი სუნთქვით იმ კუნაპეტში უჩუმარ ბზინვად იჩეკებოდა ვერცხლის ყლორტები რადგან ფლეიტა — მთვარის შტო იყო. და თუმცა ლამე იყო ნაღდი, უშავესი, მელნისფერ ბნელში მთვარით იისფრად მოვარაყებულნი ის სიფრიფანად ღონიერი, უმოქმედობით მოშობილნი ჯადოქარი რაებს აღარა სჩადიოდა — დიდ ხელისგულებს ყოველივეს აღსაზრევებლად უსვამდა თითქოს. და შედედებულ, გაქვავებულ მინამდე სიმყარაღესა და უწმინდურობას ფაქიზად სათნო ხმებით ბზარავდა, რაც კი რამ იყო შესაზიზღი თუ საძულველი, აქრობდა, შლიდა, ვინ იფიქრებდა, მყაყე გომურშიც თუ ექნებოდა ასეთი ძალა, და იმოდენა ხანს თუ ძილად ეგდო, ნამბორალი, ფაქიზად სულშთაბერილი, შთაგონებული ახლა, კუმშვად სურვილად იწელებოდა, ღამეულ მფლობელს, რაღა არ ჰქონდა გომურშიაც კი, მოსაფერები — ისეთი ტყე და, ისეთი ბორცვი, იმსილილო ცა... საკმეველივით ედებოდა ფლეიტა ჰაერს, და თუ რამ იყო უწმინდურობა, სწმენდდა და ითვინიერებდა, რადგან საკრავთა შორის ვიოლინოსებრ უპირველესს, ორი დიადი უმთავრესი რამ — თავისუფლება და სიყვარული გააჩნდა, ჰქონდა; ვითომც სხვების გადაშეკელი და, სინამდვილეში ისევ თავად გადათელილი, ჩვენი ბესამე მომცრო ქვეყანას ისევ იმა მუსიკის რბილად აჩაჩხულ მწვერვალებიდან დასცქეროდა და, აჰ, კაცთ ხედავდა მიმომავალთ თუ მოვატერპოლნეთ, ვით ჭინჭველთ, ისე, და

ეს სუსტი ხმა რა იყო ნეტავ, ღონიერებით როგორ სავსებით დატენილი, რა, და სიფაქიზის მიუხედავად, რა, ეს რა იყო — დაგორებული მთებიდან ძალა? ამბოხებული გამოქვაბული? მიწისძვრა, ეგებ... ოკეანიდან ამოზრდილი დიდი ლურჯი მთა, ოკეანისა შესაფერი, გრძნობიერებით აღმომავალი... მაინც რა იყო — უდიადეს ხელს აბოლებული ვულკანიდან ამოჰქონდა გრძნეული ფიჭა, რა იყო ეს და — მუსიკა იყო, ქვეყნის მფლობელი, რას დააკლებდა შმორი და ზინზლი, ჩაბინძურებულ შენობაში დამპყრობლად კი არა, არაა, ღმერთმა დაუფაროს, მომთვინიერებლად იდგა ბესამე, და ისე კუშტად ჩამოქრწოდა დიდ მოხუცს სახე, რადგანაც ობლის დაკარგული და აწ მოქებნილი, დაკემსილი ახლად ბგერები, ვინ-ვინ და დიდმა მუსიკოსმა, ქრისტობალდ დე როხასმა კარვად იცოდა, კარვად უწყოდა ამ ცხადეული, მძიმედ უწონო სიზმრების ფასი, ჯადოქარს რაღა არ შეეძლო, მალალ ბგერებზე მოზვევითურო ნაყოფისკენ ხტებოდა თითქოს, დაბალ ხმაზე კი — სიოში თოვდა, ნისლი ეფინათ შორეულ ბაღებს, რაღაც ხატება ღრმა ჰაში ჩანდა, გუბებზე წვრილად, მეჩხრულად წვიმდა, და ზღვათა ფსკერზე გატრუნულიყო უცხო ბუჩქნარი, მისჯილად სველი — რაღაცა იყო ფლეიტის ხმაში, მძინარე ბავშვის ნიკაპზე მძიმედ ჩამოდევნილი ნერწყვივით წმინდა, თავად ფლეიტაც იმ დაბინდულ ჰაერს ჰმონებდა, შორეულ გზაზე სავალად რომ ციაგით ედო, რადგანაც მთვარე — ფლეიტის სათნო კუნძული იყო, ლურჯ, მიმოფანტულ კუნძულთა შორის უსათნოესი, მიწით გრძნეული, ჰაერით წმინდა... სიფრთხანა ხმით იმსჭვალებოდა განწმენდილი და შევების გომური, წიწვოვანი ტყის სურნელება თვალნათლივ იდგა, რადგან ბესამე თავად წააგავდა ახლა ჯადოქრულად მასუნთქებელ, გირჩებოვან მცენარეს, ერთი პატარა, გრძნეული ტოტით, რომლიდანაც რომ უცხო ნაყოფად ამოდიოდა თვით ის: უფსკერო, განუზომელი, თვით ის — მალალი, უხვი, მდიდარი, თვით ის — უზომოდ მწყალობელი, — ლალი, ფარფატა ბედნიერება, სიბედნიერე თვალთუხილველი, ყოვლისმომცველი ჩვენი მეუფის, თავად ჰაერის, ჰაერის მეფე უზენაესი, დიდალ-ზევების მასუნთქებელი თვით იის — მუსიკა!

დიდ მოხუცისგან ნაბოძვე სამოსს — სოფლურ ტანსაცმელს გომურის წინ იცვამდა ბიჭი, ყალბად ბრწყინავდა იქვე მიყრილი მოსირმული პანტალონები და ეპოლეტებიანი ქურთუკი; გაისმოდა, ბნელში: „კარვად გახსოვდეს, ბესამე რომ, ბგერები ჰაერში არ

იკარგებიან“. იცოდა, კიი, კარგად იცოდა, სიამნარევი ტკივილით გაბუყებული ნამცეცები ბითურ მოძმეებს რომ ეხლებოდნენ და, აკეთილშობილებდნენ იმათაც მერე, „და რაგინდ დიდი დრო გავიდეს, ბესამევე, კარო, ალბა-კალიგულაიანი მონაკვეთები, ძრწოლა და სისხლი, დიადი რხევა მაინც რჩება, გვეწვეთება ყურთ, ჭერ არ ყოფილა ქვეყნად ნამცეცი, რომ დაიკარგოს!“, შუბლზე, კეფაზე, გრილი ხავერდი შემოახვია, მიმოფლეთის ნიშანი სანდო, „გზად კორდოვაში შეჩერდი, კარო, ის დაი გაგბანს... შენს პესოებს კი რა ვუყოთ, ბიჭი“. „გლახაკებს ჰქონდეთ“. „როდის ვუბოძო“. „აღდგომა-დღეს. ბევრნი არიან?“ მოხუცმა თავზე კვლავაც დაადო ხელისგული, ოდნავ უბიძგა, და სოფლისაკენ მთელი ღამე ქეითად მავალი, სამყაროს დიდი მშობიარობით თითქოს, ისე წვალებით, ისე ნელინელ ამომჰვირვალ ცისა და მიწის დანახვაზე მიხვდა, რატომ წააგავს გათენება დაბადებულის ღონიერ ტირილს, რატომ ჩახჩახებს მერე ქვეყანა, ბნელდება მერე უხმაუროდ — რისთვის და რატომ, და, როგორც ნამდვილი, ჰეშმარიტი ქვეყნისა კაცი, კაცი — მიწისა. ბესამე დღისით ხნავდა, სთესავდა, რწყავდა, იმკიდა, ხოლო ფლეთის, რადგანაც მთვარის კუთვნილი იყო, მაინც ღამე, კი, ღამე ერჩია, ნაშუალამევეს ქოხიდან ფრთხილად გამოდიოდა ბესამე კარო, და უძალდებო მახლობელ სოფლებს ღამ-ღამობით ისე ფაქიზად, ისე წმინდად ედებოდა მთვარის ეყენები, მძინარე გლეხებს, მიწის მუშაკთ, დალოცვილ მიწის მფლობელებსა და ყმებს, ძილში მკრთალ შვებად ეფინებოდათ ამ სუყველაზე იღუმალი საკრავის ხმები, შვებასვე გრძნობდა ბესამე კარო, ისევე ობოლი, რადგან მიწაზე ფეხშიშველად მდგარს და ფლეთით ღამის მაკეთილშობილებელს, არ აწვალებდა ბევრ ჩვენგანისთვის ისეთი უნდო: „რატომ ვარ... რისთვის...“ — ღამის ღებანში თითქოს კენტად იჭდა ბესამე, გარემოსილი ფლეთის მწუხრით, და ეს, სწორედ ეს გახლავდათყე მისი ნამდვილი აღდგენითი სამუშაოები, ქვეყანასა და მის ჭინჭველთზე მჩატე ფლეთით მიმომფენი თავისუფლება, და სიყვარული, იქავე სადღაც გატრუნულიყო აფრედერიკ მე, ძლიერ ობოლზე სულთავიდანვე მიჩენილი, და უხაროდა, ძნელმა ჟანრმა ცოტათი თითქოს რომ გაუმართლა — თავისუფალი იყო ბიჭი... და აფრედერიკს ხანდახან თუკი ავიწყდებოდა კიდევ ამორჩეული და მისჯილი დარგი, ის ფანტასტიზმი, დროდადრო ტყუილ-უბრალოდ კი არ ახსენდებოდა თავნება ქალი, სახელად — კარმენ, თავისუფლებას, სულის



ველურად აყვავილებულ ბუჩქნარს, მისით ეტრფოდა და, დიდად უყვარდა თავისუფლება და, შემთხვევით ხომ, მოგეხსენებათ, არაფერი ხდება მორჩილ ქვეყნად და, აფრედერიკიც აბა რად უნდა ყოფილიყო შემთხვევითი ფანტასტი, ხოლო ჟანრი რომ განიმტკიცოს, მოახლოებულ დამშვიდობებისას ყოვლად ჰეშმარიტ, ფანტასტიკურ ხერხს გთავაზობთ — არ დაიჭერებთ, გამოყენებულ ლიტერატურას გთავაზობს იგი! როგორიცაა:

1. პროსპერ მერიმე, „კარმენი“, თარგმანი არ. ცაგარლისა, და

2. ფრედერიკო გარსია ლორკა, „ისპანსკიე კოლიბელნიე პენი“, პერევილ ვ. ბიბიხინა ი. ვ. ჩერნიშოვ.

და, ბოლოს, მასაც მოვუსმინოთ, რამდენი ხანია, არაფრით არ შეუწყენია უჩინარი თავი, პოიი, საწყალი, საბრალოესი აფრედერიკ მე, ვისაც რომ ბევრი ჰქვამხიარული გასართობიც მრავლად შემოხვდა ცხოვრების გზაზე, მაგრამაც იმან ამოირჩია შეხვედრილთაგან ყველაზედ მეტი ხელობა, პროზა, და თუ ხანდახან ლექსად უქცევდა, ოჰ, აბატიეთ, ვის არ გაგვირბის ლამაზ ქალისკენ ოხერი თვალი, აღარც ის უკვირს, დროებითად ყოელისშემძლე, უფლებადიდადშემოსილი კურფიურსტები მთლად როგორი გაქრნენ, დაიკარგნენ საცხა, ხოლო ბეთპოვენი, თითქოს იმათზე დამოკიდებული, თქვენ წარმოიდგინეთ, დარჩა. და ამ პატარა გახსენებაზე აფრედერიკ მეს ერთი სული აქვს, ჰაერთ-დიადი-მპყრობელები, ისე თვალნათლივ რომ არხვევენ თავად მეუფეს, სრულიად ჰაერს, მისთვის ხანდახან ჩუმჩუმად და ხანაც — ძლიერ ხმამაღლად სათაყვანებელი ხალხი, დიდბატონები, სულ ექვსი კაცი, ჩამოგითვალთ: ბახი, ჰენდელი, მოცარტი, ვივალდი, როსინი, ვერდი...

ერთხელ კიდევ, რაა?:

იოჰან სებასტიან ბახი,

ვოლფგანგ ამადეუს მოცარტი,

გეორგ ფრიდრიხ ჰენდელი,

ანტონიო ვივალდი,

ჯოაკინო როსინი,

ჯუზეპე ვერდი,

კაროვ, ძვირფასო! აფრედერიკ მემ თავისი მცირე საშუალებებით შენ მოგახმარა თავისი შრომა, თავისი მოკრძალებული აღდგენითი სამუშაოებიც არამცთუ დაუყვედრებლივ, სიხარულითაც კი შემოგწირა შენ, საბოლოოდ ბედის რჩეულს, სად აღარ გაგყვა, სად-

და არ გახლდა, ქალაქ-ქალაქად და სოფელ-სოფელ, უცნაურია, მაინც, ცხოვრება, ნეტავ რა ძალამ დაგაკავშირათ ის, ამა ძნელი საუკუნის კავკასიელი აფრედერიკი და შენ, ისე ძალიან შორეულო, ბესამევე, კარო, საიდან მოსწვდა ეგ შენი ხმები, ალბათ მბეჭუტავი ნამცეცები მართლაც არსად არ იკარგება, ყოველთვის რჩება, უფრო ჩანს — ღამით, და თუმც საბრალომ ახლაც არ იცის, რომელი სოფლის მიწაში ხარ, რომელ პატარა სამრეკლოსთან ნეშტად ჩაფლული, მაგრამ, იცოდეთ — უპატრონო საფლავები არ არსებობენ, რადგანაც მიწა — ყველასია და, აეს ჰაერიც, მუდამ ირხევა.

აქ აფრედერიკს სხვა აღარარა დარჩენია, დაგემშვიდობოთ.  
ხოლო სივრცეში არაფერი იკარგება, ეჰ.

ბავშვი რა — ჯერ თვისაც არ იყო, მკიდროდ გახვეული, მცირე საწოლზე კი არ იწვა, რალაცნაირად, საყვარლად, იდო.

მთელი ღამის ნამტირალევსა და გაკინჯვლებულს, ახლა, რიერაჟისას, ძალიან ღრმად, გულის ძილით ეძინა და იქვე მიწოლილიყვნენ მისი მშობლები, ცოტათი იქით, სხვა ოთახში კი — პაპა, და კიდევ სულ სხვა, გისოსებიანი ოთახიდან გამოსული, ბავშვს თვინიერად დასდგომოდა თავს მისი სულიერად ავადმყოფი ბიძა, და, წინგადახრილი, ძალიან დასცქეროდა.

ამჟამინდელი, მთლად პირველადი მშობლობით გამოწვეული არევ-დარევა, თორემ ისე ის აქ ვერ შემოვიდოდა — ყოველი ღამით, ახალთახალი რძლის დაჟინებისა გამო, ოჯახის თავი, ამ ჩვილის პაპა, ცოლ-ქმარი შიგნიდან რომ ჩაიკეტებოდა მხოლოდლა მერე მიაშურებდა უფროსი ვაჟის ოთახს, კარში გაჩხერილ თუჯის ძველებურ გასაღებს გადაატრიალებდა, და მინამდევ მომცრო ოთახში გამომწყვდეული, დღის პატიმარი, დღის ქოთნით ხელში, საკირო ოთახისკენ მრუმედ ჩაფიქრებული გასწევდა და თვალში სისოვლემოძალეებული მიადევნებდა ნედლ მზერას მამა — შვილი იყო და, უყვარდა, მაინც.

დღით, როცა საკმელს შეუტანდნენ ხოლმე, მოაბრუნებდა თავს. მერე ისევ გისოსებიანი საკმლისკენ იქცევდა პირს, და ხალხმრავალ ქუჩას დაჰყურებდა, რალაცას დუნე სიმწრით ფიქრობდა, შორეულ გლუვ-ღრმა საიდუმლოს, რალაც სხვანაირს, რალაცა უცხოს, ხალხი რა, თავისთვის მიმოდოდა, მაგრამ ხანდახან, ხომ აგვრევია რატომღაც რომელიმეს ფეხი.

რძალი ხანდახან შეშინებული მიაყურადებდა, უნდო კართან გახედებოდა, მაგრამ ჩქამიკ არ მოისმორდა, თავისთვის იწვა, ან იჯდა, ალბათ. მაინც საიდან რძლის იმსიდიდო უნდობლობა, და ეკვი, არასოდეს აუტეხია შფოთი და აყალმაყალი. ორად ორი რამ გასართობი, საცოდავს, ჰქონდა: ერთი ის იყო, გისოსს დაფიქრებული სინჯავდა ხოლმე, არა, მოგლეჯა კი არ უნდოდა, ბლანტე, შეგუებული ცნობისწადილით უსვამდა ხელს რკინას, ცივი თითებით ბევრგან სინჯავდა, ხანდახან ლოყასაც კი მიადებდა და ლამით კი, მცირე ფართობზე გამოშვებული, თუჯის ძველებურ დიდ გასაღებსაც მისჯილად დუნე გაკვირვებით დასცქეროდა და, ცოტა მაღლიდან, მიუგდებდა ყურს, ეპ, ვინ იცოდა, რა ბურუსი ამოესმორდა. მეორეც ის რომ, წყალს უფრთხოდა და სისუფთავე კი უყვარდა, საწყალს, და სასთუმალთან დადებულ ყველაზე მდარე ოდეკოლონით ჟღენთდა ბამბას და, სხეულზე საშლეღივით ისვამდა, გულმოდგინედ, რალაც უჩინარ, მხოლოდ მისთვის გასაგებ დამწერლობას შლიდა და შლიდა, და მის ოთახში ამისა გამო აუტანლად მქისე, მისი თვალეზისმიერი თითქოს, ლამის ლორწომდე გადაქცეული სუნი, იდგა და იდგა.

ახლა კი, ახლა, გამორჩეულ დღეს, რადგან ერთ დროს ესე ოთახი იმისი გახლდათ, მივიწყებულ და მაინც მთლად ახალ მიწათა ბავშვის ტირილით შთაგონებული აღმომჩენი, ხელისგულებით უემურ კედლებს გამოყოლილი, გარიჟრაჟისას დიდ საოცრებას, ცხოვრების დიდად სათუო გზაზე ახლახან დამდგარ არსებას, სხვაგვარ სულიერთა მომავალ დამპყრობსა და გამომყენებელს, სუნთქვაშეკრული, წინგადახრილი ჩასცქეროდა და ალბათ ველარც ახსოვდა ის სამუდამოდ მისჯილი ორი საშინელი სიტყვა, მისი გრძნეული დაავადების შემზარავად გადასაფურჩქნი ჩანასახი, თავი და ბოლო: „ტყუილი...“, „სიყალბე...“, და, მზერადქცეულს, ჩვილის ამ უცნაური, გაყინული ჰერეტიით უღვივდებოდა ძველი ეჭვები, ეგებ: „რა, რა გამოხვალ... საით წახვალ... რას ამოირჩევ... ვინ, რა დადგები...“, ბავშვს კი ეძინა, გრძელი გზისთვის იკრებდა ძალას, აპ, მოელოდა ყოველისათვის როგორი რთული ბილიკთა ქსელი, რა სასოება, რა სივერაგე, წყნარად ფშვინავდა, მაგრამ როდესაც სულიერად გადამთიელი, პატიოსნებით ადრეც გამორჩეული და ახლა კი უნებურად უპატიოსნესი, უცხო ბიძა მისკენ ძალიან გადაიხარა და დაჟინებული ისეთი მზერა, თვალს გაბზარავდა, დააბჯინა და თან ცივ თითებს სახესთან

ახლოს უმოძრავებდა, აქ, შეიშმუშნა ჩვილი, და ძლიერ დაფრთხა მსწრაფლ გამართული შორი სტუმარი, ჩასაკეტი ოთახისაკენ მორჩილად გაბრუნდა, აესე მალე დაუმთავრდა ამბოხის მსგავსი გასეირნება, მაგრამ კვლავაც წართმეულ თვალებზე მაინც ეტყობოდა, ისევ თავისას ალბათ ფიქრობდა: „ჰეე, ვინ გამოვა...“

## 1

— რა არის, იცით, ქალბატონო? — წინ გადაუდგა და ქალს მიმართა ერთხელაც არჩილმა, — ჩვენ გვაპატიეთ, უცნობ მანდილოსანს ქუჩაში რომ ასე მოგმართავთ, მაგრამ სახელი არც ვიცი თქვენი...

ქალი არცთუ დაშინებული შესცქეროდა — არჩილს კარგი ეცვა, კარგი ეხურა, გარეგნობითაც არა უშავდა რა; აგრეთვე დღე იყო და ბუნებრივი სინათლე, გამვლელ-გამომვლელი, რამე.

— ხოლო თქვენი სახელი როგორია? — იკითხა არჩილმა.

— ფაცაცო.

ქალს არ ეთქმოდა პატარა. არჩილმა თავი დახარა და კეფაზე დაიდო ხელი, ასფალტს ჩასცქეროდა. მერე, შემართა თავი:

— იცით, მე ამ შინაურული სახელწოდებით ვერ მოგმართავთ, ქალბატონო, თქვენს ნამდვილ სახელს ხომ ვერ მიაშობთ?

— როგორ? — ვერ გაიგო ქალმა.

— თქვენი სასაბუთე, ანუ ანკეტური სახელი ბრძანეთ, — და გაეხუმრა, — რა, არა გქვიათ?

— კი, როგორ არა, — გაამაყდა ქალი.

— და მაინც, სინამდვილეში როგორა გქვიათ?

— ამინადარი.

არჩილმა კვლავაც დახარა თავი და იგივე კეფაზე დაიდო ხელი. ფიქრობდა, იდგა. მერე, აღიღო მხერა:

— იცით რა, ქალბატონო ფაცაცო, ხომ ვერ მეტყოდით, სად მდებარეობს ადამ მიცკევიჩის ქუჩა?

— აა... — გულზე მოეშვა და ეწყინა კიდეც ქალს, — აგეერ, ისაა.

— ამაზე ახლოს? ბიჭო, პლომბირია?

— მა რა.

— ნაყინს ხომ არ იწებებთ, ქალბატონო?

— არა, ახლახანს გეახელით.

— მერე, რა, ეს ხომ სადილი არაა?

დაძაბუნებული შოკოლადით გარემოსილი ნაყინ-ესკიმო იყო, ჩვეულებრივი, მაგრამ ყოველნაირობისთვის მზადყოფმა ქალმა ისე ფრთხილად შემოაცალა ქალაღი, თითქოს საეჭვო, ჩანთაში იქეჭებოდა.

დაიძრნენ, ნელა.

— მიცკევიჩის რომელი ნომერი გნებავთ?

— შეიძლება, კითხვაზე კითხვით რომ გიპასუხოთ?

— დიახ.

— ალბათ კარგი გრძნობაა, არა, როდესაც იცით, რომ ლამაზი ხართ და ხალხის თვალს სიამოვნებას ანიჭებთ?

ქალის სახის ხარჯზე ტუჩთა პომადა გაფერმკრთალდა აქ, მერე კი მღელვარებისგან შეჩერებულმა პანტიკაპემ ასფალტს ორჯერ დაჰკრა ქუსლი და თავი უკან გადააგდო — ჰა, ჰა... ჰა? — გამოერკვა, სადღაც ლავიწთან ჩამოეკითხა არჩილს მერე, — ვერ გავიგეუ?!

ახლა არჩილმა დაიმორცხვა ვითომ, ნაყინს უკბინა..

— გნებავთ, ქალბატონო, სიმართლე გითხრათ?

— დიახ, — თქვა ქალმა და კაბაზე დაიხედა. ისევ მწვანე იყო, კი.

— მე... — წამოიწყო ასე არჩილმა, ცოტა უჭირდა, — მე ეს ვიცოდი.

— თქვენ, რა იცოდით? — „რომ ლამაზნი ვარ!“

— მე კარგად ვიცოდი რომ, სადაც მდებარეობს ადამ მიცკევიჩის ქუჩა, რადგან იმ ქუჩაზე ვცხოვრობ.

ქალმა მცირე ხნით, მაგრამ მნიშვნელოვნურად შეხედა და უმაღლესად იქცია თავი:

— მაშ, რაღად მკითხეთ?

— მე არშიყობა მეხერხება, — აღიარა არჩილმა.

ქალი გაბრაზდა; გაეცლებოდა კიდევ, მაგრამ რაღაცა აჩერებდა. აჰ, ჰო — ნაყინი...

— რა შემამჩნიეთ მაინც ისეთი?

— აუგად კი ნუ დამძრახავთ, ქალბატონო, — დაფაცურდა არჩილი, — მაგრამ თქვენ ხომ ვალიკოს გარებიძაშვილი ხართ?

— კი.

— ჰოდა, ვალიკოს ნათესავს განა მე რამეს ვაკადრებდი? მე და ვალიკო ერთ სისტემაში ვართ. დღეს თავისუფალი ბრძანდებით?

ქალმა ერთიც აათვალერა და არჩილის სახეში ამჯერად რაღაც

ისეთი შენიშნა, თუმცა გათხოვება ძალიან უნდოდა და მინამდევ არავეისთვის მიუმართავს ასე, უთხრა:

— წადი, შენი...

და თავად წავიდა.

— ვა, — გაიკვირვა არჩილმა მერე.

\* \* \*

და, თუმცა მაშინ ფული ჯერ ნაშოვნია არ ჰქონდა რაღა თქმა უნდა, ბავშვობა, ალბათ, მაინც ძალიან კარგი იყო.

მკახე და რბილი, უკიდევანოდ ფერადოვანი, ღრმა სარდაფები... აის სათუო იღუმალეზა, სუყოველივეს მჩატედ რომ ედო... გახარებულ-ლი აბაჯბაჯება და რაღაცა უნდოდ პირშიმთქმელურზე გადაყვლე-ფილი პაწია მუხლი — რა გულდაწყვეტა... მაგრამ მაინც დღე, და სინათლე, მართლა სინათლე; ბედნიერება, ყოველ უცხო წამს — ჯერაც ნედლ თავზე ფრთხილად დადგმული აღმოჩენანი, გულში კი ისე ხინჯად შექრილი... და გოცების მჩატედ მპოვნელი დიდი თვალეზი, და, დაფიქრება, დაფიქრებულზე, ჭარბი ძალა და, აჰ — ტიკტიკი და რბენა და რბენა... დიდად გახვითქულს, შიგანში კი თონედ გამომშრალს, აჰ, რა მალამო — სრული-ად წყალი — მბრუნავი მიწის ეს უსაზომოდ კეთილი ოფლი. და ისევ სრბოლა, შეთქმული ეზო, და, ამბოხშიმყოფის თრობით დამ-ტკბარი, გაჭინჭყლებულზე, სულ ჰარპუნებით შინაყვანილს, როგორ სულ სხვა რამ — ძალიან დიდი, კასრისხელა კოვზით უჰ, ფაფა, ტანჯვა, ვაება, და მერე, ბოლოყლუპმაინცნაპატიებს, ძლივს გამოლ-წიულს, გრილ იატაკზე თავჩარგულად მჯდარს, უსამართლობის სას-ტიკი განცდა და ჩიტის გულის გულდაწყვეტა, და, თან, უნებურად, უკვე სანდოდ გამაგრებული ნაიარევის თითით კირკიტი, ბავშვობა, ჰეე...

## 2

ლალი გაცილებით კარგი ქალი აღმოჩნდა, სახელიც კარგი ჰქონ-და და ყველაფერი, მაგრამ საწყისა ნაყინთან დაკავშირებით შეუსა-ბამობა რამ მაინც შეემთხვათ ერთი. აი ისიც:

— ნაყინს ხომ არ ინებებთ, ქალბატონო ლალი? — დიახაც იკი-თხა არჩილმა.

— არა, ახლახან გეახელით.

— ამ სიცივეში? ბრ... — უნებურად გაიკვირვა არჩილმა და იქვე მიხვდა შეცდომას, გაბათილება ვერაფერი მოიფიქრა, გაუმწეოვდა, მაგრამ მენაყინე-ესკიმოსმა, აშენდა იმის ოჯახი, თქვა:

— შერე რა, ზოგან ზამთარ-ზაფხულ სკამენ.

ხოლო ლალი იმდენად კარგი ადამიანი აღმოჩნდა, კარლია რესტორანშიაც კი შეჰყვა.

თანაც შუადღის რესტორანში ბევრი თავისუფალი მაგიდა და ოთხი იმდენი სკამი მაინც დგანა, არჩილი+ლალი-ს კანდიდატები კი ორ რჩეულ მათგანზე დასხდნენ. არჩილის მისვლით გახარებულად ჯიბეაქავეებული ნაცნობი მიმტანი დაფაცურდა და პატარა ხანში პურ-მარილი გაიშალა? — უმალღესი. მინამდე კი ასეთი საუბარი ჩატარდა:

— რა მოქამული ამინდია მაინც.

— დიახ.

— ჰა-ჰა... — არჩილს კბილები რადგან კარგი ჰქონდა.

აიმ არსებას, იღუმალ სხვენში რომ სახლობდა, შეეუხსუსურებოდა სახელი ბუა — ეს უწყინარი, მხოლოდ იძულებითი ჰამა-ყლაპვისას სიტყვიერად წარმოჩენილი, და სწორედ ხშირი კვებისა გამო შეჩვეული რამ მცირე მაშიშა — არა, იქ, სხვენში, თავად შიში. სრულიად შიში, ისე ცხადი და ისე აშკარა, შშიშში ბუდობდა. ეს აღრე, აღრე, ახლა კი, ახლა:

— ახლა დავრწმუნდი, აეს მიირთვით სანამ ცხელია, ლომის გული რომ მაქვს.

— ახლაა? რატ-ტომო?

— რატომ და, ვინ იცის, ქალბატონო ლალი, თქვენს სილამაზის პატრონს რამდენი ვინმე თავზეხელაღებულობამდე გეტრფით და შე კი მაინც გავბედე თქვენს გვერდით ყოფნა.

— აჰ, ეს რანაირი ყოფილხართ, ჰაა? — მცირე ხნის შემდეგ ჩახვდა ნათქვამს ლალი და ცარიელ-ტარიელა ჩანგალი ნაზად ჩაიდო პირში, — მამხნევებთ, ხომ?

— არა, რას ბრძანებთ, — სწრაფად იუარა არჩილმა, — შე არში-ყობა სრულიადაც არ მეხერხება.

კარგი, მშვენიერი, შამპანიურად სანაქებო სუფრა იყო გაშლილი; და, თუმცა, მაშინ საამდენო ფული ჯერ ნაშოვნის არ ჰქონდა, რასაკვირველია, ბავშვობა, ალბათ, მაინც ძალიან კარგი იყო. რაღაც ახდა, გარიყრაყისას მიზეზიანად გახარებული დიდ ტყეთა არა — ქალი-



სა ჩიტის, მაგრამ შავ ღამეობით... ბნელ ღამ-ღამობით. რაღაცა უცხოდ დაუნდობელი შეჭანჭლარებით გაღვიძებული, თითებჩაბლუჯულ საბანს გულზე მაგრად, ბავშვურად მიიხუტებდა და თვალბაღქმნილი, შესცქეროდა ბნელს... რაღაცა იყო... რა აპრაღაცა, არ კი იცოდა და, ეგებ — სხვენიდან შემოპარული? უჩიალი ახლდა, სიცივე ჰქონდა... ოთახისეულ ფართო ბნელეთში, უჩიათი საიდუმლოთი განაღვიძები, გონდაბინდული. შიშითა გრძნობდა — რაღაცა იყო... მღელვარებისას, თან უკუნეთში, სიბინძურის კასრს ღია ზღვაში ჩაკრული ბავშვი... ყველგან კი, ირგვლივ, წყლით გადამძლარი, ტანჯვანგნელი და ახლა სხვისა დამაშინები, ლურჯ-მონაცრისფროდ ავად აღვისილი, ბრგედ დაბერილი ატივტივებული სხეულები და ეს სად — ოთახში?, როგორ ბნელოდა; რაღაცა იყო!.. და აღარაფრისა ამაეების ხსოვნა დიდ, სანაქებო დასვენებაზე, აყივლებული სკოლის ეზოში მთლად გაქუცული პაწია ყოფილი გლობუსით ფეხბურთის მთამაშებელნი — სულ მატერიკთა და ვრცელ წყალთა დარდი არ ჰქონდათ? — აჩიკოო, აჩი, აქეთ მომეცი, გადმომაწოდე, აჩიკოო, აჩიი, მაგრამ აღარარა ახსოვდა, რადგან გოლის გატანა თავადა სურდა, მიისწრაფოდა ორი აგურით შექმნილ გოლისკენ, სადაც ყურცქვიტა მეკარე იდგა, პურიტა და განახევრებული კატლეტით ხელში, მერე იყო და, იყო ირიბი დატაკება და არევ-დარევა: პენალი იყო? იყო, არ იყო, როგორ არ იყო, კი იყო, იყო, მერე — გამხდარი, ნაშიმშილარი ზედმეტად თითქოს მასწავლებელი და იმისი ახსნა: „ამრიგად, რეზერფორდის ცდამ გვიჩვენა, რომ ატომში არიან დადებითი ელექტრული მუხტის მქონე ნაწილაკები, რომელთა მასა...“, მიმოწყენისას, ფანჯრის წილი ცა, ძმაბიჭის ზურგი, მერხის ლაქები, და მერე, მერე, გამეხებულობა — მეექვსე გაკვეთილის გაჰიანურებული აღსასრულის მაუწყებელი რა დიდებული, როგორ ზეიმა, და რანაირად აღსავსე შუქით, მბრწყინავი ზარი — გამოფხიზლება, ახლა კი, ახლა, შემთვრალს, სადღა ახსოვდა აის სიფხიზლე, წიწკნია სითხით ნეტარ ბურანში დროდადრო იყო, რადგან წინ ქალი ეჯდა, კარღია რესტორნიდან კერძო ოთახში ამალამითვე წასაყვანი, სახელად ლალი, ადამიანის რა კარგი სათაური, სუფრაც მშვენიერი იყო, დაღებითი, ოღონდ ხიზილალას არცერთი არ ეკარებოდა — რაღაცნაირი სიამაყით, ვითომ...

— მე ახლა მინდა, ჩემო კარგო ლალიკო, თქვენი სადღეგრძელო კიდევ შევსვა...

— კარგით რა, არჩილ, ეს მერამდენედ უკვე? — გაკეკლუცდა ქალი.

— არა, ჩემო კარგო ლალი, მე ახლა სხვანაირი კუთხით, — წამოდგა, სხეულმა თითქოს შებარბაცება განუზრახა, მაგრამ შეიოკა თავი, ხოლო ენა — ვერა, — ლალიკოს ვენაცვალე, ახლა მე უნდა თქვენიანი კარგი ქალების სადღეგრძელო შეგვსვა, რომლებიც გამოირჩევიან სწორი გამგებიანობით და, როგორც ძველები იტყოდნენ, მესჩანკი არ ხარ. თუ ამას ესტყუოდე, შობელქადლი ვიყო.

ქალს ცოტათი არ მოეწონა ბოლოსწინა სიტყვა, მაგრამ არ დაიმჩნია და განაპირა ტარხუნა შეასწორა.

— მე ეს იმიტომ მიყვარხარ, ლალი, რომ ზოგიერთივით მანქვაგრეხა კი არ იცი, არამედ ბუნებრივი ხარ და გაკიბვ-გამოკიბვის გარეშე იცი, რა უნდა იყოს ერთმანეთისთვის ნამდვილად კაცი და ქალი. ბოდიშით, ქალბატონი.

უცებ დაარტყა მესამე ბოთლმა, ლაპარაკობდა; ოღონდაც ასე:

— მე და შენ ხომ უკვე ცოტათი ამხანაგები ვართ და, ლალი, კაცის და ქალის ნამდვილი ამხანაგობა იცი სად ხდება?

— სად...

— იქ...

— სად იქ...

— ლოგინში.

ერთხანს გაოგნებული ქალი რომ გამოერკვა, თვალ-წარბი რისხვამ გადაუხერა, სხვა ვერაფერი მოიფიქრა, პომადებშუა ესლა გამოსცრა:

— მაწანწალა შენ! — და ისიც წამოდგა, ყოვლად უდანაშაულო სკამს მაგრად უბიძგა, მიაშურა ღია კარს.

...სანამ აედევნებოდა, არჩილმა მნიშვნელოვანკუპიურიანი ხელის სილამაზე (ხელის ჭუჭყი — ეს ჩამოკონკილ-ჩამოფლეთილი მანეთიანია, ხოლო ტკიცინა ასიანი არჩილის წრეში ხელის სილამაზედ იწოდებოდა) მაგიდაზე დააგდო, გატრუნულ მიმტანს მხარუკულმა სტყორცნა: „ჭერ ნუ აალაგებ“, ხოლო ჭურვივით ლალის ზედ გრძელი დარბაზის კიდესთან წამოეწია და, თითქოს გამოფხიზლებული, ამისთანებს ეუბნებოდა: „კარგით რა, ქალბატონო ლალი, მე გეხუმრეთ და, — განვლეს ღია კარი, — მე თქვენი უმწიკვლო პატიოსნების გაგება მინდოდა და მართლაც ღირსშესანიშნავი ქალი ჰყოფილხართ, კარგით რა, გეთაყვათ, ხუმრობა აღარ შეიძლება? თუ არ ვიხუმრეთ...“ მაგრამაც რადგან ქალი თითქოს ჰერმეტიულად იყო დახშული, აღარაფერი გააჩნდა რისხვისა გარდა, არჩილს გაშინაუ-

რებულმა სიმთვრალემ ისევ წამოუარა და უფრო მძლავრი ხერხი მოუძია: „რა გინდა, ქალო, ჩემთან იყავი და კარგს გაქმევე, კარგს ჩაგაცემ-დაგხურავ, კარგს გასმევე, მეტი რა გინდა, არ ვიცი?!“ წერილ მაღალ ქუსლთა დარტყმის ძალამ საცოდავ იატაკზე მოიშატა აქ, ხოლო არჩილი ბაიბურში არ იყო, და გარდერობთან ისიც დაამატა, რომ შეჩერებულ ქალს დიდის ყურადღებით დაუთვალიერა გამობურცულობანი, ყურში ჩაჰკითხა: „აბა, შე ქალო, ტყუილად გაქვს ყველაფერი ეეს? ერთი, მეორე...“ აქ ლლალლი ისე მკვეთრად შემობრუნდა აჰ, ხელიდან წასული ტუჩები ისე უთრთოდა უჰ, თვალებში მაღალი ძაბვა ჩასდგომოდა ისეთი — ოხხ, თეთრკბილებშუა გამოსცრა ისეთნაირად შავი, შავ-ბნელი: „შეე ვიგვინდარა, ახხლავე თუ არ გაეთრევი ისეთ კივილს ავტეხავ, აქ გაჩნდებიან მთელი უბნის თანამშრომლები...“ ნათქვამი იყო? — სამივე ბოთლის წამში ამოართქლებელი და ენოტივით ფხიზელმა არჩილმა ნათქვამი მყისვე ირწმუნა და ძლიერ შემკრთალმა გაიფიქრა: „აჰ, არ გამრიცხონ... სერიოზული ინცინდენტი იქნება“, და მაშინათვე დააპირა გაცლა, მაგრამ გარდერობში მათი პალტოები ერთად ეკიდა, ამ შემთხვევაში უხერხული ნომერი ათი კი — ერთიანი და ნულიანი — მას ჰქონდა და ფეხისწვერებზე შეყოვნდა ამიტომ, ნომერი ათი ყულაბასავით მრავლისმომსწრე მეგარდერობეს წარუდგინა, იმან კი მყისვე ვერ ჩამოხსნა ქალის კუთვნილება, რადგან არჩილის კარგად თანამედროვე ქურქი ქალის თეთრ პალტოს სიმბოლურად გადაჰფარვოდა, ხოლო ქალმა კი, მინამ წავიდოდა, კვლავაც მიახალა იღბლიანი მონადირის პირიქითს: „მაწანწალავ შენ!“ — და წავიდა.

არჩილი მძიმედ ჩაფიქრებული შებრუნდა რესტორანში, თავის მაგიდას მიუჯდა. ვერ იყო კარგ ხასიათზე, ფიქრობდა, იჯდა, იჯდა, ფიქრობდა.

— ხურდა მოგართვათ? — ცალყბად, მხოლოდ ზრდილობისათვის იკითხა კარლია რესტორნის მიმტანმა, მაგრამ არჩილმა თქო:

— ხო.

კვლავაც დაფიქრებულმა მამაკაცმა ფეხი გაშალა, ფული ჯიბეში ჩაიტენა, და პურს წაატეხა.

პური სადღაც მინდვრებში მოჰყავთ, თურმე ძალიან ბევრი შრომა სჭირდება, მერე, სულ ბოლოს, არჩილისთანებიც სჭამენ.

მაგრამ მხოლოდ პური რა საკადრისია? არჩილი ხიზილალაში უსვამდა პურის ახალ-ახალ ქერქს და, სანამ ლამბაქი სულ არ მოასუფ-

თავა, ლალით მოწყენილ ორგანიზმში იღებდა. მკვეთრი ფერები რამ, შეეერთა: განწყობილება იყო შავი, ხოლო ხიზილალა — წითელი, არჩილი იჭდა და ჭამდა.

ღია კარის, ბითურული დღე...

### 3

„ეეს?“ არა, ეგ არა“, — ჩვეულებრივი, მაინცა და მაინც არაფრით გამორჩეული კაცი მოდიოდა რადგან. „კი მაგრამ, ბიჭო, სადამდე უნდა ვიცადოთ, ბიჭო“, ველარ ითმენდა ყველაზე ცქვიტი თანაკლასელი, მაგრამ თვალმოკუტული მეორე ყოჩი, თვალთმაქცობათა თავი და თავი, ღირსეულად მიუგებდა, თუმცა ლელავდა ისიც: „დაიცა, გამოჩნდება“. „და აი ეს... ჰა!..“ დიდი, მსუქანი კაცი მოაბოტებდა, რალაცნაირად სათნოდ გაბიჟვინებული, კეთილი უნდა ყოფილიყო, რალაც... „არა, არც ეგ“. „და ეს? ეს, აი...“ ნახევარი კლასი, შინისაკენ მარჯვნივ დასაშლელი, სკოლის კუთხესთან იდგა, იცდიდა, მეორე ნახევარს კი პირველი ყოჩის მეთაურობით უკვე ამოერჩია ეგრეთ წოდებული „კაი ტიპი“ და, აღარა ჩანდნენ. „აი ეს, ნაღდად, აი ეს ბიჭო, აი-აი ეს!“ — იყვირა ცქვიტმა და მეორე ყოჩმაც, ჩაინებულმა, კმაყოფილად დახარა თავი. და პატარა ხანში სანახაობა იყო? — სიცილით იგუდებოდა მთელი ქუჩა: წარმოიდგინეთ, მოდის თბილისის მთავარ პროსპექტზე ძლიერ დაბალი, და ტანმორჩილთათვის ჩვეული დიდის სიამაყით სახეზე, მძლავრლიპიანი კასრტანა კაცი, ილლიაში ყავისფრად სერიოზული პორტფელი ამოუჩრია, მეორე ხელს კი ისე ღირსებით, თითქოს საალღუმოდ, ყოჩაღად და შინაგანი სიმტკიცით იქნევს, მიდის სადღაცას, ჰგონია რომ თავისთვის მიდის, მაგრამ ზურგს უკან ერთმწყკრივად ჩაგრძელებული ოცამდე ონავარი მიჰყვება, ილლიაში პორტფელისებრ ჩანთამოჩრილნი, ხელოვნური ღიპის წარმომქმნელი ქუდი მუცელთან ჩაუკუჭავთ, ფეხაყოლილნი, გაჯიმულნი მიჰყვებიან და, ხელს სწორედ რჩეულივით კატეგორიულად იქნევენ, შემხვედრნი კი შორიდანვე ფაციცდებიან, ილიმებიან მერე, შემდგომ — სიცილი ძლიერ აწეებათ და უნებურად კაცს თვალაბეუტულნი შეჰღიმიან, ანცლაშქრის არმცოდნე მეთაური კი გაკვირვებისგან უფრო და უფრორე ამაყდება, ცდილობს არავის მოაჩვენოს დაბნეულად თავი, ჩამვლელთა ღიმილის მოშლასა და გაბათილებას მეტის ღირსების წარმოჩინებითა ცდილობს, მაგრამ რა

იცის, მის ზურგს უკან რა ამბავია... აბა, აჩიო და მისთანანი, ისე-უბრალოდ დაბრუნდებოდნენ შინ? — ბავშვობა, ჰეე, რარიგ ტევადი, სადამდე ვრცელი, როგორ და როგორჩანაირად ცვლადი, მაგრამ ახლა, აქედან, ბედნიერებამდე დაუჭერებელი ზღაპარ იყო, ზღაპარ იყო, როგორ მისჯილად დაკარგული რამ, აღუდგენელი, ტყეში ჩიტი მომკვდარიყო, ყოვლისშემძლე და განსაცვიფრებელი—დიდ ქვაბში ვერ ეტეოდა, პატარაში კარგად იყო, ბავშვობა, ჰეე, და ერთი მართლა დიდი კაცი, შორი პოეტი, სიმოხუცემდე ბავშვობისა ვერ-დამკარგავი, ჩვილის წელადი არტახებით შებოჭილი და ეუპ, მაინც ზეგარდმოდ თავისუფალი, თავისუფლების ტყვე, არჩილსა კიდევ— ბევრისა თვალში კაი ადგილი, და იმ აღზევების, პოეზიას რომ უწოდებენ, ფულით შეძენილი დაკარგვა, და მივიწყება კიდევ აი იმისა, სიტყვით სამშობლოს რომ ეძახიან და დანაწვიმარი, შრობაწყებადი, სუნიტ ფერადოვანი მიწის ოხშივარის ნაცელად — ბენზინიანი სამაახური და თანამდებობა, და ვითომც განლაღებული საუბრებისას ამ-დაგვაროვნად უსუსური ქათინაურები: „დღეს თქვენ განსაკუთრებით კარგად გამოიყურებით, ყენიჩქა“, ან, დიდი-დიდი, საიდანღაც ნასესხები „შენ წალკოტის ყაყაჩო ხარ, თამარა“, ანარადა, ვითომც ძალიან ჩახვეული: „ალბათ როგორი ძალიანი კარგი გრძნობაა, არა, როდესაც იცით რომ თვალწარმტაცი ხართ და ხალხის თვალს სიამოვნებას ანიჭებთ?“, ჩვენს ხალხურში კი, ამისთანაები სწერია, ხალხნო — „სად მოიცალა ი ღმერთმა შენი თვალ-წარბის წერათა“, მაგრამ არჩილი ისედაც არხეინად გრძნობდა თავს, რადგან ზედაპირულ სიამეთაგან არაფერი აკლდა; კი, ასე იყო, თუმცა არჩილი ვინმეს მხოლოდ ამინადარსა და ლალისთან რომ ეხილა, ეგებ ქალის უნახავიც კი ჰგონებოდა, მაგრამ ძალიანაც შეცდებოდა: არჩილსა და მის წრეელებს რესპუბლიკის გარეთ თითქმის ყოველ გამოჩენილ ქალაქში თითო-ოროლა ათვისებული ქალი მაინცა ჰყვანდათ ძირითადად ხელის სილამაზეთა წყალობით, მშობლიურ ქალაქში ხომ... უბრალოდ, არჩილის გულითადი სურვილი იყო, ისე დაეპყრო რომელიმე არცთუ ულამაზო ხორციელის გული, იმა მანდილოსანს მისი ასავალ-შემოსავალი სრულებითაც არა სცოდნოდა და ჩვენი მეტრფე უიმამაქანოდ, რიგითი ადამიანივით ფეხოსნად გამოდიოდა ქუჩებში და პატივმოყვრული ოცნების ახდენასა ლამობდა, მაგრამ ვერ გამოსდიოდა ეს. გამოსავალი კი მაინც აღმოიჩინებოდა წყალობით შემდეგი დებულებისა — „ქალი ერთია ყველა“, და მოშინაუ-

რებულ ყოფილ სატრფოს სამზარეულოდან გამოსძახებდა: „მოდით აქ, ქალო, დამალევიწინე, წყალი“, არადა, ადრე აჩიკო ბიჭი იყო? ნაარდადეგებს, რაღაც სიწმინდე ჩამოჰქონდა თიანეთის შუაგზაზე ტყისპირად გაშენებული იმ სოფლიდან, მისი ოჯახის ახლობლები რომ ცხოვრობდნენ; სოფელი იყო? წყაროიანი, კაკლნაროვანი, ცაცხეებიანი, აჩიკომ ბედზე მიუსწრო და შეფრთხივით ბევრჯერ იხილა მოქმედი ძველი წისქვილი და მბრჭყვიანავი კალო, ღელეში თევზიც კი დატურავდა, მართალი იყო აქ ყოველივე: მზე თუ ჩანდა და, მართლა აცხუნებდა, ქარი თუ ქროდა, აფორიაქებულ სოფელში ნამდვილად ქროდა და, ღრუბლები თუ ჩამოიძენებოდნენ — წვიმდა, აჰ, ჭეშმარიტად, მიწისთვის წვიმდა, ძალიან მართლა აჩურჩულდებოდა დამძიმებული ისედაც მიწა — თავშესაფართა, სახლთა საყრდენი, ფერად ნაყოფთა მომთმენი გამდღობით ადამიანთა მეპატრონე და სულ ბოლოსაც იმათი წყნარი შემკედლებელი, იქ მცირე ღელეს ადიდება სჩვეოდა ხოლმე, რა კარგი იყო ზვინში შეყუჟვა, გველის შიში რომ არა ჰქონოდა, იქ ტყეში მგლები ხაფანგებშია დაწანწალებდნენ და შუალამით ხანდახან ეზოს მოადგებოდნენ. ყმუილი ისე ახლოს იყო, კი; დათვიც იცოდა. იქ წმინდა ჰაერს გატრუნული ყნოსავდა ბიჭი, სოფლის კვამლიც კი წმინდა გახლდათ, დაფლეთილი და, ისუნთქებოდა, იქ ყოველივე სიმართლე იყო, და იქაურ რძეს სხვა გემო ჰქონდა. სხვა მადლი ახლდა, იქ — ნამდვილ ქართულს ლაპარაკობდნენ, იქ შებინდებამ მოძალება იცოდა ისეთი, სილამაზეზე გული გწყდებოდა, ნალიან ჭიშკარს მოაბღავლებდა შორით ჩამუქებულ, ვრცელ ტყეთა შიშით მოსილი დიდრონი ძროხა და ვარსკვლავები გინდ აბუტებულებიყვნენ, გინდ არა, რაღაც სხვა, უცხო ქვეყანაში აღმოჩნდებოდა აჩიკო, აჩი, გახვევებული, ნაბიჭწარუდგმელი მოგზაური, ბინდით გაყლენთილ იღუმალეზას უყუჩდებოდა, ხეს მუშტრის თვალით აჰყურებდნენ და გარს უვლიდნენ დღით მოღლილი და მაინც გაფაციცებული ქათმები, ბინდიან მიწას ერიდებოდნენ და ღამის გასათევ ტოტებს ზვერავენდნენ, ფრთებს დაიქნევდნენ მერე; იქ რაგინდ ცხელი ზაფხული ჩამომდგარიყო, სალამობით მაინც ციოდა, აძიგძიგებამდე იდგა ბნელში აჩიკო და, მერე სახლს მიაშურებდა, სახურავად კრამიტი და იატაკად სოხანე რომ ჰქონდა, და ხელკეთილით გამომცხვარი სოფლის პურით და სოფლის კარაქით და ნამდვილი რძით ყუჩად ვახშმობდა, გატრუნულ საგნებს ძალიან ოდნავ ალიცლიცებდა ძველი ლამპარი, ბუზრის

ნათელი უთავბოლოდ და ტყაცუნით ძრწოდა, გასათბობ ლოგინში შეძვრებოდა აჩიკო, მატყლის დიდ საბანს თავზედაც კი წაიფარებდა და ჩათბუნების მოლოდინში ინაბებოდა, რა გემრიელი იყო სახლი, მისი ნესტიც კი, გარეთ კი ბნელად განდგომილი ქვეყანა რჩებოდა, ღამის ანაბარა.

ახლა სულ სხვაგვარ არდადეგებს იწყობდა ხოლმე, რასაკვირველია, — სექტემბრის ასე, თხუთმეტი-ოცი, ყველა დროს სჯობდა, რადგანაც სწორედ მაშინ არჩილი და მისი წრეელები ცნობილზღვიან აგარაკზე ხუთი თანადროული მანქანით მიემგზავრებოდნენ. თითოში თითო წრეელი იჯდა რაღა თქმა უნდა საქესთან, დიახ; კარგი უჩნდათ გზა გასვლით დროსტარებათეენ, ქროლვა, მოსახვევები მკვეთრი წივილით რჩებოდნენ უკან, წითელ ტაძარს ხურდა ფულს შეუჩერებლივ, ხელუკუღმა მიაყრიდნენ — ვინ იცის, ეგებ... — ინსპექციითა ფარდულებთან კი ძალიან ნელა, ფრთხილ-ზეიმისებრ ჩაატარებდნენ დამჯერ მანქანათ, და ისევ — ქროლვა, წივილი ისევ, ხრეშზე გადავლას სხვა ეშხი ჰქონდა, რაღაც ყოჩაღად მძიგბიგებლური. პირველ საუზმეს უღელტეხილთან შეასრულებდნენ ხოლმე, უცხო რესტორნებსა და იქაურ საქმელს ერიდებოდნენ — „რა იცი, ამ სიცხეში... როდინდელია...“, და ასფალტისპირა ტყეში სუფთა ადგილს რომ შეირჩევდნენ, იწყებოდა დიდრონ ჩანთებში ფათური და შედარებით უბრალო რაგინდარას ამოღება — შემწვარი წიწილები, მოხარშული დედალი, სუკი გენაცვალე, ხის სოკო, თევზი-მევზი და ამისთანა ყოფითი რამ, აგრეთვე წვრილმანები: ლავაში, ყველი, ძმრის ხელშეწყობით სალათად შემძაკაცებული კიტრი და პამიდორი, ის ლიმონათი, დიახ, და შინაური ხაპაჭური — კარგი ცხოვრებით ზომიერად კმაყოფილ ცოლთა დროებით ბეჭდებწაძრულ თითთა მეშვეობით ნახელავი, რეჰანი და სხვა, ხოლო ფინალისათვის გამოიძვრინებოდა სასიამოვნო მოულოდნელობანიც — ვთქვათ, რომელიმე გამჭკრიახი წრეელის მიერ თერმოსით წამოღებული შოკოლადოვანი ნაყინი, რომელიც სიცხეში ჰამისას პირდაპირ მისწრება იყო, მაგრამ მერე და მერე ძალიანი მოწყურება იცოდა; არჩილს გრძელი დანა ჰქონდა ერთი, და იმის წყალობით თერმოსის ყინულოვან შიგანს ჩხრიკნიდა, ჩორკნიდა და დაქუცმატებულ სასუსნავს წრეელებს პიქაში უყრიდა, ისევ-ისევ გზა!.. ისიც, როგორი წინანდელი, ისიც გზა იყო?.. ალბათ, აბა რა — პირველად, სუ-სულ პირველად სკოლის წაცვლად იმან და კაკიმ სულ სხვა ადგილას რადგან

ამოჰყვეს თავი. ეგრეთწოდებულ „შატალო“-ზე იმ დასაკარგავში კაკი რად გაჰყვა, ეს არ იცოდა, თავად კი... იმიტომ... ეს იმიტომ რომ... იმიტომ, რადგან... რადგანაც... მოკლედ, ეგე... შეყვარებულნი გახლდათ. მეექვსეკლასელ ბიჭებს თანატოლი გოგოებიც კი უფროსულად დასცქეროდნენ, აჩის კი, ბედი არ გინდა, კაცო? — მაინცდამაინც თვით მეერვეკლასელი, მისთვის ისეთი დიდდასაკოვანი ისეთი შორეული და მიუწვდომელი, კომკავშირელიც კი უკვე, უყვარარდა. ლამის ძალიან დიდი ხანი იყო, სხვაგვარი რეჩხი რომ უყო გულმა — მთელი ოცდამეათე ოცდაოთხსაათიანი დღე. ეს რანაირი ყოფილა მაინც ეს შეყვარება ძალუმი ესე, განა აჩიკო როდესმე წარმოიდგენდა, სარკეში თუ მალულად წამდაუწუმ დაითვალიერებდა თავს? ანდა, მთლად უარესი — ვარცხნილობის საუკეთესობაზე დიდხანს ეფიქრნა? გაფრთხილებოდა პერანგს და შარვალს? იმდენის მომსწრე ხელისგულზე, დაფასთან ჩამოსაკაკლავი ისტორიული თარიღების ნაცვლად, დაეწერა „ნ“? შატალოზე, რა, მახლობელ კინოში თუ წავიდოდნენ იმისი კბილა ბიჭები, აჩიკოს კი რაღაც სხვა სურდა. რაღაც ამალღებულად განსაკუთრებულსა სთხოვდა შეძრული გული და, მოიფიქრა — ფუნქცილიორზე ასვლა გადასწყვიტა და კაკიც ისე საექვკოდ მყისვე დაეთანხმა, აჩიკომ ერთი კი გაიფიქრა: „ესეც ხომ არ... შეყვარებული ხომ არ...“, და უცებ, სასტიკი განცდით აეწეწა სული: „და ამასაც ის ხომ არ...!“ მაგრამ აჰ, არა, არა, კაკი ისეთი დაბალი იყო, კლასელებს მხრამდე ძლივას სწვდებოდა, ჭერ პიონერსაც კი არ ჰგავდა, იმას კი, იიმ, „ნ“-ს, წესით და რიგით თუნდაც ფიქრობრივ აბა რანაირად შებედავდა, მაგრამ ძნელი იყო კი აჰ, სიყვარული, და აჩიკომ მაინც გამოსცადა ძმაბიჭი, თუმცა ღელავდა, ხმადაბლა ჰკითხა:

— ნ?

— რა? — შეაქებდა პატარა კაკი.

— არა, არაფერი... —

„კარგი ბიჭია“.

მერე იყო და, იყო ნელი ტრამვაი, სამიოდ მგზავრი, ვილაც სამხედრო, ლითონის ბაგირის წყნარი ღრქიალი, შორეულ ტყეთა ნაცრისფერობა, გაძარცული ტყე, შემოდგომურად დუნე სიყვითლე, გასუსულიყვნენ აჩიკო და კაკი, რადგან თბილისი, მათი ქალაქი, ზემოდან ძლიერ გადასხვაფერდა — რაღაცნაირად, გაიშალაც და დაპატარავდაც, მაშინ თბილისზე კრამიტისანი სახურავები უფრო სპარ-



ბობდა, და უფრო ვიწრო, შინაურული ხიდეები იყო მტკვარზე გადებული, და კანტი-კუნტა მანქანები იტაცებდნენ თვალს: სანუკვარ ეზოს, სადაც ცხოვრობდა დედუფალი „ნ“, ამოდ დაეძებდა აჩიკო, მერე პარკისკენ დაადეს თავი, სადაც იმდროინდელი გამოჩენილი ატრაქციონი — აწონ-დაწონ დიდი ბოქლომითა და ჯაჭვით საიმედოდ დაებათ, მერე პარკს გასცდნენ, იქით უფრო სხვა ხეები იდგა, უფრო ნამდვილი, უფრო ტყედ შეკრულნი თითქოს, და შორეულ ყეფაზე ერთხანს შედგნენ და მერე ორთავეს ერთად გაახსენდა რომ — მოშივნოდათ, და ვითომ ძალის შიშმა კი არა, მადის გამოღვიძებამ უბიძგათ უკან, ფუნიკულიორის რესტორნისაკენ, თან ყოყმანებდნენ — მხოლოდ მანეთი, და რალაც ხურდა, ისიც გზის ფულად, ჰქონდათ. მაგრამ აჩიკომ „ნ“ გაიხსენა და ვაუკაცურად აიარა საფეხურები, ერთხანს დარბაზში იბოდილა, მერე ბუფეტის თავკაცს მიადგნენ და რომ გაუწოდეს მანეთიანი — იმა პაწია ასაკისათვის, ცოტათი ხელის სილამაზე, და დაამატეს: „თუ შეიძლება, ერთი მანეთის, პური და ყველი“, ბუფეტოვანმა მსწრაფლ-განრისხება დააპირა, ჯერ ეგონა თუ, აშაყირებდნენ, მაგრამ თვალების დანახვაზე, თვალებზე მიხვდა, ვისთანებთანაც ჰქონდა ამჯერად საქმე, ნახევარი პური მოუჭრა, ჩამოუთალათ ორი დიდი ნაჭერი ყველი, მერე თავის მხრივ ყოვლად უთქმელად ერთი ბოთლი ლიმონათი დაამატა, შეეძლო ორიც, შატალოონნი პარკში დაბრუნდნენ, სკამის კიდეზე დასხდნენ, და რადგან აჩიკოს ის გრძელი დანა მაშინ არ ჰქონდა რასაკვირველია, პური შუაზე გადატეხეს, რა სუნი ჰქონდა! მერე ისევ ქალაქის სათვალთვალ მოაჯირს მიადგნენ, აჩიკო კვლავაც იმა ეზოს ძებნას შეუდგა, და, თავისუფლად შესაძლოა. კაკიც შეყვარებული იყო, რადგან ორჯერ ძალიან ხმადაბლა თქვა:

— ეხ.

იმავე საღამოს კი, რადგან, მოგეხსენებათ, უშედეგოდ არარა ხდება — ეს საზიზლარი, ეს საზიზლარი, — რალაცნაირად, მთელის ეშხით და თან უბალღამოდ ამბობდა დედა, — ბავშვს სკოლაში უშვებდა, ხედავ, თურმე სად და სად არ დაეთრევა? რა გინდოდა იქ, ბიჭო!

აბა, თავად განსაჯეთ, იტყოდა?

— მითხარი-მეთქი!!

ეტყოდა, განა? შინ კი არადა, ამხანაგებთანაც ვერ გაამხელდა მიზეზს, ახლა კი, პირიქით, საამაყოლაც კი ჰქონდათ საქმე:

— სამი სვილო! მაქვს, — ამბობდა აის წრეელი, კარგ რუსულს დიხაჯ რომ ჩემულობდა, — რომელ ერთთან წავიდე, კაცო?

— რომელთანაც სჯობს.

— სწორია, სწორი, — ჩაუერთავდა არჩილიც და წამოიმართებოდა, — შევიდეთ, ზღვაში?

კოტეჯებიან აგარაკიდან დიდად ცნობილ ქალაქ-კურორტში თუ ჩაისეირნებდნენ, იქიდან, უკან, რამდენიმე ისეთ ქალს. წამოიმძღვანებდნენ, ურთიერთს კარგად რომ შეეხამებოდნენ, იმათი გამოცნობა არ იყო ძნელი — ხელის სილამაზიანნი რომლებსაც უყვარდათ, ეტყობოდათ, რალაცნაირად, ჩაცმულობაზე, იერსა თუ მტაცებლურ-ბრიყვულ გამოხედვაზე. მაგრამ ერთ წრეელს ერთ მშვენიერ დღეს, ღამეს, შიდა ბარძაყზე დაუმთავრებელ-ვარსკვლავ-ტატუირებული ვაჰ-ქალი რომ შეხვდა, მას შემდეგ მორიგ მანდილოსნებთან შესამოწმებლად ჯერ ზღვაში გასცურ-გამოსცურავდნენ, შრობისას ტანზედ შეამოწმებდნენ და მერე კი, დაორებულნი, აგარაკისკენ ჰერი-ჰერი. სექტემბერში ზღვისპირას იმდენად აღარ ირეოდა მიღეთის ხალხი, მაგრამ მაინც, წინდახედულობით, რამდენიმე ხელის-სილამაზიან ნეილონის სანდოდ დახშულ პარკს გადასაცემელში საცურაო ტრუსების წინა ვაჟკაცურ მხარეს ჩაიჩურთავდნენ და მერე-ღა მიაშურებდნენ ზღვას, რომელიც, თავიდან, კოჭებთან, მჭახე სიგრილით შემაკრთობელიც იყო, გაფრთხილებასავით — „ზღვა ვარ“, მერე, მუცლამდე რომ შეაბიჯებდა, სიცივე იპყრობდა, მერე ერთი უნდა გადაშვებულიყო და გონიერსა თუ უვიც სხეულის ერთნაირად თბილი სიამით ელენთდა მარილოვანი წყალი, არჩილი ხელფეხს მადიანად იქნევდა, კარგი იყო სექტემბრის ზღვა, და კარგივე გახლდათ იმის შეგრძნებაც, რომ სულიერთაგან აბა სხვას ვის ექნებოდა წყალქვეშ იმდენი ქალღალღის ფული; რესტორნებს გარდა, ნეტარებათა თვალსაჩინო სხვადასხვაობისათვის, ბუნების წიაღშიც სჩვეოდათ ქალებიანა ქეიფითი გასვლა, ხოლო როცა ერთხელ არჩილი იმ თავისი გრძელი დანით შეუდგა ბეჭის დათლას, ერთ-ერთმა თეთრშარვალშემოტკელიც ილა, თვალეზგანგებამოღამებულმა ქალმა სიცილ-სიცილით სულ ასე იძახა: „აჰ, კავკასიელები, კავკასიელები, კავკაზია...“

1 რუსული გამოთქმიდან «До свидания».

ბევრი იცინეს. ძალიანი. აი, ეს იყო ცხოვრება, თორემ, იმ თბილისელი ერთი ბებერი ქალის ყოფასაც განა ცხოვრება ეთქმოდა, განა?

4.

არჩილის მეზობლად, სწორედ მიხი კარგი კარის პირდაპირ, იგივენაირ ოთხოთახიანში, ერთ-ერთი წრეელი ცხოვრობდა, უშო—ერთად ჩააწყვეს. სართულზე ორი ცალოთახიანიც იყო, რომელთაგანაც თავისკენა არჩილმა არამყვირალა ენერგიულობით შემოიერთა, წრეელმა უშომ კი მეორე, თავისპირა ბინის ათვისებას ვერაფერი მოუხერხა, რას არ შეჰპირდა, მაგრამ გადასვლას არასდროებით არ თანხმდებოდა იმბინიანე ხნიერი ქალი, მართა. „გიჟია, რეგვენ-ტილო ოხერი? — საქვს უჯდა და ისე შეფოთავდა წრეელი უშო, — მეტი რა გინდა, ქალო, ოროთახიანში გადაგიყვან-მეთქი, ამავე კვარტალში-მეთქი...“ „მერე? — ეკითხებოდა მანქანისმიერი გვერდითა წრეელი, არჩილი და კიდევ ერთი უკნითა დუმდნენ, თანაც, არჩილმა კარგად იცოდა, რაშიც იყო საქმე... „არაო. რად მინდა დიდი ფართობიო“. „ალბათ ფული უნდა“. „არა, მაგისი დედა ვატირე, — ძალიან მწარედ ცხარდებოდა წრეელი უშო, ჯდომლურ მდგომარეობას იცვლიდა. — უკეთეს ერთოთახიანში გადაგიყვან, უკეთეს ადგილას, უკეთეს სართულზე, რაც ხარახურა გაქვს, უფასოდ გადაგიტან-მეთქი, ბლომად ფულსაც დაგიმატ... ჰხაიი, ჰაა,“ — სუნთქვა ეკვროდა. „მერე?“ „არაო“. „რატომ, მაგისი... — უკვირდა გვერდითას, — სხვა რა ჯანდაბა და ოხრობა უნდა“. „რავი, მაგისი...“ „ეგება ფული ეცოტავება?“ „არა, გაგიჟდი? იმდენს დავპირდი რა...“ „მა რა ღოზანა და...“ მცირე ხნის შემდეგ, სწორ მონაკვეთზე, უშო ამბობდა: „გიჟია, მა რა, აქ ჩემი შვილი ცხოვრობდაო და მე იმის ხსოვნას ვერ დავტოვებო...“ „მამა უცხოონდა, ეგ თუ მაგ ბინას არ მიატოვებს, მაგისი შვილი რა, — გაცოცხლდება?“ „ბებიაშვილსამ, — გაიოცებდა აღმართის შემდგომ იგივე წრეელი, — სხვა ბინაში თუ გადაბრძანდება, შვილი რა, აღარ ეხსომება?“ „რავი, მაგისი...“, დაიბოღმებოდა უშო და მოსახვევს ისე ჭიქურ იპყრობდა, მკვეთრი წივილი პროფილებზე, გლუვად უხილავ განაფხაქნად გადასდიოდათ, და ზომიერად შემკრთალი გვერდითა წრეელი დაუყვავებდა: „კარგი რა, უშო, შენ თუ შენ ნერვებს არ გაუფრთხილდი, სხვა კი არ მოუვლის... შენ კარგად უნდა დაფიქრდე, უშო, ნელა ატარე და ისე, ყოველთვის არის გა-

მოსავალი“. „მეტი რაღა ვქნა, შე კაცო, — უკვირდა უშოს, — ცოლად ხომ ვერ შევირთავ და...“ ამას სიმწარე ახუმრებინებდა, რაღა თქმა უნდა, რადგან ის ქალი დედად ერგებოდა, საერთოდ კი საქეიფოდ მიდიოდნენ, გორთან, „ბიჭო, მოვიფიქრე! — უხაროდა მანქანაში მანამდე ყუჩად მჯდარ უკნითა წრეელს, — მაგარი საფლავის დადგმას დაპირდი და, აი ნახავ, თუ, თუ არ დაგთანხმდეს“. უშომ სარკიდან შეხედა და, თქვა: „ვეუხარო ეგეც. არ მოინდომა.“ „რატომ, შე კაცო... არ ჰყვარებია?!“ „არა, რა ვიცი, სულ სხვა რამე მოიმიზეზა“. „რაო...“ „აქაც უბრალო იყო და...“ „კარგი, ოჰ, კაცო...“ — უკვირდა წრეელს. „აბა... ბედი არ გინდა? — მწარედ დაიჩივლებდა უშო, — ყველა ოხერი მე უნდა შემხვდეს“.

გადაუხვიეს.

„შაოს ბოტკინი დამართნია, ეგღა უნდოდა? მაინც ისედაც ძვალი და ტყავია,“ — თქვა გვერდითა წრეელმა. „უიმე, რას ამბობ, როგორ?“ — ძლიერ უგულოდ იკითხა უშომ. „რა ვიცი, კი წევს და...“ „აუცილებლად უნდა ვნახოთ, — სისულელით წამოსცდა გვერდითას, მაგრამ საჩქაროდ გამოასწორა, — თუმცა კარანტინი ექნება ნაღდად, გადამდებია“. „ხილი და რამე შევუგზავნოთ“. „ადგილიც აღარ ექნება, კაცო, მარტო ანტონა... ფული სჯობია“, „აკლია, კი, კი, — ილიმებოდნენ, — და შენ რომ აიღო და ის ფული დაამატო და სადმე სხვაგან გადასცვალო ბინა?“ „გაგიყდი, ბიჭო? — სარკეს ამჯერად არ დაკმაყოფილდა და მიუხედა კიდევაც უშომ, — რაც მე რემონტში ჩამიყრია...“ „ჰოო, ეგ ჰოო, — მყის თანხმდებოდა და მერე ხელებსაც შლიდა უკნითა წრეელი, — არა, ძმაო, არა, შენ რომ გაქვს, არა? — ეგეთი რამე ჯერ მართლა არსად არ მინახია...“ უშოს გულს ეს კი სიამოვნებდა, მაგრამ დაჩაგრულად ამბობდა: „მე სწორედ მაგისმა რემონტმა არ დამღუპა?“ „შენმა?“ „არა, იმ ქალის“. „იმ ქალის? რატომ...“ „რა ვიცი, მაგის შეიღს მაგის ოთახში რაღაც ნაგავი შპალერი თავისი ხელით გაუყრია და... მეო, იმის ნამუშევარს ვერ მივატოვებო, დიახ...“ „მალარი იყო?“ „არა, ფიზიკი. და თანაც, რაღაც მატაკოკლეტისთვის თურმე ფულს აგროვებდა“. „მაგრა ყოფილა. ისე, ის ბიჭი რომ არ მომკვდარიყო, ოროთახიანში ნაღდად გადავიდოდნენ, ოჯახის შექმნა, ცოლიო, რამე...“ — თითქოს დასაბუთებულად მსჯელობდა უკნითა წრეელი, ხოლო უშანგის უფრო ეკიდებოდა ცეცხლი, გულდათუთქული, ასე ამბობდა: „აბა მე რავი, მე ჩემი ბედი, მოკვდა“.

უახლოვდებოდნენ, გორს.

ამისთანავეს, გულლიაობა ალაპარაკებდათ, თორემ ისინი აი იქ უნდა გენახათ, ერთმანეთის ოჯახებში, წვეულებებზე, ანდა — საკირო ზევითურა ხალხის თანდასწრებით ხომ... რა პეწი ახლდათ, რა სიკონტავე, როგორვითარი მზადყოფნა, ანდ რანაირი სიტყვა-პასუხა; ხვეწნურად ძლიერ მომლოდინე მზერას ალაპარაკებდნენ ნემსთყუნწშიგამძვრალთ, დახვეწილები გახლდნენ ისეთი უცხო თვალს მათთვის რომ შეეხედა? — სულ და გულო... ატაშეების მიხვრამოხვრა ჰქონდათ. სულ სხვანი იყენენ ქალაქგარეთა რესტორანში, კაბინეტთაგან ყველაზე უშუალოში მოყუჩებულნი, სიცხეში ცივი შამპანურით აგრილებულნი, და თანავდროულად ახურებულნი მაინც, პერანგჩახსნილნი, ჭიპამდე დეკოლტეთი ისხდნენ და სვამდნენ, მეორე დილით კარგი იყო მაცივრისმიერი შინდის კომპოტი, დაფუფქულივით ენა-ხახაში სასიამოვნოდ იყლინთებოდა, საერთოდ, ზაფხულს, ნაზად ნატიფი საჭმელები უფრო უყვარდა, ხბო, ბატკანი, ვთქვათ, და სულ სხვა რამ ეშხი ჰქონდა დეკემბრობით საფერავსა და ღორის მწვადს, ჯიგრის ყაურმას, ხანდახან ძლიერ კარგი იყო განსხვავებულობანიც კი, როგორიცაა ტორტი, მოკლედ, რა იცი, ორგანიზმი რას არ მოგთხოვდა, მაგრამ ყველაფერი ეს თავისით კი არ მოდიოდა, ამას შრომა და ანგარიშიანი გაბედულებანი უნდოდა, შემმოწმებელთა სისუსტეების ამოცნობა, ჰკუით მიღგომა, სხვადასხვაკუთხა დაზღვევები, გამოზომილი ურთიერთობა როგორც უფროსთან, ასევე — უმცროსთან, თანამშრომელთა თვალის გასაკეთილებლად რაიმე ზედმეტი უანგაროდატვირთვის აღება, მართლა აღვილი კი არ იყო იმათი დარგი, ოღონდაც, რისთვის, და რა ამტანი იყო სხეული, თანდათანობით ბუნების წესით თუმცა ცვდებოდა, ალბათ, მაგრამ ჯერხნობით არა უშავდათ რა, თითქოს, და შესამოსიც აღმატებულად თანადროული ჰქონდათ — ჯერ ის იყო და, ნეილონ-ბაილონობა იყო და, სულ შარიშური გაუდიოდათ, „ბიჭი მიდის მოხვეულში“-ს ჰგავდნენ, მერე მოვიდა შავად მკაცრი „კერპ“-ობა, უცხო ქვეყნების მაძებრებს ძლიერ ჩამოემგვანნენ, ოღონდაც შლაპას ვერა გუობდნენ, ხვეერლობანა რომ შემოვიდა, ახვეერდოვდნენ, მზის შუქზე ჰავლი გადასდიოდათ, მერ ჩამოდგა ტყავით შემოსვა, ტყაოსნობანა, რა უქირდარა, სიამოვნებდა თვალს, მაგრამ ერთს ერთხელ თავში დაადეს დიდი აგური.

აგურისავე სახლში ცხოვრობდა ეს ადრე, წინათ, დედუფალი „ნ“ — აჩიკო იმის ფანჯრებს ისე გაოგნებულად დამფრთხალი მიჩენებოდა, შუშაზე მეტად თავად უფრო შუშისა იყო, ფარდის ერთი შერხევა და, დაიმსხვრეოდა ნაღდად, ღელავდა ისე. გარეთ ციოდა, დიდ ერთგულ ჭადარს ამოფარებოდა აჩი; რა კარგი იყო. ზამთრობით რომ ღამდება ადრე, ისე-უბრალოდ ვერ შენიშნავდნენ, აჩიკო ოდნავ წინგადახრილი იდგა, და უნებურად მუცელზე მიედო ფრთხილი ხელისგული — ნაოპერაციევზე, შინიდან პირველად გამოსული გახლდათ. პირდაპირ აქეთ მოაშურა, „ნ“-ს სახლისაკენ, და რა თქმა უნდა, არასდიდებით გაიყოლია შემკრთალი დედა — „ვაიმე, ვინმე არ დაგეჯახოს...“ აჩიკო იდგა რალაცნაირად ვალმოხდილი, გაამაყებულ-ლი, რადგან თავისი ძნელი ჩანაფიქრი კაცურკაცურად განახორციელა: სამიოდ კვირის უკან, რალაცა ბედად, აეკვიტა, რომ ამ შუა ზამთარში თბილისის ზღვაში თუ შებედავდა, მერე მოხდებოდა ისე, რომ გაიცნობდა „ნ“-ს და კინოში ერთად წავიდოდნენ და სანახევროდ იაიცი ჩაიფიქრა, რომ „ნ“ ლალიძის წყლებშიაც კი შეჰყვებოდა და სამ-სამ ორმაგს სვენებსვენებით გამოსკლიდნენ, ჩაიფიქრა აჩიკომ ასე და, თბილისის ზღვაზე მარტოდ წასვლისაც აბა რად უნდა შეშინებოდა, აგერ არ ჰყავდა პატარა კაკი? თბილისის ზღვაზე მაშინ ტრანსპორტი არ დადიოდა, არც ეს სახლები იდგა მაშინ, ყრუ, მივარდნილი ადგილი იყო, მაგრამ აჩიკომ და მისმა კაკიმ ყოჩაღად სძლიეს შორეული გზა, და დიდ-გამოცდის უამი რომ დადგა, და ტანსაცმელ-კაკიზე-გადაბარებულმა, სიცივისაგან ქვაღქცეულმა აჩიკომ წყალში რომ შეჰყო ცერი, ასე ეგონა, სუსხისაგან აფრინდებოდა, და მაგრამ, მაინც, სიყვარულო ეხხ, სიყვარულო — უხხ, თავითფეხამდე დასველდა და, ძმაბიჭის ხვედრის წარმოდგენით თვალებმომწაროდდახუჭულ კაკის თავისი პალტო გამოგლიჯა და ტანს იმითი როცა აჯანკალებული სხვა სიტყვაა, იმშრალეზდა, კაკი თავისი შწვანე ყელსაბურით ძმაბიჭის სველ თმაზე ცოდვილობდა, ძალიან უშლიდნენ ერთმანეთს ხელს, და როცა გადალურჯებულიც სხვა სიტყვაა, აჩიკო გაოგნებული მშობლების წინაშე შუალამისპირს ამაყად წარსდგა და შეკითხვაზე, თუ სად იყო, გამარჯვებულმა საკუთარ თავზე, გარკვეული ქედმაღლობით მოხსენებულჰქმნა სისწორე, ამ პასუხს მშობლების მხრიდან, რალა თქმა უნდა, აპლოდისმენტები არ მოჰყოლია, და, კიდევ კარგი, თავშეკავებული კაცი იყო აჩიკოს მამა, მხოლოდ ვალერიანის ორი აბი იკმარა, რაც შეეხება დედას, სხვა

დროს ამის მეათედსაც არ აპატიებდა, მაგრამ ახლა, განცვიფრებულ-  
ლი, წიგნიან სკამზე დაჯდა და ესლა იკითხა:

— იქ რა გინდოდა, მითხარი, შვილო...

აბა, თავად განსაჯეთ, იტყოდა?

— მითხარი, შვილო, დედა არა ვარ?

იტყოდა, განა? — ყოფილიყო რა... ნურას უკაცრავად — „ნ“-ს  
ირგვლითა საქმენი სხვაგვაროვანნი გახლდათ, და სიტყვა „საიდუმ-  
ლო“-ს ნაჯობნარა სიტყვა „ხვაშიადი“, ასე ჰფიქრობდა, როცა ფილ-  
ტვების ანთების შიშით დაფაცურებული მშობლები შეყვარებულ  
ყმაწვილს თავით ფეხამდე სპირტით ზელდდნენ, და თუმცა აჩიკო  
გაციებითაც არ გაციებულა, გაცივდა კაკი, ოღონდ, ისე მოხდა, დამ-  
თხვევა იყო თუ არა კაცმა არ იცის, ალბათ არ იყო, მეორე საღამოს,  
მწვავე შეტევისა გამო, მკაცრ მაგიდაზე საბრმანაწლოდ წამოაწვი-  
ნეს თეთრებმა აჩი, ბიჭ-რომანტიკულს კინოთა და ორმაგ-ორმაგ  
ტკბილ წყალთა ნაცვლად საცდელი ყარფუზის ბედი ეწია, ეს იყო  
საქმე? წარმოგიდგენიათ, ხომ?

## 6

მაგრამ ბრმა ნაწლავს, გლანდებსა და ამისთანაებს რა უჭირდა,  
მორჩენილზე, ავადმყოფობა ცოტათი საამპარტავენო და შვებითიც  
იყო, სხვა გემო ჰქონდა დასუსტებულზე ქუჩაში გასვლას, როცა  
გგონია რომ შენი გმირული ამბავი სუყველამ იცის, ხალხი კი თავის-  
თვის მიედინება, რა გამოუღვეს საქმეს, ნაავადმყოფარზე ახლო-  
ბელთა ზედმეტი ყურადღებაც საკმარად თბილად ეფინება გაამაყე-  
ბულ გულს, და გაკვრით ჩავლილ, თითქოს თამაშა, სურდოსნაირ,  
ვთქვათ, ავადმყოფობებს რა უჭირდა რა, დაავადება აი ის იყო,  
საშინელი და ძრწოლისმიერი — მართას შეიღს უცებ რომ აღმოაჩნ-  
და. მართას ქალიშვილიც კი ჰყავდა, მაგრამ ის როგორღაც არ ითვ-  
ლებოდა, სადღაც შორს იყო გათხოვილი, და მართას იმ თავის ბიჭზე  
ამოსდიოდა, როგორც იტყვიან, მთვარე და მზე, როგორც იტყვიან,  
ის იყო მისი გულის ვარსკვლავი. ბიჭს თითქოს არა უშავდა რა, ჩვე-  
ულებრივით იყო, არჩილი იმას არასოდეს დალაპარაკებია, მხოლოდ  
ესალმებოდნენ ერთმანეთს. ის ერთოთახიანიც იმ ბიჭისათვის მიუ-  
ციათ: როგორც ამბობდნენ, ნიჭიერი ფიზიკოსი ყოფილა, და შეუწყ-  
ვიათ ხელი. მართა რომელიღაც საავადმყოფოში მოწყალების დად  
მუშაობდა, ადრე.

შვილის ამბავამდე, მართა ქოთქოთა და მხიარული ქალი გახლდათ, მოულოდნელი სიმსუბუქით იმორჩილებდა დიდ, მსუქან სხეულს, გაცივნებისას თვალები სულ აღარ მოუჩანდა და ლოყებზე კი სამაგიეროდ დიდი ფოსოები უღრმავდებოდა, მაგრამ არჩილმა არ იცოდა ეს. მართას განსხვავებულ, გაპრანჭულ მეზობლებში მორიდებით ექირა თავი, ხოლო მაღაზიებიდან რაგინდ მძიმე ჩანთით მობრუნებულიყო, ლიფტით არ სარგებლობდა — სიმკვიდროვისა თუ დახშულობის ეშინოდა თუ რაღაც ამგვარი...

არჩილს კი დიდად ეამაყებოდა განვითარებული ტექნიკური პროგრესი, — იქნებოდა ეს სწრაფმავალი ლიფტი, ფერადი ტელევიზორი თუ გაუმჯობესებული მანქანა, ესკალატორიც. თანდათანობით ყოველივე ეს ძალიან კარგი რამე გახდა, მშვენიერიც კი, რადგან არჩილი საგრძნობლად დამძიმდა. ადრე აჩიკოს, მაღალს და გამხდარს, უფრო ბუნება და მისი თითქოსდა მიშვებული წესრიგისა სწამდა, ათვალწუნებით უყურებდა შეკრეპილ ბუჩქებს. ახლა პირიქით, მსჯელობდა კიდევ — მოდი, თუ კაი ბიჭი ხარ და, ნუ გასხლავს გლეხი ვაზს. მაგრამ ის ბუჩქები ნაყოფს არ იძლევიან, არიან თავისთვის, რას აშავებენ, ეს არ ახსოვდა, არხეინად იყო. დამძიმებასაც რა უჭირდა რა, რომელი ჭოკით მხტომელი არჩილი იყო, მაგრამ ზღვისპირა აგარაკისთვის მაინც ცდილობდა წონის დაკლებას — რაც გინდა იყოს, პლაჟს ტანით მოხდენილები უფრო ჰშვენიოდნენ და არჩილი აგარაკამდე ერთი თვით ადრე მკვეთრად ზღუდავდა პურისა და ფქვილეულის ათვისებას, ერიდებოდა ისეთ საჭმელებს, რომ აწყურებენ, უფრო ხაჭოსა და მისთანანებს შეექცეოდა, და ამის გარდაც დილის გამამხნეველ ვარჯიშს მისდევდა; ასე განსაჯეთ, რადიოს დახმარებით. და არა ტელევიზორისა, რადგან ამ უკანასკნელში ისე მშვენიერად ჩამოსხმული სამაგალითოდ მოვარჯიშე გოგონები სცვლიდნენ ერთმანეთს, არჩილს განმკლავ-მიმკლავებისა ნაკლებად სცხელოდა. ამ შემთხვევაში უაღრესად ფერად ტელევიზორს ნაკლებად განვითარებული რადიო სჯობდა. კარგსპორტულფორმიანი არჩილი საწყისი მდგომარეობაში: („ფეხები ოდნავ განზე!“) დგებოდა ნოხზე, და შეძლებისდაგვარად ასრულებდა დიქტორის მბრძანებლურ-დამყვავებლურ მითითებებს („წაა-მოწექით ახლა, ხელები მაღლა ასწიეთ-ეთ, ასე, წაა-მოჯექით, ამოისუნთქეთ ახლავ, ისევ საწყისი მდგომარეობა, ეეერთი,.. ოოორი — ვაეებმა შეგიძლიათ ჰანტელები აი-ლოთ — საამი,.. ოოთ-ხი,.. კარგია, ეეერთი...“). არჩილი თავიდან კი



იღლებოდა და სახსრებში სტეხდა, მაგრამ მომდევნო დღეებში ეუფლებოდა ვარჯიშს, სხეულს ახსენდებოდა მივიწყებული, ერთდროს მშვენიერი კალათურთელობის რაღაც მოქნილი ნამცეცები, და გიმნასტიკის დიქტორზე ნაკლებ როდი შეელოდა იმ უცნობი პიანისტის, გვარად როდიონოვს რომ უცხადებდნენ, მელოდიები და აკორდები. იყო ადგილობრივი გადმოცემაც, ადგილობრივი პიანისტი, ხარშილაძეთი, მაგრამ ხარშილაძეს ნუ ეწყინებოდა და, როდიონოვის მჩატე პანგები ხარშილაძის მჩატე პანგებზე უფრო შთამბეჭდავი იყო. პიანისტი როდიონოვი ალბათ თავისით ირჩევდა მოვარჯიშეთათვის მხნე, ცნობილსა და მსუბუქად სასიამოვნო მოტივებს, თავისებურად აიპპროვიზირებდა, საჭიროების დამიხედვით სცვლიდა რიტმს, და ერთხელ, როგორღაც, არჩილს ის პიანისტი, როდიონოვი, აეკვიტა: რამდენი ვინმე ვარჯიშობდა ალბათ მისადმი ნანდობ პიანისოს ხმაზე, ეს უხილავი და მაინც რამდენის ოჯახისკაცი მოისურვებდა და უფრო სწრაფად აახტუნებდა რამდენ ვილაცას, მოინდომებდა და, შეღავათად, მოძრაობებს შეანელებინებდა, ინებებდა და, სულ ყირამალა აკოტრიალებდა, არჩილის თვალში ყოვლად უცნობი პიანისტი ესე თანავდროულად ახლობელი და შორეული ისეთი, ხდებოდა. არჩილი ხანდახან ლიტტშიაც კი ცდილობდა წარმოედგინა, როგორი უნდა ყოფილიყო დილის მეესტრო, როდიონოვი, საერთოდ, ცხოვრებაში. რა უცნაური ახირება იყო მაინც ეს: ნეტა ეკეთა თუ არა რომელიმე თითზე გიშრისთვლოვანი ბეჭედი, ან ჰყავდა თუ არა ნანი-ნანატრი ცოლ-შვილი პიანისტ როდიონოვს, ან ნეტა როგორ მოიქცეოდა პიანისტი როდიონოვი, შვილის უმსგავსი საქციელის ამბავს სკოლიდან თუკი მოუტანდა მისი ნეტაროგორკაბიანი მეუღლე, ევა. ხოლო პიანისტი როდიონოვი კიდევ უფრო მიუწვდომელი ხდებოდა, როცა აქა-იქ გამოურევდა ფრანგულსა თუ იტალიანურ მელოდიებს, მაშინ პიანისტს გრძელ გონდოლაზე ყელმოდერებულს წარმოიდგენდა, მაგრამ იყო კი ნეტავი იქ, სორენტოში, ზურმუხტისფერი, ანდა საერთოდ, ზღვა?

უცნაურია, რაღაც ძალით და მიუწვდომლობით, ეს ახირება ბავშვობიდანულს ჰგავდა. ბავშვობაში კი, რა არ ხდებოდა, — ჯადოსნობანი, რა საკვირველი წარმოდგენები იპყრობდა ხოლმე, აი, მაშინ კი, მააშინ, როცა აჩიკო მშობლიურისაზე გაცილებით გრძელ და შეუდარებლად ფართო ქალაქში მოხვდა, და როცა მამა სადღაც უზომოდ მალღივ შენობაში მივლინების დასამოწმებლად შევიდა, უცხო ქა-

ლაქში, ძალიან ჰრეღ და მოძრავ ხალხში მარტო აღმოჩნდა პატარა აჩი, სადარბაზოსთან უმწეოდ მდგარი, გადათელილი ქუჩის ხმაურით და მიმომავლებს, აჰ, უცხოთ ისე, რალაცნაირად, ძალიან განზე მიგდებულის უსუსურობით შესტკეროდა, და მერე, უცებ, საშინლად ისე, რალაც განათდა! — აჩიკო ჩასწვდა, რომ ყველაფერი, ყოველივე ეს — სულ მისთვის იყო! ეს სწორედ მისთვის ხდებოდა ტროლეიბუ! თა გულგრილი ჩავლა, ეს მისთვის იდგა ძველი სარდალის ქანდაკება, ფართო ხმლით ხელში, მისთვის იქნევედა გატიკნულ პორტფელს დაგვიანებული სადლაცას, აღელვებული კაცი, და სწორედ მისთვის იყენენ ისე გულგრილნი ერთუროთისადმი მოძრაობის მარეგულირებელი მილიციელი და ოთხგზის უკვე გამოთხოვილი, გზასაცდენილი და ქუჩის კი სწორად გადამსვლელი ჭერაც ლამაზი ქალი, ბავშვობისმიერ განათებებში აეს ჩაწვდომა ყველაზე მეტად შთამბეჭდავი, დიადი გახლდათ — რომ ყველაფერი მისი იყო და მისთვის ხდებოდა, მაგრამ ერთს, მთავარს, მაშინაც კი ვერ მიხვდა — რომ აღმოჩენით პირდაღებული პატარა აჩი თავისი მხრიდან ყველასი იყო, ვერა, ვერ გრძნობდა სწორედ ამ ამბავს, ამ მთავარ ამბავს, რომ თავდაც რომ, ცალმხრივი აღმოჩენით შეძრული, ისიც ყველასი რომ იყო და იმათთვის იდგა, და, აღზვევებით გამართული, მამცს მოყვარული თითების შეხებისთანავე შეკრთა და თავისი ამ, როგორც ეგონა, ზეპატივმოყვარული წარმოდგენისა ძლიერად შერცხვა, ასე ეგონა თუ, ძალიან ბრგე და ძლევაამოსილ ვინმედ წარმოიდგინა პატარა თავი, ისეთი დიდი, ვრცელი ქალაქი რომ დაიჩემა, და მობუზული მიჰყვებოდა რომელიღაც მუზეუმისკენ გახარებულ მამას — შეილი მოესწრო, შორ ქალაქში ჩამოიყვანა. აჩიკოს მერეც ძაან რცხვენოდა იმ განათების, რა იცოდა რომ, მართალი იყო, რადგან ჩვენ, ყველა ადამიანი, მთლად უხილავი რალაც ქსელით სულ ერთმანეთზე ვართ გადაბმულნი, რის უცხოობა, მთლად უცხონიც კი, ერთმანეთის ვართ, აქ რალაც სულ სხვა, სხვა ძალაა და ჰოიჰ, ბეჩავი პიანისტი როდიონოვი, თუკი ჰგონია რომ ეს ის ამოძრავებს, თუნდ დილაობით, სურვილისდასებრ ხალხს, არა, აჰ, არა, გინდ სულელური რამ მაგალითი ავილოთ, თუნდაც უშოსი: „მე ჩემი ბედი, — ჩიოდა უშო, — მაინც რამ მოკლა...“ „აბა, კაცო, — ეთანხმებოდა გვერდითა წრეელი, კვლავ მანქანაში, კვლავ ოთხნი ისხდნენ, გურჯაანამდე, ჭერ ბლომად აკლდათ. „მე რომ ბედი მქონებოდა, — მსჯელობდა უშო, — ეგეთი ტუტუცი მეზობელი კი არ შემხვდებოდა, ვინმე ნორ-

მალურს შევეყრებოდი“. „აბა, მაშ, კაცო...“ მცირედ ჩაყუჩდნენ, და თურმე ტყუილ-უბრალოდ კი არა, რადგან უკნითა წრეელი თურმე ბედის მრავალკუთხობრივობაზე ფიქრობდა, რადგანაც, თქო: „მე რომ ვუქვირდები, არა, უშო, რამდენმა რამემ შეგიშალა ხელი, აი, ერთში მაინც რომ გაგმართლებოდა...“ „რაში...“ — სარკიდან შეხედა უშომ. „აი, ვთქვათ, არა?! — ჯერ ის ბიჭი კარგი ფიზიკი რომ არ დამდგარიყო, ბინას ხომ ისე არ მისცემდნენ და ვილაცამაც აღმასკომში ხომ აწონა, დაწონა და ბინა რალა მაინცდამაინც შენ გვერდით მიაშავეს, და რალა მაინცდამაინც შენ ჯინზე მოკვდა და ის იეფი შპალერიც რომ არ მიეტყაპნა, და მატაციკლეტის ფული რომ არ ევროვებინა, ხომ უკეთესი ექნებოდა საკმელ-სასმელი, მაგათ რა, ცოტაც კი ჰყოფნით ხოლმე, და ის მართაა თუ ვილაც ოხერი, ეგებ სულაც არ გათხოვილიყო, ვერ დაჯდებოდა სახლში?...“ „აბა, მაშ, კაცო... — ჰაზინი გული უკვდებოდა უშოს, საკესა ბლუჯავდა, — დამჯდარა კიკოდ ოხერ-ტიალი სახლში, და სულ რადიო აქვს ჩართული.“ „მუსიკებს ისმენს?“ — უკვირდა გვერდითა წრეელს. „ყველაფერს უსმენს, მე კი მაგისი“...

სიმართლე იყო. ბალიშში თავით ჩამხობილ მართას რადიო ერთ-თავად ჩართული ჰქონდა, საშუალო ხმაზე, ზღუქუნს მეზობლებამდე რომ არ გაედწია; ერიდებოდა. აგარაკისწინა არჩილს დილის ვარჯიშის წამოწყება არ გამოეპარებოდა — გინდაც შესაბამისი დრო დავიწყნოდა, მართას კედლიდან მაინც მოჟონავდა მხნე, ხალისიანი ბგერები, იქით კი იგივე ჰანგები ალბათ უშოს კარგრემონტიანი ბინისკენ მიცოცავდნენ, უშო ძალიან სკდებოდა გულზე, მაგრამ მართასავით, რალა თქმა უნდა. არ უკვდებოდა გული, რადგან ეს იმას აზღუქუნებდა მიწაში მწოლი ერთადერთი ვაჟი, როგორც იტყვიან, მისი გულის ვარსკვლავი, და ქალისათვის, რომელსაც ლიფტის დახუთულობაც კი აშინებდა, როგორი უნდა ყოფილიყო იმ ერთადერთი ვაჟის კუბოში წოლის წარმოდგენა, რადგან იქ ალბათ ძალიანი სივიწროვეა.

მაგრამაც არჩილს, წრეელებთაგან განსხვავებით, ხანდახან მაინც ეცოდებოდა თავმკედარი მართა. ის კი არა და, ცოტ-ცოტაობით თავისი საქმიანობისაც ეეჭვებოდა, თუმცა გამართლებანი წრეელებს. იცოცხლე, ჰქონდათ: „მე რომ არ ვაკეთო, არა? — მერე შენ მირჩენ ცოლ-შვილს?“ „ჩემმა ბავშვებმა რა დააშავეა...“ „რალა მე ვიჩანჩალო კულში...“ „ქვეყანა ასეა და...“ — ჰეჰ, ქვეყანაში აღარც სთვლი-

დნენ გლებს, რომელიც რომ, რაც გინდა იყოს, ბუნების წინაშე მაინც მართალია, არც ინტელიგენტს, და, რალა თქმა უნდა, აღარც მართას, თავის შვილიანა, ამ უკანასკნელთ მტრებადაც კი რაცხდნენ, და, მხოლოდ თავის გატანა კი არა, ხშირად ნამეტანიც რომ მოსდიოდათ, ამას არაფრად აგდებდნენ, ეს რალაც ანცობასავით ითვლებოდა, აი, თუნდაც იქ: როცა არჩილის წრეელები ერთ შედარებით დაბლამდგომ ძმაბიქს ახლო რაიონში ეწვივნენ, ხოლო იმას კი სწორედ იმ დროს მართალია რბილი, მაგრამ მაინც რევიზია ჰყავდა, ერთობლივ დიდად აღფრთოვანდნენ და ეგრევე გადასდეს კარგოქმთფორმება და რაიონის საუკეთესო, ტყეში მოყუჩებულ რესტორნისაკენ სულ ბენზინის წვით აღმართ-აღმართ გასწიეს ნელა, ხოლო როდესაც ძმაბიქ-მასპინძელმა შედარებით უბრალო ღვინო — „კახეთი“ ჩამოადგმევიანა მიმტანს, წრეელები და რბილრევიზორნი საკმაოდ შეცბნენ, მაგრამ გაირკვა მსწრაფლ ყველაფერი: იმ ხანობისთვის (მეოცე საუკუნის სამოციანი წლების მიწურული), იმ რაიონში (ჰობ-გეგმა, ყველაფერი, რამე), თურმე სწორედ ამ ძნელი ღვინის სმა ითვლებოდა დიდ ვაჟაკობად, და არა სიძუნწედ, რაიც იმანაც დაადასტურა, რომ მიმტანმა ორი ყუთი შამპანურიც ძლივას მოზიდა რიგრიგობით, გოცებული სტუმრების თვალწინ სუყველა ვერცხლყველა ბოთლი დიდის დგაფუნით გახსნა, და გოგნება უნდა გენახათ, როცა ქაფქაფით აელვებული ძვირფასი სითხე მაგიდის ირგვლივ სხვა მიმტანთან ერთად, ყოჩაღად, მაგიდის ირგვლივ მიმოაქცია... — ორმოცი ბოთლი!, და ამა დიდმანევრობის საშუალებით, ჰოი, რა ძალა მოემატა უბრალო „კახურს“, აჰ, როგორ სვამდნენ, რა აღჭურვილი გაიგეს გემო, აგარაკისპირს, პურს არ სკამდნენ და გოქის კანზე ძრავლად ისვამდნენ ხიზილალას, ქეიფი იყო? — ძველ რომაელთ დაშშვენდებოდათ, ბოლოკიც იდო, აის ეშმაკი, და ვახტანგურად ბრუნდერშაფტს სვამდნენ, და ერთადერთი, არჩილი გახდა რალაც-ნაირად უგუნებოდ, რალაც... მერე, წამოდგა, გავიდა განზე, ვინ შეამჩნევდა, აღფრთ-აღზნებულები იყვნენ, არჩილმა კი მახლობელი ტყისკენ გასწია, ტყე იქვე იყო, შევიდა ტყეში, და ერთ-ერთ ხეს, რომელიც უფრო მოუვიდა თვალში, მიუახლოვდა და ნელა მიადო ხელი. ცაცხვს ნაზად მშრალი, გრილი ქერქი აქვს, მამამებელი, არჩილი იდგა, გატვრინვით იდგა და ხიდან თითქოს რალაც სიმართლედ გადმოსდიოდა, იდგა, იცდიდა, და მიხვდა, მიხვდა: აი ის ფული, შამპანურის ის მიმოდაქცევა და პურმარილი, ნაღდად, ნამღვილად რომ

ევოფოდა მართას ბიქს იმ სანუკვარი მოტოციკლეტისათვის, — ძალიან მიხვდა. თავჩაქინდრული, დარცხვენილი იდგა არჩილი, ახლა აჩიკოს წააგავდა, და მაინც, მერე, რომ შემოესმა იწყობრი სიმღერა, პირველ ხმას კობტად ამბობდა უშო, კვლავაც, სუფრისკენ გასწია და, პურ-მარილს რა სჯობს, ნეტა თუ სვამდა ხანდისხანობით მუსიკოსებში ის პიანისტი როდიონოვი?

ეს ანცობანი, ჯანდაბას კიდევ, არაფერი, მთავარი უფრო მაინც ის იყო, საკუთარ თავში შეეჭვებულებს, გასამართლებლად, ყოველნაირი ცუდი ამბავი რომ ახარებდათ, ეს იყო მათი შვება, რომ ვილაცამ ვილაცა ბებუთით დასჭრა, ან რომ გაქურდა, ან რომ გლეხები დანასისხლად ჰყიდიან სურსათს, რომ ვილაც ექიმს ქრთამში ჩააღვლეს და ვილაც გამომცდელს ვილაცისაგან დიდი მაყუთი აუღია, აი, რა ჰქონდათ გასამართლებლად და გასახარად, და, უმრუდდებოდათ რეგენი თვალი, მაგრამ ყველაზე საშინელი მაინც ის იყო, რომ, გამაძლარებს, აღარ ახსოვდათ, რომ აქვთ სამშობლო, საქართველო, ძველგადმოცემით, ლეთისმშობლის სათნოდ წილი ქვეყანა, რომ იმერეთში ფერებია რომ, აღუწერელი, რომ გურიასი ბორცვებია რომ, აჰ, სანეტარო, სამეგრელოში, განსაცვიფრებლად, ერთი ისეთი ამოდის მთვარე, და რომ კახეთში რა წვალეებით, როგორკითარი წვითა და დაგვით მოჰყავთ დიდ გლეხებს ეროვნული საუნჯე, ვაზი, და რომ სვანეთში შუალამისას კლდით გადმოდიან დავუ და დალი, რომ ქართლში ისეთ ქართულს ლაპარაკობენ, მიდი, იარე და უგდე ყური და რომ იქ ერთი სოფელია, ძლიერ დრეკადი სახელით, ნოსტე, ეს აღარ ახსოვდათ. თავი და თავი უბედურება, ამაში იყო.

ჩვენს ნათარეშევ, სად და საითკენ არ განზიდულ მკრთალ საცავებშიც, მაინც ისეთი ნივთები ძევს რომ...

## 6

და იყო კიდევ ერთი რაღაცა, ბნელ ღამეობით უსაზომოდ დაძაფიქრველი.

არჩილისათვის, უბრალო სიტყვით, ეს იყო ნისლი — გაუგებარი, უცხო ნაწილაკებით მოსილი და დიდად საეჭვო მაინც. გულზე დავიდოთ კარგად დაბანილი ხელი: ხომ გაგვკრთომია ანაზნად, უცებ— ეგება არის?

რა...

რა და, —

ერთხელ უშომაც კი შეახსენა, ამჯერად, ხუთნი, ორთქლის აბანოში, დასვენებისას, ზეწარშემოხვეულები, კაი ჩეხური ლუდით მოთენთილები ისხდნენ, და პირზე რაც კი მოადგებოდათ, ყველაფერს ფქვევდნენ, ოღონდაც ზანტად.

„სახლში, მივალ, და, ხაშსაც, დავურტყამ, — ლულულუდით ამბობდა აის წრეელი, მანქანაში რომ გვერდითა იყო და ოღნავ ცოცხლებოდა, — ხომ წამოხვალთ ჩემთან?“ „შენ, რა გიჭირს, რა, — ძლივას მიუგო უშომ, — სახლში, შენ, მისვლა, გიხარიან და, აბა, მე მკითხე...“ „აღარ გადადის, ჩემის ტრულალა?“ — იკითხა ამჟამად სხვებზედ ყოჩაღმა წრეელმა, რომელიც თირკმლების ნაადრევი შექცნობისა გამო ლულა არა სვამდა. „აჰა, აჰ, არა...“ — ვობლაიანი ხელი ჩაიქნია უშომ. „შვილის გულისთვის...“ — ჩაურთო ახსნა ყოფილმა გვერდითამ. „ფიზიკი თორემ... — ამოქმედდა აქ აის წრეელი, მანქანაში რომ უქნითა იყო, — ფიზიკი რა, დიდი ამბავი — თუ უნიჭოა, რაღად გინდა, და თუ ნიჭიერია, მთლად უარესი, აკეთებენ დინამიტებს“. შეექცეოდნენ, ვობლებს, არჩილი იმ თავისი გრძელი დანით ყუჩად იჯდა და თევზებს შიგნავდა. „ისე, კაცმა რომ თქვას, — დიდის შეპარვით წამოიწყო უქნითა წრეელმა, — რა არის მაინც მაგისი ცხოვრება, თუ ზის და ტირის“. „მაგის ადგილზე, — ხელათ მიუხვდა ახალი წრეელი, — თავს არ ვიცოცხლებდი“, და გამომცდელად შეაქქერდნენ უშოს, იმან კი ჭერ წამით ქვეშ-ქვეშად გამოხედა რიგრიგობით ყველას, ვობლას წიწკნიდა, და, შერე მაინც, დაუდევრობით, სხვა დროს ამას როგორ იტყოდა, ლუდით მოთენთილმა, თქვა: „გურჩიე ეგეც... ერთხელ შევედი, ვითომ თანაგრძნობას ვუცხადებდი და შეწუხებულმა, ასე ვუთხარი, როგორ ძალიან მეცოდებით, რა არის აბა, თქვენი ცხოვრება, მხოლოდ ტანჯვა და წამება-მეთქი...“ „შერე, რა გითხრა“, — დაეკითხა ყოფილი უქნითა, არჩილს კი უცებ რაღაც ნაირად უცხო გორგალი მოეძალა ყელში. „ჭერ შემომხედა“... „მერე, რა გითხრა...“ „ვერა, მე თავს ვერ მოვიკლავო...“ „ვითომ რატომო...“ — გაიკვირვა ყოჩაღთმეიერმა, ამაზედ უშომ: „ესაო, თავის მოკვლაო რაღა, ძალიანი დიდ ცოდვაში ჩამეთვლებაო და...“ „რა ცოდვა, კაცო, — კვლავ გაიკვირვა თირკმლებმინუსამ, უშომ კი, ეს თქო: „რაღაც ღმერთი წამს თუ ჩემი ფეხები“.

რაღაცა ღმერთი... ვინ იცის, იქნებ... ეგება, ვვითომ?... სულ დაფურცვლილი ძველი წიგნის ბრალიც იყო ეს, ამაზე ფიქრი ნისლს ჩამოჰგავდა, არჩილი უცებ წამოდგა:

— რალაც ვერა ვარ კარგად... წავალ.

— რა იყო, კაცო...

— საქმე მაქვს ერთი.

თითებზე, სუნის მოსაცილებლად, ჯერ ლუდი გადაივლო, გრძელ დანასაც ბლომად დაასხა, საპნით იბანა მერე ხელები, ტანთ დაუდევრად, უსარკოდ ჩაიცვა საჩქაროზე და, გამოვიდა გარეთ, ჩვეულებრივი, რიგითი ფეხოსანივით გაუყვა ქუჩას. ქუჩა რა—წყნარი და მშვიდი იყო, ძველთბილისური, არჩილი გამვლელთ ველარ ამჩნევდა, ნისლი რამ ადგა. უცნაური რამ მოვლენა არის აი ეს ნისლი, სხვადასხვაგვაროვანი, ალბათ წარსულშიც აკვირდებოდნენ, ხოლო დიდ საბას აი ასეთი საბოძვარიც აქვს დღევანდელთათვის, ჩვენთვის:

ნისლი — მზის სიმბურვალე წყალთა ქვეყანათა ნოტიოთაგან ორთქლს აპკრეფს და შეიქმნების ნისლი.

უკეთუ მრავალი აღილო მისგან იქმნების წვიმანი და თუცა მცირედი აღილო მანად შეიქმნების.

ხოლო ნისლიცა ესრეთ განიყოფიან: მცირესა და თხელს ნისლსა ეწოდების ფოშფოშო.

ხმელსა და მტურის მსგავსსა ნისლსა ბორიაცო.

ხოლო ნოტიოსა ნისლსა ბორი და ნისლსა მონათოვარსა ბუერო. და ნისლსა ზრქელსა და ძლიერად მქროლელსა, რომელი შეკრბების მთათა ზედა არმური.

— კარგი საროჩკა არ გინდა, ბიძა? — ვილაცამ ჰკითხა.

— რაჰ!.. არა.

სიტყვით თუმცა კი არ იცოდა და, მაგრამ. ხანდახან, არმური სჭირდა. სულ დაფურცვლული, ძველი წიგნის ბრალი იყო ეს? ცოტათი, დიახ: იმა ბეჩავ წიგნს სარდაფისეულ, მამაპაპურ, მოჯანჯლარებულ, გადასაგდებ სკივრში ქექვისას გადააწყდა არჩილი და, თვალი ოდნავ რომ გადაავლო, გაამაყდა კიდეც: რა გასაგებად ვლაპარაკობთ ჩვენ, აი, ახლა, და რა ფშუტურა და ჩამორჩენილი იყო სკივრზეც კი ძველი, გაზედმეტებული ენა. ავიღოთ, თუნდაც: არა ჰქმნე თავისა შენისა კერპი, არცა ყოვლადვე მსგავსნი, რაოდენი არს ცათა შინა ზე („რა უბედურობაა, და ჯერ სადა ხარ“), და რაოდენი არს ქვეყანასა ზედა ქვე („შეუსაბამობა, შეუსაბამობა!“) და რაოდენი არს წყალთა შინა და ქუეშე ქუეყნისა: არა თაყვანი-ჰსცე მათ („რატო უნდა ვსცე“) და არცა მსახურებდე მათ („რატო უნდა ვემსახურო რო...“).

ანდა, მთლად უარესი, ეს მითომ ყოველი დაძინების წინ უნდა გეტქვა: მცველო და მფარველო მდაბლისა სულისა და ხორცთაო ჩემთაო, რაოდენიცა რა გაგამწარე, ანუ შეგაწუხე, ღღინდელსა ამას ღღესა, სიტყვით, ანუ საქმით, ანუ გინებით, შემინდვენ და დამიფარე ღამესა ამას ყოველისა საბრთხეთაგან და ასე შემდეგ, და ა. შ., გაიგე ახლა, თუ კი ბიჭი ხარ, რამე, მიდი და გაიგე... მაგრამ ის წიგნი რალაცნაირად არ გადაადგო — იყოს, თავისთვის. ხანდისხანობით კი, ჩამორჩენილი გამოთქმით აღვნიშნოთ და, ფიქრთ განსართველად, გადაშლიდა ხოლმე.

შედარებით საინტერესოდ გამოიყურებოდა აბზაცებიანი ადგილი „ათი მცნება“. ჩამოდენიმე მთლად ვერ გაიგო, ზოგში კი თითქოს საყვედურობდნენ, მაგალითად, აქ: „არა გული გითქმოდეს ცოლისათვის მოყვასისა შენისა“, აი კი ააქ, მწარედ ჩაფიქრდა: გინდ მოეკლათ და, რა ექნა, აბა, უკნითა წრეელის მეტად ჯანსაღი, საამოდ შევისილი ყოფილი მოცეკვავე, რალაც სულსხვანაირი ხარისხის ხორცილ დატენილი ცოლი მოწონდა, მოწონდა, აჰ, როგორ მოსწონდა, კი, ნეტა მაინც რას საყვედურობდა ის ძველი წიგნი, გულიც კი არ მიგიწევდესო და, გულს შენ უბრძანებ? — სამაგიეროდ, არჩილს, მისდღემჩი, თვალეში სხვანაირად არ შეუხედავს, არც, მით უმეტეს, როგორ გააპარებდა იმისაკენ აღელვებულ ხელს; ისე, უკნიდან თუ მიაღწევებდა თვალს და, აკი იცოდა, რომ, დასავითაა ძმაკაცის ცოლი, თვალს თუ არ ჩავევლით.

ხოლო სამი რამ დარიგება, საკმაოდ სხარტი, ძლიერ გასაგებად ჟღერდა. ესენი იყო:

- 6) არა კაც-ჰკლა.
- 7) არა იპარო.
- 8) არა იმრუშო.

„არ იმრუშო რა, — გაბრაზებული იყო არჩილი, — შენი ნებაა? ორგანიზმი თავისას მოითხოვს“.

რა იყო მაინც ამაში ცუდი, ესეც ძმაკაცის ცოლი ხომ არ იყო: თუ შენ გინდა და, მითუმეტეს, თუ უცხო ქალსაც უნდა, ნეტაი ვისთვის რა შეადება, ფიზიკური ძალადობისა და გაუპატიურებების სულაც არ იყო არჩილი მომხრე. ორ აღამიანს, არა? თუ ერთმანეთი უხარიანთ, არა? ნეტა რა არის ამაში ცუდი. არა? აი, თუნდაც იქ, ზღვისპირობისას:

აჰ, ერთი ქალი მოეწონა მაგრამ, რას მოეწონა, კინალამ ჰკვიდან



გადადგა კაცი. ვერ პოულობდა ვრცელ პლაჟზეც ადგილს, და, როგორც იქნა, უკნითა წრეელის დახმარებით (იმან კარტობანა იცოდა მიმჭდომლურ-გამცნობლური და კარგი) რომ გაიციო, ხელის სილამაზეთა წყალობით ჯერ ქალაქის რესტორნები მიმოატარა, მრავლად იგემეს კარგი პროდუქტი, ქალს ერთადერთი, ისიც ქალური, უჩანდა ნაკლი — რაღაც ძალიან ზედმეტად ეცხო სახესა და თვალწარბზე სილამაზისა დახმარებანი, ალაგ — გრაფიკით შესრულებული, ზოგან — ფერმწერლური და, ოპ, ტუჩებზე ხომ, პომადა ელო? — მძლავრფენოვანი, მაგრამ სხეული, რა სხეული, ტანი-ტატანი, და ის დროც დადგა, მანქანაში რომ კოხტად ჩაუჯდა და ბუნებისკენ, მუხნარისკენ დაადგნენ აღმართს, კარგი ადგილი შეირჩიეს, სადამოსაკენ, მსუყედ გრილოდა მშვენიერ ტყეში, არჩილმა ჯერ სურსათ-სანოვავე გადაიტანა მანქანიდან, მერე — უკანა დასაჯდომი და ზედ დასვა ქალი, თვითონ კი იქვე მოკალათდა, ნოტიო მშრალზე, შესვა ოთხიოდ სადღეგრძელო, სერიოზული, მაგრამ ძალიანი უმიზეზოდ კისკისებდა ქალი მინამ დღე იყო, ხოლო როდესაც შემობნელდა გატრუნულ ტყეში, ანცობას უკლო და, სამაგიეროდ, ახლა არჩილი გათამამდა და გაწვა კიდევ წინაშე იმისთა ლამაზთა ფეხთა, და, შამპანურით შეეუუუნებულს, ის ბებლებურად რომანტიკული წამოწყება-ილეთი გაახსენდა, მეტრფენი სატრფოს ფეხსაცმლით რომ შამპანურს სვამდნენ, და გამოსთხოვა კიდევ ნებართვა, მაგრამ ქალისა ზედმეტად ღია-ღია „ბოსონოჟებში“ რეპირი ქარი გადიგამოდითოდა, იმაში სითხეს რა გააჩერებდა, და არჩილმა კი ჰიგიენური უფრო, გამოიგონა ხერხი — ქალს ხელისგული ჩაადრმავებინა და იმის ამოტრიალებულ პეშვში ასხამდა შამპანურს, იქიდან კი — სვამდა, ქალს მოეწონა ეს ოსტატობა, ლოყაზედაც შეუმშრალა ხელი და, წაქეზებდად ამაზე მეტი რა გინდოდა? — ეძგერა ნაზად, ქალმა ერთი-ორი ხომ აკოცნინა და, სწრაფ ამბორ-სერიებზეც კი მიუშვა, მაგრამ არჩილმა ყველაფერი რომ მოინდომა, ჩურჩულ-დილოგი ძუ-ხვადური გაიმართა ასეთი: „არა, აქ როგორ შეიძლება...“ „რატო... როგო არ შეიძლება“. „არა, არ შეიძლება, არ გამიწყვიტო“, „აი ნახავ, ძვირფასო, თუ არ შეიძლება.“ „კარგი რა, კაბა სულ დამესვრება, ეგრე მაგრა ნუ,“ „ახლებს გიყიდი... ბევრს,“ „არა, აქ ტყეში არ შეიძლება“, „რატომ, სულიკო“, „ქუჩის ქალი კი არა ვარ“, „რა უნდა ქუჩას ამ შუა ტყეში“, „არა-მეთქი“ — და გამკაცრდა ქალი, გადაწყვეტლურად შემოეცალა, წამოდგა ფეხზე, და ნაწყენსა და გაბუ-

ტულ არჩილს ქოჩორზე ხელი დიდსულოვნურად გადაუსვა მერე, თქვა: „რა იყო, ოქრო, რა გეწყინა, ნუთუ სახლამდე ველარ მოითმენ?“ „როგორ თუ ვერა!“ — მსწრაფლ ზეწამოიქრა არჩილი და, სანამ დასაჯდომს კუთვნილ ადგილას ჩასვამდა, ქალმა შეჰკითხა: „მართლა მიყიდი უკეთეს კაბებს?“ „აბა რა“, — ხალისიანად მიუგო არჩილმა, მაგრამ თანდათან მაინც ჩაწყდა გული, სტიმულირებულმა ქალმა კი შამპანური ბოთლით მიიყუდა, საკმაოდ იგემა და, ძლიერ გაცელქდა, იქ კი საკმაოდ მოეკიდა, დაღმართ-დაღმართ რომ დაეშენენ, ნელა:

— მე მიყვარს სრბოლა, მე სრბოლა ისე ძალიან მიიყვარს, — იმეორებდა აგიჟდაებული ქალი, — მოდით რა, ალექო, თავდაღმართში თავდავიწყებით დავეშვათ, რაა?

— აქ არ შეიძლება, — ჰკვა შერჩენოდა არჩილს, სახელცვლილებამ, „თქვენ“-ობითობამაც, გულში გაჰკენწლა, — ვერ ხედავ, ბარტყკო, როგორი ღრმულიკობია?

— მითუმეტეს რომ, ალექო, ალლექო, უფრო ახტუნავებული არ იქნება ქროლვა?

— არა, სულიკოვ, არ შეიძლება.

— რატომ?

— კარდანი ვალი ჩაიშლება.

— აა. რა ჩაიშლება?

გაუმეორა; მერე და მერე კი იყო მანქანის კარის ფრთხილი მიხურვა, რატომღაც ფეხისწვერებზე შესვლა ამტან კოტეჯში, სინათლის არანთება — აჰ, რომანტიული მთვარის რომანტიკულადვე ბუნებრივი ვითომ, შუქი? და სიჩქარისა გამოისობით დიდად გაურჩებულ ყოველნაირ სამოსთა უარყოფა, აღსრულებული შემოხუტება, მერე თავის ორმხრივი წარმოჩინება, კარგად შეეწყვნენ ერთმანეთს დიხანაც, რომ, ვითომ, მაგრამ სულ მერე და მერე, ბოლოს და ბოლოს, იყო გულადმა უაზროდ წოლა და გამჩმახებელი მთვარე და არჩილისა პირში, პომადისაგან დაობებული შოკოლადის გემო, ისეთი მძალე, რომ გაიფიქრა: „არა იმრუშო“, ხოლო მომაბეზრებელი სიჩუმე ქალმა პირველმა დაარღვია:

— კარდანი ვალი რა იყო?

— არის რა... — სანთებელა გააჩხაკუნა არჩილმა და მკერდზე დაიდო საფერფლე, — მანქანის ნაწილია.

— მანქანის?

— ჰო. ხვალე გაჩვენებ, თუ გინდა.

— ერთი მაგისი... — ისე მოულოდნელად შეიგინა ქალმა, კარგა რეჩხი ჰყო არჩილის გულმა: „ვაიმე?“, თქმით კი ასე თქვა:

— აბა, რა სისულელეებს იძახი, ჟანა? რა ბავშვობაა?

ბავშვობა, ჰე — სისულელეებად იწოდებოდა, ნეტა როგორი იქნებოდა სკოლის ასაკში ის პიანისტი როდიონოვი? ნუთუ ეს მართლა ცოდვა რამ იყო — „არა იმრუშო?“ რა დიდი იმდენი იმა აღსრულებულ საქმეში ეყარა რომ, დავუშვათ და რომ, ეგებ თუ არის, მართლა არსებობს, შემოგინახოს დანაშაული და მერე შეგარისხოსა და დაგსაჯოს მემრე? როცა მოკვდები... აღსრულებამდე იყო მხოლოდ ესე ცოდვა მაჩქროლებელი, შესრულებისას გახლდათ მხოლოდ ასეთ ქალებთან შინაურულდაველურად კარგი, რადგანაც მერე... — გამოფიტულზე, ა, ასე წოლა და არაფერი, თუმც, რაღა არაფერი, გულგრილობა და ჩუმი ზიზღიც კი, ზედმეტად თუ აქვს პირისახეზე საკმაზი, გულგრილობა და კარგა საკმაო შეცბუნებაც კი, თუ იგინება, გულგრილობა და მოყირკება და მიმალვ-მომალვაც, თუკი მეწყვილე ზედმეტურად პროგრესულობითია, ნუთუ ამისთვის უნდა დაესაჯა იმ ვიღაცა ღმერთს? თუ არსებობდა... თუ, დავუშვათ და, გინდაც რომ სწორი ყოფილიყო ჩამორჩენილთა სათუო რწმენა, რომ მართლა არის, არჩილს ხომ ჰქონდა მაინც ერთი რამ პატიება-გამოსავალი. ხომ არასოდეს დაურღვევია იმ დაფურცელული წიგნის ერთი: „არა კაც-ჰკლა“, — ხომ? აი ეს სიტყვები შვებბასა ჰგვრიდნენ, არჩილი ვისი მომკვლელი იყო, საათივით ჰქონდა აწყობილი საქმე, სიამოვნებდა, შაგრამ ჯიბეში რომ ჩაიყო უცაბედი ზელი, და მერე ცხვირსახოციც ტყუილ-უბრალოდ რომ მიიტანა პირთან, მაინც ეტაკა თევზის სუნი და, დანაც დაყნოსა, ვობლას სიმყრალე აიძასაც სდიოდა, ლითონს, და არჩილს თავისი შორეული ხელი გაახსენდა, აჩიკოს ის გადიდმნიშვნელოვანებლური ხელი, „ნ“-ს სანუკვარი კარის სახელურს რომ ჩასჭიდა ერთხელ, იმის ეზოში ნაშუალამევს ქურდის ლანდივით რომ შეიპარა და, გულრამდენადაც — მოფრიალემ, იმდენად — სუნთქვა-გაკმენდილმა, ნანატრ სახელურს გადასარჩენად თითქოს, ისე ღონივრად და მაინც რიღით ჩასჭიდა აძიგძიგებული, რაის უთევზო, რისო სუფთა — წმინდა თითები, მაშინ ხომ განცდა რამდენჯერ იყო უფრო მძლავრი, უფრო დიადი, ვიდრე ჟანასთან, და თუ ზიზღამდე მისული საქმე ცოდვას უდრიდა, აი, რატომღა არ იყო მაშინ უფრორე მეტად დასასჯელი — ის სიყვარული დედუფლისადმი „ნ“? ალბათ, სიყვა-

რელს, გასამართლები, რაღაცა სჭირდა... რაღაცა იყო მასში ისეთი, გულს: ზნერჩენლური, რადგანაც ახლა, ნააბანოვარზეც, რომ მოენატრა და თავისი კარის სახელურისკენ აღიოდა ისე და ნელა, ვითომც იმ ძველ სისანუკვრეს უახლოვდებოდა და, გაგვითამაშდა არჩილი, ჩვენი, მაგრამ რაღაცა არ იყო რიგზე, ცვლილებას ყურის კუნჭულით გრძნობდა, მერე ერთბაშად ვაპოერკვა და — იმ მეზობლიდან რადიოს ხმა აღარ იმოდ... კარიც კი ოდნავ მოღიავებულად დარჩენოდა და ბოლო ორი საფეხურიც შეცბუნებულმა რომ აიარა, მაძებარია თვალი, ჯა, აიპ ღრიქოში შეიხედა და, მაგიდასთან მიმჭდარი, მაგიდაზე ნიკაპდაყრდნობილი მეზობლის დანახვაზე, გაშრა...

მართა ფიქრობდა!

7

„არა იპარო...“

ყველაზე რთული, არჩილისათვის, აი ეს იყო. იმდენად რთული, სისულელეს უწოდებდა ხოლმე. ჯერ ეს ერთი რომ, კომბინაციას პარვად არ თვლიდა, მეორეც ის რომ, რად უნდა ყოფილიყო დოყლაპია და სხვაზე ნაკლები, მესამეც ის რომ, აგრეთვე სხვისა არ იყოს, ძლიერ უყვარდა კარგი ცოლ-შვილი და მეოთხეც რომ, ყველაზე მთავარი, გასამართლებლად იყო კიდევ ერთი რაღაცა...

და მაინც, „არა იპარო“, — უღერდა.

...ბნელ ღამეობით, რის მოიდუმლო, მთლად იქითურა, სხვაკანონება, მარტივად სიზმარს რომ ეძახიან, გადასვლამდე, იყო რაღაც ნათელი ჩქამი, გაელვება რამ ბურანეული და მაინც ისე მკაფიოდ ცხადი, თანაც მკაცრი და თან სათნო, დიახ, შორით მართალი, რომ — „არა იპარო...“ და რაღაც უფრო გაცილებით ძლიერის შიში, ვიდრე ეს ლაყე ინსპექტორი თუ მრისხანე რევიზორი თუ დიდრონი პროკურორია და სხვა, და სხვა, და მაინც, შვებად, ეპ, ყოველთვის რომ არსებობს შვება—დიდის იმედით გახსენებული: „არა კაც-ჰკლა“ და, ამშვიდებდა, ეს. ძალიან არა, — ისე რა; თითქოს. ეს ერთი მცნება, მარტოკინად დაურღვეველი, ნეტა დანარჩენთ, ცხრად წონოსანთ, თუ ეყოფოდა? გადმოსწონიდა?.. სიკვდილის მერე. თუ, დავეშვათ და... რაღაცა იდო ღამეში სუფთაც, ასამალლებელი, წარმოიდგინეთ, ნათელიც იდო, დღისდღეობით კი, ხანდახან, მზისით, ისე ბნელოდა... რაღაცა იყო ღამეში ნაღდი, და სარკესაებრ მისაჩერები — ნეტავი ვინ ვარ... იძინებდა.

დღე სულ სხვა რამ იყო—წამოდგომა და ტანთ ჩაცმა, რამე, ხანლისხანობით — პიანისტი როდიონოვი, და მერე შხაპი, საგულდაგულო პირპარსვა და გამოწკეპილობა; იქ, სამსახურში გამოზომილი თავდაჭერა, და სათუო გადახვევათა საფუძვლიანი აწონ-დაწონვა, მართლა ისე-უბრალოდ კი არ მოდიოდა კაი ცხოვრება; საწინწამს-ვლელოდ კარგად ფასობდა იუმორი და შესანიშნავი სიტყვა-პასუხი იქ, სადაც საჭირო იყო, და მზადყოფნისა და მორჩილების გამოსახატავად—ყუყუნი თვალთა, რაღა თქმა უნდა, მხოლოდ იმათთვის, ძლიერულად რომ საჭირონი იყვნენ, საჭირო იყო აგრეთვე ნიჭი ქრთამის საჩუქრად გარდასახვისა, და სხვა, და სხვა, რაოდენი რამ იყო საჭირო, ეპ, დღისდღეობით, როგორ ბნელოდა... და თანაც, ღამე, ყოველდღე — ღამე, დაეკვება და ხიან-მიწიანი მომავლის შიში, და სადღაც ამოკითხული თუ მოსმენილი, რომ დაძინებამდე, ძილის წინ, თითქოს, არის რაღაცა გარდამავალი წამი, როდესაც ჩვენ-ჩვენი თავი სუყველამ ვიცით... ასე იყო, კი, თუ, რაღა თქმა უნდა, არ იყო ნასვამი, ხოლო ნასვამი, ბლომ-ბლომობითაც, — ხშირხშირაობით გახლდათ, ხანდახან ლიფტში ძლივს აგნებდა საჭირო ღილაკს, და სანამ ოთხივე გასაღებს კუთვნილ ქარქაშში შეასწორებდა, კვლავაც მეზობლის ღრიჭოსაკენ გაექცეოდა თვალი — ისევ მართა და, ისევ ფიქრობდა... მაგრამ ვერა და ვერ იქნა, ველარაფრით მოაცილა იმ თავის გრძელ დანას ვობლასი სუნი. არადა, გადასაგდებადაც არ ემეტებოდა, შეჩვეული იყო, მოგონებებსაც აღუძრავდა — ზღვაო, ტყე, რამე... რა აღარ სცადა — დიდხანს ხეხავდა, ცივი წყლითაც და მღულარეთიც რეცხდა და რეცხდა, საპნიან წყალში მთელი ღამით ჩადო და, მაინც, დაყნოსვისას, ეჩვენებოდა თუ რა, მაინც ასლიოდა კრიალა ლითონს ავად ამომჭოლი, სუნი. ისევ და ისევ ხეხდა და ხეხდა, და, ფიქრობდა თანაც... „არა იპარო“ — გაბათილებებისა და საჭიროების მიუხედავად, ეს ალბათ მაინც ცუდი რამ გახლდათ, მაგრამ რა იყო ის ორი კაცი, დაახლოებით მათივე საქმის მიმდევარნი, ყოველად სათნოები, უბოროტონი, გაჭირვებულთა დამხმარენი, და სიკეთისას თვალეები უფრო უსველდებოდათ, ეს რაღა იყო... რეცხავდა დანას.

„არა იპარო...“ დიდი ამბავი, კაცს ხომ არა ჰკლავდნენ, მაგრამ ხანდახან ისე ძალუმაღ, ისე აშკარად წამოუვლიდათ იქამომდე ღონიერი, — დაკუნთულივით, და თან წრიალა, ეჭვი, ვერ ერეოდნენ, ველარ მალავდნენ და, თუმც სიტყვა „პარვა“-ს არ ახსენებდნენ, თავს

იმართლებდნენ სხვადასხვანაირად, აი, თუნდაც ასე: გვერდითა წრე-  
ელმა ერთხელ ძალიან მოიწყინა და, ალაპარაკდა. რამ მოუხარა, ჯერ  
არ იცოდნენ, იგი კი ისე სევდიანად ლაპარაკობდა... 'ის ჰყვებოდა  
რომ, ადრე არ იყო ასეთი ცუდი — „მე ადრე კარგი ბიჭი ვიყავი“,  
რომ სკოლაშიაც, და უმაღლესშიც, მშვენიერად სწავლობდა: „ხუთე-  
ბი მქონდა“, ის ნაღვლიანად იხსენებდა რომ, თურმე ძლიერად სწამ-  
და ამ პლანეტისა. — „მე დედამიწა უკიდევანო, უფსკერო და დიადი  
მეგონა მაშინ“, და ყმაწვილობისას ამა ცხოვრების სასრულობანას  
ვერ იჭერებდა კი არა, აზრდაც არ მოსდიოდა, არცა ფიქრობდა: „მე  
მეგონა, რომ, არასოდეს, არ მოვკვდებოდი“, — უბრალოდ, ვერცკი  
წარმოედგინა, მაგრამ თანდათან, მერე და მერე, მოგეხსენებათ,  
ცხოვრების ალაგ დროული და ალაგ-ალაგ უდროო, გამორჩევითი  
წესი: ხან ნათესავი, ხან — მეზობელი, ყველაზე მწარედ — თანატო-  
ლი ხანაც, უკვდებოდა და, დიმი ერთადერთს, წყალი რომ მართლა  
არ გაუფა, საკმაოდ მიხვდა: „უცებ დამაწვა, ერთბაშად ჩავხვდი, რომ  
მოვკვდებოდი... აუცილებლად, როდესმე, სადღაც...“ და ამას ისიც  
დაერთო რომ, ის დიდი რწმენა, ამ პლანეტისა, თანდათანობით შე-  
მოაცვდა: „მე დედამიწა უკიდევანო რომ მეგონა და, ამით მომქონდა,  
მისიანა, თავი, თურმე რა — ისიც არაფერი ყოფილა, თურმე, თურ-  
მე, კოსმოსში მტერის ნამცეციც კი არაა, თურმე“, და ამ ვთქვათ და  
ნამცეცის, — მეტრილიონედს — აი, მასავით ძალიან პაწა ადამიანს  
რითილა უნდა ეგრძნო რაიმე ძალა — ჰამაც, მოკვდები... და ყველა-  
ფერი დამთავრდება სიკვდილის მერე. ხომ ასეა, ეს? „თანაც,  
ცხოვრება, ძალზე გრძელი გვეგონია ხოლმე,“ დანაღვლიანდა, მიყუჩ-  
და და, წყნარის ხმით დაამატა მერე, რომ თავად ეს დროც, ეს წყე-  
ული, ისე გადის რომ, ყოველი წამი იმ ოხრობასთან მიახლოებაა,  
და რავინდ ბევრი იცოცხლო კაცმა, თურმე, „იმ მარადიულ დროს-  
თან შედარებით. არც საწყისი რომ არა აქვს და არა აქვს ბოლოც,  
მთელი ცხოვრება აი იმაღთან შედარებით სულ დიდი-დიდი მცირე  
ფინჩხაა ნაკლები წამის, — და, კიდევ მეტად მოიბუზა. მერე კი  
თითქოს გამხნევდასავით, თავი ასწია გვერდითა წრეელმა, ჯიბესთან  
მარდაღ, უნებურად გაიკრა ხელი, მოყაჩაღდა და, საკვირველებავ,  
აეს სტრიქონიც დაამატა: „მაგრამ რადგანაც კაცნი გექვიან — შვილნი  
სოფლისა...“, ამიტომ, კაცად რომ ეგრძნო თავი, „ამ სისულელეშიც.  
ამ გაელვებაში, გადაპრანჭულად „მთელი ცხოვრება“ რომ ჰქვია და  
ისე კი ჯანდაბლავენ მიჩინდრიკობს, ნუთუ ამ წამისწამობაში თლათ

პატარ-პატარა სურვილთა დაკმაყოფილების უფლება არ უნდა გქონდეს?.. მოდი აქ ბიჭო!“ — მკაცრად გასძახა და მაშინვე გაკვირვებით ახედა თურმე ისედაც იქვე მყოფ, თავით წამომდგარ ოფიციანტს, კარგა ხანს მის ზურგს უკან რომ გახევებულიყო, და უცხო აზრთა პირდაღებულად მოსმენისას ხელთ რომ შეგრილებოდა „ოსტრი-სალიანკა“.

არჩილს კი, ბოლო დროს მაინც, სულ უფრო და უფრო ახსენდებოდა აის ამბავი, ბავშვობისდროინდელი, იმ ვრცელ ქალაქში, მანქანათა და ფეხოსანთა დიდარეულობისას, მეხად განცდილი — რომ ყველა ისინი, ესე იგი ჩვენ, რიგითი და ურთიერთისთვის სრულიად უცხო ადამიანები, რაღაც უხილავი, სათუო ქსელით ვართ ერთიანობაზე გადაბმული, გადაჯაჭვულნი, რომ ერთმანეთზე, გინდაც არ ვიცნობდეთ, დამოკიდებულები ვართ. მაგრამ ეს არ უნდა ყოფილიყო სავსებით სწორი, აგველო თუნდაც, აი ეს მართა — ხომ კარის მეზობელი იყო არჩილისი, მაგრამ, აბა რა საერთო ჰქონდათ... თუმცა კი, რაღაც მაინც გააჩნდათ — მართა ხომ უშოს აწყენინებდა და უშოს ცუდი გუნება-განწყობა წრეელებზედაც გადადიოდა, აი ამამში იყო მაინც პატარა საქმე... ისე კი, მართასთან, მანამდე — მხოლოდ „გამარჯობა-გაგიმარჯოს“ და სხვა არაფერი, მაგრამ ერთხელაც, შინ რომ ავიდა არჩილი და, ზაფხული იყო, ცოლ-შვილი აგარაკად ჰყავდა, გასაღებთ-აცმა რომ მოიმარჯვა, კეფაზე უცხო მზერა აეწვა, მიიხედა და, ერთბაშად თავდახრილი, დამორცხვებული ედგა ზურგს უკან ხნიერი მართა. ეს არჩილი კი, გაკვირვებული მთლად, ზემოდან ფართოდ დაჰყურებდა და მერე კი მართამ როგორც იქნა და, სძლია სიმორცხვეს, ასწია თავი, აჰ, რა ვედრებით ამოსცქეროდა, და ასე უთხრა: „ნეტა მოვკვდებოდე...“ და ჩაქინდრა თავი. არჩილი ერთი პირობა ძალიან დაიბნა, მაგრამ თავს მოერიდა და როგორც შეეძლო, ანუგეშა: „აბა ეგ რა საკადრისია, პატივცემულო...“ მაგრამ მართამ კვლავაც ახედა, რაღაცნაირი ბევრმაგი მზერით, და უცნაურად გაიმეორა: „ნეტავი მოვკვდე“. „გიჟია, სულელ-ოხერტიალი? — გაიფიქრა არჩილმა. მერე, შინ რომ შევიდა. — მე რა ნებართვებს მეკითხება, აილოს და ასე თუ უნდა, მოიკლას თავი“. მაგრამ აქ ისიც გაახსენდა, მართა ამას რომ დიდ ცოდვად სთვლიდა, თურმე, „მერედა, მე რა შუაში ვარ, აილოს და ნუ მოიკლავს თავს“, მერე კი გაღიზიანებამ სულ გაუარა, რადგან ზღვიპირობანა მოახლოებულიყო და ახლა საღამოობითაც კი ვარჯიშობდა, ოღონდ უპია-

ნისტროდიონოვოდ. მერე დროულად ჩართო ტელევიზორი, ფეხ-ბურთს გემოზე წამოწოლილმა უყურა, თან ცივ კომპოტს დროდა-დრო სვამდა — კარგი რამეა აგვისტოში; მერე ერთ ათვისებულ ქალს დაურეკა და ორგანიზმის მოთხოვნილება ხვალისათვის დათქვეს (ხვალ: „მოდის აქ ჩემთან, მოდი აქ ქალო“), ძილის დროც რბილად რომ მოახლოვდა — მთქნარებამ ამცნო, შიშველა ტანზე მხოლოდ ზეწარი წაიფარა, ისიც — მუცლამდე, ნავარჯიშეზე, ხელები უკან, მადიანად, დანებებულევით გადააგდო და გულადმა, წყნარად, უშფოთველად, მთლად აჩისავით ჩაეძინა, ოდნავ ფშვინავდა ერთხანს, და მერე ძალიან ნელა, მაგრამ ღონივრად წამოიძარბა, არა, სიზმარი ეს არ იყო, საწოლზე ფართოდ თვალგახელილი იჯდა და ოთახისეულ სიბნელეში რაღაც საზარლის გამორჩევას ძაან ცდილობდა, მაგრამ იქ მაინც ვერაფერი მოიძია და უცებ, ფანჯარასთან მომდგარ სულიერს ჰკიდა თვალი და, გაოგნებისგან, „ჰაჰ!“ — შესძახა კიდევ — აქ, ამ შუა ქალაქში, კარგ რაიონში, რა უნდოდა და ესაქმებოდა ღრმა წყალთა ურჩხულს, თან, მრისხანესა და მუქარიანს კი არა, არა — შეწუხებული, რა უზარმაზრად შეწუხებული, დიდ გამობურცულ სევდიან მზერას რაღაც უმწეოდ, მთლად უილაჯოდ ატრიალებდა, უცხო ვაებით არიდებდა თვალს, და კლანჭებიან თათს თუ რაღაცას, სახესთან ტანჯვით იტრიალებდა, და მთელი სახე ეთქმოდნა თუ რა, დიდად ღონიერი, ახორკლილი, გარედანაც კი ეტყობოდა, ძლიერ ღრმა ქერკლით დაფარვოდა და თავი ვედრებით სადღაც ზემოთქენ რომ ასწია, საკვირველებავ, ახლად გამოჩენილ ყელისავე მძლავრ აბჯარში მკირე ადგილი აქერცვლოდა, და მოვარდისფრო, ღრმად სათუთ კანზე ორად-ორი რამ სიტყვა ეხატა, ლამაზად, მკაცრად. რომელთაგანაც მხოლოდ ერთი გამოარჩია, მისთვის წუნკალი: „არა“... და, მეორესაც რომ შეაკვირდა, თითქოს დეფიზით სიგრძემომამატებულს, ველარაფერი ამოიკითხა, ალბათ „იპარო“, ან „იმრუშო“ ეხატა ჩვილ კანს, და მთლად თვალებად გადაიქცა, მაგრამ ფსკერთა მაუწყამ მეორე თათიც ამოიწვდინა სადღაც სიღრმიდან, მალა შემართა. აიქიდან კი, კლანჭებიდან, რაღაც ლორწოდ შედედებული სითხე ძალიან ნელა, დიდწვეთობით, და მწვანე ფერის ტანჯვად სდიოდა, და ზედ მეორე საშიშ სიტყვაზე ეღვრებოდა და სულაც დაფარა, არჩილმა ისევ აის მშველელი — „არა კაც-ჰკლა“ გაიხსენა და, აქ კი ფანჯარისამ პირველად, ერთხელ, კვლავ წამებით და თანაგრძნობით, ოღონდ თვალეში წამით შეხედა, და, დაიძირა, სულ ბოლოს — თათით...



გამთენია-ხანს არჩილს შშვენივრად ეძინა, მერე ყოჩაღმა მადვი-  
ძარამ წამოახტუნა, მოგეხსენებათ, რაცაა სისხამი დილა — კაი გან-  
წყობა, ოქროყანაში თუ ძმაკაცისას, სხვა წრეელებთან ერთად, ახლა,  
ზაფხულის გამოისობით, მონატრებული რამ სითხე — ხაში გელის  
(ზაფხულში ხომ აეს წენიანი — ათასში ერთხელ), და მერე ისიც მო-  
აგონდა რომ, ნიორს მაინცდამაინც გემოზე ვერ გაუტრევედა საჭმელს,  
რადგანაც მერე, ამ შინაარსიან კვირა-დღეს, ათვისებული ქალიც  
დაეგეგმა, ეგ არაფერი, მცირენივრობა, და ონკანისეულმა რალაც-  
ტყვე წყალმა ზღვათა ურჩხული რომ გაახსენა, აი ესეც კი არაფერი,  
ოღონდ სიზმარი ცოტა მსუბუქად გაუკვირდა — აის ურჩხული რამ  
დაასიზმრა, რომელი ფსკერთა აქვალანგისტი თავად იყო, უცნაურია  
სიზმარი მაინც, ჰეჰ... გასაპნული სახე გულისყურთანად ჩამოიპარს-  
აიპარსა, საგულდაგულოდ შეიმოწმა და, ის იყო, კარგა გამოეწყო და  
შარვალზედაც კობტად შეიბნია ბოლო დილი, ახალი წრეელის მან-  
ქანამაც დაიპიპინა. თავი ფანჯარაში გაპყო, მხნედ ჩასძახა რომ, ჩაირ-  
ბენდა ხელათ, ბინას მოავლო ფხიზელი თვალი — რაიმე ჩართული ან  
მოშვებული არ დარჩენოდა, კარის სახელურს ჩასჭიდა ხელი, და  
კარსიქითა რალაც ხმაური რომ შემოესმა, აქ კი ცოტათი, სულ ცო-  
ტათი, ოღნავ შეცბუნდა — ძალიან ადრე, ადრიანი დილა გახლავდათ  
რადგანაც — და კარის ავ-კეთილსტუმარგამოსცნობო მინის პაწია  
ჭუჭრუტანაში გაიხედა და, დაინახა მართა! იდგა და თითქოს ვილა-  
ცას უცდიდა, ჩაექინდრა თავი. არჩილმა კარი ყოყმანის შემდეგ  
მხნედ გამოალო, არც მისალმებია, და კიბის ჩარბენამდე ერთი სული  
კი ჰქონდა, მაგრამ ოთხმაგად მაინც ხომ უნდა დაეკეტა კარი და,  
რომ შემობრუნდა, მართა ერთი საფეხურით დაბლა დამდგარიყო,  
რალაც ვედრებითაც აეწია თავი, აპყურებდა. არჩილი სრულად დაიბ-  
ნა და, მერე კი თითქმის უგანა, მაგრამ მართა იქაც გადაეღობა, და  
რალაც ხვეწნით, მუდარით უთხრა, ძლიერ ღელავდა: „ნეტავი მოვ-  
კვდებოდე...“ — როგორ საბრალოდ, და რა ვედრებითაც, ამოსტქე-  
როდა, კი, მაგრამ აქ უცებ, საკვირველებავ, რა დაამატა: „შენ მდი-  
დარი ხარ... ნეტავი მოკვდე“.

ვიდრემდე კიბეს ჩამოათავებდა, გაბრუებული იყო. სულ არ ახ-  
სოვდა სიტყვა „მდიდარი“, ყველაზე მეტად ამ მცირე სიტყვამ —  
„შენ“ — გააოგნა როგორ! აშკარა იყო, მართას უზრდელობით არ  
მბსვლია ეს, რალაც სულ სხვა რამ იყო ადამ სიტყვაში — აი ის  
მართა, მეზობელი, იახლოვებდა!

„რა დაგემართა, — ჰკითხა მერე გვერდითა წრეელმა, — რაღაც ვერა ხარ“. „ჰა? კი, ვერა ვარ...“ — თქვა არჩილმა და მანქანის შუშა ჩამოსწია. ზემო ქუჩებით გადადიოდნენ სოლოლაკისკენ, ქალაქი ცოტა ქვემოთ მოჩანდა, ჯერ ხომ არ იყვნენ უფრორე მალლა. მერე არჩილმა მთას ახედა და იმ ნელ ტრამვაის მოჰკრა თვალი, მიაჩერდა, აჰ.

— მე აქ ჩამოვალ.

— რა იყო, კაცო.

— ტრამვაით ავალ.

— რატომ, შე კაცო.

— რაღაც წნევა მაქვს.

— მერე, ტრამვაით უნდა იჩაქჩაქო? ხელათ ავეგრიალდებით.

— სწორედ მაგიტომ... — თქვა არჩილმა, რაღაც სწყუროდა, — წნევას არ უყვარს ძალიან სწრაფად ამალლება. და ტრამვაით ამოვალ, ნელა.

— რა განსხვავებაა, კაცო.

— ნელა ამოვალ. თან, შუაგზაზეც ჩერდება ცოტა... მამა-და-ვითხე.

— მაშინ სულ ზემოთ დაგიცადოთ?

— არა.

— აბა იქიდან როგორღა მოხვალ.

— დავიჭერ რამეს. ანდა, ფეხით წამოვალ სულაც... იქვე არაა?

— რა არი იქვე...

— გააჩერე, გააჩერე.

და თუმცა ახლა ფუნქიულიორის ქვედა სადგურზე სულ სხვა, ახალი, მამინაცვალევით შენობა იდგა, მაინც ის იყო, აის ადგილი, ბავშვობის მთელი ორი გრძელი წლით უფროსი დედუფალი „ნ“-ს აიმ პირველმა სიყვარულმა რომ მოიყვანა. ის რანაირი იყო მაინც ის შეყვარება ძალუმი ისე, განა აჩიკო როდესმე წარმოიდგენდა, სარკეში თუ მალულად დაითვალეებდა თავს? ანდა, მთლად უარესი — ვარცხნილობის საუკეთესოებაზე დიდხანს ეფიქრნა? გაფრთხილებოდა პერანგს და შარვალს? იმდენის მომსწრე ხელისგულზე, დაფასთან ჩამოსაკაკლავი ისტორიული თარიღების ნაცვლად, დაეწერა „ნ“? შატალოზე რა, მახლობელ კინოში თუ წავიდოდნენ იმისი კბილა ბიჭები, აჩიკოს კი რაღაც სხვა სურდა, რაღაც ამალლებულად განსაკუთრებულსა სთხოვდა შეძრული გული და, მოიფიქრა — ფუ-

ნიკულორზე ასევე გადასწყვიტა და პატარა კაციც ისე საეჭვოდ მყისვე დაეთანხმა, აჩივრით ერთი კი გაიფიქრა: „ესეც ხომ არ... შეყვარებული ხომ არ...“, და უცებ, სასტიკი განცლით აიწეწა: „და ამასაც ხომ ის ხომ არ!...“ მაგრამ აჰ, არა, არა, კაცი ისეთი დაბალი იყო, კლასელებს მხრამდე ძლივას სწვდებოდა, ჯერ პიონერსაც კი არ ჰგავდა, იმას კი, იიმ, კომკავშირელ „ნ“-ს, წესით და რიგით თუნდაც ფიქრობრივ აბა რანაირად შებედავდა, მაგრამ ძნელი იყო კი, აჰ, სიყვარული, და აჩივრით მაინც გამოსცა და ძმებიც, თუმცა ლელავდა, ხმადაბლა ჰკითხა: „ნ?“ „რა?“ — შეატყვევდა პატარა კაცი. „არა, არაფერი...“ — და გაიფიქრა — „კარგი ბიჭია“.

აი, სწორედ იქ სურდა ნელინელ ასევე, პატარაობის დიდსურვილებთან, მაგრამ ჯიბეზედ მხოლოდ ხელის სილამაზენი ჰქონდა, და სალარო! თან რომ დაიხარა, ერთ-ერთი მაინც გაიწოდა და მოლარემ კარგა გაკვირვებით ახედა და, არჩილი მერე რომ შეწუხდა — „რა ექნა, სხვა არ მაქვს“, რალაცნაირად, სანდო იერზე, სოფლიდან შედარებით ახლად უნდა ყოფილიყო ჩამოსული ქალი, უთხრა: „ისე მიბრძანდით, ჩემო ბატონო“.

მერე იყო და, ე-როგორც მაშინ, იყო ნელი ტრამვაი, სამიოდ მგზავრი, ვილაც სამხედრო, ლითონის ბაგირის წყნარი ღრქიალი, მაგრამ შორეულ ტყეთა ნაცრისფრობისა და შემოდგომურად დუნე სიყვითლის ნაცელად — ახლა სიმწვანე, მარადი ფერი. მაგრამ ამ უნდო, ამომწუწნავი აგვიტოთი როგორღაც ერთობ დაბზარული და დახეტქილი; სამაგიეროდ, როგორც ახლა. მაშინაც ასე გასუსულიყო ისიც და კაციც, რადგან თბილისი, მათი ქალაქი. ზემოღან ძლიერ გადასხვაფერდა — რალაცნაირად, გაიშალაც და დაპატარავდაც, მაშინ თბილისზე კრამიტინი სახურავები უფრო სქარბობდა, და უფრო ვიწრო, შინაურული ხილები იყო მტკვარზე გადებული, და კანტიკუნტა მანქანები იტაცებდნენ თვალს: სანუკვარ ეზოს, სადაც ცხოვრობდა დედუფალი „ნ“, როგორაც მაშინ ჩვენი აჩივო. ახლაც ამოდ დაეძებდა არჩილი, ანდა სად იყო ნეტავ ახლა ის პატარა კაცი. სკოლის შემდეგ რომ აღარც ენახა. მერე პარკისკენ გაიხედა. სადაც რომ, ადრე, გაშოჩენილი რამ გასართობი — აწონ-დაწონ დიდი ბოქლომითა და ჯაჭვით საიმედოდ დაებათ, ახლა კი, აუჰ, რალანაირი გამოგონებანი — „ეშმაკის ქარბორბალა“ და მსხვილმან-დიდრონი ატრაქციონნი, იდგა, ვილაც ახსოვდა ის „აწონ-დაწონ“, არჩილმა ისევ დახედა ქალაქს, რალაცა იყო ის სიყვარული. გაუბტყუნარი. და. საერ-

თოდაც, ეპ, სიყვარულში დიდი რამ იდო, და როცა ახლა დაჰყურებდა მშობლიურ ქალაქს, აიშვებოდა ათრთოლებული რაღაცა დიდი, ამაღლებული, გამოსასწორებელი რამ მოენატრა, როგორც თავისთვის, უფრო რე — სხვისთვის, ჯიბეზე შიშით მოისვა ხელი და, უკვე იცოდა, რას ჩაიდენდა, რასაც იზამდა, იცოდა უკვე!, მაგრამ ტრამვით ჩაბრუნების თავი აღარა ჰქონდა, ეგერ არ იყო საბაგრო გზა? მაგრამ იქ მხოლოდ კონტროლიორი დამდგარიყო, რაღაცნაირად, ქალაქური მგელი, და ხურდა თუმცა იმასაც არ აღმოაჩნდა, მაინც გაუშვა, ოღონდ უხეშად და დამადლებით:

— კარგი ხო, წადი.

სწრაფად, ჰაერით ბრუნდებოდა ძირს, გადმოვიდა და ხეული გზით ჩავიდა დაბლა, ზემელზე იყო, ქუჩა გადასჭრა, მერე მანქანის დაქერისა მოერიდა — მაინც ითრევედა ფეხს, და ტროლეიბუსში რომ ავიდა, მესამედაც რომ არ ბოძებოდა სიტყვიერი წყალობა, კონდუქტორისკენ ზურგშექცევით, საღდაც კუნჭულში აიტუნა და თავისი ძნელი გაჩერებაც რომ მოვიდა, ჩავიდა არჩილი.

ის აღიოდა თავისი სახლის კიბეზე, რადგან ლიფტი ჯერ კიდევ არ მუშაობდა, ადრე იყო ისე, მაგრამ შინისკენ არა, არა, ცოტათი განზე, და გამოლიავებულ კარში ის დაინახა, ვინაც უნდოდა — საწოლზე იჯდა ხნიერი მართა, სულ მუდარადქცეული შეჰყურებდა და, ის რომ შეატყო სახეზე არჩილს, რაც რომ მას სურდა, საწოლზე წყნარად გადაწვა ხნიერი ქალი, ბილიკივით ჰკვიანი, მართა, პირქვე დაემხო, რაღაცნაირად, სანახევროდ იწვა, რადგან ფეხები იატაკიდან სულ ოდნავ ახლოს ჩამოჰკიდნოდა, არჩილი იდგა, მერე გადადგა ნაბიჯები და, იქამდე აყოვნებდა, სანამ მართას ცალ ფეხზე გასძვრა რაღაც უწყინარ-სულელურად ფერადი ქოში, მაგრამაც წინდა ცერთან დაკემსილი ჰქონდა და ამის დანახვაზე არჩილმა მალლა შემართა ხელი და შიგ კისერში ღონივრად ჩასცა თავისი გრძელი, წვრილი დანა და მერე აღამიანში საკმაოდ დიდხანს ატრიალებდა.

## **ს ა რ ჩ ე ვ ი**

<b>მხიარული გორცვი</b>	<b>3</b>
<b>ჩემი გუფუტა, ჩვენი ტერეზა</b>	<b>33</b>
<b>ვატარ(აკ)ლოო, ანუ ალღენითი სამუშაოები</b>	<b>101</b>
<b>ბანსმღომი შუაპაცი</b>	<b>195</b>

ს. ბ. № 1060

რედაქტორი ნანა გოგოძე

მხატვარი ვ. რურუა

მხატვრული რედაქტორი შ. დოლიძე  
ტექნიკური რედაქტორი ლ. ქვარცხავა  
კონტრ.-კორექტორი ლ. სულთანიშვილი  
კორექტორი მ. სიმონიშვილი  
გამომშვები ლ. ხაზარაძე

გადაეცა ასაწყობად 19. 11. 83

ხელმოწერილია დასაბეჭდად 11.07.83

ანაწყობის ზომა 6×9

ქალაქის ზომა 60×84<sup>1</sup>/<sub>16</sub>

ნაბეჭდი თაბახი 13,95

საღებავგატარება 14,06

საბეჭდი ქალაქი № 1

სააღრ.-საგამომცემლო თაბახი 12,21

ტირაჟი 10.000

უე 00428 შეკვ. № 1099

ფასი 75 კპ.

გამომცემლობა „ნაკადული“, თბილისი, მარჯანიშვილის 5.  
Издательство «Накадули», Тбилиси, ул. Марджанишвили, 5.

Тбилисская типография № 4. Госкомиздата  
Грузинской ССР. Тбилиси 380060. Медгородок II корп.  
საქართველოს სსრ გამსახეობის, თბილისის № 4 სტამბა  
380060, მედქალაქის II კორპ.

**Дочанашвили Гурам Петрович**  
**В стороне стоящий посредник**  
**(На грузинском языке)**  
**Детюнздат Грузинской ССР**  
**«Накадули», Тбилиси, 1983**